







BX

2349.

.D74

1715

JESUITICA

J. B. Keijnoogen



H. DREXELII.

s. J.

R O S Æ

Selectissimarum

Virtutum

quas

DEI MATER

ORBI

EXHIBET.

PARS SECUNDA.

OPERUM

TOMUS XIV.



COLONIAE,

Apud BALTHASAREM
ab EGMOND.

MDCCXV.

THE DRY EXHIBIT

NO 2 A

24th September

Yr Honr

Dear Sir

DEAR MATE

ORBIT

THE X H I B I T

PAGE SEVEN

OF THE

TOMBS XIV



COLORED

THE DRY EXHIBIT

24th September

Yr Honr

UPPER LIBRARY:
R O S Æ

ASCETICAL WORKS
Selectissimarum Virtutum,

Quas

D
Dei Mater Orbi exhibet,

P A R S I I.

BOSTON
Ser^{mo} utriusque Bavariæ Duce, S.R.I.
Archidapifero, Electore,

M A X I M I L I A N O,

Et Ser^{ma} Coniuge

E L I S A B E T H A,

Explicata

COLLEGE
H I E R E M I A D R E X E L I
è Societate J E S U.

DOMESTIC
ANTVERPIÆ,

Apud Viduam J

LIBRARY
C N O B B A R I.

ANNO M. DC. LII

248.11

HIGH SCHOOL

BOSTON

Boston College

DOMESTIC

LIBRARY

NICH SCHOOL

PARS ALTERA

ROSARUM.

CAPUT PRIMUM.

Rosa Trachinia,

feu,

Prudentia.



THEOLOGORUM anti-
stes Thomas Aquinas à te-
neris unguiculis miro affectu
in Domini Matrem fereba-
tur, quem in ipsis etiam cu-
nis exhibuit. Nam etiam-
num infantulus, cùm lavandus esse, char-
tulam humi temere abjectam arripuit,
eamque manu arte compressit. Nutrix
schedulam lavando è manu subtrahere
nitebatur, sed frustra. Nam infans, quan-
tis potuit lacrymis, chartam defendit. Ita
lotus est. Mater recognitâ infanti post ad-
hibitum balneum blandâ & tamen diffi-
cili dexteritate è digitis chartulam subtra-
xit. In hac perscripta erat Angeli ad bea-
tissimam Virginem salutatio. Nec ces-
sabat infans : ademptam chartulam con-
stanti fletu repetiit, redditam mox de-
glutivit.

Id porrò nec miraculo nec mysterio va-
care plerisque visum est, quòd eximius

INDICULUS
IN
ROSAS.
SECUNDÆ PARTIS.

- I. Rosa Trachinia, seu, *Prudentia*.
- II. Flava, seu, *Lectio sacra*.
- III. Milesia, seu, *Diligentia*.
- IV. Cali Rosa, seu, *Desiderium cali*.
- V. Silvestris, seu, *Patientia*.
- VI. Centifolia, seu, *Resignatio, Indifference*.
- VII. Candida, seu, *Sacra communionis devotio*.
- VIII. Coroneola, seu, *Spes*.
- IX. Græca, Lychnis, seu, *Paupertatis amor*.
- X. Purpurea, seu, *Mortificationis studium*.
- XI. Gracula, seu, *Misericordia, Compassio*.
- XII. Alabantica, seu, *Verecundia, Modestia, Pudicitia*.
- XIII. Hierichuntina Germaniæ, seu, *Obedientia*.
- XIV. Spineola, seu, *Humilitas, Animi submissio*.
- XV. Hierichuntina Palestinæ, seu, *Charitas Dei*.

§. I.

Prudentiam Rosæ, quæ *Trachinia* dicitur, non immeritò comparamus. De hac naturæ scrutator Plinius : illius, inquit, genera nostri fecere celeberrima, *Prænestinam* & *Campanam* : proximam ei *Trachiniam* minus rubentem, albicantibus foliis. *a* Huic simillima est *Prudentia*: non ea nimium rubet; pallidula est, quia semper circumspecta & cauta. *Prudentia* in ratione practica, inquit D. Thomas, consistit. Addit: Sicut ille qui ratiocinatur bene ad aliquem finem particularem, puta ad victoriam, dicitur esse prudens, non simpliciter, sed in hoc genere, scilicet in rebus bellicis: ita ille, qui bene ratiocinatur ad totum bene vivere, dicitur *Prudens* simpliciter. *b* *Prudentia* porro, ut sanctus Doctor affirmat, est recta ratio agibilium, seu, Sapiencia in rebus humanis. *c* Hinc *Aristoteles*: *Prudentia*, inquit, in sensu interiori consistit, qui perficitur per memoriam & per experimentum ad promptè judicandum de particularibus. *d*

Prudentia virtutum omnium gubernatrix: nam, ut princeps Theologus loquitur, virtutes omnes adjuvat, & in omnibus operatur. *e* Hoc illud divinum animi

a 4 aurum

a Plin. l. 21. nat. histor. c. 4. initio.

b S. Thom. 2. 2. q. 47. a. 2. concl. & ad 1.

c Idem q. ead. art. 2. & 3.

d *Aristoteles* tom. 5. l. 6. Ethic. c. 8. fine.

e S. Thom. dicta q. a. 5. ad 2.

olim futurus Ecclesiæ Doctor in eam chartulam primus incidisset, tanto eam conatu retinuisset, non dimissurus, nisi vis inferretur. Quod quidem non obscurum fuit argumentum, huic infantulo post aliquot annos & scientiæ laudem, & virginitatis florem à virginum virgine impetrandum. Et vero Thomas suos in hanc Matrem amoris plenissimos sensus, cum libris aliis, tum præcipuè opusculo *a* de Angeli ad Virginem salutatione, insignissimè declaravit. *b* Ita mature urunt urticae, ita vix natæ redolent Rosæ. Ita pietas & prudentia subinde annos prævenit nec in morte moritura. Virgo beatissima illud è cælo *Ave* humanæ genti impetravit, quod ad cælestem nos sapientiam & prudentiam erudiret. Siquidem Virgo ab Angelo inauditis laudibus affecta, & Dei Mater jam pronuntiata, prudentissimè quæsit: Quomodo fiet istud? quomodo, Angele Dei, quomodo & Mater & Virgo sim? Interrogatio prudentissima. Nam sui propositi sibi conscia non prius cælesti nuntio assensa est, quam edocta sit, futurum ut virginitate pareret inoffensa.

In hac igitur Parte alterâ prima Matris Virginis virtus occurrit explicanda *Prudentia*. Et de hac, more jam instituto differemus.

Pru-

a Quod editum minore formâ.

b Vide *Ant. Spinell. cap. 35. pag. 515.*

loquebatur, cogitabat qualis illa esset salutatio. De una & panè sola hac Virgine jure meritissimo cantabunt templa: Hæc est Virgo sapiens, & una de numero prudentum. Quid enim, inquit Bernardus, non sapiebat Maria, in quâ Dei sapientia latebat? Hæc abditissima mysteria nec Apostolis, nec Prophetis, sed neque Angelis satis cognita intelligebat. Apostolos certè in plurimis erudiit, iis præcipuè, quæ ad Christum in utero conceptum, in stabulo natum, in Nazarethana domo educatum pertinebant. Prophetas eo superavit hæc Virgo: nam illorum aliqui de præteritis vaticinati. Ita Moses: In principio creavit Deus cælum & terram. De futuris aliqui. Sic Isaias: Ecce, inquit, Virgo concipiet. De præsentibus alii. Ita Ioannes: Ecce, agebat, ecce Agnus DEI. Mater Domini hanc triplicem gratiam conjunctim habuit. De præterito namque sic vaticinatur: Suscepit Israël puerum suum. De futuro: Beati mei dicent omnes generationes. In nuptiis Canæ præscia miraculi: Quæcunque, ait, dixerit vobis, facite. De præsentem: Fecit mihi magna, qui potens est, Latentem utero filium monstravit, Agnum suum in præsepi decumbentem orbi universo exhibuit.

Porro Angelos superavit, quia supremi Angeli arcanum istud Christi in utero concepti, per infusam inspirationem, ut Theologi loquuntur, à Deo hauserunt, medii à superioribus, per traditam illuminationem, infimorum saltem aliqui ab Apostolis

aurum est, hæc illa virtutum princeps, quæ reliquis omnibus utitur, atque ipsarum ordinem, modum & occasionem tanquam oculus mentis undequaque perspicacissimus ostendit.

Beatus Ephrem Domini Matrem laudaturus, Principem omnium prudentissimam & sagacissimam vocat. Damascenus, Sapientiæ thesaurum nominat. Illa paradisi hortulana Eva nimium credula simplicitate & inexpiabile panè imprudentiâ serpentis facundiæ cecidit, Hanc imprudentiam Mater Domini correxit, cùm ad Angeli affatus prudentissimè subiecit: Quomodo fiet istud? Hinc Ecclesia Virginem in cælum evectam velut interrogans: Quò inquit, progredieris Virgo prudentissima? Quòd si, Salomone teste, qui moderatur labia sua, prudentissimus est. *a* Virgo præ omnibus prorsum hominibus longè prudentissima erit dicenda. Imò verò si in hac virgine, quod miremur, aliud non sit, quàm quòd tam prudenter loqui, tam opportunè sciverit tacere, posset ea nihilominus *Miraculorum miraculum*, prodigiorum mundi prodigium maximum appellari.

Bernardus Virginitatis cultor eximius solerter ad calculum revocavit, quoties Virgo ab Evangelistis memoretur locuta, tecum Deo, bis cum Angelo, bis cum hominibus. Verè diffusa est gratia in labiis illius. *b* Ergo quæ labia sic moderari potuit, planè prudentissima fuit: nam antequam loque-

a Prov. c. 10. v. 19.

b Psal. 44. v. 18.

scientiam ejus , & dicebant alter ad alterum: Non est talis mulier super terram in aspectu, in pulchritudine, & in sensu verborum. *a* Hæc longè verius de Heroide illâ dicuntur , quæ Holofernem ab inferis sub jugum misit , quæ stygii serpentis caput contrivit, quæ Apostolorum magistra fuit. Hæc illa sapientiæ domus est, in quâ sibi sapientia columnas septem excidit , cùm in eâ septem Spiritus divini munera collocavit.

Hebræus Ezechiel : Ista est , inquit , lex domus in summitate montis , omnis finis ejus in circuitu sanctum sanctorum est. *b* Omnia in Virgine sanctissima. In Regum fastis prædicatur Thecuitis , quòd Absalonem filium prudenter in gratiam restituerit apud parentem. Laudatur Bethsabea , quod prudentia sua Salomonem plurimum juverit , ut paternum solium adipisceretur. Rebecca quoque prudentia effertur , quæ filio modum tradidit impetrandæ à patre benedictionis. At omnis harum solertia cum Prudentia Mariæ conferenda non est , quæ omne humanum genus Deo reconciliavit , quæ nostræ mortalitatis pelle Filium Dei vestiit , ut à Patre benedictionem largissimam impetraret.

Romani veteres Prudentiam pinxerunt vultu triplici, ut quæ tria potissimum tempora, præteritum, præsens, futurum complecteretur. De primo Salomon: Qui congre-

a *Judith* c. 11. v. 19.

b *Ezech.* c 43. v. 12.

stolis cognorunt. Non obscure divinus Paulus id significans : Ut innotescat , inquit , principatibus & potestatibus in cælestibus per Ecclesiam , multiformis sapientia Dei. *a* Hoc gentis humanæ decus Maria excellentissimè cognovit modo triplici. Primo quidem per afflatum divinum : quod pulchrè dixit Bernardus illi soli datum nosse , cui datum est experiri. Deinde per Angelum , qui Virgini dixit : Spiritus sanctus superveniet in te. Perinde si diceret : Scies utique illo doctore, quo & actore ; Hunc interrogabis , & respondebit tibi. Tertio per experientiam prorsus felicissimam : siquidem æternam sapientiam corpore vestitam suis spectavit oculis , suis tractavit manibus , suis appressit uberibus. Hinc verè Virgo prudentissima.

a Ephes. c. 3. v. 10.

§. II.

In Regum fastis commendatur Abigail mulier prudentissima & speciosa. *a* Sed nihil illa ad hanc Virginem , sub cuius linguâ mel & lac ; favus distillans labia illius : non enim effundebat verba , sed stillabat. Cujus testis Ambrosius : Corde humilis , verbis gravis , animi prudens , loquendi parcior , legendi studiosior. En quam sibi familiariter jungantur verborum parsimonia & laudabilis prudentia. Iuditham ipsi hostes curiosius contemplati , mirabantur ad sapien-

a 1. Reg. c. 25. v. 18.

nisse, agere præsentia, futura cavere debet. Nos plerumque circa præsentia occupati sumus. Ad tempora malè exacta inviti revocamus animum. Ille qui ambitiose multa concupivit, superbè contempsit, insidiosè decepit, avarè rapuit, prodigè effudit, libidinosè invasit, necesse est memoriam suam timeat & fugiat. Huic ergo primus Prudentiæ vultus deest, quo respiciat præterita. Fortassis & tertius quoque deest, quo prospiciat futura, & imminentem consideret æternitatem. Non enim tam videndum, quid in præterita blandiatur, quàm quid deinceps è re futurum sit. Eo nos impellens Augustinus: Prudentia, inquit, docet te, ut quæ non potes perpetuo tenere, fructuose permittas abire. Prudentia docet, ut in cunctis semper idem sis, tam in prosperis, quàm adversis. Prudentia promissa accelerat, & amplius quàm promissit, præstat. a Ab exemplis res patebit.

a Aug. serm. 4. ad Frat. in eremo.

§. III.

Moses, antequam Hebræi agminis Dux esse juberetur à Deo, regis Ægyptii Pharaonis exercitum contra Æthiopas duxit. Quâ in re illud cogitavit, quod non vulgarem hominis prudentiam argueret. Nam ut hostem opprimeret, priusquam is de adventu suo cognosceret, non per fluminis ripam, sed per interiora terræ expeditionem fecit: Quâ in re satis declaravit, quan-

gregat in messe, inquit, filius sapiens; qui autem stertit æstate, filius confusio-
nis est. *a* Dum vivimus, æstas & messis
est: minimum temporis spatium tam
pretiosum est, ut eo lucrari liceat, quòd
totâ prosit æternitate. Quid ergo agimus?
æstate non colligimus? stertimus? Pars
magna æstatis transiit. Nihilominus mul-
ta superest messis: obsecro, dum licet,
non feriemur.

Alterum tempus, quod Prudentia respi-
cit, est præsens. Ejus nos Salomon quoque
commonefaciens: Qui cum sapientibus,
ait, graditur, sapiens est. *b* Huic tali cogi-
tandum: Quæ mea sunt opera, cujus pre-
tii, quàm Deo grata? qui mei sunt socii? quòd
tandem tendo? quis itineris mei finis? ac
exitus erit?

Tertium tempus futurum, de quo pie
monemur à religiosissimo scriptore: Me-
mento semper finis, & quia præteritum
non redit tempus. Age, age nunc, quid-
quid agere potes. Dum tempus habes,
congrega tibi divitias immortales. *c* Boë-
thii scitum est: Rerum exitus Prudentia
metitur. Itaque si prudens fuerit animus
tuus, præterita cogita, præsentia ordina, fu-
tura provide. In tria hæc tempora vita di-
viditur: quod est, quod fuit, & quod futu-
rum est. Ex his, quod agimus, breve est:
quod acturi sumus, dubium: quod egimus,
certum. Homo frugi præteritorum memi-
nisse,

a Prov. c. 10. v. 5.

b Prov. c. 13. v. 2.

c Imit. Christi l. 1. c. 23.

Amasis Regis prudentiam quis non mireretur? Fuit is pænè ultimus eorum, qui priscis temporibus Ægypti regnum tenuere. Prudentiæ specimen Rex iste hoc etiam dedit. Cùm omnia Samiorum tyranno Polycrati prosperrimè fluerent, isque fortunam in cunctis indulgentissimam experiretur Amasis illi per litteras (ut fertur) jus omne veteris amicitiae remisit, testatus, absque dubio fortunam ei truculenter insidiari, cui tam indulgenter obsequeretur. Prævidit Rex prudentissimus Polycratis exitum. A primis certè diffidebant ultima. Nam Oroëtes Darii Regis satrapa Polycratem victum captumque morte, nec eâ communi, affecit; sed in cruce altâ suspensum, mirabile & miserabile orbi spectaculum subjecit. Proprium Prudentis est, oculos in ventura mittere; qui de futuro nihil præmeditatur, in omnia incautus incidit.

Epimenides Cretenfis (de cujus ætate ac somno fabulas Græcas non tangimus) cum Munichiam locum Athenis naturâ magis quam opere munitum vidisset, multis audientibus testatus est, nescire Athenienses quantas ille locus clades civibus esset allaturus; quòd si futura prævidere ac pericula cavere vellent, dentibus eum locum demolituros, si manibus non liceret. Præsagium hoc fuit, aut certè præmonitus prudentissimi. Nam eventus (quod satis constat) prædictioni non defuit. Nimirum murus aheneus est hominî Prudentia.

tum ingenio polleret ac prudentia. Fuit difficillimum hoc iter præ serpentum copia. Eorum plurimos hic tractus gignit, aliquot etiam genera quæ nusquam alibi reperiuntur, noxios omnes, & ipso aspectu horrendos, & in his quasdam volucres, ut non solum humi latentes insidientur, sed & sublimes ex improvise noceant. In hostem hunc venenatum Moses stratagema prudens & omnino dignum admiratione commentus est. Vim ibidum ingentem comparare pro magno habuit negotio. Est avis hæc serpentibus inimica: Ibides namque mansuetæ alites, contra solos serpentes, feroces. *a* Curaverat autem Moses caveas non paucas in arcæ formam, quas ibidibus completas secum defererebat, & sic exercitus iter à serpentibus securum reddebat. Specimen hoc fuit excellentis prudentiæ, quæ hoc potissimum suggerit, ut suum cuique malo antidotum maturè praveideamus.

Sed apparuit hominis ejusdem prudentia non vulgaris in Aaronis dignitate vindicandâ, cui cum sacerdotium tumultuose à populo abrogaretur, ille ut motus saviæ multitudinis, qui in horas gliscebatur, cohiberetur, nec frater temerè spoliaretur sacerdotio, disquisitionem rei non ad multitudinis studium, cujus proprium est, nihil sapere, sed ad Numinis voluntatem relegavit, cujus assensu dignitas fratri stabilita est, & competitorum impietas graviter vindicata.

Amasis

a Iosephus l. 2. Antiquit. c. 5. ante medium.

peritiam militandi perderet. Multò prius
prospexit Scipio , prædixitque hoc ma-
lum non sibi sed urbi obventurum. Inter
Christianos prudentior est , qui suis ante
omnia , dein alienis malis studet occur-
rere.

Prævidit & Hanno , nobilissimus Car-
thaginienſis Senator , ſecundi belli Punici
eventum ſuæ civitati fore calamitoſum.
Cum autem Mago Annibalis frater in cu-
ria referret , ducenta millia Romanorum
intra biennium ab Annibale caſa , qua-
tuor Conſulares exercitus deletos , ma-
gnam Italiæ partem ad Panos defeciſſe , &
quo major fides iis , quæ dicebantur , ac-
cederet , tres annulorum modios in curiæ
veſtibulo effudit , & ſimul Hannonem in-
terrogavit , an belli , quod in Italia gerè-
rent , adhuc poeniteret ? Hanno viciffim
percunctatus eſt Magonem : Ecquis ex
urbe Româ poſt tot clades acceptas ad
Annibalem veniſſet petiturus pacem ? &
an Romæ ulla pacis mentio facta dicere-
tur ? Negavit utrumque Mago. Ergo bel-
lum , ſubjungit Hanno , tam integrum &
periculoſum hodie , quàm à principio
fuit , cum Romanis habemus. Hinc ma-
ximè vereor , ſi (quod nolim) fortuna va-
riare cœperit , fruſtra pacem implore-
mus victi , quam nobis etiam vincentibus
nemo detulit.

Prudenter omnino & in rem civitatis , ſi
aures reperiffet tam excoctæ prudentiæ
capaces. Verùm & Hanno non tam ſibi
quàm aliis optima quæque prudentiſſimè
ſuaſit,

§. I V.

Sed quid proſit , ô Chriſtiani , ruituros parietes ſolenter inſpicere , & fulcra iis apponere , præcipitium ad inferos aut prævidere , aut ſedulo cavere nolle ? Fuerunt qui aliena mala prudentiſſimè præviderint , in prævidendis ſuis minus oculati.

Fabius ille Maximus , qui Punicos in Italia ſucceſſus non pugnando magis quàm cunctando fregit , ferocia Varronis Conſulis animadverſa , collegam ejus Paulum Æmylium multum diuque precatus dicitur , ne temere quippiam à Varrone fieri pateretur : prævidere ſe , niſi conatibus illius iretur obviam , brevi fore , ut aliquis in Italiâ locus ſupra Traſimenum & Trebiam Romana clade inſigniretur. Prudentiſſimè prævidit vir iſte , ſed aliena potius mala quàm ſua.

Non minus prudens illud ſapientiæ corculum Scipio Naſica. Romæ inter Patres agebatur de Carthagine funditus delenda ; exiitque ea conſultatio in longam & difficilem diſceptionem. Porcius Cato , cui antea Priſci nomen , cenſebat Carthaginem evertendam , ut Roma ſtaret incolumis. In hanc ſententiam multi pedibus ivere. At contra Scipio Naſica identidem conteſtatus eſt , viderent illi qui tam cupidè vellent Carthaginem exciſam , ne populus Romanus æmulæ civitatis metu liberatus in domeſticam incideret diſcordiam , aut certè peri-

virtutibus & vitiis subtilia multa tractantes, dividentes, definientes, ratiocinantes, acutissimè concludentes, libros implentes, suam sapientiam ventilantes, a plurimum laboris adhibuerunt assequendæ Prudentiæ, eam tamen nunquam assecuti. Hieronymus illorum conatus explicans : Reliquerunt, inquit, frequentias urbium, & suburbanos hortulos, ubi ager irriguus, & comæ arborum, ubi susurrus avium, rivus immurmurans, & fontis speculum, ubi illecebræ plurimæ cùm aurium, tum oculorum. Ne igitur luxu & rerum videndarum copia, vigor animi remollesceret, procul his omnibus degere voluerunt. Ita Pythagorei, quorum Musis solitudo visa est commodior, quam catus hominum. Fuerunt qui ipsum sibi oculorum usum interdixerunt; quò mens Prudentiam induta cerneret acutius.

Sed irriti fuerunt conatus isti : Prudentiam illam non assecuti sunt, quam Bernardus hoc afficit elogio : Ista regit affectus, dirigit actus, corrigit excessus, componit mores, vitam honestat & ordinat. Postremo humanarum pariter & divinarum rerum scientiam confert. Hæc est, quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, ficta & fucata explorat. Hæc est quæ agenda præordinat, acta recogitat, ut nihil in mente resideat, aut incorrectum, aut egens correctione. Hæc est, quæ in prospe-

b 2

ris

suasit. Prudentia Christiana omnium primo sibi ipsi consulit, & hoc partem sui arbitrat, sic curare aliena, ut non negligantur propria; sic corpori providere, ut tamen magis animo, parti hominis longè digniori.

Serio monet divinus Paulus : Prudentia carnis mors est, prudentia autem spiritus, vita & pax. *a* Hæc imminetia mala non solum prospicere novit, sed & cavere; nec ulla putat esse mala, nisi ea quæ malos efficiunt, uti sunt peccata.

Hæc Prudentia bona fallacia à solidis acutè internoscit, hæc futura vigilanter prospicit, proinde fluxis æterna cupidissime præponit.

Psalmiographi vaticinium est: Simul insipiens & stultus peribunt. *b* Super his verbis Augustinus disserens, & simul Prudentiam Christianam exhibens noscendam: Quis est imprudens, inquit, qui non sibi prospicit in futurum? Quis est insipiens, qui non intelligit in quo malo sit? Tu vero intellige in quo malo sis modò, & prospice, ut in bonis sis in posterum. Intelligendo in quo malo sis, non eris insipiens; prospiciendo tibi in futurum, non eris imprudens. *c*

a Rom. c. 8. v. 6.

b Psal. 48. v. 11.

c Aug. tom. 8. in Psal. 48. mihi pag. 183.

§. V.

Hac Prudentia caruerunt illi Philosophorum, qui, ut Augustinus loquitur, de
vir-

nimus, & quando tandem vitam emendamus? Nostra proposita comitiorum sunt acta, hoc est, de multis consultamus, nihil exequimur. Nimirum difficultatibus fracti aut territi manum retrahimus, ita in pristinam relabimur ignaviam..

At verè Prudens malis non premitur, sed utitur: novit enim æquè tam in adversis quam in secundis rebus virtutem suam explicare. Bonus scriba quovis calamo pulchros efformat characteres. Virtutem Prudens inter opes, si liceat, monstrabit, si minus, in paupertate; si possit, in patria præcellet, si minus in exilio: si possit, dux militiæ, si minus miles: si possit, firmus & integer, si minus, debilis; quamcunque sortem acceperit, aliquid ex illa memorabile efficiet. Ferarum domitores sævissima animalia, elephantes, tigrides, leones jugum pati docent, imò usque in contubernium mitigant: ita prudens artifex omnia sibi mala attemperat, ut prosint; dolor, egestas, ignominia, & alia quæcunque horrenda, cùm ad prudentem perveniunt, mansueta sunt, & prosunt. Ita Prudens in adversis & prosperis semper idem est, uti eadem est manus, & quæ in palmam extenditur, & quæ in pugnum constringitur. Ea causa prudentem verè beatum hoc ratiocinio asserimus: Qui prudens est, & temperans est; qui temperans est, & constans est; qui constans est, & imperturbatus est; qui imperturbatus est, sine tristitia est; qui sine tristitia est,

b 3 beatus

ris adversa præsenti, quod & fortitudinis & prudentiæ est. ^a

Atque hæc Prudentia à Bernardo sic laudata non otiosa & marcens, actiosa est & multi laboris, satagit, ut fiat quod rectè fieri judicavit. Hic plerique capite valemus, sed caremus manibus. Annos atque dies deliberamus, tandem nihil fit. Consilia conferimus de optimo vitæ statu, sed nulla consiliis opera succedunt: facienda quidem cum ratione statuimus, & tamen nihil fit: prudenter optima quæque decernimus, diceres uno die ad perfectionis culmen evoluturos, & demum heu! nihil fit.

Fuit, ut in comitiis provincialibus varia esset consultatio, & nulla ferè conclusio. ^b Id homo ingenii non infaceti observans, id commentus est. Chartam virginem puramque sine scriptura, nullis in eâ syllabis, nec ullis quidem litteris exaratis, in litterarum tamen formam convolvit, & fronti hoc unum inscripsit: *Comitiorum acta*. Complicata, signataque charta, candidus campus sine ulla nigella pecude repertus est. Inde rumor emanavit: Hæc esse prolixæ consultationis acta, quod nihil actum sit. Talibus plerumque clausulis nostra sepelitur prudentia. Statuimus prudenter multa, tandem urceus exit, currente rota, cum tamen amphora coeperit institui. ^c Seriam emendationem vitæ in dies proponimus,

^a Bern. l. 1. de Confid. c. 7. *fine*.

^b *Annum studio tacemus.*

^c Horat. de arte Poët. post *utrum*.

rum usum identidē iterare. Septimus, Dei præsentiam & æternitatis præmium assidue cogitare. Atque hos tales modos *Iudicium*, alter Prudentiæ actus, suggerit. Eadē in aliis virtutibus obtinendis ratio est.

3. Tertius Prudentiæ actus est, *Imperium*, cum intelligentia imperat voluntati, ut id, quod recte iudicatum est, illa exequatur studiose. Augustinus de Prudentia mentionem injiciens; Hujus, inquit, excubiæ, atque diligentissima vigilantia est, ne subrepente paullatim mala suasionē fallamur. ^a Et ad Hieronymum: Certè hinc persuadent, inquit, qui unam virtutem habuerit, habere omnes; & omnes deesse, cui una defuerit, quòd Prudentia nec ignava, nec injusta, nec intemperans potest esse. ^b Prudentia doctrix morum; ordinatrix affectuum, moderatrix & auriga virtutum; murus tutissimus Prudentia.

4. Prioribus tribus Prudentiæ actibus jungendi sunt & isti. Homo Prudens scopulum illum, ad quem alter offendit, solertissime declinat. Ipse pecudes locum fugiunt ubi læsæ sunt, viam non repetunt quæ in foveam deduxit; tenaces laqueos avis panè capta prætervolat, rete piscis suspectum non innatat. Multò magis Prudentia cladibus alienis fit cautior, & inter mala non sua discit sapere. Imo quod plus est. Prudentia Christiana è malis omnibus cum suis tum alienis aliquid boni elicit bene iis utendo. Hinc vetus ac verum ver-

b 4

bum

^a Aug. de moribus Ecclesiæ c. 24.

^b Idem epi. 29.

beatusest. Ergo Prudens beatus est, &
& Prudentia ad beatam vitam est.

A C T I O N E S

P R U D E N T I Æ.

1. Actus Prudentiæ plerumque tres principales Theologi assignant. Primus horum est, *Consilium*; nam fine, ad quem tenditur constituto, voluntas intelligentiam impellit, ut ea viam inveniatur, qua ad finem illum perveniatur. Siracides monet: Fili, sine consilio nihil facias, & post factum non pœnitebis. ^a Sed parum est, inquis, in me consilii. Nil interest, siue tuo, siue alieno consilio utaris: eo enim utendum est, & sæpe tutius alieno uteris quàm tuo. Quocirca, quod Tobias jubet, consilium semper à sapiente perquire. ^b

2. Alter Prudentiæ actus est *Iudicium*: cum quis rationem init, qua illud obtinendum sit quod humana Prudentia obtentum cupit. Exempli causâ: est, qui Castitatem ambiat. Quis modus virtutis hujus assequendæ? Iudicium hos suggerit modos, Primus omnium est, nunquam otia-ri. Alter, oculos coërcere. Tertius, omnes ad lasciviam occasiones, malos socios, feminarum commercium, impuros libros, mensarum luxum amoliri. Quartus, precandi ac lectitandi studium conjungere. Quintus, diversis corpus rigoribus, præsertim inedia, exercere. Sextus, Sacramento-

TUM

^a *Ecclesi. c. 32. v. 24.*

^b *Tob. c. 4. v. 18.*

Deum temere vagentur; Affectus, ne circa res conditas nimium occupentur; Voluntatem, ne à Deo averratur; Intentionem, ne illi mala misceatur; Suspiciones & iudicia, ut in bonum convertantur. Sic & verba factaque omnia, gestus omnis & incessus à Prudentia ad moderationem reducendus est, ut omnia, quod Paulus monet, honestè & secundum ordinem fiant. *a* Sapientia hominis lucet in vultu ejus, affirmat Salomon. *b*

8. Prudentiam quotidiana conscientiae discussio seu examen mirè auget. Beati qui custodiunt iudicium, & faciunt iustitiam in omni tempore. *c* Optimus hic monitor Bernardus: Integritatis tuæ, inquit, curiosus explorator, vitam tuam in quotidiana discussione examina. Attende diligenter, quantum proficias, vel quantum deficias: qualis sis in moribus, & qualis in affectibus: quàm similis Deo, vel quàm dissimilis: quàm propè vel longè, non locorum intervallis, sed morum affectibus. Stude cognoscere te, quia multo melior & laudabilior es, si te cognoscis, quàm si te neglecto cognosceres cursus siderum, vires herbarum, complexionem hominum, virtutes gemmarum, proprietates aquarum, naturas animalium, & haberes omnium caelestium & terrestrium scientiam. Redde ergo te tibi. Statue te ante te, tanquam ante alium, & sic temet-
b 5
ipsum

a 1. Cor. 2. 14. v. 40.

b Eccles. 6. 8. v. 1.

c Psal. 105. v. 3.

bum est : *Malis bene uti , nervus est Prudentiæ.*

5. Nobilissimum prudentiæ opus est, potuisse nocere, sed noluisse. Quemadmodum stulti proprium est, non posse, velle tamen nocere. Mitissimus, sed & prudentissimus David, nondum Rex, Regi Sauli, cujus insidiis assidue fatigabatur, sapius nocere potuit, nunquam voluit. Potuisset capitali huic insidiatori & vitam adimere, si voluisset : sed quia Prudens fuit, constanter noluit: Propitius sit mihi Dominus, inquit, ne faciam hanc rem. *a* Et quotquot illum ad hoc facinus instigarunt, acris sermone cohibuit. Nempe Prudentiæ est, posse, sed nolle nocere.

6. Prudentia simplicitatem non tantum non excludit, sed illi se sociam jungit æterno fœdere. Luculentum Domini pronuntiatum est : Estote prudentes sicut serpentes, & simplices sicut columbæ. Simplicitas Prudentiæ juncta sic temperat hominem, ut nec fallere velit, nec falli possit, nisi in rebus quæ damnum animo non inferunt. Hinc optime Hieronymus dixit : Prudentia absque bonitate malitia est, & simplicitas absque ratione stultitia nominatur. Ita Prudentia & simplicitas, si jungantur, plurimum possunt, nullarum virium sunt separata. Imò omnis virtus sine prudentiâ periculosa temeritas est.

7. Prudentiæ est, omnia in homine ordinare & componere; Cogitationes, ne ex-

deditissima, Cedreno teste. Litteras Hebræas etiamnum superstite Ioachimo patre didicit, linguæ scilicet sacræ mysteria, & illius, quam nos in libris veneramur notitiam. *a* Atque hinc, quod Origenes affirmat, habebat Maria legis scientiam, & vaticinia quotidianâ meditatione cognorat. Hinc etiam, ut Ambrosii loquamur ore, nunquam minus sola esse videbatur, quàm cum sola esset. Nam quomodo sola, cui tot libri adessent, tot Archangeli, tot Prophetæ? Legerat quia Virgo conciperet, non legerat quemadmodum Virgo generaret, ideo sciscitatur ab Angelo, quod in Prophetâ non inveniebat. *b*

E Græcis Andreas Cretensis: Consentaneum, inquit, erat eam uti nobilem & Davidis filiam Scripturæ non ignaram esse. Augustinus singulari fiduciâ velut familiaris sanctissimæ Virgini: Revolve, ait, ô Maria, propheticam lectionem, quæ ipsam plenitudinem paritura est Prophetarum: recale in libro Isaïæ Virginem quam legisti, & gaude quia tu esse meruisti. *c*

Ildefonsus studiosissimus Virginis cultor: Unum profectò scimus, inquit, quia omnis ejus vita & actio intenta fuit sermoni Dominico; corpore erat in Domo parentum, spiritu in illo divinæ contemplatio-

a Origen. hom. 6. in Lucam.

b Ambrosius l. 2. de Virgin. & l. 2. in Lucam. Legerat hoc Maria, ideo credidit futurum; sed quomodo fieret, ante non legerat.

c August. serm. 21. de Nativit. B. Virg.

ipsum plange. *a* Hæc est optima Prudentiæ actio.

9. Veræ Prudentiæ est prudentiam carnis studiosissime declinare. Carnis prudentia est, Magno Gregorio teste, cor machinationibus tegere, sensum verbis velare; quæ falsa sunt, vera ostendere, quæ vera sunt, fallacia demonstrare; irrogata ab aliis mala multiplicius reddere; *b* cum vires suppetunt, nullis resisten-
tibus cedere. E diverso veræ Prudentiæ actus sunt, nil per ostensionem fingere, sensum verbis aperire, vera ut sunt diligere, falsa devitare, bona gratis exhibere, mala libentius tolerare quàm facere, nullam injuriæ ultionem quærere, contumeliam pro veritate lucrum putare, pro maledicentibus orare. *c* Hæc vera est Prudentia, hanc Dominicum præceptum exigit: Estote prudentes.

a Bern. l. Meditat. c. 5. mihi pag. 1054.

b Für ein Maulschäfen 1 ein paar.

c Greg. l. 19. mor. c. 16. mihi pag. 560.

CAPVT SECVNDVM

Rosa Flava,

seu,

Lectio sacra.

§. I.

LECTIO mirificè facit ad sacram contemplationem, cui Virgo nostra longè de-

gratias egit, quod tam impense sacris lucubrationibus faverent. Arcanum hoc prodigium non dissimili sic confirmatum.

Edmundus ad multam noctem in libris vigilabat. Tandem oculi tam pertinaci lectione fatigati claudi coeperunt & nictare, cereus interim, duobus oculis velut custodibus sopitis, in libri paginas delapsus, eas tamen penitus illæsas reliquit, & potius seipsum consumsit: nam flamma ceram devoravit, chartam non adussit; adeò virium suarum oblitus est ignis, ut noluerit litteras illas delere, quas Dominus extare voluit ut legerentur. a

a Sur. tom. 6. in vita S. Edmundi die 16. Novembr.

S. II.

Quisquis nonnunquam meditari & penficulatus quiddam cogitare, quisquis iacta virtutis semina in se fovere desiderat, necesse est omnino, ut piam lectionem non intermittat, eamque quantum fieri potest, statò tempore urgeat. Si nequeat totas paginas, integra rerum capita perlegere, unam saltem alteramve periodum legat, idque quotidie, si ullo modo possit. Absque hac lectione, nec ille unquam exactius meditari, nec conceptam animo pietatem nutrire poterit. Oratio una est, qua ad cælum subvolamus, ala, Lectio altera: una non tollit in auras; geminis volatur alis.

Sed quid facient, inquit, ii, qui legere non norunt,

tionis intuitu. Nimirum ab ore Dei pendebat. Nemo divinam hanc Virginem otiosam aut feriantem unquam somniet, quam aut lectionis, aut precationis, aut laboris assiduitas semper occupatissimam tenuerunt. Nam à nona diei hora *a* ad primam facem quotidie divinos libros lectitavit: profuitque plus uni virgunculæ singularis lectio ad beatitatem & decus, quàm omnibus sapientibus omnes bibliothecæ. Subinde Virgo divina tanto lectionum ardore complexa est, ut eam ad mediam usque noctem perduceret. Nam Simon Cassianus, pluresque alii censent Angelum media nocte in Virginis sacratissimum musæum venisse, & vel precanti, vel lectitanti exoptabilem cælo nuntium attulisse.

Neque tantum ipsa Virgo Lectionem sacram ardentissime sitiit, sed insuper illustribus miraculis testata est, quam ea sit grata Deo.

Edmundus Cantuariensis Pontifex in adultam usq; noctem Bibliis inhærens lucubraverat. Subitò lumen deficiens attentissimo lectori se negavit. Doluit religiosissimus lector legendi occasionem sibi præreptam. Noluit tamen optimus Antistes domesticorum quietem turbare, ita ad Domini Matrem versus fidentissimè rogavit igniculum redderet extendendæ lectioni. Hic cereus denuò spirare cœpit, & vivere, ad nutum Lectioni sacræ futurus famulus. Edmundus Deo Matrique Virgini gratias

a Est nostra tertia pomeridiana.

bendis, & legendis? Nec alii ex iis, qui valde ferii, multo sanctioribus studiis vitam exegerunt. Virtutis umbram vix assecuti, ad arcaniora illa vivendi documenta, ad Humilitatis penetralia, ad Castitatis adyta, ad sui ipsius odium, ad secreta illa quotidianæ mortis exercitia nunquam penetrarunt, & tamen dies noctesque chartis involuti, hoc impetrarunt, ut doctiores morerentur, non ut sanctiores.

Fuit tam inter Romanos, quam Græcos suus lectionis affectus. Plato sapientiæ, sed humanæ longè princeps, tantum Pythagoricæ disciplinæ tribuit, ut Philolai Crotoniatæ Pythagorici tres libros quadraginta millibus sestertium, seu mille Philippeis emerit, & emptos tanto studio lectitarit, ut ad ejus defuncti caput sint reperti. Quis nostrum, ô juvenes, ô viri, sic sacra Biblia, sic Augustinum, sic Chrysostomum, sic Bernardum, sic librum de Christo imitando scriptum lectitat?

Ceterum, quantum Plato vir summus Philolaum miratus est, tantum nec minus, Platonem Tullius Cicero, qui usque adeo ejus copiam legendo imbibit, dicendo effinxit, ut panem ille ipse sit factus. Pari affectu Isocratis jucunditatem, ac vim Demosthenis ita legendo hausit, ut eorum virtutes aut exæquarit, homo ad eloquentiam natus, aut propriâ vi nixus superavit.

Nec

norunt, aut quibus negotia lectionem non permittunt? Priores illi audiendo sarciant, quod negligunt non legendo. De aliis mihi nemo persuaserit, tantam esse negotiorum molem, quin quotidie unam alteramve capitis partem perlegant. Nimirum se negotiis permittunt, nec suæ potestatis sunt, qui hoc tale non possunt: nec ab eis solidæ pietatis quidquam expectes, qui toto die nunquam sibi vacant, nunquam sui sunt. Rectè illos dixeris nunquam domi suæ esse, tametsi nec pedem domo efferant.

Tales nunquam se sibi vindicant, sed inter occupationes vitam exigunt velut mancipia; vix unquam liberiùs respirant ad Deum. Asinos dixeris, non homines. Quotiescunque illis animi salutem ingesseris, illud unum respondebunt semper: *Non vacat*. Equidem otii fugam & occupationes commendamus, nimias illas & quæ hominem sibi ipsi furentur, quis laudat? Ergo ad nutriendam in animo virtutem ea sapius non audienda tantum, sed & legenda sunt, quæ amorem ac cultum doceant virtutis. De hac tali piâ Lectione, mi Lector, Nicetas a noster differit; sed hic alium callem insistimus. Patere, oro, tibi hoc idem saluberrimum legendi studium pluribus rationibus persuaderi.

Et quæso, num ab Idololatriæ hoc in genere nos sinemus vinci? Quantum illi temporis, Deus bone, quantum oculorum consumpserunt in vanissimis nugis & scriben-

bibliothecis religiose propemodum dica-
 rit. Quos nisi frequenter legisset, tam im-
 pense iis favisset nunquam, Quid Virgilius
 Maro, qua indagine, quanta solertia cen-
 sendus est Ennium legisse, quoties repeti-
 tum dextra lavaque pertractasse, rerum
 pondere exegisse, verba pensitasse? Qui
 fortè rogatus quid ageret, ex Ennii luto
 se aurum dixit colligere. Iam vero ipse En-
 nius nisi Homerum miratus frequenter
 quoque lectitasset, nunquam illius se for-
 titum animam testatus esset. Adeo scri-
 ptoris, quem assidue legerat, sensa spiri-
 tumque combiberat, ut illius animum in-
 duisse censi potuerit. Ita fit: Ciceronia-
 ni fiunt qui Ciceronem; Catulliani, Pro-
 pertiani, aut Ovidiani evadunt, qui Catul-
 lum, qui Propertium, qui Ovidium dies
 noctesquevolvunt: sic omnino Ambro-
 siani aut Augustiani, vel etiam Gregoria-
 ni fiunt, qui Ambrosium & Augustinum,
 qui Gregorium diurnis nocturnisque le-
 ctionibus exhauriunt. Eorum animas for-
 tiuntur, quorum libros legendo devo-
 rant. Sed quantò honestus est, ô Christia-
 ni, Bellarminianum potius quàm Tibul-
 lianum dici, qui scilicet Bellarmini Prin-
 cipem Christianum, Gemitum colum-
 binum, Moriendi artificium, Aeternam
 felicitatem Sanctorum, Ascensionem
 mentis in Deum potius quam spurcum
 Tibullum, aut impurum Venusinum, aut
 similis farinae librum legendo contrive-
 rit. Bellarminus & ejus generis scripto-
 res, aurum & gemmas, alimentum & sa-
 lutem

§. III.

Nec inter Reges hoc sedulum legendi studium inusitatum. Didicit Alexander Macedo non pauca ab Aristotele, sed puer: adultus verò medioque gerendarum rerum ardore, Homerici carminis lectione captus, tanto ejus rei studio tenebatur, ut aurium scrinium in Dariana præda reperi- tum, gemmis opulentissimè variegatum, illi usui destinaret, ut Homeri opera eo inclusa bellicis gestarentur expeditioni- bus. Silent alioquin inter arma & leges & libri, sed vocales eos fecit, præ ipso tu- barum fremitu, tantum in Rege studium legendi: Quid agimus, ô Sodales Par- thenii, ô viri Religiosi, qui non inter li- tuos in pulvere & sole, sed in silentio amoeno fastidimus sanctissimos quosque scriptores. Fabulis nonnunquam optimas horas ducimus: collatiunculas non Cassia- ni, sed Aniani, aliorumque talium fabu- latorum quærimus, diem ludo frangi- mus, è fenestris prætereuntem turbam numeramus, colloquia sterilissima misce- mus, omnia agimus, ut nihil agamus. Quin ergo partem horulæ lectioni- damus, & saluberrima vitæ monita hau- rimus. Regum etiam ac Imperatorum exemplis accensi?

Tiberius Imperator tanti Parthenium, Arianum & Eupherionem fecit, ut horum Poëtarum carmen, & imagines inter ve- tusta & illustria vatum nomina omnibus biblio-

nit, oratio postulat, contemplatio degustat. Lectio quasi solidum cibum ori apponit, meditatio masticat & frangit, oratio saporem acquirit; contemplatio est ipsa dulcedo, quæ jucundat & reficit. Ex his possumus colligere, quod Lectio sine Meditatione arida est, Meditatio sine Lectione erronea. Hauriendus est saepe de Lectionis serie affectus, & formanda oratio, quæ Lectionem interrumpat, & non tam impediat interrumpendo, quàm puriorem continuè animum ad intelligentiam lectionis restituat. In omnibus autem scripturis initium legendi debet esse timor Domini, ut in eo primo solidetur intentio legentis, & ex eo ordinetur, & exurgat totius lectionis intellectus & sensus. *a*

Hinc ejusdem Bernardi verbis rectissime asseritur: Valde nobis necessaria est lectio divina. Nam per lectionem discimus quid facere, quid cavere, quò tendere debeamus. Per lectionem sensus & intellectus augentur. Lectio nos ad orationem instruit, & ad operationem. Lectio & oratio sunt arma, quibus diabolus expugnatur; hæc sunt instrumenta, quibus æterna beatitudo acquiritur. Per orationem & lectionem vitia destruuntur, & virtutes in anima nutriuntur. Lectio demit errorem vitæ, subtrahit hominem à vanitate mundi. His utile prorsus documentum subnectens Bernardus: Certis horis, inquit, certæ lectioni vacan-

c 2

dum

a Bern. de orando Deo, initio & propius fin.
Et ad fratres de Monte Dei, medio fere.

lutem animi propinant : illi alii cænum & fordes, venena & mortem instillant. Qualis rerum lectio, talis & legentium profectus. Non tam legenda sunt varia, quam utilia.

§. IV.

Diu multumque Aurelius Augustinus inter Dialecticos Sophistas verum indagavit, at non solum id non invenit, sed à vero longe aberrans in Manichæum delirium incidit, nec à lapsu tam gravi prius erigicupivit, quam Tarsensis Pauli divina monumenta legit.

Fuit beati Thomæ Aquinatis Lectio adeo diligens & pensiculata, ut illius oculi libris assiduè affixi, nec in proximo quidem stantes viderent, neque interpellantium vocibus turbarentur, aures. Nullum fuit meliorum scriptorum genus, in quo non esset studiose ac multum volutatus. Collationes Patrum assidue pervolvebat. Hinc illud cum doctrinæ tum sanctimonix jubar emicuit.

Citra fidem proditum videri potest, quod de Bernardi Abbatis solertia narratur, qui nullo unquam præceptore usus, ceterum lectione assiduâ ita profecit, ut in mysticis scriptis explicandis nullus hodie sagacior numeretur. a Hinc nihil miri, Lectionem sacram à Bernardo tantopere omnibus esse commendatam. Beatæ vitæ dulcedinem. inquit, Lectio inquit, meditatio invenit,

lus à Gregorio Magno plurimum laudatus: a fuerat hic homo mendicus & morbidus, gravi paralyfi sic lecto affixus, ut nec movere se posset, omnisque litterariæ disciplinæ insuper ignarus. Sed eo legendi & audiendi studio ardebat, ut è pecuniola emendicata sacrarum litterarum opuscula mercatus sit: quodcumque autem lectorem nactus est, ea illi legenda, sibi auscultanda & ediscenda tradidit, usque adeo Lectioni sacræ intentus, ut assiduitate audiendi, cura & diligentia percipiendi ea quæ legerentur, sanctioris doctrinæ oppido gnarus evaserit. Tanti est animum iis, quæ leguntur, serio intendere. Hinc ea memoriter recitabat, quæ ipse legere nesciebat: hinc opibus inopiam, ægritudinem valetudini præferebat: hinc omnem calamitatis impetum ridendo perferebat.

Hic multis non possum non indignari, qui librorum copia abundant, sed nec ipsi eos legunt, nec aliis legendos permittunt, verè canes, ut ajunt, in præsepio; qui quidem fœnum ipsi non comedunt, eos autem, qui fœno imminent, rictu invadunt. Nam ut quidam disciplinæ, sic alii voluptati & jactantiæ libros colligunt. Sunt qui libris non àliter quàm Corinthiis vasis, aut pictis tabulis, sculptisq; statuis utantur, & hac suppellectilis parte conclavia exornent, quæ exornandis animis est inventa. Sunt qui libros egregios & multos habent, sed eos in vinculis tenent, qui si forsan e-

dum est. Fortuita enim & varia lectio, & quasi casu reperta non ædificat, sed reddit animam instabilem: & leviter admissa, levius recedit à memoria. Sed certis ingeniis immorandum est, & assuefaciendus est animus. Quo spiritu scripturæ factæ sunt, eo spiritu legi desiderant, ipso etiam intelligendæ sunt. Nunquam ingredieris in sensum Pauli, donec usu bonæ intentionis in lectione ejus, & studio assiduæ meditationis spiritum ejus imbiberis. Nunquam intelliges David, donec ipsa experientia ipsos Psalmorum affectus indueris. Sed & de quotidiana lectione aliquid quotidie in ventrem memoriæ demittendum est, quod fidelius digeratur, & sursum revocatum crebrius ruminetur, quod proposito conveniat, quod intentioni proficiat, quod detineat animum, ut aliena cogitare non libeat. *a*

a Idem ibid.

§. V.

Tractarunt alii divinarum rerum lectionem solertius fortasse, suntque ob eam rem majus nomen adepti, sed qui Hilarione religiosius id fecerit, vix quisquam fuit. Quippe qui Davidicum carmen, & aliorum sacra vaticinia tanquam præsentem Numine recitabat, sæpè ac multum testatus, considerate ac religiose ea prorsus esse legenda, quæ à divino spiritu essent profecta. *a*

Hunc non infeliciter æmulatus Servulus

a Hieron. in vita c. 5.

possent, qui ditissimi, cujus sæpe contrarium videmus. Qui gloriam è libris quærit, huic libri non habendi solum, sed noscendi; neque bibliothecæ tantum, sed & memoria committendi; cerebro non armario concludendi sunt, alioquin vel bibliopola, vel bibliothecâ nemo erit gloriosior.

Ptolemæus Philadelphus Ægypti rex, Alexandrinâ bibliothecâ quadraginta millia selectissimorum librorum conclusit: qui diversis ex locis diu magno studio quasi simul arserunt. Regium hunc apparatus Serenus Samonicus vir ingentis doctrinæ privatis fortunis superavit. Nam sexaginta duo millia librorum doctissimis curis collegit, quos omnes Gordiano Juniori, cujus patri familiarissimus erat, moriens reliquit. Magna prorsus hæreditas, & multis sustentura ingeniis.

S. VI.

Sunt & alii prioribus illis planè contrarii, qui nullâ librorum, & quod sequitur, nullâ lectionis curâ tanguntur. Inter eruditos censerì volunt, sed totis quandoque mensibus, imò annis pænè integris vix librum aperiunt, vix pauculos versus legunt. Musæa illorum scrutare, raros illic codices, rarissima volumina reperies: eorum loco testudinem aut chelyn, fistulasque æneas, fritillum & abacum lusorium, omneque aleatorium choragium primo aspectu cernes. Hic ingemiscunt Musæ velut captivæ, sub tam indoctâ tyrannide.

rumperent & loqui possent, ad iudicium privati carceris suos Dominos evocarent. Nunc fient taciti, & queruntur, illud præcipuè, quòd aliqui stupores avari libris affluant, quibus multi adolescentes ingeniosi egeant.

Calvisius Sabinus ævo Senecæ, dives auri, sed certè non ingenii fuit. Huic memoria tam infida & mala, imò tam nullà erat, ut illi modò nomen Ulyssis excideret, modò Achillis, modò Priami, quos tam bene noverat, quàm nos pædagogos nostros novimus. Nihilominus eruditus volebat videri. Hanc itaque compendiariam artem excogitavit: magnâ pecuniæ summâ servos emit, unum qui Homerum teneret, alterum qui Hesiodum; novem præterea Lyricis singulos assignavit. Postquam hæc familia illi comparata est, coepit convivas suos inquietare. Habebat autem servos ad lecti fulcrâ cùm cænaret, ut illos aspicere, iisque innuere posset. Ab his subinde cùm peteret versus, quos referret; sæpe in medio versu excidebat. Ille tamen in eâ opinione erat, ut putaret se scire, quod quisquam in domo suâ sciret. *a* Ita Sabinus servorum suorum scientiâ gloriabatur, tu tuorum librorum. Quid inter te atq; illum interest, nisi quod aliquantò tu stultior; e quidem uterque alieno, verùm ille servorum & certè suorum, at tu librorum nil ad te pertinentium ingenio gloriaris. Quòd si librorum copia doctos faceret aut bonos, doctissimi omnium atque optimi esse pos-

oyres , gemelli fratres , qui se uno partu
 editos , non formæ magis quam morum
 similitudine probarunt , cum tyrannidem
 declinarent , decennio toto latuerunt ,
 quod quidem tempus omne orationi &
 lectioni sacre studiosissimè impenderunt.
 Quam autem hoc vitæ institutum Numi-
 snigratum extiterit , cacodæmonis con-
 fessione patuit. Hic per idolum consul-
 tus, non prius se responsurum dixit, quam
 Gervasius & Protasius thura sibi adole-
 vissent. Sed qui legendo fidem , præcan-
 do constantiam ingentem hauserant , oc-
 cidi potuerunt , cogi ut Christum nega-
 rent , non potuerunt. Ita cacodæmonis
 doli in contrarium cessere : quos enim
 perditos cupiebat , eos corona martyrii
 donatos vidit. Sic iis omnino armis, quæ
 manibus eorum extorquere cogitaverat ,
 victus ipse succubuit , hoc est, oratione &
 lectione. *a*

Eandem orationis & lectionis pano-
 pliam etiam feminæ induerunt , eaque
 omnes diabolorum exercitus non tantum
 sustinuerunt , sed & profligarunt ; sexu ac
 seipsis fortiores.

a Ambros. epist. 85.

§. VII.

Cæcilia Romana patricii generis virgo
 clarissimam profapiam castissimis moribus
 longè superabat. Hæc Evangelicæ historiæ
 librum aut legit , aut in sinu obvolutum
 gessit , ut quocunque iret & quotiescun-
 que vellet, lectione sacra identidem refici
 pos-

Regi Ptolemæo tot nobilissimos libros ignis abstulit : hic pænè contrarium imperat fatum. Paucos eosque neglectos libros pulvis consumit. Ita multorum ignavia solius pænè culinæ sollicita, litterarum negligens, coquos examinat non scriptores.

Quàm longè aliter Basilii Magnus, quæ à principio Philosophiæ studiis inescatus, ubi verò sanctioris scientiæ dulcedinem gustavit, humanas artes & disciplinas aspernatus, divina solum studia mirari, eaque tanto affectu complecti cœpit, ut panis vinique usu omni sibi interdicto (sic ajunt) perdius & pernox lectioni sacræ inhæserit, dum salubrioris sapientiæ compos fieret. Hic cocum & culinam in libris reperit, totos dies, noctes totas sine fastidio epulaturus.

Huic non multum impar Equitius Abbas Valeriis, qui, ne sibi unquam deesset quod legeret, quocunque ibat scortearum manticas libris refertas secum defererebat. Nec illi hoc visum est onus, quod lectionis tam multiplex utilitas pensaret. ^a Ita militem strenuum non lorica, non gladius, non galea, non alia gravant arma, quibus defendenda est vita, non aliter qui sacra se lectione armat, cacodæmonis insultus non tantum facillè sustentat, sed illius machinamenta expugnat. Nam, quod Bernardus dixit, lectio & oratio sunt arma, quibus diabolus expugnatur.

Gervasius & Protasius sanctissimi martyres,

^a *Greg. l. I. Dial. c. 4.*

iste amicitiae nomine : Quæso , inquit , tu mihi hunc libellum penitus inspiciendum præbe. Coepit legere , coepit probare , & illo affici. Sed ut hunc hominem discipuli amicum & socium noveritis , erat is religiosæ familiæ desertor , sed occultus , poteratque hunc suæ perfidiæ bolum indurata jam conscientia glutire & concoquere. Libellum ergo commodatum à socio paullo pressius legere , nonnunquam insistere , varias lectioni cogitationes miscere , subinde ingemiscere , sentire se tangi , agnoscere se peti , vulnerari se non negare , sed etiamnum dissimulare . & vulnus tegere , nec tamen posse quiescere , librum illum & amare & odisse , nihilominus lectionem sibi terrificam curiosius repetere , & inde gravius sauciari. Eò demum hæc una lectio hominem adegit , ut primò ad seipsum , deinde etiam ad vitam , quàm turpiter deseruerat , priorem redierit. *a* Huic sanè profuit in lectione tam piâ curiositati frena laxasse. Fructuosa semper lectio sacra , non animo solum , sed ipsi etiam subinde corpori , quod eventu longè mirissimo testor & hæc finio.

Fuit ut vir religiosus *b* Turnonum è viâ diverteret in domum honestissimam sibi-que notam. Suscepit hunc hospitem perhonorificè matrona nobilis , cui duo erant filii , & alter quidem jam sacerdos. Hi cum matre in iisdem ædibus degebant. Reli-

gia

a Annales Fran. Bencii anno 1587. in Provincia Aquitania.

b Sacerdos è Societate I E S U.

posset. Sic castimoniam defendit, sic martyrii palmam obtinuit, sic supplicii acerbiorum pertulit. Nimirum ad Christum festinabat, qui virginem toties allocutus est, quoties illa lectionem de Christo exorsa est. Notissimum illud Augustini: Oratio tua locutio est ad Deum: quando legis, Deus tibi loquitur; quando oras, cum Deo loqueris. *a* Idem Hieronymus asseverans: Oras? inquit, loqueris ad sponsum: legis? ille tibi loquitur. *b*

Hinc Sylvia Ruffina herois nobilissima per assiduam lectionem id didicit, ut sciret etiam in solitudinem non esse sola. Nam toties secum loquentem Christum habuit, quoties lectioni sacrae operam navavit.

Par ferè legendi studium studiique affectus in Marcella nobili vidua vigeat. Hac incredibili cura divinas paginas volvebat. Inde hoc denique assecuta est, ut carmen illud Davidicum assiduè secum ipsa repereret: In corde meo abscondi eloquia tua, ut non peccem tibi. *c*

Lectio sacra semper fructuosa, nonnunquam non sine prodigio salutaris exitit. Dederat Burdigalæ magister discipulo libellum pium statim tempore legendum. Vidit hunc in adolescentis manibus, qui à multo tempore familiaris fuit illi ipsi adolescenti. Atque ut est curiositas, humana gentis vitium, videndi avidissima, sic iste

a Aug. in Ps. 35. mihi pag. 385.

b Hieron. tom. I. epist. 22. ad Eustoch. mihi pag. 60.

c Tsal. 118. v. 11.

abfuerit, quin cutis per ipsum stringeretur. *a* Ita compertum est, piorum libellorum usum non animis solum esse utilem, sed interdum corporibus etiam salutarem. Idcirco Cyprianus optime monet: Sit tibi vel oratio assidua, vel lectio: nunc cum Deo loquere, nunc Deus tecum. *b*

*a Franc. Bencius in Annal. An. 1587.
in Provincia Lugdunensi.*

b Cyp. l. 2. epist. 2. ad Donatum.

ACTIONS

LECTIONIS SACRÆ.

1. Quamvis ipsa lectio virtutis actus sit, habet tamen hæc sui exercitii certam rationem. Prima est, sacra lectio (quantum quidem fieri potest) certum sibi statumque diei tempus cupit assignari, sicut & oratio. Hi enim tales sunt labores, qui non quovis semper tempore rectissime fiunt. Sicut arborum fructus qui statis anni temporibus proveniunt, paullatim aucti dulcescunt, si autem præcoces sint aut serotini, plerumque decidui sunt, nec ætatem ferunt, sed priusquam ad maturitatem pervenerint, corrumpuntur: sic orationis ac lectionis exercitium, ordine servato juvat; confuso illo, tedium sui facit, & mentis affectum languere cogit.

2. Non nimis multa simul eodemque tempore legenda, ne obruatur memoria. Plinii Secundi documentum id fuit, qui utiliter suadebat, multum esse legendum. sed

giosus hospes tam humaniter habitus, unquam grati animi symbolam relinqueret, fratri natu majori librum. *De Consolatione afflictorum* inscriptum, obtulit dono amplam insuper gratiarum actionem adiaciens, quod tam lautè licuerit diversari: sibi porro ad manus non esse nisi librum illum, tenue quidem munusculum, sed pronissimæ voluntatis tesseram. Hoc igitur unum rogare, hanc hominis religiosi inopiam dignetur non spernere. Animo prorsus benevolo acceptus est liber, cujus prima frons placuit. Ita hospes abiit. Non multò post, cùm ille filiusfamilias eum ipsum librum attentius volutaret, rixas audit fratris cum matre altercantis. Mox libro, ut sit, temere in sinum coniecto, litem compositurus accurrit. Et quia in fratrem natu minorem plusculum sibi juris ab ætate concessum credidit, germanum paullo acerbius objurgans: Tune, inquit, cum matre digladiari? hoc genus jurgii tam imparis & indecori non erubescis? Sed frater prolixæ reprehensionis impatientis, & impotens iræ jamque furore geminato æstuans, arreptum calente impetu cultrum in fratris pectus defigit. Sed providentissimus Deus letalem plagam prodigio luculento avertit. Siquidem ille ipse quem diximus liber in sinum abditus contra ferrum velut scutum obiectus vitam servavit fratri. Nam eam pectoris partem petebat culter, quam tegebat liber. Eidem fecit, quod inventum est volumen totum panè trajectum, ut parum abfue-

Tostati Abulensis volumina (sunt quinde-
cim) non suspenso aut volante, sed presso
vestigio perlegit.

4. Sacra lectionis est, non quo quis admit-
tere scriptores, sed cum delectu. Erudite
sapiens Romanus monet: Lectio multo-
rum auctorum, & omnis generis volumi-
num, habet aliquid vagum & instabile.
Certis ingenii immorari & innutrirī o-
portet, si velis aliquid trahere, quod in ani-
mo fideliter sedeat. Nusquam est, qui ubiq;
est. *a* Idem & Hieronymus cominendans:
Post Scripturas sanctas, inquit, doctorum
hominum tractatus lege, eorum duntaxat,
quorum fides nota est. *b* Nos cum eodem
Hieronymo ineptas & aniles fabulas, quod
Paulus monet, *c* semper exclusas volumus.

5. Libelli pii sic legendi sunt, ut lecta
dirigantur ad opus. Frustra legit, qui non
facere conatur, quæ legit. Fiant è verbis fa-
cta. Optimè dixit Bernardus: Lectio docet
quid facias, discernit quid caveas, osten-
dit, quo tendus: multum proficis, cum le-
gis, si tamen facis ea quæ legis. *d* Exem-
pli

a Seneca epist. 2.

b Hier. epist. ad Furiam vid.

c 1. Tim. c. 4. v. 7. Facta item apocrypha &
ficta, inanes genealogias, miracula ficta, histo-
rias commentitias, oracula asimulata, vatici-
nia subdititia, legis pugnas, Iudaicas fabulas,
quæstiones stultas, promissiones falsas, veras
pugnas, deliria, figmenta, somnia quacunque a-
lia è nostris libris omnibus proscripta esse vo-
lumus, jubemus.

d Bern. de modo bene vivendi.

sed non multa. Rectè dixeris virum prudentem voluisse, multum quidem legendum unâ hebdomade, aut mense uno, sed non una horâ. Quemadmodum stomachus in prandio canave unâ non obruentus est cibus, sic memoria & intellectus non impediendus est monitis, cum seria est lectio, & animi salutem spectat. Ex isto sequens præceptum deducitur.

3. Non obiter & perfunctorie, non festinanter, sed considerate ac meditate legendum. Subinde subsistendum, & quæ lecta sunt, paullo attentius expendenda: eo prorsus modo quo gallinæ bibunt, quæ ubi aliquid liquoris rostro hauserint, mox erigunt se, haustum liquorem per breve guttur dimissuræ: iterum mergunt rostrum, iterumque attollunt, dum sitim expleverint; ita nos aliquot perlectis versibus, mentem erigamus calo, & quid in rem nostram sit, dispiciamus. Sed iterum legamus, iterumque perpendamus lecta. Sic aliùs hærebunt quæ legerimus, nec unquam sine fructu erit lectio. Hoc fecit Martinus Delrius a lectionis longè studiosissimus, qui totos dies etiam impransus, idque ex more, usque ad seram cenam affixus libris hærebat. Cum scriptorem arripuit, non antè dimisit, quàm attente atque integre perlegisset, & quæcunque in capedunculas litterarii sui thesauri referenda judicasset, ea scitè descriptisset. Ita plus simplici vice omnia

Tofta

a Eruditionem viri publica loquuntur monumenta.

CAPUT III.

Rosa Melesia,

feu

Diligentia.

I.

MILESIÆ Rosa, cujus ardentissimus est color, recte confertur fecundissima omnium virtutum Diligentia, sive Accuratio in rebus omnibus. Illustrissimis exemplis hac in re Mater Dei præluet. Vix enim nuntium accepit è cælo Elisabetham cognatam uterum ferre, mox, ut Lucas testatur, Surgens Maria abiit cum festinatione in montana. ^a Arduum fuit hoc iter, & longum. Nam optimi Auctoris ^b sensu & calculo è Nazareth in Hebron civitatem, ubi Zacharias habitabat, Mater Domini triginta duas leucas ^c confecit. Hoc iter Virgo cælestis alacritate mira obiit, siquidem cum festinatione abiit in montana; moras in viatrahare, notos salutare, superfluum censebat; festinabat. Alterum industriæ exemplum præbuit Virgo divina quærendo filio. Diligentiam Virginis turbare potuisset hæc cogitatio: Jam duodecennis

d est,

^a Luc. c. i. v. 39.

^b Christoph. de Castr. in hist. Virg. mihi pag. 226.

^c Singulis horam assignando.

pli causa : Lego, quantæ virtutis sit, quantæque animi, promptam dare veniam graviter lædenti. Hic ego mecum ipse disquiro : Cur ergo tot nobilissimas occasiones negligo, cur præmium facillimè obtinendum sperno ? Cur non omnibus inimicis meis, & quisquis me unquam læsit, non quàm promptissimè veniam tribuo ? Ita lectio actioni attemperanda. Pari modo legenti occurrit, quàm abstinentia animum & corpus juvet; quàm nobile sit fenus Eleemosyna, quam cælestis & Deo digna sit vita ad castimoniam leges instituta. Hic novis me stimulis impello: Cur ergo non exactius abstinentiam servo, cur non liberalius eleemosynam spargo, cur non ardentius castimoniam colo ? doleo tantum à me virtutis & præmii neglectum, jamque statuo conatu omnium omnibusque viribus deinceps facturum, cujus me sacra hæc monet lectio. Ita fiunt è vocibus actiones. Nimirum lectio in vitæ regulam convertenda. Tunc enim est utilis notitia litterarum; cum in actum transit, seque ipsam rebus approbat, non verbis. Hinc optime dictum ab Isidoro : Omnis profectus ex lectione & meditatione procedit: quæ enim nescimus, lectione discimus: quæ didicimus, meditatione conservamus. *a*

a Isidor. l. 3. de summo bono.

Archæi tabulam auro repensam emit? Vbi
 hodie Julius Cæsar, qui Timomachi duas
 tabulas, Medeam & Ajacem, octoginta
 talentis seu quadraginta octo millibus
 philippeorum emit? Vbi Rex Attalus,
 qui unicam Aristidis pictoris Thebani ta-
 bulam centum talentis, seu sexaginta mil-
 libus philippeorum licitatus est? Vbi hodie
 qui tabulam, quantumvis artificiosam &
 grandem, decem millibus philippeorum
 emit? Et hinc, ajunt, artis neglectus;
 hinc nos penicillo pingimus volante nec
 multum sollicito, hinc nunquam ad sui
 perfectionem veniet pictura. Si quid exa-
 ctius fiat, sunt qui mirentur & laudent;
 qui vero dignum arti præmium repen-
 dat, nemo hominum est. Equum aliquot
 philippeorum millibus mercari in levi ha-
 bent, tantundem pro absolutissima pictu-
 ra dare, extremæ prodigalitatis specimen
 censent. Sic torpet industria. Sic artes ja-
 cent. Nam licet laudatores forsân ha-
 beant, non habent largitores,

Quàm hac vere dicantur, non dispu-
 tem. Hoc assero: De laboribus nostris,
 quos Deo largitori munificentissimo
 vendimus, id neutiquam affirmari posse.
 Abrahamo dictum: Ego sum protector tuus
 & merces tua magna nimis. Deus ope-
 rum nostrorum non æstimator solum be-
 nignissimus, sed restitutor liberalissimus
 est. Idcirco nimium sibi ipsi invidet, qui

Plin. l. 35. nat. hist. c. 8. Idem. l. 35. c. 10.

II.

Gen. c. 15. v. 10.

est, imo Deus est meus filius, amissus esse non potest, absque mea opera seipsum sibi stet inventum, inventor rerum omnium. Obvium erat hæc cogitare, & domi de-
fidere. Sed alia fuit mens Virginis, singu-
laris diligentia specimen præbere vo-
luit; triduo quæsit, cum cura & luctu in-
venit.

Diligentia plurimis nostrorum labo-
rum deest, Negotiantur, agimus, labora-
mus, sed frequenter parum accuratè &
diligenter. Subinde omnia nostra lan-
guent, frigent, jacent, multi laboris plu-
rumque non sumus, a plurima solute &
negligenter facimus. Adeo rara est in re-
bus omnibus diligentia. Hæc una quascun-
que actiones, tam interiores quàm exte-
riores, mirificè commendat. Verissimè
dicitur: Homo diligens & accuratus duo
meretur panes, cum alius deses & mare-
dns vix dimidium. Considerate mihi, ob-
secro, veterum pictorum opera, quàm ac-
curata, quàm artificio plena, quàm elabo-
rata, quàm ea denique absoluta sint.
Quid, obsecro, causa, quod avo nostri
vix ulli tales sint pictores? An colorum
an artis, aut potius accuratationis est de-
fectus? Sunt è nostris pictoribus, qui respon-
deant, non artem sibi defuturam: si ac-
forent aestimatores artis; avi nostri ge-
nium nimis in luxum excurrere, hinc ar-
tes nimia parsimonia sepeliri. Et ubi jam
inquiunt, Candaules Rex Lybia, quæ Ba-
larch

mus, sed malè ac segniter exequimur: deest nervus, diligentia deficit, languor omnia corrumpit.

§. II.

Rex Ezechias omnibus sui regni administris solertiam persuasurus exhortatione quàm maximè seria: Videte, ait, quid faciatis, &c. Sit timor Domini vobiscum, & cum diligentia cuncta facite. *a* Nunquam enim bene fit, quidquid honestæ rei negligenter fit. Huc omnino spectant vivacis documenta diligentia, quæ Septimius Severus & Helvius Pertinax Imperatores Romani posteris dedere, Uterque septuagenario jam major erat, Pertinax cum ad Imperium elatus, Severus cum morte sublatus est. Ætatem bellicis laboribus uterque contriverat. Et Helvius post suscepta rerum gubernacula, ubi primum Tribuno militarem tesseram de more dedit, eam esse voluit hanc vocem, *Militemus*. Septimius vero jam animam agerens, ejus ipsius tessera, quam Pertinax dederat, non immemor, hoc ipse signum edidit, *Laboremus*. Hæc germana diligentia sunt symbola, *Militemus* & *Laboremus*. *b*

Nunquam triumphabit diligentia, ubi labori parcitur, cui omnia vendunt superi. Eam ob causam Paulus laboris & ipse

d 3

an-an-

a 2. Paralip. c. 19. v. 7.

b Vide supra in parte I. c. 8. §. 2.

quidquid huic Domino facit, non id studio, quàm potest, contentissimo facit. Rectissime dixit religiosus ille scriptor: Multum facit, qui rem bene facit: sine sollicitudine & diligentia nunquam acquires virtutes: homo fervidus & diligens ad omnia est paratus. ^a

Quæri potest, quæ ars, quodve opificium maximam desideret diligentiam. Videtur sanè labor typographicus summam exigere industriam. Nam sutor unum alterumve acus errorem facile teget: typographus, si vel litterulam unicam non suo loco, non ordine recto, intervallo non congruo ponat, in centum & plures annos errorem mittit. Nunquam non errasse dicetur: tanti est, vel semel, vel levissimum quid neglexisse. Dum in orbe hoc agimus, in officina typographica sumus: formas ponimus, prælum ducimus, volumina excudimus. Erramus? in omnem æternitatem abit error. Cum Zeuxide pictore quivis nostrum dixerit, *Æternitati pingo*; quicquid demum faciam, *Æternitati cuncta facio*. ^b Hinc jure meritiissime non mediocris, non mollis, sed summa exigitur diligentia, idque in rebus omnibus, cum omnia Æternitati facienda sint. Nos sapissime, quod apud typographos frequens est, formulas peritè collocamus: sed ignaviter imprimimus; ^c bene statui-

mus.

^a Thom. de Kemp. l. I. c. 25.

^b Vide Confid. de Æternit. Consider. §. 3. initio.

^c Wir lassen wol/strucken aber vbel.

tuo. *a* Omnia obsequuntur diligentia. Hæc in rebus omnibus summo studio sectanda, idque plures ob causas.

a Chrys. rom. 5. hom. 54. ad Antioch. mihi pag. 306.

§ III.

Prima causa. Quod diligenter fit, altero tanto melius est eo, quod oscitanter & obiter est factum. Scripturam aspice duorum scribarum, diligentis & torpidi: quàm ille primus characteres format æquales, terfos, elegantes; quàm alter impares, curvos, deformes! Socordia in causa est tam fœdæ scripturæ. Omnium opificum fabriles operas considera, aurifabrurum scyphos, pictorum tabulas, sculptorum statuas, cultriorum gladios, bibliopegorum libros, sartorum vestes, textorum pannos, sutorum calceos. Quidquid in omnibus cum cura diligenti que confectum est, laudem fert, data mercede dignissimum, quidquid indiligenter & levi brachio factum, ab omnibus ut res nihili *a* repudiatur. M. Crassus eam à mechanicis diligentiam requirebat, ut ipse etiam servos suos in iis artibus instituere non erubesceret. *b* Quidquid cum cura fit, etiam diligenter fit.

Alter a causa. Diligentia omnium voces & elogia meretur, omnes ad emendū invitat. A rebus vilissimis id patet. Fuit in maxima civitate homo mechanicus,

d 4

sutor,

a Lumpen arbeit.

b Plutarch. in ejus vita.

amantissimus hortatur : Labora sicut bonus miles. & Ingenuos animos labor nutrit.

Præclare Musonius apud Stobæum : Ut facilius ac promptius labores illos sustineamus, inquit, quos virtutis & honestatis gratia subituri sumus, hæc animo reputare secum utile fuerit: Quàm multi multa tolerant propter malas cupiditates, ut qui amant flagitiose, qui otia consecretantur, qui honores venantur & gloriam. Non est ad magna facilis ascensus. Absque diligentia nihil sui perfectionem obtinet. Grandis est labor? Præmium multo erit grandius. Sed labor forsitan est assiduus? Quam tamen & brevis & nullus ad æternitatem?

Clo dius Albinus Cæsar omnium, qui ante eum fuerunt, bellicosissimus extitit acer ingenio, ad quærendum diligens, ad omnia quæ intendisset, in finem perseverans. Hunc Aurelius Victor tam prudentem ac industrium fuisse ait, tamque felicem armis præcipue, ut nullo cum hoste congressu nisi victor discesserit. Nos cælum ascendere molimur; sed à calitibus sanè ridemur, nisi assidue adversus ignem pugnemus. Hunc hostem nisi quotidiano congressu vincimus, frustra speramus cælum. Tam immensum beatitudinis præmium desideriosis ac frigidis obtingere non potest. Verissime dixit Chrysostomus: Mala res est ubique remissio, charissime; propterea ab initio, Adæ dictum est: In sudore vultus tui vesceris panem.

Hic illud Ezechiaë millies ter millies ingerendum : Cum diligentia cuncta facite.

Quarta, Nunquam sine præmio est diligentia, Rectè Gregorius : Studioſo, inquit, tarditas ad præmium proficit, inſidioſo velocitas & ad ſupplicium creſcit. Imo pars præmii eſt, diligenter feciſſe quod faciendum erat. Nam ſuaviſſime conſcientiam afficit, debitam rei diligentiam adhibuiſſe.

Quinta, Decus omnium virtutum diligentia, nec earum ulla ſine hoc ornamento perfectæ. Quod Theologiæ princeps Thomas Aquinas optime dixit: Diligentia requiritur in qualibet virtute. *b* Et concludit : Negligentia ſpeciale vitium eſt, quæ ſollicitudinis debitæ defectum importat. Inde diligentiam rectè appellabimus, *debitam in quovis opere ſollicitudinem*, quæ quidem ſingularis virtutis actus eſt. Ex quo non poſſum non plurimum mirari, cum omnia libris plena ſint, & ſcribendorum librorum necdum ullus finis, cumque plurimi ſcriptores omne genus virtutum commendare, ſui eſſe inſtituti, profiteantur, eorum tamen pleroſque omnes de diligentia altiffime ſilere, & mutos eſſe. An non hæc omnibus ingerenda, & quovis modo inculcanda? An non omnibus elogiis longe digniſſima? ſed ea jam plerumque ſcriben-

d. s. i. d. l. d. i. r. a.
a Darvon hudlen.

b Thom. 2. 2. q. 54. art. 1. ad. 1.

futor, sed tantæ industriæ, ut ex illius
 nius officina cives plerique omnes nec si-
 ne ambitu calceos sibi confici voluissent.
 si is unus omnibus satisfacere potuisset.
 Corium hic opifex non aliud, quàm ali-
 cerdone, habuit, nec formis fere aliis est
 usus, sed diligentia longè alia calceos con-
 fecit. Hinc emptorum ad hunc unum ac-
 cursus maximus. Iure merito: nam in re-
 bus etiam vilibus eximium quid est, &
 appetendum, diligentia.

Tertia causâ. Si spectetur is, cui omnis
 hominum labor consecrandus est, iure
 merito quàm diligentissimè omnia sunt
 facienda. Diligentia cum virtute conjun-
 cta seipsam sapius examinat: Eccui hæc
 facis? cui laboras? si Deo, cui certè labor
 omnis debetur, nihil ei nimis diligenter
 & exacte fiet. Hic il'ud veterum, Ne quid
 nimis, valere iubemus. Nulla nimia est
 cura, quæ Deo impenditur.

Sanctus Ignatius Lojola cum hominem
 è suis remissius agentem cerneret, sic eum
 allocutus est: Quæso te, quid spectas? quo-
 rum actiones eunt? cui laboras? Ille Deo
 se laborare respondit, D E U M sibi finem
 esse, cujus causâ omnia faceret. Cui de-
 nuo Ignatius: Tune Deo, inquit, hæc fa-
 cis tam languide, tam negligenter? Mun-
 do tam segniter servire, nil magni crimi-
 nis sit: in Dei obsequiis socordius rem-
 agere, error est intolerabilis: a Maledi-
 ctus qui facit opus Domini fraudulenter. b

Hic

a Ribad. in vita S. Ignatii l. 5. c. 10. fine.

b Hierem. c. 48. v. 10.

tores, avaros Eucliones, ambitiosos Alexandros, quomodo non dormiant? illi ut amoribus suis indulgeant, isti ut pecunias suas augeant, hi ut per altiores honorum gradus ascendant. Nimirum dulce est, vigilare, cum numi crescunt, cum honores exsurgunt, cum amores incendunt. Ah quàm sæpe solertes sumus, & industrii in nostrum exitium! Quoties vigilamus, cum longe sanctius in utramque aurem dormiremus?

Vt iugulent homines, surgunt de nocte latrones;

Vt te ipsum serves, non expergisceris? a
Ignavissime amator cali, nescis mereri quod amas, quod optas; alii inveniunt, quo prius beneficium afferant, quàm poscant. Vel improbum quemque non vides, quomodo non dormiat, sed omnem moveat lapidem, quomodo manibus pedibusque obnixè omnia faciat, ut votis potiatur; & tu dormis, qui ascendere moliris cælum?

Septima caussa. Priscorum sapientum vox erat: Diligens industria utilior, quàm bonum ingenium. *b* Ratio in promptu est: ingenia bona plerumque exorbitantia, nec unquam fere sine mixtura dementiæ. *c* Hinc sapissime quanto meliora ingenia, tanto periculosiora, nisi, patiantur se regi.

a Horat. epist. l. i. epist. 2. ad Lollium.

b Apud Stobæum.

c Aristoteli nullum magnum ingenium sine mixtura dementiæ fuit. Seneca de Tranquill. fine libri.

di ratio obtinuit , ut, cum unus tacet, omnes illum sequentes taceant. Ovium aut cervorum ritu incedimus : quo primus viam signat, hac ceteri sequuntur , & cum flumen tranant , alter alterius tergori caput imponit , sic fere scribimus; quod priores non docuere , hoc & ceteri silendo transeunt.

Sed ad rem. Cum diligentia, seu debita sollicitudo, ad quamlibet virtutem, imo ad actionem quamlibet rectè obeundam requiratur , par est , eam virtutis cultoribus quàm commendatissimam esse. Quod etiam Isocrates discipulorum suorum auribus instillans : Ut in cicurandis feris , agebat , cura & diligentia plurimum momenti, sic ad virtutem adipiscendam vires habet maximas. *a*

a Isocr. proœmio orat. ad Nicoclem de regno.

§. IV.

Sexta causa. Quanta plurimorum in suam perniciem est diligentia, quam rectè nimiam aut vitiosam appellemus. Ecclesia Christum Dominum in Oliveto cum discipulis sic introducit loquentem : Una hora non potuistis vigilare mecum , qui exhortabamini mori pro me? vel Iudam non videtis , quomodo non dormit , sed festinat tradere me Iudæis? *a* Idem licebit dicere de plurimis ad excutiendum torporem : Vel non videtis impuros amatores,

a Fer. 5. in Cœna Dom. noct. 3. lect. 2.

commemorare ? cujus alacri spiritu stipendia militiæ roborantur , forensis gloria accenditur , cuncta studia fido sinu recepta nutriuntur ? quidquid animo, quidquid manu , quidquid lingua admirabile est , ad cumulum laudis perducitur diligentia. ^a Neque hic opus ingenti testium caterva.

Q Roscius histrio , industriæ scenicæ notissimum exemplum , tanta in rebus suis accuratone fuit , ut nullum unquam spectanti populo gestum , nisi quem domi meditatus fuerat , proponere sit ausus. Quapropter non ludicra ars Roscium , sed Rosius ludicram artem commendavit : nec vulgi tantum favorem , verum etiam Principum familiaritates amplexus est. Hæc sunt attenti ac solliciti , & nunquam cessantis studii præmia. Atque hæc etiamnum ubique fulgent. Aulas , Curias , aliasque domos opulentas ingrediamur ; videbimus hic illic plurimos , qui nullo natalium splendore , nullo numorum subsidio , sed solis diligentia ac industriæ experimentis ad amplissimas dignitates è loco humili evaserunt. Hos tales nobilissimi quique , vel quia inertes & stupidi , vel quia segnes & pigri , coguntur sequi , & vestigia eorum longe adorare. Illos industrios viri Principes & in oculis & in pectore ferunt ; aliorum opulentam & magnificam segnitiei pro ornamento habent , sed inutili ac sterili. Atque adeo ultro divitiæ & nobilitas in

manu

se regi. Sed quis hic communem patrem
 omnium stultitiam, imo furorem usita-
 tissimum non obtupeſcat? Ingenioſi vi-
 deri malumus, quàm diligentes & indu-
 ſtrii. *a* Infania prorsus luculenta, & qua
 auriculas Midæ longiſſime exporrigat.
 Imo quod amplius, otioſos quandoque
 nos eſſe fingimus & laboris fugitantes,
 modo videamur ingenioſi. Nam ea fere
 opinio invaluit, ingenioſos eſſe pigros. Er-
 go ut ingenii laudem feramus, vitupe-
 rium pigritiæ non horremus. Veſtram ſu-
 dem, ô mortales, quid eſſe, aut fingi po-
 teſt ſtultius? Quis unquam ingenium ſua
 ſibi virtute comparavit? at nemo aliter
 diligentiam. Ingenio bono ſæpe nequiſſi-
 mus quiſque eſt, & eo nonnunquam ad
 artes peſſimas abutitur. Ad diligentiam
 habere non poteſt, niſi homo frugi, &
 virtuti pronus. Deinde quid ingenio re-
 aliena, velut alienis plumis cornicula,
 vaniſſime gloriamur? Diligentia noſtra
 eſt; induſtria in noſtro cenſu reponenda
 eſt, iſſque adnumeranda, quæ fecimus
 ipſi. Adeoque non tutius ſalutem atque uti-
 lius, ſed & reverà laudabilius eſt, diligen-
 tia quàm ingenio præſtare: quod ſi utrum-
 que conjungatur, mixtura fiet longè no-
 biliffima. Ingenium vel mediocre ad ma-
 ximam dignitatem evehet ea, quam com-
 mendamus, diligentia.

Hanc Valerius jure meritiffimo dilau-
 dans: Quid ceſſo, inquit, vires induſtriæ
 com-

*a Vide de hac re Phaethontii partem 2. c.
 13. §. 4. de oſtentatione.*

nostrum, animi vitia sedulitate tanta corrigit? Itaque alterum Demosthenem mater, alterum diligentia enixa est. Ilisque omnino diligentia, quàm matri debuit Demosthenes: Mater hominem edidit, diligentia Oratorem, & quidem tantum, qui omnem Atheniensem populum, quo vellet, duceret, quem omnium & voces & digiti loquebantur: En, hic ille Demosthenes est. Absque diligentia si fuisset, Demosthenes cultellarius inter opificum sordes consenuisset.

Non est, quod Platonem divini eloquii virum memorem. Hic altero & octogesimo ætatis anno decedens sub capite Sophronis a numeros habuisse fertur. Ita nec extrema quidem ejus hora agitatione studii fuit vacua: idemq; illi vitæ fuit finis qui diligentia. Democritum Philosophum non immerito veneramur, qui quanto animo sprevit opulentiam, tanto diligentiam amplexus est. Democriti pater iis opibus florebat, ut Xerxis exercitui epulum præbere facillè potuerit. At Democritus, parva admodum retenta summa, reliquum patrimonium patriæ donavit. Ipse Athenas migrans, annis compluribus sic ibi moratus est, ut omnia temporum momenta ad percipiendam & exercendam doctrinam contulerit. Hic profecto diligentia genius est, nullas temporis particulas etiam minimas negligere.

Carneades tam diligens & laboriosus,
quam

^a Fuit hic Poëta Syracusanus, qui Mimos scripsit.

manu diligentia sunt. Tu modo industria amata, & ultro te ambient cum opulencia, tum profapia.

§. V.

Quantus olim notissimus orator Demosthenes, homo antea balbus, blasphemus, exilis spiritus, acerba vocis: sed ille oris sui vitium, ceteramque naturae malignitatem tanto studio expugnavit, ut & vocem sonoram, & lateris firmitatem, quam corporis habitus negaverat, à labore & diligentia sit mutuatus. Multos enim versus uno spiritus impetu complexus, dum adversa loca scanderet, pronuntiabat: ad oblustantes fluctuum fragores declamabat, ut aures patientia jam duratae ad concitatae concionis fremitus nil moverentur. Infertis etiam in os calculis multum ac diu loqui solitus est: qua quidem exercitatione continua vocem asperam ad maturum & gratum auribus sonum perduxit, & litteram caninam edere sic didicit, ut eam nemo expressius referret. Consuevit illi angusto cubare lecto, ut citius expergisceretur: in specum etiam descendere, ibique philosophari dimidia capitis parte abrafa, quo facultas egrediendi prae-riperetur. Ferunt etiam speculum Demosthene fuisse aequale ipsi, ad quod seipsum exerceret, gestus & vitia corrigeret. Cumque inter declamandum, inconvenienter movere solet humerum, suspensio à lacunari veru aut gladio, cuius metu se continebat, id desuevisse. Quis nostrum.

bilem pane diligentiam Themistoclis, qui rerum maximarum curis districtus, omnium tamen civium suorum (uti Rex Cyrus omnium suorum militum) nomina memoria comprehendit. Per injuriam patria pulsus, & ad Xerxem, quem paullo ante devicerat, confugere coactus, priusquam in conspectum ejus veniret, Persico sermoni se assuefecit, ut regis auribus familiarem vocis sonum adhiberet. Hem, quid non pores diligentia? omnia tibi velut Numini obsequuntur.

Sed nefas Diodorum Siculum exactissimæ diligentia virum tacere. Nam Diodorus ne in descriptionibus orbis faceret quod alii, & sæpius erraret, bonam Asiae Europæque partem non sine gravibus incommodis peragravit. Gorgias Leontinus Isocratis magister, centum & septem exegit annos, nec tamen tam longævus ab opere & industria unquam cessavit.

Sed ut longæ felicisque industriae velut in acervum unum, exempla redigamus, Isocrates cum quartum & octogesimum annum ageret, opus composuit nobilissimum ardentis spiritus plenum. ^a Ex quo apparet, senescentibus eruditorum membris, in animo florem juventæ, beneficio industriae retineri. Nimium diligentia non tantum facit eruditum, sed partam eruditionem etiam conservat & augeat. Omnia diligentia proposuit Deus. Estque Tullianum illud etiamnum verissimum:

c. Diligen-

a Παραθλυσίων.

quam diuturnus sapientiæ miles, non agitata expletis annis eundem vivendi ac philosophandi finem habuit. Doctrinæ operibus ea se contentione addixerat, ut cum cibi capiendi causa recubuilset, cogitationibus inhærens mantum ad mensam porrigere oblivisceretur. Quis nostrum, obsecro, sic calum cogitat, quis æternitatem sic animi medullis haurit, ut laudatissimam Carneadis oblivionem æmuletur?

Porro fructuosam Archimedis industriam, qua Marcelli conatus tam diu sustinuit, aliunde notam scilico. Cleanthis scilicet re non possum. Quis enim unquam tam laboriose hausit, tam pertinaciter tradidit sapientiam, ac Cleanthes, ipsa pæne diligentia. Nam cum inops adolescens esset, nocturnum tempus trahendæ aquæ, diurnum studiis impendit. Enimvero tam solerter didicit, ut ad annum nonagesimum ætatis nonum auditores suos attentissimè cura doceret. Ita studiosissimus senex duplici labore unius sæculi spatium occupavit, incertumque reddidit an discipulus, an præceptor fuisset diligentior et laudabilior. In parando victu non absimilis Cleanthi Plautus, ille festissimus fabularum parens. Hic dies noctesque in paupertatem pugnavit diligentia: Interdum fabulas exarabat, noctu pistori operam locabat, & molas trusatiles agitabat. b Industria nihil nimis difficile.

Non possum, quin hic addam incredibilem

a Centum annos.

b Gell. l. 3. c. Noct. Atticar.

ea tamen lege, ut in templo à se struendo, statua sibi locaretur ad propagandam nominis memoriam. Annuit Senatus. Aedificio finito Architectus linguæ paululum solutioris, non usquequaque se accuratum fuisse dixit, & potuisse quædam aut firmius aut venustius strui. Rescivit hoc Princeps, & vocatum hominem objurans: Itane, aiebat, steteristi pollicitis? cur opus, quod immortale cupimus, parcio-re diligentia confecisti? Ergo neque nos pactis stamus. Statua tibi ponetur, sed extra templum. Stat illa hodieque digito labris imposito, æternum diligentia minus exactæ & linguæ intemperantius solutæ monumentum.

Ergo illud Ezechia Regis monitum assidue ingerendum: Sit timor Domini vobiscum, & cum diligentia cuncta facite. Non potest juste unquam reprehendi diligentia, quod veterum testimoniis abunde confirmatum.

Romanus scriptor rem scitu dignam narrat industria plurimum extollendæ. C. Furius Cresinus è servo liber, cum in parvo admodum agello largiores multò fructus perciperet, quàm ex amplissimis vicinitas, in invidia magna erat, ceu fruges alienas pelliceret beneficiis. Quamobrem in jus vocatus, dicta die instrumentum rusticum omne in forum attulit, unaque adduxit filiam validam atque bene curatam, ac vestitam, ferramenta egregie facta, graves ligones, vomeres ponderosos, boves saturos. Ipse sibi patronus:

Diligentiæ subjiciuntur omnia. Diligentia nobilissimum cujuscunque artificis instrumentum est, hinc omnibus officinis, museis omnibus necessarium. Nobile, inquis, instrumentum diligentia, sed pretio tam levi non paratur; mea indolis est, maturare & agilerem rem facere: operi morosius immorari non possum. *a* Audio, & cum Ambrosio respondeo: Vince naturam diligentia: naturam nobis formare non possumus, possumus diligentiam. *b*

a Bin gern bald fertig.

b *Ambr. l. de Ioseph.*

§. VI.

Neque vero tantum in gravioris momenti rebus nulli operæ parcendum, nil omittendum industriæ, sed in quibuscunque aliis etiam vilioribus Sapiens Polycreti dictum est: Etiam lutum ad unguem elaborandum. Quod si lutum accurate tractandum, multo magis marmor & ferrum, multoque magis argentum & aurum; quæ tandem diligentia gemmis dabitur? atqui ea quæ divino sunt obsequio, pretiosiora sunt marmore, & ferro, argento & auro, gemmisque omnibus. An non ergo convenit, ut ea usque ad unguem, & quanto possumus diligentia elaboremus?

Narrant Annales prisce, à Sebastiano Ziano Venetorum Principe architectum Constantinopoli evocatum, qui ædem divi Marci educeret. Architectus omnem operam ad hoc ædificii largiter promisit.

S. VII.

E tanto industriorum ac diligentium hominum numero, plurimos admiror, omnes veneror & laudo, plerosque imitandos censeo. Si quis tamen ex me quærat, quem ex omni hoc numero, non prædicandum duntaxat, sed & imitandum arbitrer; dicam quod sentio, idque ex animi mei sententia. E priscis neminem non laudandum magis quam imitandum arbitror, exemplar diligentiae longe illustrissimum C. Plinium Secundum. Erat huic viro acre ingenium, incredibile studium, summa vigilantia. Erat somni parcissimi, hinc nonnunquam etiam inter ipsa studia instantis: nam ille quoque noctibus ad studia utebatur, & minimum dormiebat. Quod vero maxime diligentiam sapit, quodque omnibus, qui litteras tractant, imitandum censeo, istud est; Nihil unquam legit vir iste, quod non exciperet, nec in museo solum aut bibliotheca, sed etiam in mensa, in lectica: sed & equitans quoque vel scribebat, vel scribendum dictabat. Ita totos dies usque ad cenæ tempus inhærebat libris. Ne quid vero de studiis decerperet cena, super eam liber legebatur, interim adnotabat ipse & excerpebat. Fuit ut unus aliquis amicorum lectorem in mensa, cum quadam perperam pronuntiasset, repetere coegerit. Huic Plinius: Intellexeras nempe? aiebat. Cumq; ille annuisset; Cur ergo revocabas? inquit: decem amplius versus hac

Hæc, inquit, ô Quirites, mea sunt veneficia: neque possum vobis ostendere, aut in forum adducere industriam, sudores, vigilias. Sententiis omnium absolutus est. *a*

Ita est profecto: tam agrorum quàm animi cultura non impensis, sed diligentia constat. Hinc optime dictum à priscis: Arator nisi incurvus pravariçatur. Agilis est & flexilis diligentia, neque molestias horret, imo eas ut suarum laudum materiam amplectitur. Neque aratores solum, sed & Imperatores & Reges in sui commercium trahit diligentia. Iulius Cæsar consumptis in re bellica diebus, noctes nihilominus ad tripartita dividebat officia, quietis scilicet, publicæ rei, & musarum.

Adrianus Imperator Geometriæ gnarus, Arithmetica peritissimus; egregie pinxit, Musicen tenuit, Astronomiæ scientia omnes illius avi facile superavit. Alphonsum Aragonum Sicilia Regem, non septem regnorum administratio, non innumeræ curæ, non bella ingentia, quæ gessit, retinere potuerunt, quo minus Rex tantus jam annum agens quinquagesimum litterario præceptorî se submitteret, ne Latine loquendi usu careret, ita suam acui volebat industriam. Ne vero Hispani litterarum expertes Liviana lectione fraudarentur, ipse Livium è Romano in Castilonense idioma transtulit.

a Plin. l. 18. nat. hist. c. 3.

centi vel temporum voragine absumpti, vel injuria abditi deliteſcant. Incredibile videri poſſet, quomodo vir iſte ſanctiſſimus, inter ampliſſimas curas, inter negotia graviſſima, in munere concionandi aſſiduo, tot divina ſcribere volumina potuerit. Sed nihil nimis arduum diligentia.

Ambroſius in ſacris Auguſtini præceptor, morbo ſenioque conſectus, tantum non animam agens, nihilominus ne ſibi prius diligentiam, quàm vitam extorqueri pateretur, Pſalmum 43. interpretari cœpit. Ita in eodem lectulo, & ſpiritus ejus, & egregiorum operum curſus extinctus eſt.

Origenis immortale ingenium, ut Hieronymus loquitur, non miror, ſed miror diligentiam incredibilem. Nam eo induſtria ſcribendi in hoc viro excurrit, ut teſte beato Hieronymo; a quidam plurima fratrum multitudine audiente ſex millia librorum Origenis ſe legiſſe ſit conſeſſus. Superi ! quod diligentia portentum eſt hoc ? Auxerunt aliorum ſtudia bibliothecas, ac per partes complevere. Vnus & ſolus Origenes ingenii felicitate bibliothecam unam quamvis ingentem implere potuit. Quid nos, quæ noſtra eſt diligentia ? ſomnium & umbra ad talium virorum ingenioliſſimum induſtriam, in quibus ſæpe ingenium & induſtria vel diligentia inter ſe certarunt am-

e 4

bigua

a Hier. tom. i. in catal. ſcript. Eccl. mihi pag. 126. Id. tom. 9. in Apolog. Ruffin. pro Orig. mihi 155.

tua interpellatione perdidimus. Tanta erat parsimonia temporis. Perire autem omne tempus arbitrabatur, quod studiis non daretur. Hac intentissima diligentia tot volumina conscripsit, commentarios electorum centum sexaginta reliquit, quos in Hispania Largius Licinius emisset quadringentis millibus H. S. ^a si venditorem reperisset Plinium. Illud præ ceteris omnibus placet, quod temporis longè avarior quàm auri & gemmarum (hujus enim unius avaritia laudabilis) nihil unquam legerit, quin exciperet & adnotaret. Hoc & studia & virtutem acuit, accenditque. Sine excerptis nemo unquam, meo judicio, eruditus; sine sanctorum exemplorum observatione nemo unquam solide pius. Aliorum virtus & instruat & animet nos necesse est, aliorum clades nos sapere doceat. Nam optimum aliena infamia frui. ^b Sic excerptum hac nos industria & doctos reddet & pios.

Priusquam finiam, vera diligentia miracula subijciam. Aurelius Augustinus cum jam octogenarius esset, non minus operose divinarum litterarum studia exercuit. Scripsit itaque plura, quàm quicquam legerit, si fides est Possidonio, cui jure merito esse debet, qui Augustino familiarissimus, omnia ipsius arcana potuit arbitrari. Neque nostrum ullus glorietur omnia Augustini scripta à se lecta, cum sermones, epistolæ ac libri amplius du-

centi

^a 1000. *Philippeorum.*

^b *Plin. l. 18. nat. hist. c. 3.*

Temporis & actionum confusio, diligentiam plurimum retardat. Sunt qui de die vagentur, aut stertant, noctu ad oleum aut savyum fastidiosè laborent. Sunt qui profectis ac negotiosis diebus amplissime ferientur, feriatis operi affideant. Perturbatus ac praposterus est hic rerum ordo. Hoc lepores in mari, pisces in pratis, hoc caneros in ramis, hoc poma in rivis est quærere. Ordine omnia, & suo tempore facit diligentia.

3. Diligentia non solum assiduum votum, sed etiam nonnunquam factum est, totas pane noctes aut precando aut laborando transmittere. Serio diligens homo sapissime suspirat, & ait: O si possem penitus non dormire; quam ego prompte ac hilariter noctes cum precationibus tum lucubrationibus impenderem, cum nulum tempus studiis & colloquiis cum Deo sciam aptius. At quia non valeo totas pervigilare noctes, de iis, quantum liceat, decerptam, meliori occupationi, quam somno, impendendum. Ita in lucro ponam, quicquid horis somni ademero.

4. Diligentia minimas etiam particulas temporis velut ramenta auri colligit, & in suum usum redigit. Nullius alterius rei jactura major est, quàm temporis, quamvis nec vilior est, sed apud ignavos. Apud Lacedamonios summa temporis parsimonia fuit, nec ulli civium permissum vel otio vel ludicris diem frangere. Hinc ab Ephoris magistratu Laconico ambulationes etiam non utiliter, nec ad exer-

bigua victoria. Verissimum illud Tullianum; Diligentia in omnibus rebus plurimum valet: hæc præcipua colenda est nobis; hæc semper adhibenda; hæc nihil non assequitur, qua una virtute reliquæ omnes continentur. *a* Illud igitur Ezechiae Regis vel millies occinendum, assidue obversetur animo: Sit timor Domini vobiscum, & cum diligentia cuncta facite.

a Cicer. de orat.

A C T I O N E S D I L I G E N T I Æ.

1. Prima diligentiae regula est, quam exactissime observat: *Nulla dies sine linea*, nulla, nulla. Desidio securi animi est, etiamsi dies & hebdomades, & menses sine ulla perdat linea. Solon vir summæ industriæ dicere solebat, se quotidie aliquid addiscentem senescere. Idque supremo vitæ die confirmavit, cum assidentibus amicis & sermonem inter se conferentibus, caput iam morte pressum erit. Interrogatus quid hoc faceret? Ut cum istud, inquit, de quo disputatis, sciero, doctior moriar. Migrasset sane jam pridem ex hominibus negligentia, si eo animo vitam ingrederemur, quo eam Solon egresus est.

2. Diligentiae est, omnia suo quaque tempore facienda disponere, nec ullâ diē partem ab opere immunem dimittere

Tem

significat. Hoc animi ardore in patriam mirifice Mater Domini excelluit.

Deus olim præcipiens Mosi : Ascende, inquit, tu & Aaron. Ascenderuntque Moses & Aaron, & viderunt Deum Israël : & sub pedibus ejus quasi opus lapidis sapphirini, & quasi cælum cum serenum est. *b* Petrus Galatinus *c* Hebræum laudat doctorem Rabbi Haccados, qui Messæ matrem hic designari ait. Hæc illa sedes sapphirina quam Dei filius seipso implevit. Neque in orbe simile opus est visum, Non primam similem visa est, nec habere sequentem. Hinc illæ Anselmi voces : O Domina, nihil tibi æquale est : omne quod est, aut infra te, aut supra te est. Supra te solus Deus ; infra te omne illud, quod Deus non est. *d* Eam Virgo puritatem animi habuit in terra, quam beati nanciscuntur in cælo. Erat Virginis beatissimæ, ut Paulus loquitur, conversatio in cælis. *e* Ita nobilissimum agentis & contemplantis vitæ mixturam fecit : cælo inhærebat desideriis, terram illustrabat sanctissimis exemplis.

Beatus Bonaventura *f* cliens Virgini devotissimus, suo stylo Virginem sic sistit loquentem :

a *Hymnographin.*

b *Exod. c. 24. v. 1. & 9.*

c *Galatin. de arcanis Catholica veritatis è fontibus Hebr. l. 7. c. ult.*

d *Anselm. de excellentia B.V. seu in contemplatione idiota c. 2.*

e *Philip. c. 3. v. 20.*

f *Bonav. in medit. vitæ Christi, c. 3. med.*

cendum corpus institutæ, puniebantur. Nemo seipsum inter diligentes numeret, qui minimam horulæ partem vel otiano, vel inutilia faciendo audet comburare. Diligentia mavult aurum aut etiam gemmas quam tempus perdere. Homo ex asse diligens mavult sua scripta Aristophanis aut Cleanthis lucernam, quam Vitellii patinam, aut Promachi lagenam oleant. Hinc quinta diligentia actio.

5. Diligentia studiosissime fugit homines illos otiosos, temporis fures, qui & ipsi parum agunt, & laborantes impediunt. Diligentia, colloquia vana abrumpt, symposia non accedit, ne paulatim malus contrahatur habitus temporis male collocandi. Ita omnem occasionem perdendi temporis pro viribus declinat, nec damnum æstimat neglexisse lulum aut ludicra, amisisse sine sua negligentia pecuniam, perdidisse sine culpa sua gratiam; modo non male perdiderit tempus omnium thesaurorum maximum.

a *Ælian. l. 2. Var. hist. c. 5.*

C A P V T IV.

Cæli Rosa,

seu,

Desiderium celestis Patriæ.

§. I.

NON opus hic interprete; res loquitur. Rosa illa Germanis non ignota, quam illi à coloris amœnitate Cæli Rosulam a vocant, celestis patriæ desiderium signi-

femina, Pontifice Innocentio VIII. Vestis religiosa hæc fuit; Tunica erat candida, velum capitis cæli colorem amulabatur. Habitus sane pulcherrimus, & qui vel ipso colore Virginis beatissimæ puritatem, & vitam cæli inhærentem repræsentabat. Plurimæ aliæ eæque diversæ religiosa familiæ Virginis honori sunt institutæ. Exemplo sint istæ.

Anno millesimo ducentesimo trigesimo tertio Gregorio IX. Pontifice tranquillandis Italiæ civitatibus Ordo militaris initium habuit, auctore Bartholomæo Vicentino. Ordini nomen S. Mariæ Gloriosæ. Nobilissimi quique huic religioni sese addixerunt. Muneris sui esse volebant pupillos & viduas defendere, concordiam inter dissidentes conciliare.

Anno 1252. septem Florentini cives initium fecere Ordinis Servorum B. Mariæ, Martino IV. Pontifice.

Anno 1501. nobilissimus Ordo in honorem divinæ Virginis ab eventu cœpit mirabili. Ludovicus XII. Rex Galliarum suam conjugem Ioannam Caroli VIII. sororem repudiavit, duxitque Annam Principem; nec factò color defuit: matrimonium scilicet fuisse violentum, Ludovico XI. patre Ioannæ imperiosius, quam par fuisset, agente; deinde virginem, quam acceperat, à se reddi. Ioanna nihil se opponens, in Christi thalamum denupsit, & pro honore Matris Christi initium dedit Ordini novo, Pontifice Alexandro VI. Julius

quentem : Surgebam semper noctis medio, & quanta poteram affectione in templo petebam : Primò gratiam, qua dilectionis præceptum implerem, & Deum toto corde diligerem. Petebam deinde gratiam amandi & proximum, secundum Dei voluntatem ac beneplacitum. Tertio petebam, ut vitam mihi Deus ad illud tempus prorogaret, quo nasceretur Virgo, quæ Deum esset paritura mater : desiderabam itaque, servaret mihi Deus oculos quibus illam intuerer, linguam qua illam laudarem, manus pedesque quibus ei servirem. Et nunc quæ est expectatio mea, nonne Dominus, & substantia mea apud te est; a Alii in aliis sua quærent gaudia; ego vero delectabor in Domino. *b*

Neque solum Virgo beatissima ad Domini pedes cum Magdalena sedit æterna delicias contemplata, sed etiam Martha obsequiis se addixit : nam & filium & seipsam opera sua aluit. Itaque contemplantem & agentem vitam mixtura temperavit laudatissima. Vox sapientum est, vitam actuosam esse bonam, meliorem contemplatricem, optimam ex utraque mixtam. Atque hanc in Domini matre veneramur. Vt autem hæc in oculis esset, & æterna coleretur memoria, anno millesimo quadringentesimo octogesimo quarto, quod Aubertus Miræus refert, in honorem beatissimæ Virginis Conceptæ institutus est Ordo. Huic Toleti dedit originem Beatrix à Silva nobilissima Lusitanæ femina,

magistro, *a* & Amussi; *b* hos libros, obsecro, mi Lector, adi, & illic dicta in memoriam revoca. Hic addo: Mos iste quot horis divinam Virginem salutandi, tota Lusitania receptissimus est. Omnes cujuscunque ordinis & status homines mox caput aperiunt, aliisque omnibus sepositis æternam Virginem salutant. Quam verò id Deo gratum sit, non obscure palamfecit anno Christiano 1614. Atque hinc nemo non intelliget, quàm cordi Deus habeat suæ Matris honorem. Conimbricæ (civitas est Lusitaniæ, eruditionis domicilium) quidam capitalem hostem in insidiis luce dubia expectabat, in hanc unam curam intentus, ut transiturum sclopo trajiceret. Ita vigilantissimis oculis inimici adventum excepit, collineavit, glandem ejaculatus est, fragore viciniam omnem exterruit, sed conatu prorsus irritò. Res mira, & post homines natos pæne inaudita. Nam alter audito horæ pulsu repente constitit, ut pro more Matrem Domini salutaret, nec ad illud loci punctum pervenit, quod nefarius insidiator oculis designarat.

Videte testatissimum divinæ bonitatis argumentum, & quam Deo placeat suam Matrem inter mortales esse venerationi, his præsertim horariis precationibus. *c* Præcis etiam Christianis usitatissimum fuit in horas singulas frontem cruce signare.

In

a Trismegist. l. 2. c. 3. §. 2. Et l. eodem c. 10. §. 2. *b* Amussu l. 2. c. 8 §. 2.

c Anton. Balinghem. l. 3. de Iaculator. c. 6.

Iulius II. & Leo X. Ordinem illum literis confirmarunt. In eo Virgines Annuntiata degebant. Harum vestis cinere coloris fuit, ut poenitentiae monere. Candidum velum à capite ad pedes descendebat, quod virgineam puritatem oculis ingerebat : à pectore ad imos quoque pedes crux purpurea descendebat, quæ Christi in crucem acti memoriam assidue objiceret. Leges hujus Partheniæ familiæ fuerunt omnino decem, non plures. Nempe beatissimæ Virginis primariæ virtutes, quarum nomina ex Evangelis hæc recitantur : Prudentia, Humilitas, Paupertas, Veritas, Patientia, Obedientia, Pietas, Compassio, Castitas, Caritas.

Tot alios Ordines honori Virginis beatissimæ institutos, nimis hic longum fore perferere. Illud non omittendum. Sanctus Rupertus Germaniæ Apostolus anno 591. Duce Baviaræ Theodeberto Virginum cœnobium ædificavit sub patrocinio æternæ Virginis Mariæ. En religiosam familiam nobis tam vicinam à mille & amplius annis institutam !

§. II.

Est & alius Ordo longè amplissimus in quem multa millia virorum ac feminarum per totum orbem sunt adscriptæ. Hujus Ordinis lex unica ista : Matrem Domini semel qualibet hora verbis Evangelii salutare. Egimus hæc de re in Tris-

a *Nomen ei Nonyenberg.*

in tantum ut daret ei uxorem, sororem
 uxoris suæ germanam Taphnes Regina.
 Ex hoc conjugio natus est Adado filius
 Genubath, qui in Pharaonis palatio cum
 regia prole velut regis filius nobilissimam
 educationem habuit. Itaque Adado plus
 favebat exilium, quàm patria: cum lon-
 ge felicior fuit in peregrino, quam un-
 quam esse potuisset in natali solo, favore
 regio & opulentia eximius. Nihilominus
 ubi Adadus inandiit Ioabum & Davidem
 regem vita functos, Pharaonem adiens:
 Liceat mihi, ais, cum venia tua in terram
 patriam reverti. Cui Pharao: Qua enim
 re, inquit, apud me indiges, ut reditum
 urgeas in patriam? Nulla, responderet
 Adad, nihilominus obsecro te, ut dimit-
 tas me: a patrii soli prædulcis amor adeo
 inhæret, ut potentius me trahat, quam
 magnes ferrum.

Quod Adado Rex Ægyptius, hoc no-
 bis sapissime objectat mundus: *Qua enim
 re apud me indiges?* Nomen geris & de-
 cus, in pretio es, omnia tibi feliciter suc-
 cedunt. Qui autem serio patriam cæle-
 stem amat, responderet quod Adad:
Dimitte me. At opes tibi non desunt, &
 victu abundas & fortunis: *Dimitte me,
 obsecro.* Sed mundus variæ amœnitatis
 memoriam replicans: Et voluptatibus
 etiam frueris, inquit, sunt tibi gaudiorum
 socii, sunt convivium, sunt tripudia, sunt ju-
 cundi lusus, sunt alia hilaritatis invitamen-
 ta; quid tibi deest? Fac nihil deesse, cum
 f tamen

In actis Augustanæ martyris Afræ, missus à Cajo iudice explorator : Cognovi, ait, eos ferò ad te venissè, ^a & scio, quia Christiani erant, nam in omni hora signabant frontem cruce, in qua Christus eorum passus est. ^b

Hæc quot horis animi ad Deum elevatio incredibiliter accendit cælestis patriæ desiderium, quod in Virgine cælesti veneramur. Nec aliis hic impensis, non alii opus est quam consuetudine. Assuesce quod facillimum est, & magis ac magis cæli desiderio incalesces. Neque hoc solum : viam quoque signabunt tibi tui gemitus & quotidiana suspiria. Non difficile illuc itur, quo nuntius tam frequens præmittitur. Cæli desiderium in homine sincere Christiano quotidie crescat, ut non tantum in omnes horas prompti parati sinus hinc migrare, sed cupiamus etiam carceris hujus angustias effringi; nec ulla res creata ita demulceat, ut præ ea insuaves videantur illæ deliciæ.

Narrant Regum fasti, Adadam adolescentulum cum aliquot Idumæis sui parentis famulis è Iudæa in Ægyptum profugisse Ioabi metu. Rex Pharaon benevole prorsus nobilissimum hunc adolescentem excepit, amplam ei domum præbuit, lautam mensam adjecit, agros assignavit. Atque quod divinæ paginæ testantur, Invenit Adad gratiam coram Pharaone valde,

^a SS. Narcissum & Felicem.

^b Vide Marcæ Velseri Augustam Vindelcorum.

amplius in ea manere, quam unius diēi mora, propter hoc solum innumerabiles anni hujus vitæ pleni deliciis, & circumfluentia temporalium bonorum recte meritoque contemnerentur. Non enim falso aut pravo affectu dictum est, Quoniam melior est dies una in atriis tuis super millia. *a* Cujus ergo desideria non accendant, non dicam dies unus, sed æternitas in cælestibus deliciis.

Hieronymus Cardanus vir oppido doctus, rari artificii instrumentum, quo quis seipsum non difficili nisu sursum trahat, curiose describit. *b* Si res corporis ad animum transferamus, desiderium beatitudinis, ipsissimum hoc instrumentum est, quo quis seipsum quotidie sapius ad immensam pertrahat altitudinem. In cælum vis evehi? teipsum sapius in cælum attrahe desideriis. Hoc penes te est. Negligis? tibi uni culpam impinge. Nemo cælum nauseando diripit, sed vehementer desiderando & acriter pugnando. Pondus sui molestissimum sensit, qui dixit: Supra modum gravati sumus, supra virtutem: Ingemiscimus gravati. *c* Nihilominus tractorio illo instrumento seipsum in sublime pertrahens: Cupio, inquit, dissolvi, & esse cum Christo. *d*

Beatus Nicolaus Tolentinus sex totis
f 2 mensibus

a August. tom. 1. l. 3. de libero arbitrio:

a 25. & ult. mihi pag. 299.

b Cardan. l. 17. de subtilit. mihi p. 332.

c 2. Cor. c. 1. v. 8. & c. 5. v. 4.

d Philip. c. 1. v. 23.

tamen desint plurima: nihilominus, *secro te, ut dimittas me.* Non possum, mundus: est tibi uxor, sunt liberi, est familia; non possum dimittere; & quo te dem ire cogitas? Si cælum amoris est, spondebit pro se quisque: Vadam in terram meam, malo in patriam civium infimus, quam hic in exilio primus. Vadam in terram meam, cælestem patriam, illi desiderio feror; hic magnes me ferre licet frigidissimum trahat, illuc anhelor. munde immundissime jam pridem vultu tuis fallaciis jam dudum satur sum. Pollicitis ditissimus es, re vix Codrus. Sed verum esto, sis dives, sis fidus, multa dænes, & plura donaturum spondeas; Regis aut Cæsaris solium me evehas; domum Neronis auream, duplex Davidi regnum, summas Salomonis voluptatem opulentiam Croesi, magnificentiam Cyri fortunas & victorias Alexandri Magni centum & viginti septem provincias Asueri offeras; quamvis trecentas Helenas Estheres septingentas, in conjuges misistis; vale munde vale, non me teneat. *Vadam ad terram meam.*

Nisi sic Christiani sentiamus, indigni sumus, qui cælo, qui Beatorum consortio qui Deo fruamur.

§. II.

Non verissime solum, sed & nervosissime locutus mihi videtur Augustinus. Tanta est, inquit, pulchritudo & jucunditas lucis æternæ, ut etiamsi non liceret amplius

& igneus, & omnis de cælesti æternitate. Eò his colloquiis mater & filius extollebantur*, ut sibi viderentur perambulare cælum, vilescere inter verba mundo. Hinc optima mater: Fili, aiebat, quantum ad me, nihil hic amplius me delectat; res nulla me afficit. Illud erat unicum, cur diutius vellem vivere, ut te Christianum Catholicum viderem. Vota transcendere mea: Et Catholicum te video, & Dei servum. Quid hic ulterius facio? migremus in terram meliorem. *a*

Beatus Macarius cæli desiderio apud se statuerat, quinque omnino diebus ita mentem componere cum Deo, ut aliud non cogitaret quam cælum & Deum. Eo sine tuguriolum obseravit, nulli nec interroganti nec pulsanti responsurus. Initio tam arduæ contemplationis seipsum cohortatus: En, inquit, ascendis cælum: cave, ante constitutum tempus relinquo cælum. Hic ordinibus Angelorum inter-es, hic Deo frueris: hic mane: nec inferiora repete ante constitutam diem. Biduum ita exegit. Sed non tulit cacodæmonis invidia tam arduam contemplandi virtutem. Nam die tertio casam Macarii sic populari coeperunt flammæ, ut etiam storea, cui vir sanctus insistebat, coepit ardere. *b*

Quod Macarius geminos dies geminasque noctes ardore incredibili perseveravit, utinam nos subinde geminis horis aut

f 3

hora-

*a Aug. l. 9. Confess. c. 10. & 11.**b Palladius in vita Macarii Iunioris c. 17.*

mensibus ante obitum singulis noctibus Angelorum symphoniam audiit, quæ velut gustulum æternitatis beatissimæ præbebat. Quo igitur desiderio beatitudinis arsisse hunc virum credimus, qui ad illam tam suaviter invitabatur? nimirum illo eodem, quo Paulus, tractorio instrumento usus, & seipsum ad astra pertrahens frequentissime dicebat: Cupio dissolvi, & esse cum Christo. Cumque jam ferreus somnus oculos urgeret, collectis spiritus extremi vocibus in lætitiæ eripit insolitam, Ubi causam tam inusitati gaudii quæsissem qui aderant morientem Ille: Dominus meus Iesus, inquit, sanctissimæ Matri suæ innixus ita me alloquitur. Euge serve bone & fidelis, intra in gaudium Domini tui. Sub hæc verba exhalavit animam.

Sanctus Ignatius Lojola tam ardenti desiderio æstuabat ex his vinculis evolare ad Christum, ut quoties mortis suæ meminisset, temperare à gaudiorum lacrimis non posset. Nam illo eodem prorsus tractorio instrumento ad sidera seipsum attollens: Cupio, aiebat, dissolvi, & esse cum Christo, multo mihi melius. Neque ideo solum quo summum sibi bonum fruendum obveniret, sed ut gloriam Christi tantopere amati coram intueretur. a.

Beata Monica divi Augustini duplici nomine mater, jam vicina morti cum filio cœpit colloqui. Sermo erat prolixus

Peregrinatio est vita nostra: cum diu ambulaverimus, deinde redeundum est. Nemo peregrinus patriam non desiderat: etiam fumum

Optat de patriis posse videre focis.

Nescio qua natale solum dulcedine cunctos

Ducit, & immemores non sinit esse sui.^a

Atque hoc quidem accidit etiam iis, quibus extra patriam bene est. Quis jam eorum erit sensus quibus male est? Sed & aliis rebus patriæ desiderium innatum. Vestix ad natales latebras ac silvas properant: Aves ipsæ, quamvis alibi saginatae, ad patrios nidulos revertuntur: assueta leones antra petunt. Arbores transplantatæ solum malunt nativum. Ad suum centrum præcipitant saxa, ad suos fontes & ad mare peregrinata diu flumina recur- runt. Ad sphæram suam evolat ignis. Homo solus est peregrinis, quamvis in exilio miserrimus, reditum in beatam patriam non assidue cogitet? Hic dum sumus in corpore, peregrinamur à Domino. *b* Animus est calo oriundus, terræ inquilinus cælum suspirat. Hoc uno beatioris vitæ desiderio probi improbique maxime differunt. Probi ut generosa semina in ortus exsurgunt suos, redire cupiunt, unde animo, potiore sui parte, descenderūt. Improbi ortus illius obliti, præter terram vix quidquam sapiunt. Bonum est illis hic esse:

f 4

Cælum

a Ovid. l. 1. de Ponto eleg. 4.

b 2. Cor. c. 5. v. 6.

horarum partibus faciamus, ea quidem ratione, ut quis ipse sibi dicat: Humile ac sordidas cogitationes pelle; relinque terras paullulum; ascende cælum, Angelorum choris temet inferre, Deo frui: dispice, quo loco mansurus sis æternum.

Sunt qui totis mensibus vix unquam ferio cælum cogitent, velut Ægyptii aratores, quorum nemo cælum aspicit. Nilus Ægypti nominatissimus fluvius, Philone teste, a quod aliis regionibus cælum hoc ipse præstat Ægypto. Nam uti cælum pluviis superne defluentibus terram irrigat, ita Nilus aquis ex imo ascendentibus inundat agros. Hinc aliarum regionum incolæ cælum, Ægyptii Nilum aspiciunt, à quo pluviam expectant. Hinc recitat me Seneca: In Ægypto, ait, nemo aratorum aspicit cælum. Simillime hic dicarim: Nemo amatorum mundi celestis considerat. Cælum iis inane nomen est: terram intuentur, terræ spumam, aurum sitiunt.

Longe aliter ad cælum nati se gerunt. Olim Israëlì Moses: Terra, inquit, quam ingredieris possidendam, non est sicut terra Ægypti, ubi jacto semine, horum in morem aquæ ducuntur irrigua: sed montuosa est & campestris, de cælum expectans pluvias. a Illi nimirum quibus celestis patria promissa est, quicquid solidæ voluptatis percipiunt, è calo trahunt: inde iis ros fuit optatissimus.

Pere

a Philo de profugis.

b Dent. c. II. v. 10. & 11.

ab omni facie vestra. *a* Fuit, cum etiam in vos suam pharetram mors exoneraret, & animum vobis extorqueret, non uno vulnere. Nunc verò ubi mors aut mortis toxicata spicula? Præcipitavit mortem in sempiternum is, qui morte sua mori coëgit mortem, eamque propria iussit cadere truculentia. Vos contra statis in monte sublimi, & felici, in monte, in quo Dominus exercituum convivium populis faciet æternum. *b*

Fuit, heu! fuit cum mœroribus, angoribus, ac doloribus oppressi tabesceretis, non ausi nisi madidos in cælum oculos emittere. Abiit mœror, evanuit angor, dolores fugerunt, oblivioni traditæ sunt angustia priores universæ. *c* Quam mutata fors est inter vos & illos, qui vos olim calcarunt, lacerarunt, jugularunt! lacrimæ vestrae in illorū cachinnos transierunt, triumphus illorum in vestras lacrimas mutavit. Et est nunc, qui omnium vestrum loco tyrannis omnibus inclamet altum: Ecce servi mei comedent, & vos esurieris: Ecce servi mei bibent, & vos sitietis: Ecce servi mei lætabuntur, & vos confundemini: Ecce servi mei laudabunt præ exultatione cordis, & vos clamabitis præ dolore cordis, & præ contritione spiritus ululabitis. *d* Ecce enim ego creo cælos novos & terram novam, & non erunt in memoria priora.

f 5

Hæc

a Isaia c. 25. v. 8. *b* Ibid. c. 25. v. 6.

c Ibid. c. 65. v. 16.

d Ibid. c. 65. v. 13. & 17.

Cælum eis desipit, quibus terra sapit. Nimirum terrigenæ terram, cælum affectant caligenæ; nec ullus abit dies, quin mente illic sint. Hoc iter obstrui nequit.

Omnia possideat, non possidet athera Minos

Gratia Dis; animo quolibet ire licet. a

Inveniunt hi Dædali alas, quibus in cælum, quoties volunt, evolent. Conversatio eorum in calo est. *b* Has alas forsan, & volandi artem non nemo desiderat? Iuvabimus, & quâ licet, signabimus caelestem hanc semitam. Ergo stemus simul, (Isaias loquitur) ardentisque gemitus ad cælum & ad Cælites mittamus hoc modo.

a Ovid. Metamorph. & Trist.

b Philip. c. 3. v. 20.

§. IV.

Quàm ego hodie ad vos, ô beatissimi Cælites, suspiriosum (ah) ex intimo pectore prorumpo! Ah! quam me gemerdocent mala mea innumera, & innumera vestra, quæ nunquam amittetis, boni Vos, ô Divi Divæque, diem luctus jam finivistis, vobis ultrâ sol vester non occidet, & lunæ vestra non minuetur, quia Deus vobis est in sempiternam lucem. *a* Olim quidem, sed olim tantum flevistis, & acerbis lacrimas ut largissimam sementem effudistis, nunc vero ab hac tantâ tristi semente quàm lætos refertis manipulos? *b* lacrimam omnem abstergit Deus

a Isaiæ c. 60. v. 20.

b Psal. 125. v. 5.

nescunt omnia, neque sub sole est, quod æternet. Vos illi æterni soles, ô sancta agmina, quos nullæ unquam sepelient nubes: vos illæ stellæ nunquam occasuræ. A vobis dies est, quem nox nulla excipit, quem nulla dividit sollicitudo & cura. Ah! quam jure altum traho ad alta illa viridaria suspirium! & tamen ad ignota suspiro gaudia; quid si ea gustassem, quid si fuisset illa expertus? certum mihi est, solo illorum desiderio velut ab igne cera tabescerem, & vel millies in vitam vocatus non horrerem, vel iterum millies ac nullies è vita tormentis ejici, sola cupidine ac fame cælestium deliciarum illectus. Nunc vero cum eas nec oculus viderit, nec auris audiverit, ardeo tamen & æstuanti feror desiderio ad voluptates nec auribus nec oculis unquam libatas. Hoc scio, quam suave mihi foret, quam & jucundum, non posse esurire amplius, non sitire, non frigere, non dolere, non posse amplius mori. Quotidiana hæc mala sunt, quæ vitam humanam incurrunt. Et quota tamen hæc beatitudinis pars est, malis carere? imò beatitudo non est, sed ut hæc sit, mala illa non esse necesse est. Ergo vere beatum esse, non tantum est à miseriis procul esse, & nescire mala, sed & inter voluptates esse, arque deliciis affluere.

Hæc Regis vestri, ô cælites, cui servitis, vox est in improbos illos, qui servitutum, quam conditori suo debebant, suo seductori præstare maluerunt, cui imperare poterant. Eant nunc, & ex imo Tartarorum spelæo cachinnis vos impetant, fannis & sibilis proscindant. Non obsunt amplius colubrorum horum vibrantes linguæ, sed nec olim oberant iis, quibus Deus erat clypeus, & munimen, & omnia. Ipsi suis se dentibus lacerant, quos in aliorum fixerunt ulcera; & veneno perimi se jam dolent, quod in aliorum viscera putarunt transfundere; nemini magis noxii, quam sibi. Vos jam, ô beatæ phalanges, extra omnem teli jactum in alto ac securo triumphatis, & quidem sine flagello ad triumphalem curram appenso, sine nola & assistente carnifice. Brevis erat, imo unius erat momenti mœstitia vestra, nunc gaudebitis & exultabitis in sempiternum, & non audietur in vobis ultra vox fletus & vox clamoris. Felicitas vestra hoc uno invidenda maxime, quod invidiam omnem nesciat. Ambitio, livor, contentio ab Elysiis illis domiciliis procul exulant.

Sed cheu! quam misere mortales nos exercent hæc pestes, quibus in immortales juris nihil est. Vix hic ullus honor sine ambitione; nulla hic sine livore gloria, sine contentione nec infima quidem felicitas: & absint hæc mala, quamdiu tamen honos, quamdiu stat fama? ut fumus evanescent

suam pulchritudinem pulchra omnia: hæc, inquam, in unum conferantur universa, colligentur, & unum quid fiat; ad Deum collatum quid erit? non tantum, quantum nox ad diem, ad solem candela, ad mare una est guttula; adeò venusta omnia, pulchra omnia, bona omnia, præ uno i'lo pulchro & bono, non rem tantum, sed & nomen amittunt. Hujus boni æterno intuitu beantur omnes cælitres: hujus aspectu sic satiantur, ut satietas eos captura sit nulla, nullum fastidium. Torrente sincerissimæ voluptatis inebriabuntur, nec sitire desinent; sed neque desinenti inebriari, & repleti ab ubere consolationis; nam Dominus illorum declinabit super eos, quasi fluvium pacis. *a*

O quæta securitas, ô quies secunda, quàm ingemisco, cum cogito de te in hoc turbulento Oceano! O cælestes epula! longe suavius est vel miculas vestras libare, quam annos plurimos saginari è mensis Siculis. Beati, quæ esuriem non longam æternis conviviis mutarunt, brevem sitim non defecturo nectare solantur, æstus & algorem jucundissima temperie, labores omnes non finitura quiete, omnes dolores non perituro gaudio excludunt. Ah! quam jucundum est exili meminisse in patria, tormentorum recordari in gaudiis? Gaudete, ô beati cælitres, nullæ vobis amplius erigentur crucæ, nullæ volventur rotæ, nullæ induentur molestiæ tunicæ, nullæ in vos immit-

tentur

§. V.

Et illas vestras, ô cæli cives, quas esse dicam? Grandia sunt volumina, quæ illas conentur oculis subicere. Sed & piorum voces de illis crebræ sunt, plenæque sensus & affectus. Ah! infantum balbuties est, & male narratum somnium, quidquid scribitur, quidquid dicitur, quidquid canitur de beatorum gaudiis. Vel illorum umbram cogitationes nullæ assequuntur, nedum voces. Atque hinc est, quod voluptatis tam incomprehensæ cupido, tam facilè, tam sæpe inepescit. Nimirum unus aliquis è silva carbonarius, tugurium suum quod habitat, vel amplissimis palatiis, quia ignotis, anteposit. Ita nos sæpe carceres nostros, quos incolimus, stellatis illis regionibus præferimus; oblectatiunculas nostras, quibus fallimur, futuræ anteponimus voluptati. Eheu bis miseri! quibus nec diu, nec sine dolore frui licet perituris gaudiis, nec assequi duratura illa, ob male cupita peritura. Sic cælum amittimus, & terram non retinemus. Beatos vos ô cæli Reges Reginaeque, qui maluistis iacturam omnium facere, ut unus vobis esset omnia Deus, qui vos jam innumeris cumulat bonis.

Ah! ô Deus, ah! quid est, te frui, te intueri, te amare, & amari abs te! formam suam in unum conferant formosi homines omnes, suum splendorem omnes stella, suam venustatem omnes flores, omnes gemmæ suam elegantiam,
suam

palabundi in alias alio sole calentes terras
ejecti? sed felix Ecclesia, post tot prælia
viatrix & triumphans, omnis jam doloris
& angustiarum secura, quia innixa dilecto
suo, sponsa sponso: à cujus labris medi-
camina, tanquam à lacteo puer ubere, su-
gat in medelam; à cujus pectore tanquam
à fonte perennaturo, restingat sitim in æ-
ternæ dulcedinis augmentum.

§. VI.

Hi sunt, qui Prophetiarum spiritu inundati,
qui vitæ sanctimonia clari, qui dispersi,
qui vagabundi, patriique soli, extorres,
conversationem suam quærebant in cæ-
lo, æternitatis candidati. Itaque oculos
attollamus cælo: En Sionis gloriam pro-
luctu. Etenim hi sunt, qui potum fletu,
panem cinere miscuerunt, gulam Deo suo
mactantes: hi qui animam suam, victus
castigatione, Deo immolarunt; qui car-
nibus & vino sæpe etiam pane abstin-
tes, leguminum pabulo, & aquæ potu,
carni frenos induerunt. Ex his Paulus,
Antonius, Hilarion, Macarius, Stylites,
Paphnutius, Arsenius, Theodorus, Daniel,
Benedictus, Maurus, Placidus, Damasce-
nus, Bernardus, Dominicus, Franciscus,
Bruno, Ignatius, omnem sui amorem ad
cælum cælique Regem transtulerunt.

Post hos, Virgines nubere nescientes,
quasi perpetua carnis oblivione ad para-
disi delicias jam adlectæ: faciem frugi &
oculos condignos divinæ disciplinæ arctis-
sima manciparunt custodia. Hæ Aposto-
li exemplum & monita secutæ, nullum
virum

tentur bestiae, nullae vos lacerabunt ungulae. Ignes, secures, gladii, & omnis feralis supellex in auctores suos rediit, illos aeternum excarnificatura, à quibus in insontum carnificinam usurpata est. Gaudete, victores Christiani: prunae quas calcastis, jam rotae vobis sunt; ungulae quas purpurastis, lilia; columnae ad quas cecidistis, trophaea; craticulae in quibus affati estis, refrigeria; cruces quas vestistis, thalami; saxa quae cruentastis, gemmae; faces, quas sustinivistis, Favonii; carceres quos habitastis, Elysii campi vobis sunt.

De his omnibus verissime pronuntiavit orbis concionator Paulus: Circumierunt in melotis, in pellibus caprinis angustiiati, afflicti, egentes, quorum dignus non erat mundus. *a* Nec est, quod quisquam merito miretur, adeo probos semper vitaeque integros, ab improbis fuisse oppressos. A primordio namque religio & innocentia vim patitur. Qui Deo placuerat, occiditur, & quidem à fratre; quo proclivius impietas alienum sanguinem insectaretur, à suo est auspicata. Helias fugatur, Hieremias lapidatur, Isaias secatur, Ioannes legis clausula, in puellae saltatricis lucra *b* trucidatur. Eadem reperies omni aeo quanti Caesariano gladio ceciderunt? quanti aggeres campique Christiano fatiscentes sanguine, flumina retro egerunt? quam multi dispersi, & pala-

a Hebr. c. II. v. 37.

b Für ein Zanggest.

tantum nunc junge tibi, ô Deus, quam non patieris æternum esse viduam, & paradisi exulem.

Sed ad Divos redeo, qui ærea candenti veste induri, mollius in hac triumphali, quamvis molesta tunica, quàm in Milesiis, purpureis, aut coccineis steterunt ovibus. Ita virtus duritia extruitur: ita pluri mi cum Bonifacio, Vito, Modesto, ferventi plumbo, oleo, resina, pice, sulphure, tanquam balsamino perfusi rore, omne crudelitatis ingenium contempserunt. Bene Cyprianus: Quis, inquit, non omnibus viribus elaboret, ut cum Christo statim gaudeat? ut post tormenta & supplicia terrena ad præmia divina perveniat? Clauduntur oculi in persecutionibus terræ, sed patet cælum; minatur Antichristus, sed Dominus Christus tuetur; mors infertur, sed immortalitas sequitur; occiso mundus eripitur, sed restituto paradisos exhibetur; vita brevis extinguitur, sed æterna reparatur.

Quanta est dignitas, & quanta securitas, exire hinc latum, exire inter pressuras & angustias gloriosum; claudere in momento oculos, quibus homines videbantur & mundus, & aperire eosdem statim, ut Deus videatur & Christus! Tam velociter migrandi quanta felicitas, ut terris repente subtraharis, & in regnis cælestibus reponaris! O regna, ô beatitudinem, ô delicias sine fine duraturas! Eo totus aspiro, eo mei anhelant gemitus. Heu mihi quia incolatus meus prolonga-

virum noverunt præter Christum, cui maturitatem suam sponfarunt, & in cuius voluntatem totæ concesserunt, soli Deo notæ; adeoque universim composita, ut nec alios admiserint, nec suos emisserint oculos, soli libidini cæcæ.

Horum omnium animo magnum non fuit, ignem risisse ut plumam, rotam amasse ut culcitram, bestias provocasse ut muscas, flammæ caleasse ut rosas, magnum tamen fuit corpori, fuit ossibus, fuit nervis. Magna igitur merces manet tantorum suppliciorum victoribus. Cruore, vibicibus, flagris, livore negotiati sunt coronas. Ostende jam illis livores, negabunt esse suos. Siste sanguinem, crudelem te dicent, quod hunc fontem velis stare, qui calum reseat; sudorem mirare, contemnent tanquam villoris mancipii donativum; vulnera commiserare, pellem dicent integram, quam integrit æternitatis gloria. Magni omnes, sed post pugnam magni. Felices animæ, quæ ne caderent, cadebant quotidie mortuæ, ne morerentur æternum. Bonus Deus, nec tantum pater, sed & pia mater, quæ ut æternum læset, modico absinthio infantem terret. Ah sim & ego ex illis filiis; imò ab hac matre juguler, ut filius fiam; perque gladium fidei & veræ virtutis experimentum, transcribar in meliorem vitam, imò in pacem Deo cœviam. *Nam quid aliud à primordio fides & probitas, quam juguli debitor? hoc debitum exsolvam tibi.*

laceat hic inhonorus cinis: animam tantum

Qui cælum serio desiderat, laborare, precari, vigilare, in ediam tolerare, humi cubare, carnem variis rigoribus atterere, inter suavia numerat. Carnis amor amore cæli superatur. Desiderium desiderio restingitur : quicquid inde minuitur, hinc crescit. Illa omnia, quæ dixi, dura videntur ei, qui beatitudinem non expendit. Qui cælum desiderat, ingenti spiritu, toto pectore proclamat: Quid mihi, & voluptati, quæ momento perit?

3. Qui cælum ardentè desiderat, seipsum sæpius sic affatur: Nonne melius est brevi tempore dimicare, ferre vallum, arma sumere, famem sitimque perpeti, lassescere sub lorica, ridere ad vulnera, & postea gaudere victorem; quàm impatientia unius horulæ servire perpetuo? Quare age, labora, curre, vigila, opus fac Christiani, ministerium tuum imple, sobrius esto. Iam pugnæ tempus est; sequetur victoriæ non tempus, sed æternitas. In præmium tibi promissum est cælum; aude illud rapere. Nihil amantibus durum est; nullus difficilis cupienti labor.

4. Qui cæli cupiditate inflammatur, dies noctesque clamat: Quis dabit mihi pen-
nas sicut columbæ, & volabo, & requiescam? *a* Heu me quia peregrinatio mea prolongata est *b*! Sed non sunt condignæ passionēs hujus temporis ad futuram gloriam, quæ revelabitur in nobis. *c* Domine
g 2 dilexi.

a Psal. 54. v. 7.

b Psal. 119. v. 5. Sic legit S. Hieron.

c Rom. c. 8. v. 18.

tus est. Ecquando veniam, ô Domine Jesu, & apparebo ante faciem tuam? a

Nec enim usquam quidquam invenio melius quàm te videre. Et mecum sentiens Augustinus: Si invenis melius, inquit, quàm videre faciem Dei, illuc te prapara. Væ tali amorì tuo, si vel suspicaris aliquid pulchrius, quàm est ille à quo est omne pulchrum. Qui fecit omnia, melior est omnibus; qui pulchra fecit, pulchrior est omnibus; qui fortis, fortior est; qui magna, major est. Quicquid amaveris, ille tibi erit: disce amare, in creaturam Creatorem, & in factura factorem: ne timeat te quod ab illo factum est, & amittat eum, à quo & ipse factus es. a

His talibus suspiriis nutriendum est cæli desiderium. Nam actiones hominis cælum desiderantis in pauca confero.

a Psal. 41. v. 3.

b Aug. in Psal. 43. & in Psal. 39.

A C T I O N E S CÆLESTIS DESIDERII

1. Prima omnium actio est hominē cælum animo desiderantis, mundum spernere. Pro thesauro non colligere plumbum, qui auri pretium cognoverit deformem Vetus tinam non amabit, qui Helenam spectaverit; facile contemnet mundum, qui paullo attentius consideravit cælum.

2. Cæli desiderium difficillima quæque non facilia tantum, sed & jucunda reddunt. Qui

DE DESIDERIO CÆLI. IOI

bus. O anima, qualis tibi erit dies illa, cum supra omnes has stellas, ad felicissimas illas choreas fueris assumpta, cum tibi tormentum (si jam patienter id sustinueris) convertetur in æternum jubilum? Tunc de omnibus his laudabis Dominum Deum tuum. Misericordias Domini cantabis in æternum. *a*

7. Qui cælum in votis habet, quanto magis adversa sentit, & quanto gravius percussitur ærumnis, tanto ille ardentius ad patriam suspirans vociferatur: O domus Dei æterna, tu esto lætitia & consolatio mea: dulcis memoria tui beati nominis, sit relevatio mœroris mei & tædiorum omnium. O bone Jesu, doce me facere voluntatem tuam, ut à spiritu tuo bono deductus, ad illam beatorum civitatem perveniam, ubi est dies æternus, certa securitas, secunda æternitas. Da quæso, Domine Iesu, ut illuc totis desideriis & omnibus studiis constanter tendam, quo te ascendisse credo; ut in præsentī quidem miseria, solo tenear corpore, tecum autem semper sim in cogitatione, & ibi sit cor meum, ubi tu est thesaurus meus.

a Bonavent. Soliloq. c. 4.

dilexi decorem domus tuæ, & locum habitationis gloriæ tuæ. Unam rem petii à Domino, hanc requiram, ut inhabitem in domo Domini, omnibus diebus vitæ meæ. Beati qui habitant in domo tua, Domine, in sæcula sæculorum laudabunt te. ^a Lætitia semper piterna supercapita eorum; gaudium & exultationem obtinebunt. ^b

5. Qui cælestis patriæ desiderio ardet, Hieronymi præceptum exactissime observans, egreditur quotidie de carcere, & præsentis laboris ante oculos sibi pingit mercedem. Quotiescumque in mundo pulchri aliquid aut amœni, grati saporis aut raræ delectationis viderit, audierit, gustarit, contrectarit, ad paradysum mente transgreditur, & esse incipit, quod futurus est. ^c Et millies sibi ipse dicit: Hæc omnia & plura cum infinite majori voluptate possidebimus in cælo.

6. Qui gloriam cælestem sitienter amabit, quietæ noctis silentium observat, hic stelligerum cælum firmè suspiciens, seipsum Bonaventuræ verbis alloquitur: O anima, quid dicere valeo, cum futurum gaudium aspicio? Jam pænè præ admiratione deficio, quia gaudium erit intus & extra, subter & supra, circum & circa. Gaudebis in omnibus, gaudebis de omnibus.

^a Psal. 23. v. 8. & Psal. 26. v. 4. & Psal. 83. v. 5.

^b Isa. c. 35. v. 10.

^c Hieron. tom. 1. epist. 22. ad Eustoch. c. 2. fin. mihi pag. 65.

lius Iobus, sed optime Andreas Aposto-
 lus, optime Paulus, optime Ignatius An-
 tiochenus, Smyrnenſis Antistes Polycar-
 pus: optime alii innumeri. Heli Sacerdos
 in primo velut gradu conſtitit. Nam cum
 ei Samuel divino juffu imminentem ma-
 lorum ſeriem prædixiſſet, ſubjunxit Heli
 patiens auditor: Dominus eſt, quod bo-
 num eſt in oculis ſuis faciat. *a* Iobus altior
 ivit, datus præſcæ legi in ſpeculum Patien-
 tiæ. Et an non quævis animo libenti per-
 tuſiſſe cenſendus, qui dixit: Si bona ſu-
 ſcepimus de manu Domini, mala quare
 non ſuſcipiamus? Sit nomen Domini be-
 nedictum. *b* En volentem & lubentem
 Iobi animum in adverſa omnia. Hæc ta-
 men à Deo non petiit, neque enim illum
 ulcerum theſaurum deſideravit, neque
 illam liberorum ſtragem optavit. At verò
 in lege nova diſcipulus Chriſti Andreas
 crucem omnibus votis expetiit, emi-
 nus conſpectam amiciffime ſalutavit,
 Salve, ô bona crux. Deponendus è
 cruce, nequâquam ſe inde ſolvi paſſus
 eſt niſi mortuum. Hoc nimirum eſt, hi-
 lariter pati. Ita Paulus doluit non poſ-
 ſe vel centum cruces uno veſtire cor-
 pore; voluiſſet mille animas habere, quo
 eas liberalius pro Chriſto poſſet per va-
 ria ſupplicia prodigere; inſatiabilis erat
 patiendò. Nam ubi quotidie pane mor-
 tuus & innumera paſſus, Optabam, in-
 quit, ego ipſe anathema eſſe à Chriſto pro

g 4. *ſc. 3. 11. 2. fra-*

a 1. Reg. c. 3. v. 18.

b Iob c. 2, v. 10.

C A P U T V.

Rosa Silvestris,

seu,

Patientia.

S. I.

SILVESTRI Rosæ a Patientiam conferimus. Virtus hæc necessaria, non tamen summe ardua: tribus solum gradibus ad eam pervenitur. Primo nomen PATIENTER, alteri LIBENTER, tertio HILARITER.

Singulos explicamus. Primus Patientiæ gradus est, *Patienter*, seu, velle potius pati quàm peccare; ægrotare malle quàm magum consulere. Atque ita qui non murmurat, non queritur, non indignatur; qui manus dat, *b* seque miseriis permittit, hic in primo Patientiæ gradu consistit.

Alter Patientiæ gradus est *Libenter*, cum quis ad perferenda adversa promptus, nec gravate collum submittit jugo, aptat se oneri, attemperat se doloribus; sine lamentis in montem Golgotha evadit. Hic gradus primo longe altior est.

Tertius *Hilariter*. Cupere adversis fatigari, eaque cum gratiarum actione velut donum è cælo admittere. Videte, quàm dispari conatu, alii atque alii hos gradus conscenderint. Non male Heli, sed melius

a Holtzröstin.

b Er gibe sich.

num respuam: Dux meus spinas pro galea gerit, ergo facessite rosæ à meo capite, inter orbiculatum senticetum ero formosior.

§. II.

Atque hi sunt Patientiæ tres gradus. Nunc porrò videndum, qui eos Virgo beatissima conscenderit, cui plurima semper Patientiæ seges fuerat in manu. Atque ut hæc summatim libemus: Anceps Iosephi animus, & occulti abitus molitio, quantum mœroris habuit? Tacuit Virgo, & rem Numini commisit. Puerperium in spelæo, pecudum hospitio, in extrema rerum omnium penuria, quantum incommodorum tulit? Tacuit Virgo, & pertulit. Filium octavo die cruentari, non potuit non esse acerbum huic matri vulnus. Hunc ipsum filium Herodis gladio destinatum ad necem quæri, mors utique fuerat huic parenti. Sequitur fuga in Ægyptum, & totius septennii exilium. Quæ omnia Virgo patientissimè tulit. Filium duodecennem cum triduo amisisset, quantis eum suspiriis, quantis doloribus quæsisse censenda est? nec tamen hic quidquam habuit impatientiæ. Ioannem Baptistam aulicum Herodis concionatorem capite plexum esse, acerbis quoque nuntius huic Virgini fuit. Quantus deinde amaritudinis cumulus in virgineum pectus descendit, cum filius plebem miraculis & concionibus formaret, sæpe tamen non referret nisi contemptum, irrisum, convitia, calumnias.

fratribus meis. ^a Beatus Bonaventura fientissimus patiendi: Nolo, inquit, esse sine vulnere, ô bone Iesu, cum te sic vulneratum videam. Non convenit, Domine, ut ego gregarius miles, cuticula non faucia & bene curata triumphem, tu verò dux in oculis meis panè unum, sed grande ac lacrimabile *vulnus* pendeas & expires.

Moris erat olim pane omnia vestium dissecta gerere: ocellatus thorax, ocellatae manicae, tibialia, caligae, fenestrati calcei, perforata omnia censebantur pulchra. Si quis ejus rei causam sciscitatus objecisset, eum sibi morem probari non posse, ob plures ac superfluos sumptus, prolixioris sartoris operam, pannos subdititios, & brevioris vestis usum: huic nemo non respondisset: Ita moris est; hæc vestium forma jam omnibus placet, ideo nec opera, nec crumenæ hic parcendum: novis vivendum moribus est. Nunquid argumentum nostrum videtur probum? cur ergo non optimè ratiocinetur Bonaventura, Hoc quidem asperum nec facile toleratu, res sudoris & arduæ virtutis est, sed quia in te, Domine Iesu, hoc novum vestimenti genus contueor, omne corpus tuum ocellatum, vulnus hæret vulnere, nullum membrum non faucium est: & ego pro meo in te amore hunc habitus modum amplectar; ardenter cupio crucifixo Domino meo, quàm licet, exæquari. Pudet jam integro esse corpore. Dominus meus Iesus fel bibit, nec ego hoc salernum,

Tanto erectior & illustrior est in homine Patientia, quanto in eodem amplior est divinae Voluntatis, Sapientiae, Providentiae, Bonitatis ac Iustitiae cognitio: atque Virgo beatissima prae aliis omnibus notitiam illam habuit; ergo se semper & in omnibus divinae Majestati cum perfectissima patientia subjecit. Noverat illa exactissime moerores suos ac dolores omniumque hominum à divina voluntate, & velut à DEI manu submitti. Itaque quidquid adversi sentiebat, summi beneficii loco habebat. Qua quidem ratione generosissimis Martyribus excellebat, in quibus non genus supplicii, sed ardor patiendi attendendus.

§. III.

Patientia cibario pane magis necessaria est: quia cum panis deest, aut illius non satis tunc Patientia ejus vicem subeat. Adeoque Tarsensis Paulus multo quàm verissime dixit: Patientia vobis necessaria est. ^a Hominem cetera imbecillem, patientia tamen cum & diaboli & sui victorem efficit. Homo ad patientiam compositus omnem Acherontis exercitum tuto ad certamen provocat. Philistaeus gigas: Date mihi virum, clamabat, & ineat mecum singulare certamen. ^b Talis athleta Iobus, omni armorum genere cum diabolo congressus est, & semper palmam tulit. Patientia virtutū omnium munimen est.

^a Hebraeor. c. 10. v. 36.

^b 1. Regum. c. 17. v. 10.

lumnias. Hæc matris animum compunxerunt, simul tamen patientiam accenderunt.

Quod vero pelagus doloris & mœoris in Virginis animum sese infudit, cum filius vale mæstissimum matri diceret subiturus crucem? Hic mæror ex mærore, alia atque alia doloris acerbitas secuta. Brevis adfuit de filio capto nuntius, quem notique acerbissima excepit. Postera lux omne crudelitatis ingenium in virgineam Patientiam explicavit. Quicquid ulli unquam Matyres pertulere, hoc eo die una Virgo pertulit, & diriora. Quæ enim in Virginis auribus tempestas fuerit infanientis populi clamor, *Tolle hunc, crucifige?* O quale & quàm luctuosum in maternis oculis spectaculum, filius flagris cæsus, spinis coronatus, in ludicrum regem vestitus, damnatus ad crucem! Ecquis, oro, sensus Virgini, cum illam funestissimam pompam, prodeuntis inter latrones filii fuisset oculis spectavit? Quis denique acerbitatum oceanus mentem Virginis vallavit, cum filium in trabe jam pendentem, jam morientem vidit, ultima morientis, verba audit, mortuum suo sinu excepit?

Post filii verò ad Patrem reditum duo maxime torquebant matrem; ludæorum horribilis pertinacia, & sui obitus dilatio. Nihilominus hanc ærumnarum molem non patientissime solum pertulit, sed & alterum tertiumque Patientiæ gradum superavit; quod demonstramus hoc modo.

Tanto

Atque hinc est, quòd Christus iis, qui virtute jam multa sunt exerciti, calamitates varias in præmium mittit: perinde ut Domini probatissimis famulorum præturas & præfecturas muneris loco committunt. Ergo labor, inquires, laboris merces sit? Ita omnino; si labor aut magnæ dignitatis, aut excellentis lucri sit. Sapienti nihil suavius his laboribus. Hoc Christus luculenter satis calamo beati Marci explicans: Nemo est, inquit, qui reliquerit domum, aut fratres, aut sorores, aut patrem, aut matrem, aut filios, aut agros propter me, & propter Evangelium, qui non accipiat centies tantum nunc, in tempore hoc; domos, & fratres, & sorores, & matres, & filios, & agros cum persecutionibus; & in futuro sæculo vitam æternam: *a* Observa illud vigilanter: *Cum persecutionibus* etiam hæc inter munera numerandæ: nam & in officio nos continent, & amplioris præmii causa sunt.

Hinc Virgo beatissima tam variè, tam diu, tam assiduè afflicta. Poterat illam Deus solo Simeonis silentio, longissimis mœroribus, triginta trium annorum gladio subducere; poterat ingentem tridui luctum verbulo prævenire, poterat omnes suæ mortis dolores adimere, vel certè mitigare, si eam non Hierosolymis esse, sed Bethaniæ latere quatriduo jussisset, dum redivivū se sisteret. Verùm sic oportebat Christum pati, *b* sic & Christi matrem;

a Marci. c. 10. v. 29. & 30.

b Luc. c. 24. v. 46.

est. Quod Gregorius affirmans: Patientia, inquit, est radix custosq; rerum omnium. Nec vero quidquam est, quo Deum quis potentius demereatur, quàm patientia: sed nec ullum certius amoris in Deum est argumentum, quàm multa pro Deo patienter ac libenter tolerare.

Ludovicus Blosius peritissimus magister spiritus vel mediocrem, vel etiam in parvis patientiam illustri ac digno prorsus elogio commendat; nec putem alium facile scriptorem esse, qui rem oculis tam nativa & propria dictione subjiciat. Auctoris verba quàm integerrima recito. Hæc Blosii est institutio: Neque enim aliquid utilius, inquit, homini accidere potest, quàm tribulatio, sive sit externa sive interna. Et nullum certius signum divinæ electionis habetur, quàm si quis tribulationem humiliter patienterque propter Dei amorem sustineat.

Illa enim est pretiosus & præclarus annulus, quo Deus animam sibi desponsat. Pari pro Deo, res tantæ dignitatis est, ut homo jure se reputare debeat indignum eo honore. Etiam exigua molestia propter Deum æquanimiter tolerata, incomparabiliter præstantior est, quàm sint multa & grandia bonorum operum exercitia. Quodvis gravamen imaginem aliquam excellentissimæ Passionis Domini nostri Iesu Christi refert, & in eo homo promereri potest perfectam ejusdem Passionis Dominicæ participationem. a

a Blosius Instit. spirit. c. 8. circa med. mihi
pag. 389. Atque

ascenderent. Dionysius junior regno dejectus, adeo pristinam fortunam oblivisci potuit, ut cum à quodam rogaretur, Ecquid è Platonis consuetudine assecutus esset, quem incolumi regno tamdiu penes se habuisset; An parum, inquit, consecutus vobis videor, qui præsentem fortunam tam fortiter fero? Ferre debuit; solidæ patientiæ præmium non meruit.

Socrates vir ad sapientiam natus, ictu calcis à quodam percussus, patienter id tulit. Hoc quidam ex ejus sectatoribus iniquissime ferens, monuit, ut percutientem repercuteret. Socrates subridens: Si meus, inquit, me asinus percussisset, num oporteret me continuo in quadrupedem recalcitrare? aut asino diem dicere? Manum tenuit hic Philosophus, sed non penitus linguam. Veræ patientiæ præmium melioribus debetur.

Diogenes Synopæus convivium ingressus non vocatus, ab insolenti juvenum cætu pessime acceptus est, jussus bibere non vinum, sed sanguinem, & quidem suum: nam plagas retulit cruentas. Contumeliosam hanc convivii tumultentiam, & intemperiem stultam fortiter tulit Cynicus senex, eam tamen ultionem commentus est. Auctorum nomina suo sanguine descripsit, & velut ferculum circumtulit. Patientia Christiana auctores tacuisset, Christum identidem nominasset.

Exemplum edidit Patientiæ & Cornelius Sylla; vir ceteroqui minime patiens. Hic Dictatura deposita cum privatus se domum

trem ; ut quæ Deo charior esset , præ omnibus , plus quoque omnibus pateretur. Verissimum est illud Chrysostomi : Nihil melius quam mala pro Christo pati. Hinc ausus dicere Orator ille aureus : Si quis me , ait , cum Angelis statuatur , aut cum Paulo vincto , vincula eligerem. Si quis mihi mortuos suscitare dederit nunc , non jam id , sed catenam eligerem. *a*

Christus prædicens suis , quàm humaniter ubivis locorum excipiendi sint : Ecce ego mitto vos , inquit , sicut oves in medio luporum. *b* Principio flagellabunt & crucifigent vos linguis ; dicent adversum vos omne malum , Sed nemo hic malorum terminum speret. Virgis etiam ac loribus lacerabunt vos ; ita demum veluti veros crucis candidatos in altum tollent , & necabunt vos. Nemo molliora cogitet. Sed videte , ut non primum duntaxat & alterum patientiæ gradum conscendatis , non illa patienter tantum & libenter mei amore perferatis , sed etiam hilariter. Ad supremum Patientiæ gradum eluctandum est : Gaudete & exultate , quoniam merces vestra copiosa est in cælis. *c*

a Chrys. tom. I. de Patientia Iob hom. 5. paullo ante finem , mihi pag. 585.

b Matth. c. 10. v. 16.

c Matth. c. 5. v. 12.

S. IV.

Fuerunt , qui plurima paterentur ; in illos tamen Patientiæ gradus nunquam ascen-

stantius toleravit, quàm spectarit hostis. Sed neque huic exactæ Patientiæ præmium debetur. Tam patiens doloris Multius non fuisset, si spectatores non habuisset. Patientia Christiana etiam cùm sola est, sibi similis est: satis illi, si unicum habeat spectatorem Deum. Paucis id exemplis monstravero.

§. V.

Libertinus, teste Gregorio Magno, vir mirissimæ patientiæ, imo & miraculis clarus. Abbas in hunc ira exarserat, & quoniam iræ non satisfecerant solæ manus, scabellum suppedaneum homo furiosus arripuit, & secundum caput graviter fauciauit Libertinum. Hic tuber caput, lividumque vultum referens, summo silentio in cubiculum suum abiit. Die altero Libertinus in Cœnobii causâ, cujus procuratorem egerat, post preces matutinas ad Abbatis lectum accessit, petiitque more solito faustam precationem conficiendo negotio. Abbas suspicatus è cœnobio ob pridianam injuriam penitus abiturum: Quo, inquit, vis ire? At Libertinus modestissimè, nec jam memor amplius injuriæ: Pater Reverende, ait, hæc dies monasterio nostro est dicta, quam officii causâ declinare non possum; & promisi me adfuturum. Abbas præcipientem suum furorem, & Libertini raram patientiam jam oculis cernens, profiliit è lecto, ad Libertini genua advolutus petiit
h. veniam

domum reciperet, uno & altero amicorum comitantibus, in adolescentis intemperiem incidit, cuius pater à Sylla proscriptus fuerat. Maledictis itaque ac probris exceptum, abeuntem insectatus est, atrocem ultionem minaciter intendens, nullo interim civium adolescentis petulantiam cohibente. Tulit Sylla hominis insectationem tacitus & patienter, tantum ad amicos conversus. Hic, inquit, adolescens fecit hodie, ut quicumque posthac Dictaturam invaserit, non sit eam nisi cum morte depositurus. Magna fuit, fatemur, Syllæ patientia: sed neque ille in primis aut secundis consistit: nam dum exhibet patientiam, damnat.

Disertissimus Pericles ab homine improbo magnam diei partem convitiis laceratus, siluit & sustinuit. Ubi verò sub vesperem domum se reciperet, secutus est impudentissimus convitiator & velut molossus, non dimissurus eum, quem faucibus semelprehendisset. Cum uterque ad domus januam pervenit, præcipitante jam nocte; Pericles unum è domesticis accersens: Heus tu, inquit, mox facem exedito, & huic in suam usque domum præferto. Magna hæc Periclis patientia, fateor, nisi eam nonnihil aliunde corrupisset.

Age verò quis unquam in perferendo dolo, patientior quàm Mutius Scævola? Hic quia dexteræ imprudentia pro rege scribam obtruncavit, manus errorem ardente foculo castigavit, & cruciatum constantius

à Brictio sacerdote suo , se obliuioſum ſilicernium , & ſenem delirum appellari: id enim ſuis auribus perceperat. Quod tamen aliter non ultus eſt , quàm ut Priſtium voce placida compellans : Num ego, inquit, Priſti, delirus tibi videoi? Cumque ille in ruborem datus, id à ſe dictum negaret, Martinus addidit : Cùm hac loquereris, aures meæ ori tuo hærebant. Et en, obtinui tibi à Domino, ut primus poſt me Pontifex ſis. Sed ſcias variis te tempeſtatibus in eo munere exagitandum. Hæc præfulis Martini ultio erat , conuitiatorem plus, ceteris iuvare precibus. Hunc Antiſtitem nemo iratum, mœrentem aut ridentem nemo vidit unquam : talis ſemper fuit , qualis ſol eſt ſupra nubes. Vale Socrates, vale; habemus viros probatioris patientiæ, quamvis eam ab uxore tua Xantippe non acceperint.

Dubitaverat ſecum beatus Columbanus, an injurias hominum, an ſævitiâ potius beſtiarum perferret. Viſum eſt denique ſatius eſſe homines quàm feras tolerare. Imperitiſſimus enim eſt, qui aliorum imperitiâ , & plane fatuus , qui fatuitatem aliorum perferre nescit. *a*

Hinc regiæ illæ Conſtantini & Theodoſii Imperatorum voces. Fuerat Conſtantini ſtatua à neſcio quibus furioſis hominibus vulnerata ſaxis. Non defuerunt, qui optimum Imperatorem acriter inſtigarent, ut in reos animadverti placeret ; præſertim

h 2

cum

veniam errori pridiano. At Libertinus non minus prompte in terram se abiciens ad Abbatis pedes, quod factum fuerat non alienæ savitiæ, sed suæ culpæ totum adscripsit, & una veniam rogavit. Quo effectum est, ut coenobii Pater mores indueret mansuetiores, & patientia discipuli magistra fieret magistri. Ita Libertinus ad rem monasterii curandam abiit.

Convenerant eodem viri primarii ac nobiles, quibus omnibus Libertinus tam charus fuerat, quàm notus. Hi non sine grandi admiratione: Domine Libertine, inquiunt, unde obsecro hæc facies tam tumens & livida? Et miserescebant viri tam boni. At ille ne veritatem tegeret, & Abbatem proderet, tam ingeniose quàm vere: Heri, aiebat, in scabellum suppedaneum impegi (quid verius?) nec est quod tanta vos mei capiat miseratio; millies graviora meritus sum. Sic honorem deferens tam veritati quàm Abbati, nec patris prodebat vitium, nec falsitatis incurrebat peccatum. *a* Nimirum Salomone teste, qui patiens est, multa gubernatur prudentia; qui autem impatiens, exaltat stultitiam suam. *b*

Libertino Turonensem præfulem Martinum addo. Hic omnium injuriarum adeo patiens fuit, ut ab infimis Clericorum graviter læsus, ne verbulo quidem significationem jecerit vindictæ. Nec nesciit

à Bri-

a Greg. l. 1. Dial. c. 2. fine.

b Prov. c. 14. v. 29.

mensæ inferretur, hospitem allocuti : Domine, ajunt, vis, ut caulem illum, qui in hortulo remansit, in cenā paremus ? urget hora, nec aliud ad manum est. Hic hospes in genua ruens, & rarissimam patientiam exosculatus : Deo, inquit, gratias ago, à quo vobis tam eximium patientiæ donum est. Augete hoc, etiam me hortatore : regiam ad cælum viam insistitis. Patientiæ constantiam adjungite, & vestrum est cælum. ^a Patientia secundum fluvium navigat, nec unquam aberrat ab optato portu.

Geminis illis fratribus jungendus Stephanus Reatinus in Sabinis sacerdos. Hic defectam segetem è modico agro in proximam aream congefferat, totius anni solatium. Eo improbus quis subrepfit, & ignem subdidit frumentario acervo. Nuntiavit hoc trepidè discipulus Stephani, & Væ tibi, clamitabat, væ Pater, area incensa est. At Stephanus ore imperturbato: Væ illi, respondit, cujus malitia id nobis accidit. Persuasum habuit vir patientissimus, nihil malum dici oportere, nisi peccatum. Vera patientia eum sibi amicum credit, qui molestiam irrogat, aut injuriam; adversarios pro adiutoribus habet contumeliis gratias reddit, damnum pecuniarium inter lucra numerat. Eversis aut perditis rebus omnibus, cum consilio profici videtur nihil: una superest ratio, quicquid evenerit, ferre moderatè ac patienter.

h. 3

Ve-

a Ruffin. Aquil. l. 3. m. 23.

cum Imperatoriam faciem foede vulnerarint saxis. Constantinus, ut ei promptum ingenium erat, manu faciem oberrans & subridens: Ego verò, ait, nihil vulneris in vultu deprehendo. ^a Magna virtus est, si non lædas, à quo laesus est: magna virtus, si ei parcas cui nocere possis. Nobilissimum vindictæ genus est, ignoscere. Hæc Christiana est ultio; hæc cordatissima Patientia, illi Philosophorum pictæ longissime antestans.

Theodosius familiariter rogatus, cui neminem eorum, à quibus injuriam accepisset, securi addiceret. O utinam, inquit, vel mortuos ad vitam revocare possim; cur vivos ob injurias morte mulctem? Hæc Patientiam sapiunt Christianam; his præmium primum aut inter primos debetur.

Nec omiserim illustre factum, quod Ruffinus Aquiliensis recitat. Duo religiosi fratres habitabant unà, ab omnibus de Patientia commendati. Fuit, cui animus esset tam laudatam Patientiam curiosius explorare. Ergo ad eos revisens amicū hospitem se gerebat. Ingressus hortulum absque arbitro, quidquid ibi oleris erat fuste ita contudit, ut nulli esset usui. Hunc illi mensæ suæ stragem viderant, nec tamen animum aut vultum in hostem mutarunt; certi omnem isthanc injuriam constanti silentio concoquere. Cum vero cenulæ tempus appeteret, nec esset quod

men-

^a Chrys. tom. 3. hom. 20. ad pop. Antioch. ubi fin.

exul, ærumnis omnibus pressa; ab iis etiam, in quos olim beneficia contulerat, deserta & contempta, tam constanti animo cuncta sustinuit, ut eo ipso tempore, & in hac ipsa extrema mendicitate hymnum, *Te Deum laudamus*, decantari voluerit: eam ob causam cœnobium Fratrum Minorum adiit, infirmis precibus hanc sibi gratiam fieri, & Canticum, quod dixi, decantari rogavit.

Videte regii sanguinis feminam fortunis omnibus evolutam, & tamen patiens est; ab omnibus deseritur, illa tamen non deserit Deum: ad mendicos detruditur, quæ tot millibus mendicorum subvenit, nemini tamen male precatur. Vix quisquam vel hospitio eam dignatur, & tamen gratias agit. O grandem patientiam! voluntariè Deo sacrificavit, quisquis in ærumnis gratias egit. Hæc via est ad cælum: viam ire potes aliam; cælum per aliam invenire non potes.

Hinc optimè responsum à religioso senecæ. Rogabat illum juvenis, & quæso te, mi Pater, agebat, juva imperitiam meam; memoria mihi nec capax, nec firma; præceptionibus onerari se non finit. Eam ob rem unum atque unicum mihi documentum penitus velim instillari, cujus per omnem vitam oblivisci non liceat; ejus tamen generis sit, quod recta semita ducat ad cælum. Huic senex: Bene mones, inquit, unicum tibi monitum, idq; brevissimū suggeram. Sed dic, oro, potes convitijs
& in-

Verum non satis est Christianæ patientiæ, ut diximus, in primo alterove gradu consistere, ad tertium etiam eluctatur; ut quod ferendum est, non patienter tantum & libenter, sed & hilariter perferatur.

§. VI.

Petrus Claravallensis Abbas, gravi morbo affectus, & oculo altero captus fuerat. Ceterum tantum absuit, ut ob eam cladem conceperit mœrorem, ut testaretur etiam vehementer se gaudere, quod ex duabus corporis partibus sibi inimicissimis, alterius molestia liberatus sit.

Gaudebat & Pigmenius Romanus presbyter, quod ambobus esset oculis orbatus, ne hostes Ecclesiæ cogeretur cernere. Occurrit ita illi aliquando Julianus Apostata, & blandè, sed nequiter: Diis, inquit, gratias habeo, ô Pigmeni, quod te videam. At Pigmenius severe ac fortiter; Et ego, inquit. Deo meo gratias habeo, ô Juliane, quod te non videam. Jacturam corporis vir iste tam pacato & hilaris animo tulit, quàm generoso & fortis tyrannum omnibus formidolosum & terrificum contempsit.

Non desunt exempla patientiæ, modò sint qui imitari velint. Illud è multis millibus illustrissimum tam Christianæ liberalitatis quàm patientiæ sidus emicat, Elisabetha regiæ stirpis vidua. Hæc defuncto conjugè, a cognatis provinciam occupantibus, cum liberis ejecta, inops, vaga, exul,

a Ludovico Thuringia Principe.

minis idololatræ filiolum baptismi percupidam reperit, eamque Christianis sacris imbuere cœpit. Vt hoc sensit mater, primum alapam, dein pugnum faucibus incussit, imo & fuste rem egit furiosa. Sed ea fuit hominis religiosi submissio & patientia, ut illa ipsa mulier (tanta virtutis vis est) cum omni familia lustrali fonte sit expiata, *a* Priscis instar miracula fuit, quod subjungo.

Marco Catoni causam in foro agenti, Lentulus attracta pingui saliva mediam dicentis frontem conspuat. Cato sui minime oblitus, vultu modeste absterfo: Omnibus, inquit, ô Lentule, affirmabo, eos plurimum falli, qui te negant os habere. Joco prorsus ingenioso tam fœdam injuriam digessit.

Sed Catoni parem aut superiorem adstituo: è cujus patientia plus consecutum est emolumentum. Ioannes Fernandus, beati Francisci Xaverii in Iaponem comes, Amangutii *b* publica, ut solebat, via concionabatur. Hic præteriens è plebe nescio quis, attracta præpingui saliva, repente in mediam inspuat faciem: illè sine perturbatione ulla sputum linteolo abstergit: ac ne verbo quidem reddito, cæptam orationem eodem prorsus tesore vultuque prosequitur. Id contemplatus ex auditoribus quidam haud imperitus rerum æstimator (ex quo facile intelligas, ad permovendos animos facta dictis

h 5 quanto

a E litteris Indicis Sebastiani Ferdinandi.

b Urbs est Iaponia.

& injuriis affici? Possum, respondet. Senex iterum: Potes silere? Possum, ait, sed non semper. Potes injurias atque convitia ferre & concoquere? Hoc difficilius, sed conabor posse. Denique senex: Hoc igitur, inquit, monitum cape: Salutis via, injuriarum tolerantia. *a* Hoc monitorum monitum, hoc præceptionum epitomen puta. Nihil verius. Nam quod Augustinus dixit: Verum humilem patientia ostendit injuriæ. *b*

Atque hæc injuriarum tolerantia sæpe fructuosissima est. Spiridionem virum sanctissimum Constantinus II. Imperator è Cypro ad se in aulam evocaverat. Ille abjectissimo quo solebat habitu, lagenu-lam fictilem è collo pendentem, & baculum manu præferens in aulam venit. Fuit ex aulicis, qui hunc tam abjecti hominis ingressum, aulae contemptum interpreta-tus, colaphum incuteret. Spiridion dicti Dominici memor alteram quoque genam promptissime obvertit. Tanta viri patientia turgidum percussorem adeo attonuit, ut repente facti veniam supplex peteret. Neque illam Spiridion negavit: hoc unum addidit, deinceps injuriis abstineret, aut certe cunctantius inferret. *c*

Recens est, quod addo. In Indiis unus aliquis è Societate J E S U, pro foribus hominis

a Ruffin. Aquil. n. 85. Pelag. libell. 15. n. 83.

b Augustin. ad Probam.

c Casar Baron. tom. 3. Anno 338. n. 134.

lustrissimum habet, utpote jejuniis & inedia fractum. Animum inspicis? Struthiocamelum dices; colaphos, saxa, clavos, gladios, catenas, lanceas, omnem mortis suppellectilem spiritus patientiæ consumit.

Fit nonnunquam ridiculi causa, ut scortus thorax seu colobium *a* minutim concisum adjecto pipere ita coquatur, ut & commedi possit & digeri. Cibi olim durissimi erant injuriæ, calamitates, calumniæ, luctus, dolores, mors: at præduros hos cibos Christus patientissimo amore ita fregit, ita concoxit, ut eos jam stomachus etiam imbecillior possit digerere. Pueri puellæque & fessi ævo senes, tam crassos bolos non solum glutunt, sed & concoquunt. Ad carcerem Agatha velut ad epulum saliare properat. Laurentius inter prunas jocatur. Invitat bestias Ignatius. Crucem & saxa Philippus Apostolus amplectitur. Ita spiritus durissima coquit: Gaudet patientia duris.

Fastidiosi nimium & imbecillis stomachi est, qui nec verbum quidem aut injuriolam potest concoquere; quin obganniat, & obluetur, quin cibum pane prius revomat, quam admittat. Væ huic homini cum hoc tali stomacho: væ his, qui perdidērunt sustentiam. *b* Hinc omnis generis morbi, hinc misera & præmatura mors. Optimè dixit Hugo: Qui dolorem capitis non patimur benigne, quomodo

a Liberius Koller.

b Eccli. c. 2, v. 16.

quanto antecellant) capit cogitare apud se; profecto nobilissimum atque adeo divinum philosophiæ genus esse, quod homines ad tantam æquitatem animi constantiamque perduceret. Dimissa dein concione, domum ad Fernandum venit, præcipua Christianæ fidei capita legesque probè cognoscit: postremo certis precationibus, Mosisque Decalogo ac Symbolo Apostolorum è catechismi formula memoriter haustis, Amangutianorum omnium primus anteaactæ vitæ detestatus peccata, sacro fonte renascitur. Hunc alii deinceps divino impulsu imitati, quorum ad quingentòs brevi pervenit numerus, & quidem ita in proposito firmi stabilesque, uti per varias deinde clades & bellica infortunia, & nefarias Bonziorum conspirationes, magistris ac pastoribus haud semel orbat, suis tamen ipsi moribus ac vitæ ratione, Christianam fidem & disciplinam in hoc usque tempus religiosè coluerint. Origo messis tam copiosæ in solo sterili, Christiana fuit patientia.

§. VII.

Narrant Principem pro symbolo habuisse pictum struthiocamelum, addita inscriptione: *Durissima coquit spiritus*. Struthiocamelus (res nota) ferream rostro soleam præfert, ut sui stomachi vires ostendat, qui etiam ferro digerendo valeat. Vir è solido patiens nullum non ferrum concoquit. Corpus hominis istius spectas? stomachum plerumque non robustis-

num magnes est viduitas. Doctus es? & tu quoque sustine, ne non tantum indoctus, sed & fatuus habearis. Quisquis impatiens est, stultus est. Indoctus es? æquum est, ut non minus sustineas, quam docti. Ergo remigem tu cogita in procellosissimo mari. Sanus es? sustine, ut sanus maneat: morborum omnium deterrimus est impatientia. Ægrotus es? jam maxime sustine: prima patientiæ oportunitas est morbus.

Consummatissima Christianorum Philosophia est, *Bona facere, & mala pati*. Et quod mireris, ad ipsam impatientiam opus est patientia, & saepe magna. Expectat quis inimicum in insidiis, famem perfert, negligit somnum, tolerat frigus, exponit se periculis. Ecquid tandem meditatur hic homo, tot incommodorum tam patiens? Ut acceptæ injuriæ impatientiam potenter exerat in adversariunt. Saul Hebræus rex impatientissimus Davidem à cantatricibus puellis sibi prælatum, quam proluxa usus est patientia, ut illius, quam sibi fingeat, injuriæ impatientiam insignite proderet. Absalon patientissimus nequam, sic loquar, patientiam biennem exhibuit strenue, ut tandem impatientiam, quam è violata sorore conceperat, insigni flagitio patefaceret. De his talibus appositissimè dixit Hieremias vates: ut inique agerent, laboraverunt. *a* Conceperunt dolorem, & pepererunt iniquitatem. *b* Calicem mundi biberunt,

a Hierem. c. 9. v. 5. *b* Psal. 7. v. 15.

quomodo pro Christo capitis abscissionem patiemur? ^a

O delicati nimium & impatientes! militiæ agimus! quid hic lautitiam & cupiditas sectamur? arma potius, arma quaeramus, & ante omnia clypeum patientiæ. Et sciamus victoriam omnem esse sitam in perferendo. ^b Omni hominum ordini, ætati, sexui patientia non decora tantum, sed & necessaria est. Iuvenis es? sustine; plus virium & roboris habes. Senex es? sustine; major tibi prudentia, longior est experientia, quæ vires suggeret. Vir es? sustine, & eum age quem profiteris. Femina es? sustine, & Christianam esse te memento, quæ etiam in ignibus duret. Servus es? sustine, ut saltem animi tui sis dominus. Fauper es? sustine, ne malum tibi geminet impatientia. Dives es? sustine, ut tibi tuus etiam in cælo thesaurus crescat. Tui juris es? sustine: nemo vere liber est, nisi qui patiens est. Religiosus es? sustine: nam idèò viam arctam ingressus es, ut quam plurima patiaris. In conjugio vivis? sustine, & cogita conjugium metropolin esse omnium molestiarum. Cælebs es? sustine; satis tibi sit uxore ac liberis carere, molestissimis oneribus. Virgo es? sustine: nam virginitas, ut Ambrosius vult, facit Martyres, sed non sine pugna. Vidua es? sustine, afflictio-

^a Hugo de clauistro anima.

^b Virgil. Quicquid erit, superanda omnis fortuna ferendo est. l. 5. *Aeneid.* ante finem.

omne verbulum casu elapsum ad injuriam capitalem trahimus. Hieronymus ad Eustochium, Pauli Apostoli patientiam in laboribus plurimis, in carceribus abundantius, in plagis supra modum, in moribus frequenter *a* exercitiam proponit. At nos rebus levissimis offendimur. Cibus est insulsiore? mox eum impatientia invadit. Calix frangitur? non se continet impatientia. Mensa concutitur? protinus bilis se prodit. Vinum effunditur? quamprimum furit impatientia & vociferatur

Tone crucem servo ————— b

Ad hanc oris intemperiem, impatiens sese animus effundit. Sed ô quanto melior est patiens viro forti; & qui dominatur animo suo, expugnatore urbium? *c* Quoniam cum probatus fuerit, accipiet coronam vitæ. *d* Cæci mortales, quod patimur, attendimus; præmium, quod patiundo meremur, non cogitamus.

Hic mire juverit, Christianam Dialecticam probe callere, & inter adversa, nervosissimis, & ut vocant, cornutis sese argumentis stringere. Ea sunt hujusmodi.

Primum: Id quod pateris, aut jure pateris, aut injuria. Sive: Aut calamitatem hanc meritus es, aut non es meritus. Quid ais? utrum dicis? Si jure, merito vexaris, dic, oro, quid contra habes hiscere? cur luere

a 2. Cor. c. II. v. 23.

b Juvenal. sat. 6. v. 218.

c Prov. c. 16. v. 32.

d Iac, c. 1. v. 12.

biberunt, & amici diaboli facti sunt. Bibunt calicem, absinthium potant, calamitates etiam gustant, sed amarum hoc poculum aliis propinant; ubi Theramenes venenum in carcere haustus: Propino, inquit, hoc Critiæ: reddensque poculum servo publico: Vide igitur, ait, ut hoc ad eum continuo perferas. *a* Fucrat autem Critias è triginta tyrannis crudelissimus, & causa Theramenis necati.

a *Valer. l. 3. c. 2.*

§. VIII.

Ita illi hominum impatientissimi suas calamitates in alios etiam, quantum licet, derivant, ne soli sint miseri. Ita contemptis legibus divinis malum pro malo, maledictum pro maledicto reddunt.

Quam longe aliter Christus, qui cum malediceretur, non maledicebat; cum pateretur, non comminabatur. *a* Quam longe aliter & Paulus, qui: Maledicimur, inquit, & benedicimus; persecutionem patimur, & sustinemus; blasphemamur, & obsecramus. *b* Christus absinthiten bibit, crucem pertulit, sed hunc amarorem hostibus non propinavit, eos, qui se crucifixerant, non similiter, in crucem rapi voluit: Dimitte illis, exclamat, ego pro eis calicem hunc amarissimum exhauriam.

Quam vero nos longè aliter, nec ad magistri exemplum: turbamur minimis,
omne

a *1. Pet. c. 2. v. 21.*

b *1. Cor. c. 4. v. 12. & 13.*

famam, quam amisisse putas. Nam ob-
trectatores tui possunt quidem invitum
te vituperare, facere vituperabilem non
possunt. Grandius est bona fama, quam
ut uno oris flatu dissipetur. Excellentia
cujuspiam signum fit, in vulgi linguas
quasi scopulos incidisse. Veniet dies, quæ
loquacibus his cicadis silentium indicat.
Esto patiens, & notum te vulgus faciet,
clarum virtus, conscientia securum. Tu
ergo perditis & spretis omnibus eam
ipsam, quam tibi nemo unquam eripiet,
virtutem, & in primis patientiam am-
plectere: hæc una tibi pro omnibus satis
est. Sic ab aurium & sermonum procel-
lis cubiculum cordis ingredi, cui si sua
est tranquillitas, habes ubi iurgiorum fef-
sus requiescas, & in sinu gaudeas. Sic non
fama tantum, sed vitæ quoque damna
non senties.

At doles quod malam habeas uxorem.
Magis tibi dolendum esset, si uxor tua
malum haberet virum. Nam uxor mala,
si eam toleras, virum faciet bonum. Et
Platonis placita nosti, longe pejus esse, in-
juriam facere, quam pati. Huc Varronis
monitum spectat, vitium uxoris aut cor-
rigendum, aut ferendum esse. Dicti ratio
brevis & elegans datur: Qui vitium
emendat, uxorem præstat commodio-
rem; qui fert, seipsum facit meliorem.
Sed nimis mala est, inquis. Teipsum cul-
pa; hoc tibi malum tu elegisti. Hoc jugum
sponte susceptum luctando & calcitrando

i. non

luere non vis, quod deliquisti? cur ex-
dere recusas, quod intrivisti? Sed injuria,
inquis, isti aut illi me affligunt; supplicium
tam grande meritus non sum. Esto. Hic
igitur nobilissimam patientiæ occasionem
observa, hic amplissimum merendi cam-
pum considera; & utere opportunitate.
Aurum est, gemma est, vel levissima mo-
lestia pro Christo tolerata. Plus pateris;
plus auri, plus gemmarum congeris. Sed
brevius tecum agam: Aut juste pateris,
aut injuste: si juste, justitia te confirmet;
si injuste, innocentia te soletur.

Addo Argumentum alterum: Aut pro-
bus es, aut improbus. Probus es? Gaude,
ac tibi ipsi gratulare: Diligentibus Deum
omnia cooperantur in bonum, quanta-
cunque mala. Improbus es? Iterum gau-
de, & divinam clementiam extolle, qua
corripit, ut ad frugem corrigat; quæ fla-
gellat, ne damnet.

Addo tertium: Malum quo premeris,
aut sanabile tibi videtur, aut insanabile.
Si sanabile, acquiescendum spei; si insa-
nabile, acquiescendum necessitati. Ægro-
tas? Hoc age, ut valeat animus, qua in re
ipse te morbus juvabit.

Amisisti pecuniam? vide, ne simul
amittas & patientiam, & duplex incurras
damnum. Pecuniam perdidisse plurimis
profuit: tibi profecto non oberit, modo
patientiam retineas, pecunia longe pre-
tiosiore.

Amisisti famam? crede mihi, si retines
bonam conscientiam, non tam amisisti
famam,

flistemur innumeris (neque enim aliter hæc vita constat) cur non hæc omnia volentes & libentes patimur? Certè patientia sunt ista. Si patienter id fiat, minus est laboris, plus præmii: sin impatienter & repugnanter, plus est laboris, & nihil præmii, sed plurimum supplicii.

An non igitur longè conducibilis est Deo velut hostiam patientiæ, quam diabolo ut victimam impatientiæ transcribit David sexcentis insidiis perfidi Saulis appetitus, è tot latibulis ferarum excussus, tam vario mortis discrimine fatigatus, in has denique voces erumpens: Si Dominus, inquit, incitat te adversum me, odoretur sacrificium. & Si visum est optimo Deo, vel affligere me, vel penitus necare me, idque, ô Rex, tua manu, nil contradico; siam Deo sacrificium, hostia Dei eadem voluntaria.

Ita prorsus loquatur ager; dicatque: Mi morbe, mi dolor, si Dominus incitat te adversum me, odoretur sacrificium. Sic & pauper dicat: O mea paupertas, si Dominus incitat te adversum me, odoretur sacrificium. Ita probis & obtreptionibus notatus libere proclamet: Adeste calumnia, & omnis exercitus infamiæ, si Dominus incitat vos adversum me, non repugno, odoretur illi hoc sacrificium. Nec aliter suos quisque inimicos ac æmulos inclamet: Adeste viri, & linguis ac dentibus me discerpite. Si vos Dominus adversum me incitat, ego me
i 2 vobis

non evadis, sed exasperas. Hic sola restat patientia. Ferendum est, quod deponi nequit, tametsi premat.

At filii te affligunt. Fortassis & tu aliquanto afflixisti patrem; & necdum natus, sed antequam nascereris afflixisti matrem. Malos habes filios? tibi ipsi gratias age, quod eos non melius educaveris. Tales plerunque sunt liberi, quales à parentibus educantur. Malis principiis occurrendum est. A primis annis instillanda pietas; tenera digitis convelluntur, mollia facile flectuntur. Qui ramulum differt flectere, arborem jam tortuosam & duram frustra curvare tentat. Deinde quid mirum est, si tui te filii offendunt, cum tu filius quotidie offendas eum, qui nostrum omnium est pater. Ergo quod facis, patere. Atque adeo, ut vides, in rebus omnibus necessaria est patientia. Indociles ac miseri sunt, qui necessitatem non in rationem vertunt. *a*

a Die nit auß der Noth ein Tugend machen.

§. IX.

Hædus, ut Mythologi docent, cum videret hædos alios ad cultrum trahi, & jugulari in victimas ipse fuga elapsus in lupos incidit. Hic carnificum medius & jam exspes: Si moriendum, inquit, mihi erat, an non præstabat Diis immolari, quam à lupis lacerari? Prudenter omnino, & supra ingenium hædi. Ita omnino Christianus dicat; Cum ea lege nascamur, ut in miseria simus, & incommodis consistemur

Deo tolerant; nulla eis sine nubecula præterit dies.

Beata Teresa, illud Hispaniarum sidus, Virgines suas ad omnigenam virtutem identidem hortabatur, ad nullam vero magis quam ad constantem pro Christo tolerantiam. Erubescerent proinde, si aliud iter cuperent insistere, quam quod sponsus signasset cruentis vestigiis. Hoc Teresa à Christo didicit, qui eam sic fertur allocutus: Meritum non in fruendo, charissima, sed in operando, patiando, amando situm est. Vitam meam aspice dolore & passione plenam. Semel duntaxat in monte Thabor gloriæ scintillam edidi. Nec mater mea sine maximis doloribus fuit. Nam ex quo illam Simeon perferendi doloris commonuit, id luminis à Patre meo accepit, ut omnia, quæ ego decursu vitæ passurus eram, viderit. Plurimi amicorum, qui in eremo vixerunt, quamvis assidue cum diabolo ac secum ipsi luctarentur, tamen multo tempore omni solatio caruerunt. Crede mihi filia, quem Pater meus majore amore prosequitur, hunc majoribus etiam laboribus exercet, & his respondet amor. Hoc iter est veritatis. Me respice & mea vulnera: dolores tui nunquam hætenus huc pertigerunt. ^a Hæc filia Christus. Inde Teresa patiendi cupidissima, non aliam vivendi causam sibi esse dicebat, quam ut Dei nomine quamplurima pateretur.

1.3

Hinc

a Franciscus Ribera in ejus vita, l. 4. c. 17. propius finem.

vobis non subtraham : perгите, mordete, laniata victimam aræ destinata, odorabitur Deus hoc sacrificium. Ita me Deus amet, hoc suavissimum patientiæ carmen est.

Quod prisci dicebant : *Nulla dies sine linea*, id usurpandum hic Christianis, *Nulla dies sine nubecula*. Quotidie aliquid pro Christo tolerandum. Jobus septennio toto non tantum cælum nubilum, sed & ferreum expertus est; acerbissime tractatus à satana, omnes tamen satanæ vires infregit patientia.

Paulus non rorantes tantum nubeculas, sed nimbos, cataraëtas, a grandines tulit; tam crebris impetitus fulminibus, ac si omnes in eum unum diaboli collineassent : tam gentes, quam Iudæi suam in illum savitiam acuebant. Hinc longissimum ærumnarum catalogum texens : *Laboribus*, inquit, plurimis, in carceribus in plagis, in moribus quotidianis. *Ter* virgis cæsus, *semel* lapidatus, *ter* naufragium passus, in vigiliis multis, in frigore & nuditate, in fame & siti, in jejuniis multis suam Orbi patientiam probavit.

Quis Sanctorum sine lucta & patientia coronatus est? Abel justus occiditur, Noë plurifariam exagitatur, Abraham ærumnis multiplicibus conflictatur. Et ne in immensum extendam volumen, quære, & invenies singulos adversa passos. Solus in deliciis Salomon fuit, & forsitan ideo corruit. Amici Dei quotidie aliquid pro

Dec

re, non conqueri, non excusare se; non homines, non alias res creatas culpares; ærumnas suas, non ut sua mendici ulcera, proponere, sed eas silentio velare; ultionem nullam cogitare, sed omnia tam præterita, quam præsentia & futura Deo, ejusque sanctissimæ voluntati plenissime transcribere: Faciat Deus, quod bonum est in oculis suis. Ferendo & cedendo vincimus.

3. Vere patiens, injurias non solum non vindicat in inimico, sed inimicum etiam amat, pro inimico orat, imo etiam beneficia in inimicum collocat. Atque ut hoc rite faciat, occasiones id faciendi sedulo captat. Patientia vera, inquit Gregorius, a ipsum amat quem portat. Nam tolerasse & odisse, non est virtus mansuetudinis, sed velamentum furoris.

4. Vere patiens (quod probissime observandum) in omnibus quæ angunt, turbant, urunt; in quibuscunque demum adversis se quamprimum ad Christum crucifixum, velut præsentem sibi convertit, eumque his talibus vel sexcenties vel millies uno die alloquitur: *Domine Iesu, da mihi veram patientiam.* Subinde solis duabus voculis: *Domine Iesu*, affectum suum applicat. Hæc alloquia roborant, hi affectus calefaciunt, hæc ad Christum conversiones solantur & erigunt.

5. Vere patiens proponit sibi diversarum exempla, qui singulariter excelluerunt hac virtute. His inspectis ita secum

i 4 . . . ratio-

a Gregor. in Ezech.

Hinc sapius toto animo ita solita est precari : Domine Jesu, non aliud à te flagito, quam *aut mori, aut pati*. Perinde si diceret : Tamdiu patiendi tempus est, quamdiu moriendi non est. Ergo mori vult, qui pati amplius non vult.

Certè Servator jam morti proximus, *Consummatum est*, exclamat. Quod debui, pertuli : ad omnem Patris voluntatem passus sum omnia mihi patienda. Subjunxit : Pater in manus tuas commendo spiritum meum; & quem commendavit, emisit : nihil, enim quod ulterius pateretur, fuit ; omnem calicis amarorem ad guttulam exhaustit. Cum ergo defuit *Pati*, secutum est *Mori*. Quisquis inter animosos Christi amicos censerì cupit, hoc idem calidis suspiriis sapius roget : Domine J E S U, aut *Pati*, aut *Mori*. Si nondum dignus sum mori pro te, dignus sum pro te *Pati*.

A C T I O N E S

P A T I E N T I Æ.

1. Prima, & altera, tertiaque, adeoque primaria patientiæ actio est Tolerantia injuriarum, cum non solum reus, sed & innocens cum Job de se affirmat: Non peccavi, & in amaritudinibus moratur oculus meus. *a* Oraculum est ab Apostolorum Principe : Melius esse beneficientes, quam malefacientes pati. *b*

2. Veræ patientiæ est, non murmurare,

a Job. c. 17. v. 2. *b* 1. Pet. c. 2. v. 20.

uno omnes fulmine potuisset sternere rogasset potius cum filio : Pater , dimitte illis , quia nesciunt quid faciunt.

8. Verè patiens non fugit consortium eorum , quos sibi sentit adversarios ; imo quærit , ut semper præsit acribus exerceatur ad patientiam . Ita Alexandria dives matrona ab Athanasio Antiochæ viduam sibi in domo sua gratis alendam petiit , non morigeram , & placidis moribus obsequiosam , sed iracundam , garrulam , rixosam . Atque hanc demum imperavit , & magnas Præsuli gratias egit , quod occasionem nata esset exercendæ patientiæ . Rem fusius narrat Cassianus collatione 18 . c . 14 .

9. Vere patiens omnem impatientiam , quam in seipso deprehendit , quam primum punit , & interim sibi ipse concionatur : En delicate martyr , en hominum impatientissime , hoc jam lucraris , quod ipse sentis . Res adversas impatientia tua non sustulisti , sed auxisti . An nescis ? Impatientia malum malo cumulat . Ergo

*Perfer & obdura ; dolor hic tibi proderit olim ,
Sæpe tulit lassus succus amarus opem .
Leniter ex merito , quicquid patiare , ferendum est . a .*

Quando autem negare non potes , quod inferorum cruciatus vel centies sis meritis , tolera igitur minutulas has seu molestias , seu injurias , & gratias age pro tam brevi & miti inferno .

i 5

10. Verè

a Ovid. l. 3. Amor.

rationatur. Tu non poteris quod isti & istæ? En tot millia beatorum cælum, quanta patientia eo se penetrarunt per arctam semitam, per ostiolum angustum. Imo tot etiamnum superstites in oculis sunt, qui mirabilem in adversis tolerantiam exercent. Quid tu horum impatientissime mortalium? Illi præeunt magnis passibus, tu non sequeris? exempla vides, non imitaris? Num cogitas cælum ascendere non probe contusus, sine vulnere, salva pelle, pede inoffenso? Ad paradisum non per paradisum, nec per viridaria itur, sed per dumeta. Patientia in rebus omnibus maxima est opus. Calamitatis cujuscunque remedium est patientia.

6. Verè patiens quotidie primo mane Deo se quam integerrime offert ad omnia toleranda, undecunque denu ea proveniant; simul ingens in animo patiendi desiderium excitat, & una firmissime apud se statuit adversa omnia velut è manu Dei suscipere. Hic idem vesperi Deo gratias agit, non tantum ob beneficia, & ob res secundas, verum etiam ob adversas & tristes, quas itidem beneficii loco numerat.

7. Veræ patientiæ est, non tantum manus à verberibus, sed etiam linguam à verbis impatientiam olentibus, imo & oculos à torvo aspectu, imo & cor, atque hoc maxime à furiosis cogitationibus continere. En Matrem Domini, quæ adeo nihil vindictæ spirabat, nemini male precata; ut si filii sui crucifixo, & hostes

1. Non quid feras, sed quemadmodum feras, interest.
2. Speremus quod volumus, sed quod acciderit feramus.
3. Feras, non culpes, quod vitari non potest.
4. Tanto quisque minus doctus est, quanto minus patiens.
5. Patientia tam non est in prosperis, quam fortitudo non in mollibus, quam luctus non in lætis ac jocularibus est.
6. Ille vere patiens est, qui adversis conteritur, nec tamen ab animi tranquillitate dimovetur.
7. Non minor est victoria hostem tolerare, quàm vincere.
8. Melior est conditio patientis injustè, quam facientis.
9. Sapientiæ comes patientia.

C A P V T VI.

Rosa Centifolia,

seu,

Resignatio, vel Indifferentia.

ROSA Centifolia Campaniæ potissimum nota, numerofo gaudet foliorum ordine. ^a Huic flori eam virtutem, quam Resignationem seu Indifferentiam vocant, conferimus. Virtus longe nobilissima, de qua quinque libris Heliotropii egimus; nihilominus hic alia, occurrunt

super

^a Zausenegulbin Blum/ Zausenegulbin Rosen.

10. Vere patiens selectissimis è sacra pagina sententiis se armat : Quales sunt :

1. Si bona suscepimus de manu Dei, mala quare non suscipiamus ? *a*

2. Patientia pauperum non peribit in finem. *b*

3. Doctrina viri per patientiam noscitur. *c*

4. Ne dicas : Reddam malum pro malo. Expecta Dominum , & liberabit te. *d*

5. Usque in tempus sustinebit patiens, & postea redditio iucunditatis. *e*

6. Si quis te percusserit in dexteram maxillam tuam , præbe illi & alteram. *f*

7. In patientia vestra possidebitis animas vestras. *g*

8. Si sustinebimus , & conregnabimus. *h*

9. Quoniam servasti verbum patientiæ meæ, & ego servabo te ab hora tentationis. *i*

Nec veterum gnomas spernit patiens, sed eas sibi applicat , in rem suam convertit, & amplum ex iis fructum consequitur. Quales sunt :

1. Non

a *Iob. c. 2. v. 9.*

b *Psal. 9. v. 19.*

c *Prov. c. 19. v. 11.*

d *Prov. c. 20. v. 22.*

e *Eccli. c. 1. v. 29.*

f *Matt. c. 5. v. 39.*

g *Luc. c. 21. v. 19.*

h *2. Tim. c. 2. v. 12.*

i *Apoc. c. 3. v. 10.*

cum Theologis voluntatem statuimus. Primam illi Pietatis seu Conditionatam : alteram Decreti seu Absolutam vocant. Ad rem Virgo beatissima vicem filii, Hieremias vicem civitatis doluit gravissime. Nec malus aut inanis hic dolor fuit, quia fuit rationi conformis. Nihilominus illa decreti & Absoluta stetit firmissima, quia divinæ Voluntati juncta indissolubili nexu. Hac voluntate filium crucifigi Virgo Maria, hac eadem Hieremias Propheta civitatem everti voluerunt, & quidem ideo, quia id divinæ placuit Voluntati. Inde Bernardus, eximius Virginis cultor, verissimè affirmat : Intemerata Virgo semper habuit continuum aspectum ad Dei beneplacitum promptumque consensum. ^a

Birgitta sanctissima vidua, in iis quæ vidit cælestibus ostentis Virginem introducit loquentem his omnino verbis: Quando considerabam loca clavorum in manibus & pedibus (filii) quos secundum Prophetas crucifigendos audiivi, tunc oculi mei replebantur lacrimis. Et cum filius meus inspexit oculos meos lacrimantes, tristabatur quasi ad mortem. Cum vero considerarem potentiam Deitatis ejus, consolabar iterum, sciens quod ipse sic vellet, & sic expediret; & omnem voluntatem meam conformavi voluntati ejus. Sic semper erat latitia mea mixta cum dolore. ^b

Mira-

^a Bernardin. tom. 2. serm. 51.

^b S. Birgitta in Revel. l. 1. c. 10, circ. med.

super hac virtute differenda. Sed nostri hoc loco instituti est summam rem complecti, & in pauca conferre. Istud jam agimus.

§. I.

Virgo beatissima hac Resignationis virtute prædita fuit modo prorsus incredibili. Testem hic laudo divum Antoninum, qui de hac virginis Resignatione obtupescendum quid, & piis auribus vix credendum asserens: O Domina, inquit, ita divinæ voluntati conformis fuisti, ut audeam dicere, si nullus fuisset qui filium crucifigeret, ut adimpleretur voluntas Dei, ipsa illum in cruce posuisses, & clavis affixisses. Neque enim minoris te obedientiæ fuisse credendum, quam Abraham, qui proprium filium propriis manibus Deo obtulit occidendum & comburendum. ^a Nec aliter ea de re locutus Gerson: Ipsa, inquit, si Deus jussisset, filium crucifixisset. Nam quod divinus Paulus de caelesti Patre asserit: Proprio filio non pepercit, sed pro nobis omnibus tradidit illum; idem de Matre asserendum: Proprio filio non pepercisset, sed illum pro nobis tradidisset. Sed nunquid hac Mater, dum filii tormenta spectabat, non inter ingentes dolorum fluctus volvebatur? Quantis enim lacrimis Hieremias vates Hierosolymæum excidium deflevit? utique divinum in ea clade arbitrium agnovit. Hic duplicem

cum

pervenit : per hanc mirifice firmantur omnes. Neque fieri potest , ut quis ullam animi tranquillitatem obtineat, nisi in hujus virtutis palæstra sit exercitatus. Semper claudicat , qui non in omnibus divinæ voluntati resignatissimus vivit, ut quovis momento possit dicere: Mihi perinde est , prout Deus voluerit. Velle divinum, ac meum velle unum est.

Deinde, vis hujus virtutis & natura in hoc consistit , ut homo seipsum totum cum rebus suis omnibus in Dei manu reponat velut pilam, qua Deus arbitrio suo datatim ludat. Exempli gratia, Quærat Deus ab homine: Dives an pauper mavis? Domine prout tu vis. Ægrotare an bene valere desideras? Domine, quod tu mihi judicaveris fore expedire magis. Contemni an honorari ac suspici potius aspiras? Domine tu scis quia amo te , & ob istum in te amorem in æquilibrio sto. Honorem aut contemptum da prospera an adversa, æq; parato animo suscipiam. Non nego, si meam naturam , propensionem spectem, honorari solum cupio, si tuam voluntatem respiciam, contemni non refugio. En habes me ut pilam , modo in manu tua sim.

Tertio, Effectus hujus virtutis sunt; jucunda facilitas ad omnia seu facienda seu perferenda, magnum animi lumen, continua mentis tranquillitas. Quisquis non eo modo, quem hic expressimus, divinæ Voluntati deditus est , tenebris sapius circumfundetur, plurima difficillime faciet, solidam mentis tranquillitatem nunquam obtinebit.

Quar-

Mirabimur fortasse, qui potuerit Virgo filium in crucem actum suis oculis spectare, & non animo linqui, ac corruere sub cruce. Da matrem, quæ hæc talia in unico eoque amantissimo filio cogatur cernere, cujus tamen cor mœrore non contabescat. Quomodo igitur Virgo spectaculum tam infandum in unigenâ suo exhibitum & oculis & auribus accepit? & tamen stetit, tamen animo non concidit, tamen ad ultimum usq; actum tam cruentæ tragœdiæ duravit: una atque unica Resignationis virtus in statu Matrem tenuit. Probabilissimum est, Virgineam hanc Matrem, quod per omnem vitam solenne habuit, tum maximè fecisse. Indubie ad omnia illa tam oculorū quam aurium acerbissima vulnera illud assidue secum ingeminavit: Ita Pater, ita mi Pater, quoniam sic placitum fuit ante te. Ecce ancilla Domini, fiat mihi secundum verbū tuum, secundum voluntatem tuam. Hæc millies, bis millies, & sapius vel uno die dixisse animo credibile est.

Voluisset illa quidem omnes filii cruciatus suo corpore exhaustire, sed quia Deum cognovit velle, ut eos perferret filius, suam voluntatem divinæ perfectissime subiecit, illud identidem suspirando: Fiat mi Deus, fiat voluntas tua.

§. II.

Ut hujus Virtutis, quam Indifferentiâ seu Resignationem vocamus, indolem penitus exploremus, hæc nobis consideranda.

Primò. Hæc virtus principium ac fundamentum est omnium virtutum. Absque hac nulla virtus ad sui perfectionem perve-

foro veneat. ■ Hoc curarum Patri optimo relinquunt, qui non dabit pro pane lapidem, pro pisce scorpionem, pro pharmaco venenum. Ita fit, ut hominis istius ita Deo fidentis,

Latus in præsens animus, quod ultra est

Oderit curare: & amara lato

Temperet risu. ——— b

Deus & in hoc, & in illo, & in isto, & in omnibus providebit.

a *Frägen nit was Korn gillt.*

b *Horat. l. 2. carm. odâ 16.*

§ III.

Ego mihi certus persuadeo, si paullo altius humanæ menti posset imprimi, quàm hæc Resignationis virtus & Deo accepta, & nobis supra modum fructuosa sit, neminem Christiani sanguinis futurum, qui non nervis omnibus & toto pectore huic sese virtuti dederet. Hoc enim est & in Deum, & in homines cor rectum gere-re. Augustinus id disertissimè docens: Qui sunt, inquit, recto corde? Qui omnia quæcunque in hac vitâ patiuntur, non ea tribuunt insipientiæ, sed consilio Dei ad medicinam suam, nec præsumunt de iustitia suâ, ut putent se injustè pati quod patiuntur; aut ideo esse Deum injustum, quia non plura patitur qui plus peccat. Aliquid sentis, sive secundum corpus, sive secundum dispendium rei familiaris, sive per orbitatem aliquam charissimorum tuorum; noli respicere eos, quos nosti iniquiores te. Non enim

k

fortè

Quartò : ad acquirendam hanc virtutem unicè facit seipsum amore sui exuere. Qui semet tam calide amat, qui suis commodis tam studiosè invigilat, qui suum iudicium tam prompte adorat, nunquam serio poterit affirmare : Volo, quod vult Deus. Talis in rebus adversis timidus, in secundis turgidus, in neutris male quietus est.

Ille unus felix & tranquillus, qui in una atque unica Dei voluntate conquiescit: quidquid enim agit, ad perpendiculum divinæ voluntatis velut aurum ad libellam examinat. Et quia se in omnibus divinæ providentiæ ac voluntati plenissimè committit, nihil anxie facit : scit enim, quam providum habeat, quam & benevolum etiam in minimis curatorem, de quo sibi securissime polliceri ausit, res suas longe melius quam ab ullo mortalium, quam etiam à seipso curandas. Qui in alto mari navigant, unde quaque nil aliud nisi mare vident :

———— Calum undique & undique
pontus : a

itaque sese ex integro divinæ Providentiæ & arbitrio committunt, Deum undique & undique Deum, & in Deo sapientissimam simul & amantissimam tam rerum suarum, quàm omnium aliarum dispositionem cernunt. Hi veluti infantes feliciter, & à tetricis curis alieni vivunt; neque quærunt, quanti frumentum in
foro

a Virgil. l. 2. *Aneid. tertia pag. post init.* & l. 5. *Aneid. initio.*

Deum, si providentiam ejus irriferis, si dixeris in animo tuo : Vere non curat Deus res humanas : si curaret res humanas, ille latro tantum haberet, & ego innocens indigerem? Perverso corde factus es: veniet judicium illud, apparebunt omnia, propter quæ ista omnia faciat Deus : & tu qui noluit in hac vita corrigere cor tuum ad rectitudinem Dei, & te ad dexteram præparare, ubi laudabuntur omnes recti corde, eris ad sinistram, ubi tunc audies : Ite in ignem æternum, qui præparatus est diabolo & angelis ejus. Et nunquid erit tunc tempus corrigere cor? Peccas, & parcit; adhuc peccas, adhuc parcit, & adhuc addis. Quam diu patiens est Deus? Senties & justum Deum. Ecce, cum loquor, muta cor, & factum est, quod tam sæpe & tam diu clamatur ut fiat, & quod æternam poenam parturit si non fiat. a

Quæstiones subinde ferimus sterilissimas, & quæ non tantum ad farinam nil faciant, sed nec ad doctrinam quidquam adjiciant. Quid ad me, & scire quid juverit, quæ mater Evandri, quæ Hecubæ nutrix fuerit? Penelope an Cleopatra verba sæculo suo dederit: Num Didymus grammaticus quatuor millia librorum scripserit: Num Ulysses extra notum veteribus orbem tamdiu freto jactatus sit: Quot Acestes annos vixerit: Quam patriam Homerus habuerit. Quid hæc ad mores, quid ad cælum? His non multum absimiles sunt, & subinde magis

k 2

nocivæ,

a Aug. tom. 2. in Ps. 63. mihi pag. 266.

forte audes dicere iustum te , sed nosti
peiores te , & florere in istis , & non fla-
gellari , ut displiceat tibi consilium Dei; &
dicas: Ecce puta peccator sum, & propter-
ea flagellor: quare ille non flagellatur, cu-
jus novi tanta flagitia ! Quantumcunque
mali fecerim ego , nunquid ego tantum
feci , quantum ille ? Distortum est cor
tuum. Quam bonus Deus Israël, sed rectis
corde ! Tui autem labuntur pedes , quia
zelas in peccatores , pacem peccatorum
intuens. Sine curare ; novit Deus quid a-
gat, qui vulnus novit. Non secatur alius.
Quid si desperatur ? quid si propterea tu
secaris , quia non desperaris ? Patere ergo
quicquid pateris, recto corde: novit Deus,
quid tibi donet, quid tibi subtrahat. Quod
tibi donat, ad consolationem valeat , non
ad corruptionem : & quod tibi subtrahit,
ad tolerantiam valeat, non ad Blasphemi-
am. Si autem blasphemias, & displicet tibi
Deus, & tu tibi places, perverso corde &
distorto es: & hoc pejus, quia cor Dei vis
corrigere ad cor tuum , ut hoc ille faciat
quod tu vis , cum tu debeas facere quod
ille vult. Quid ergo ? Vis detorquere cor
Dei, quod semper rectum est , ad pravita-
tem cordis tui ? Quanto melius ad rectitu-
dinem Dei corrigis cor tuum ? Duo tibi
modò proposita sunt, elige , cum tempus
est. Si recto corde fueris, ad dextram eris ,
& laudaberis. Quomodo ? Venite benedicti
Patris mei, percipite regnum, quod vobis
paratum est ab origine mundi. Perverso
autem corde si fueris , si subsannaveris
Deum

Quæstio omnium optima & scitu dignissima. Responsum ad hanc non ab uno alterove petendum, sed à pluribus. Igitur Theologorum omnium ore sic respondemus: Vera hominis Christiani sanctitas consistit in conformitate cum lege æterna, quæ est in mente Dei.

Lex æterna est Voluntas divina: quidquid enim in specie per omnem sæculorum seriem operatur, hoc simul & semel ab æterno voluit & decrevit. Is autem eximiè perfectus, is verè sanctus est, cujus voluntas, & ab eâ prodeuntes actiones, æternæ legi, hoc est, menti ac voluntati Dei exactè conformantur. Nam Dei voluntas cum reipsa sit eadem cum intellectu divino, & ideo legi æternæ necessario conformis, cui ex æquo respondet, hinc ipsa pariter mensura est & regula sanctitatis. Et quia hæc conformitas in Deo est infinita, hinc pariter infinita est ejus sanctitas: in homine verò, in quo omnia sunt finita, suos illa limites habet; ita tamen, ut semper possit crescere. Hinc tantò sanctior est homo, quantò æternæ legi, seu divinæ voluntati conformior. Res liquidissima.

Deinde, Sanctitas consistit in amore seu conjunctione cum Deo, quæ origo est sanctitatis. Hinc luculenter cernimus, in homine illo majorem esse sanctitatem, in quo deprehendimus arctiorem cum Deo divinaque voluntate conjunctionem. Qui Deo conjunctior, is & sanctior.

Tertio, Sanctitas, ut eam beatus Dio-

nocivæ, anxie indagare, quinam Sanctorum aliis sint in cælesti palatio sublimiores. Hunc talem curiosulum optimè mones religiosissimus scriptor: Noli, ait, inquirere, nec de meritis Sanctorum, quis alio sit sanctior, aut quis major fuerit in regno cælorum. Talia generant sæpe lites & contentiones inutiles, nutriunt quoque superbiam & vanam gloriam: unde oriuntur invidia & dissensiones, dum iste illum sanctum, & alius alium superbè conatur præferre. ^a Eodem spectat, cum diversæ religionum virorum familiæ odiosissimis sententiis inter se conferuntur. His sanctitas & virtutum omnium chorus, his pænè sola eruditio assignatur; illi ob religionis ævum & annorum centurias, isti ob tot Præfulum & Pontificum tiaras è suâ familiâ eductas aliis præferendi videntur. O mortales vanissimi! Ad tribunal Cæsaris stamus, illic nos oportet judicari. ^b Quid hæc in quæstionem & contentionem adducimus, quæ mores depravent magis, quàm emendent? Si quæstionibus libet vacare, hoc porro agamus, & quæstionem illam longè utilissimam ponamus, quæ una omnium virtus maximè faciat ad cælum.

^a *Thomas de Kempis l. 3. Imit. Christi c. 53. n. 2. & 6.*

^b *Actor. c. 25. v. 10.*

§. IV.

Quæritur, in quo demum Christiani & Religiosi hominis vera sanctitas consistat.

Quæ-

Voluntas nostra Chamæleonti *a* similissima. Nam sicut animalculum illud chamæleon *b* rerum omnium quibus se applicat, aut ab aliis applicatur, colorem induit, præter rubrum & croceum: sic & voluntas humana in omnes sese formas transmutat, omnium rerum faciem induit, quibus sese per amorem jungit. Si ergo voluntas humana divinam assidue contempletur, illi se semper applicet, non potest non induere divinæ Voluntatis caruleum, sic loquar, seu caelestem colorem.

Inde Christiani sapientis dictum: *Quod per voluntatem resolute & efficaciter vis, hoc absolutè es.* Vis ex animi tui sententia esse humilis? hoc ipso jam es. Vis esse temperans, obediens, castus, patiens? Si deliberatum tibi est, hoc esse, si illud efficaciter vis; jam temperans, jam obediens, jam castus, jam patiens es. Eò referendum Augustini scitum: Non faciunt bonos vel malos mores nisi boni vel mali amores. *c* Nec aliter Annaus: Quodcunque, ait, sibi imperavit animus, obtinuit. *d* Hominis ergo voluntas divinæ se jungat, & divinam induet.

k 4 Hic

a Chamæleontem exactè describit incomparabilis heros, illustrissimus Dux, oculatus testis, Christophorus Nicolaus Radzivil. ep. 2. Itineris sui in Palestinam, mihi pag. 119.

b Plin. l. 8. nat. hist. c. 33. excipit rubrum & candidum.

c August. ep. 52. ad Macedon.

d Sen, l. 2. de ira, c. 12.

nysius depingit, est omnimodo puritas. *a*
 Atqui quotidiana nos docet experientia,
 mentis impuritatem contrahi è conta-
 ctu & adhæſione ad res infimas & sordi-
 das, quæ terram & lutum olent, ad pe-
 cuniam, ad epulas, ad Veneres, ad
 alias corporis delicias, ad diverſas oſten-
 tationis pompas, ad pictas honoris &
 dignitatum prædas. Quemadmodum er-
 go ab his infimis & sordidis bonis con-
 trahitur impuritas, ita è contactu & ad-
 hæſione ad ſublimia, divina, cæleſtia,
 conciliatur puritas. Ita purus & ſanctus
 eſt, qui toto affectu totaque voluntate
 Deo adhæret; & quò magis omnem af-
 fectum omnemque voluntatem in Deum
 transfundit, eò in dies fit purior & ſan-
 ctior, dum omnia cogitata, dicta, fa-
 cta, & quidquid voluntate complecti-
 tur, ad amuſſim divinæ voluntatis exa-
 minat, & ad Deum dirigit. Nil certius;
 & divino oraculo firmatur: Qui facit vo-
 luntatem Dei, manet in æternum. *b* Et
 quid opus teſtibus? Vox Domini eſt, &
 æternæ Veritatis oraculum: Qui fecerit
 voluntatem Patris mei qui in cæliſ eſt,
 ipſe meus frater, & ſoror, & mater eſt. *c*
 Atque hæc illa ſanctitas eſt, quam jure
 Deus exigens: Sancti eſtote, inquit,
 quia ego ſanctus ſum. *d*

Volun-

*a Dionyſ. cap. 12. de divin. nomini-
 bus.*

b 1. Ioan. c. 2. v. 17.

c Matth. c. 12. v. 50.

d Levit. c. 11. v. 44.

rum Deo demamus, & ipsissimam Dei Voluntatem sub tristiore schemate latentem videbimus. Eadem Dei Voluntas est, quæ mulcet, & quæ punit, quæ muneratur, & quæ punit; eadem est, quæ morbum & sanitatem, quæ opes & paupertatem, quæ gloriam & ignominiam immitit. Placet prior illa mitis & benevola, hilari & benigna? placeat & hæc altera, tristis & adstricta, acris & austera; eadem prorsus est cum priori. Si bona suscepimus de manu Dei, mala quare non suscipiamus? ^a Deus æque Pater est, & æque bonus ac liberalis Pater est, cum negat, & cum annuit; cum recreat, & cum flagellat; cum vulnerat, & cum sanat: sive blandus, sive serius sit, Pater est, nec amantiſſimam in nos voluntatem mutat.

Augustinus hoc sæpiſſime ſuis inculcans: Matres, inquit, quomodo fricant in balneis ad salutem filios? Nonne parvuli clamant inter manus earum? Illæ ergo crudeles ſunt, ut non parcant, non exaudiant lacrimas? Nonne plenæ ſunt pietate? Et tamen clamant pueri, & non eis parcitur. Sic & Deus noſter plenus eſt charitate. Sed ideo videtur non exaudire, ut ſanet & parcat in ſempiternum. ^b

Non eſt igitur Reſignationis virtus, quæ Dei voluntatem, tam dulcem illam quam aſperiores alteram, non æquè prompta

k 5

ample-

^a Iob c. 2. v. 10.

^b Auguſt. in Pſal. 33. propius finem.

§. V.

Hic unum aliquid difficile videtur. Voluntas Dei aut amabilis, jucunda, suavis, benefica est, aut vero dura, tristis, aspera, severa. Priorem illam obviis ulnis, totis brachiis, pronissimo amplexu excipimus. Vult nos Deus bonâ valetudine gaudere, opibus abundare, honoribus fulgere, pleraque omnia oprato & ex sententia obtinere? Hanc nos voluntatem cupidissimo nexu stringimus: ad hanc toto capite annuimus: hanc toto pectore amplectimur: hic erumpimus in promptissimas has voces: Volumus, Domine, Volumus, omnino Volumus. Bonum est hic esse: hic Dei Voluntatem ingenti suavitate sequimur quocunque duxerit. At ubi voluntas Dei contrahit frontem, imò aliam induit faciem, rugosam, rigidam, minacem, moestam, lacrimosam, hic nobis accidit quod pueris. Hi quos amant, quibus assueverunt, quibuscum ludunt, si personatos vident, expavescunt: ita nos cum Dei Voluntatem sub alia velut persona, sub alio vultu invaletudinis, ignominiae, paupertatis cernimus, mox ut pueri terremur, & clamamus: Non est hæc Voluntas Dei, non est, ut iste me nebulo iniquissimè criminetur, ut hic trifurcifer tot me injuriis oneret, ut homo ille cæli & terræ odium tot me damnis afficiat: non est Dei Voluntas istud, non est. O pueri, & ô infantes! detrahamas terrificam hanc personam, vultum hunc auste-

tu es omnium conditor, da mihi uxorem bonam & formosam. Est qui dicat: O Deus, in manu tua sita sunt omnia, da mihi præfecturam opulentam. Alius: O Christe Sacerdos summe, da mihi pingue sacerdotium.

Liceat hos omnes interrogare: Quò vos, ô boni, divinam Voluntatem trahere nitimini? Ille quidem, ut audio, in viam bonæ valetudinis, & non aliò: iste in viam liberalis victus: hic in viam formosæ conjugis, nec aliam vult ingredi; alii verò in viam opulentæ præfecturæ & pinguis sacerdotii. Hac ratione vos non Dei sed vestri estis, *Resignati* non estis. Itaque quantum jam liquet, ducere vultis divinam voluntatem, non duci ab illa: Dei manum tenere cupitis, teneri ab illa recusatis. Adeoque in voluntate sua non deducet vos Deus. Ita miseri cæcis ferimur desideriis, & in damna nostra properamus.

Liberos Rachel petiit anxia pietate, & impetravit: sed pœnituit voti: nam alter filius mortem matri attulit nascendo Rebecca quoque filiis beari voluit: sed jam proxima partui, Si, aiebat, sic mihi futurum erat, quid necesse erat concipere? Ita plurimi lætam valetudinem poscunt, quos soli à vitiis sanarent morbi. Ita divitias rogant, quæ ipsis semitam planant ad inferos; ad cælum extulisset pauperies. Itatiaras & scepra impetrant nonnulli, sed suo malo, à quo illas petasus & ligo immunes præstitissent. Heu in nostram

per-

amplectitur. Sanctissimus rex David lulentius hoc nobis ingerit: nam & beneficium petendo, & ob beneficium gratias agendo: Emitte, inquit, manum tuam de alto, eripe me, & libera me de aquis multis. *a* Et dexteram sibi vult porrigi, & è periculis educi. At verò gratias agens: Tenuisti, ait, manum dexteram meam, & in voluntate tua deduxisti me, & cum gloria suscepisti me. *b*

Fit nonnunquam ut adolescens via cænosa, declivi ac lubrica viæ ducem sequatur præeuntem, eique jam jam lapsurus, dexteram porrigat, suam tamen ductor non porrigat; aut quia adolescens opem non seriò poscit, aut nimis seriò, aut certè quia magis vult non cadere, quàm manu teneri ne cadat. Cum ergo in cænum corruit, sua culpa cecidit; quia teneri non voluit. Simillimum hic. Afflicti manum divinam poscimus, graviolem casum metuimus. Dextram quidem porrigit Deus, sed nihilominus cadimus. Et quo tandem modo id fieri dicendum? Respondet David: Tenuisti manum dexteram meam, & in voluntate tua deduxisti me. Quod isti & isti cadant, in promptu cāussa est: voluerunt illi quidem divinam manum tenere, sed ab eadem teneri & duci noluerunt. Et audite, obsecro, istorum hominum preces. Est, qui sic oret: Domine, da mihi bonam valetudinem. Alius: Da mihi, Domine, liberalem victum. Tertius: O bone Domine,

IU

a Psal. 143. v. 7.

b Psal. 72. v. 27.

Iam sese nominavit. Hoc, dices, virginæ submissionis fuit : nam Elisabet ha eodem Virginem , quo Angelus compellans nomine. Et unde hoc mihi, ut veniat Mater Domini mei ad me ? Fateor : ancillam se dicere, submissionis fuit; sed his ipsis verbis Virginem ad gloriam incredibilem evehit. Nam absolute & præcise, ut Theologi loquuntur , major est dignitas esse ancillam Dei , quàm matrem Dei. Ea enim dicenda est ancilla Domini , quæ Dei Voluntatem ad unguem perficit. Hinc muliercula sub concione Domini exclamante , Beatus venter qui te portavit , subjunkit Dominus : Quin imò beati qui audiunt verbum Dei , & custodiunt illud. Major enim beatitudo est , uti Augustinus interpretatur , divinæ voluntati obsequi , quam Dei Matrem fieri ; nam & beata Maria , ut sanctus Pater loquitur , beatior fuit concipiendo & gestando Dei filium corde , quam carne. Hoc enim in ea magnificavit Dominus , quia fecit voluntatem Patris, non quia caro genuit carnem. *a*

Aristotele auctore, amicitia non potest esse inter eos, inter quos magna est distantia, seu divitiarum & honorum, seu virtutis. Hinc inter opulentum & egenum, inter dominum & servum, inter sapientem & fatuum , nec longa erit amicitia , nec fida. Quid ergo inter Deum & hominem poterit esse amicitia ? Sapientissimus est

*a Aug. tom. 6. l. de sancta Virginitate c. 2.
& tom. 9. tract. 10. in Euang. Ioan.*

perniciem calemus : ducere volumus
divinam Voluntatem , sed duci detrecta-
mus.

§. VI.

Longe aliter precatur , qui Resignatio-
nis virtute pollet : hoc illius unicum vo-
tum est : Duc me , Domine , quò tu ipse
vis ; promptissimè sequor : modò viam
voluntatis tuæ . (quod unice cupio) infi-
stam. Vis me valere ? bona via. Vis ægro-
tate me , non deterior est priori ; plerum-
que etiam melior. Vis me abundare ? se-
mita bona est. Vis me in egestate esse ?
& hæc æquè bona est , quamvis non æquè
jucunda. Vis me honorari ? trames altus ,
& nemini non gratus. Vis me contemni
& despici ? Trames depressus quidem ,
sed tutus. Ita domine Jesu , ita in volun-
tate tua deduc me ; tene dexteram me-
am , & ego tenebo tuam.

En iste Dei , & Deus manum illius ap-
prehendit , deducitque illum in voluntate
sua securissimè. Hic *Indifferens* , de quo lo-
quimur , hic *Resignatus* est. Quid ergo ma-
gis in rem hominis est , quàm posse &
velle toto animo dicere : O Domine , quia
ego servus tuus : ego servus tuus , & filius
ancillæ tuæ ? a Præ omni diademate gra-
tum mihi est , Dei servum esse , à divina
Voluntate duci ac regi.

Utrum , oro , sublimius est , Dei matrem
an Dei ancillam esse ? nam beatissima Vir-
go ab Angelo Dei mater salutata , ancil-
lam

Deus est. Tanti vanit, & non pluris amicitia divina. Qui idem in omnibus vult quod Deus, jam Dei amicus, jam pæne Deus est.

Narrat Ioannes Taulerus, piissimus ille concionator, ut eum maximi viri nominant, a fuisse hominem, qui maximis votis desideraverat doceri, quoties & qua præparatione animi epulum caeleste adeundum esset. Huic à Domino, ut Taulerus loquitur, responsum est hoc pacto: qui non habet quod suum est, & qui appetit quod suum non est, & cui satis placent quæ à me fiunt, is me, quando volet, percipere poterit. *b* Hæc hominis Resignati verissima effigies est: hic enim non habet quod suum est. Ea dicimus nostra, quæ nobis charissima. Hinc voces illæ, Hic meus cibus, hoc canticum meum, hoc pratum meum, hæc mea voluptas. Prima Resignationis pars est, hæc sua habere nolle. Altera, quod suum non est, appetere. Hem, quid minus nostrum est, quam sui ipsius odium, & quotidiana mors deteriorum affectuum! Hæc tamen homo Resignatus appetit. Pars Resignationis tertia est, omnia quæ Deus vel permittit, vel immittit, rectissima, optima, sanctissima censere. Huic homini placent omnia quæ à Deo fiunt, lata, tristia, prospera, adversa, & tam ea quæ sibi, quam quæ aliis

a Rob. Bellarm. de Scripturibus ecclesiasticis ad annum 1350.

b Taulerus Instit. c. 38. initio, *miki* pag. 71.

est Deus, homo & ignorans, & fatuus. Omnipotens est Deus, homo ipsa debilitas. Omnium thesaurorum reconditorium est Deus, sola vivit mendicitate homo, heu mendicissimus. Quæ igitur familiaritas Deum hominemque copulabit? Atqui Hebræus Psaltes ex hominum numero Dei amicos designans: Nimis, ait, honorificati sunt amici tui Deus. *a* Equinam, ô Regum optime, sunt hi amici? Ille verò affirmatius hoc asserens, & horum amicorum esse innumerabiles pronuntians: Dinumerabo eos, inquit, & super arenam multiplicabuntur. *b* Quinam isti tandem? Ad hanc quæstionem ipse DEI filius respondens: Jam non dicam vos servos, inquit, quia servus nescit quid faciat dominus ejus: vos autem dixi amicos. Quos illos, obsecro? nimirum eos, quos sub ipsa concione, loquente manu commonstrans: Ecce, ait, mater mea, & fratres mei (utique & amici) Quicumque enim fecerit voluntatem Patris mei, qui in cælis est: ipse meus frater, & soror, & mater est. *c* Si hac una conditione non difficili servata possumus esse fratres Dei & sorores, quomodo non amici?

Quocirca qui in omnibus vult quod Deus vult, jam in amicitiam divinam transit, jam cum hoc amico suo sapiens, jam dives & immortalis, jam æternus, jam

Deus

a Psal. 138. v. 17.

b Psal. 138. v. 18.

c Mat. c. 12. v. 48. 49. 50.

filia mortalium, hæc vota magnarum cogitationum. Mors media intervenit, & turbavit omnia.

Ferendus erat nuntius ad miseram matrem, jam filio orbatam. Ne autem graviore ictu prosterneretur, vel etiam ut solatorem magis præsentem haberet, suscepit hanc provinciam Collegii Rector. Hunc ubi vidit mulier, præfatio malorum divinavit quod erat. Et quanquam dolore perculsa, antequam quidquam audiret, precibus effusis ante imaginem Crucifixi, muliebre animus firmat. Surgit deinde, & accepto tristi nuntio nihil immutata, iterum procumbit in genua, præsentium oculos eò majore afficiens misericordia, quò fuit animo fortior. Tum presso mœrore aut victo: Pater, inquit, (referam ipsius verba) nihil ad aures poterat gravius accidere. Sed quoniam depositum suum repetiit Deus, ita me ad ejus voluntatem conformo, ut si commodaret iterum, ejus voluntatem antelatura sim cupiditati meæ. Neque hoc ostentationi datum; aut solus verborum color fuit. Nam postridie cum tota familia, gratiis Deo actis, ad sacrum epulum in templo se stetit.

Hoc est resignatum esse, & totis brachiis divinam Voluntatem in luctu etiam maximo amplecti. Sed hujus rei specimen longe recentius subjungo.

Jussus est Princeps omni agro suo, totoque Principatu una cum conjugē atque liberis abire, & bona sua omnia cedere alte-

aliis eveniunt , velut è manu Dei accipit ,
animo ad divinam voluntatem semper
erecto.

§. VII.

Ante Hierosolymæi templi structuram,
Tabernaculum cum Arca vicem illius sub-
iit. In Arca Moſis tabulæ ac ſcipro , & in
aureo cratere manna ſervabatur. Voluntas
Virginis beatiffimæ velut Arca fuit divinæ
Voluntatis. **Hic** tota lex ſervabatur vigi-
lantiffimè. Nam in lege Domini voluntas
ejus , & in lege ejus meditata eſt die ac
nocte. *a* De Virgine hac dixerim: Jota u-
num aut unus apex non præteriit à lege ,
donec omnia fierent. *b* Minima, maxima
mandata ſervavit exactiffimè : nullo un-
quam vel leviffimo peccato afflata Virgo ,
tota erat in Dei voluntate.

Ab hac Matre Virgine non minimo
profeſtu didicit ſuæ cum divina Voluntate
conformationem mater alia. Fuit ſuperio-
ri ævo. *c* Recineti nobilis Matrona, quæ fi-
lium (Paulus is audiebat) Romam miſerat
inſtituendum. In ſtudiis adoleſcens pro-
ceſſerat, nec mediocrem ſui ſpem conci-
tarat. Interca domi deſponſa ei nobilis
virgo cum dote ampliffima viginti mil-
lium aureorum. Hanc altera tanta pecunia
ſequēbatur lege hæreditatis. Videbantur
familiæ munimenta, ſi futurum proſpice-
res, præclare conſtituta. Hæc erant con-
ſilia

a *Pſal.* 1. v. 2.

b *Matth.* c. 5. v. 18.

c Anno 1582.

Deo tribuit , omnia cum Deo transigit ;
Deo adscribit omnia, vel volenti, vel cer-
te permittenti.

2. Homo Resignatus multò quam per-
suasissimus est , omnia , quæcunque fiunt
(solo peccato excepto) fieri nutu & vo-
luntate Dei. Hic idem homo securitate
suavi certissimus est, omnia quæ sibi Deus
immittit, quantumcunque acerba, in suum
nihilominus emolumentum cessura. Hinc
ipse sibi hæc polliceri audet : Nihil tibi
potest contingere , quod nociturum sit :
fide Deo , & omnis hominum iniquitas
tibi serviet , tibi que proderit quampluri-
mum.

3. Homo Resignatus non satagit, non
æstuat, non sævit, non angitur, non furit ,
non turbat , nec turbatur quocunque re-
rum eventu , sed eodem semper ac pla-
cido tenore animi progreditur , oculos
suos in Dei Providentia , voluntatem
suam in Dei Voluntate fixam habet. Quic-
quid evenit , Dei Voluntate scit evenire ,
idque in suum , & omnium eorum bo-
num , qui diligunt Deum. Homo Resi-
gnatus ita se in divinæ Voluntatis manu
composuit , ut si terra rueret , si cælum
deslagraret , ille imperturbatus diceret :
Ita Deo visum est : Sic placuit Deo. Po-
tens est Deus & aliam terram , & aliud
cælum condere. Sed quia sunt qui cala-
mitosis rerum eventibus turbantur , fræ-
munt , indignantur, furunt , his Resigna-
tus libere concionatur: Quid facitis insani?
Voluntas Dei errare non potest , non po-

ri. ^a Fulmen horribile, & forsan impro-
visum. Sed animus sibi præsens excepit
hoc admirando robore. Siquidem Dux
ille jam pronuntiatus exul non tergiver-
sari, non excusare multa, non sortem de-
plorare, non ad aliud tribunal provocare,
sed hoc unum dicere: *Libentissime. Nam
mea omnia illius sunt, qui jam iis decedere
me jubet.* Dixit, & fecit. Nil promptius,
nil cordatius homine Resignato.

Animus vera Resignatione imbutus in-
ter cæli terræque ruinas stat impavidus.
Satis ei fulcri est, Voluntas Dei. Hinc be-
ata Catharina Genuensis unicum illud o-
ptimæ ac religiosissimæ vitæ fundamen-
tum habuit. Fiat Voluntas tua, *b*

a Studio silemus nomina.

b In vitâ illius.

A C T I O N E S R E S I G N A T I O N I S.

I. Nullus Astrologorum tam accurate
stellas numerat, tam attente cælum obser-
vat, atque homo Resignatus divinam Pro-
videntiam considerat. Hanc ille in rebus
omnibus mirabilissime refulgentem ob-
tutu assiduo adorat. Et hoc est præcipue,
quod vere Resignatum efficit, perpetua
divinæ Providentiæ in rebus omnibus tam
publicis quam privatis, tam suis quam ali-
enis observatio. Divinam Providentiam
ubique agnoscere, est Deo semper fidere;
qui Deo nunquam non fidit, divinæ Vo-
luntati non agrè sese subicit, & omnia
Deo

noctesque torqueret , idque viginti , triginta , & pluribus annis , quid tu ad hæc ? Hoc unum respondere haberem : Domine J E S U , fiat Voluntas tua. Tu figulus es , ego vasculum in manu tua. Figuli est scire , quamdiu olla clibano duranda. Ita Resignatus animum multiplici Resignatione præmunit in omnia adversa.

6. Homo Resignatus suam devotionem , quam divinæ Voluntati assidue approbat , statis de die temporibus renovat. Etenim præterquam quod assidue per diem suum illud , Fiat Voluntas tua , animo verset , nihilominus mane , meridie , vespere , horis deinde singulis , jam solenni formula precatur : Domine J E S U , fiat Voluntas tua. Et simul se , suaque omnia divinæ Voluntati ac Providentiæ impensissimè commendat : certus , nec in tempore , nec in æternitate se deferendum à Deo , nisi prior ipse deferat Deum. Hinc semper latanti animo canit : Dominus regit me , & nihil mihi deerit. ■

7. Quandocunque homo Resignatus novi mœroris causam advertit , mox ad divinam Voluntatē , ad tutissimum suum asylum sese recipit. Verbi gratia , fames , sitis , æstus , frigus cruciant , cibus insulsus obtruditur , ipse immerito reprehenditur , petenti aliquid negatur , labor odiosissimus imperatur , à quibusdam despicitur & irridetur , inique accusatur , pecunia illi aut fama eripitur , ab æmulis exagitur ,

13

à do-

test falli, nec fallere. Hæc ab æterno & prævisa & decreta sunt: hæc Deus permittit, vel ut puniat nos, vel ut castiget, vel ut exerceat nos. Improbos punit, lapsos castigat, bonos exercet.

4. Homo Resignatus brevem, sed suam hanc cantionem assiduè cantitat: Domine Jesu, fiat Voluntas tua. Parum ei est hoc carmen centies uno die repetere: millies, bis millies vel uno die, toto animo, nec sine gaudio cantat: Domine Jesu, fiat Voluntas tua. Quotidianis his exercitiis eò suaviter homo Resignatus pervenit, ut serio ac verè affirmet: Nil prorsus est in orbe hoc inferiore, quod me valde delectet. Unicum meum gaudium est, in omnibus Voluntati divinæ obsequi. Tolle divinam Voluntatem, & cetera omnia tribus obolis vendiderim.

5. Homo Resignatus seipsum sapius, velut in umbra exerceat ad palum hoc modo: Quid faceres, qui te gereres, si quod tibi charissimum est, Deus auferret? Si hæc tibi commoda, si hanc tibi pecuniam eriperet? Dicerem: Fiat Voluntas tua. Si liberis & conjuge te orbarer? Dicerem: Jure repetiisti mutuum, qui dedisti; fiat Voluntas tua. Si ereptis opibus ad saccum & mendicitatem te detruderet? Non aliud quam prius possem dicere. Si omnibus te honoribus spoliatum, ludibrio exponeret omnium? Acerbum hoc & insuave pulmentum, sed & divinam Voluntatem inspergerem pro saccharo. Quid si Deus variis te morbis dies noctes-

ceps Hebræus : Hæc omnia, inquit, custodi à juventute mea. *a* Humana conditione hîc Virgo longe sublimior affirmare potuit : Hæc omnia custodi à utero , imò & in utero matris meæ. *b* En tabulas Moſis religioſiſſime cuſtoditas : en artiſſimam divinæ humanæque voluntatis concordiam. Sed neque manna deſuit in caeſti hac Arca. Erat Virgo ſub illud Chriſtianæ diſciplinæ initium devotiſſima Communioni ſacræ. Hoc nobis niveum manna , hoc Roſa candida repræſentat. Sunt , qui quærant : Quanam è ſeptem Eccleſiæ Sacramentis à Domini Matre ſint adhibita. Breviſſimè reſpondemus.

Primò , Baptiſmate abluta eſt : non ut primæva labes in ea extingueretur , quam nunquam habuit , ſed quia fons iſte ad alia Sacramenta velut oſtium eſt , & omnem Chriſtianum populum inſiguit. *c* Deinde Confirmationis Sacramentum die Pentecoſtes accepit in Apoſtolorum ſocietate. Tertiò , Pœnitentiæ Sacramento non eguit , quæ omni peccatorum labe caruit. Vtrum in ea Pœnitentiæ virtus fuerit , eruditi diſputant. Sunt , qui affirmant fuiſſe , non
14 qui-

a Luc. c. 18. v. 21.

b Iam enim perfectæ illi ratio fuerat.

c Euthymius in c. 3. Ioan. à Chriſto baptizataſſe aſſerens : Scribunt Apoſtolorum temporibus proximi , ait , Quod Chriſtus Virginem Matrem & Petrum baptizaverit.

à doloribus corripitur , homo ei amicus-
simus subtrahitur , &c. Mille talia sunt ,
quæ in singulos dies expectanda. Ubi ho-
rum quid homo sentit resignatus , mox
ante Deum velut præsentem sese abjicit
cum his dictis : An non ego , mi Deus ,
aut, Domine J E S U , an non ego me
decies millies , vicies millies & amplius
sanctissimæ Voluntati tuæ obtuli ? quid
jam tergiverfer aut resistam ? Nam quod
ego modo patior , hoc ab æterno decre-
visti (certus sum) ut illud hoc modo, hoc
tempore, hoc loco, ab his hominibus pa-
terer , prout illud nunc patior. Fiat ergo
in me Voluntas Domini mei : Ecce ad-
sum , ad omnia , quæ Dei Voluntas ab
æterno in me statuit , perferenda paratus.
Sit nomen Domini benedictum.

CAPVT SEPTIMUM.

Rosa Candida.

seu ,

Sacra Communionis devotio.

§. I .

IN Arca quam Mosi Deus construendam
dictaverat, quod paulò ante diximus, ta-
bulæ legis & baculus Mosi , simulque
manna recondebatur. Matrem Domini
cælestem Arcam rectissime nominavimus:
hic legis tabulæ , hic virga thaumaturga ,
hic manna.

De legibus ritè servatis, gloriatus Prin-
ceps

bimus? *a* Idem & Hieronymus affirmans: Christus Dominus ipse, ait, conviva & convivium, ipse comedens, & qui comeditur. *b*

An ipso die cænæ ultimæ Virgo beatissima sacratissimam Eucharistiam sumpserit, non vanè quærunt eruditi. Sumpsisse, complures asserunt. Metaphrastes modum explicat. In eadem prorsus domo, ait, in qua cum discipulis Christus accubuit, in conclavi tamen diverso, Mater Christi eas feminas, quæ filio ministraverant, excepit. His ad edendum Paschatis Agnum collectis Christus Dominus sanctissimam Eucharistiam per Petrum misit: Sic eis, inquit Metaphrastes, gratiam referens pro ministerio. *c* Opinio probabilis; cui accedunt Didacus Vega, Sebastianus Barradius, Joannes Walterius. Ita Mater Domini (si fides illis testibus) ita etiam sanctissimum illud gynæceum, etiam pridie Dominici funeris, Dominico corpore refectum est.

Beata Mechtildis, cæleste hoc epulum accessura, Virginem Matrem quinquies verbis Angeli salutare solita est. Quo quidem more hoc egit, ut suavissimam memoriam

15

moriā

a Chrysost. hom. 3. in Matth.

b Hieron. quæst. 2. ad Hediab.

c Metaphr. orat. de vita Deiparæ apud Suriū die 15. Augusti Didaeus de la Vega in conc. Quadrag. Fer 6. hebdomadis Majoris conc. 1. mihi pag. 568. Berrad. tom. 4. l. 1. c. 17. fine. V Walterius de triplici cena c. 21. med.

quidem dolorem de commissis propriis, sed detestationem de alienis peccatis, cum stabili decreto nunquam peccandi. Ejus animi est divus Antoninus. *a* Quarto, cum Josepho nupsit, nondum lex nova fuit, quæ Matrimonium Sacramentis annumeravit. Quintò, Virginem sub vitæ finem sacro oleo unctam ajunt, cum in gratiæ augmentum, tum nobis in exemplum. Sextò, sanctissimam Eucharistiam percepit, ut dicto Domini pareret: Amen, amen dico vobis, nisi manducaveritis carnem filii hominis, & biberitis ejus sanguinem, non habebitis vitam in vobis. *b*

De primis illis Christianorum floribus testatur Lucas: Quotidie perdurantes unanimiter in templo, & frangentes circa domos panem. *c* Si Christianorum ceteri in sacra Communione frequentanda tam assidui, tam quotidiani, ergo etiam Virgo beatissima quotidie sacra mysteria obivit, corpore filii sui refecta, quem præ ceteris omnibus ardebat. Quin imò ipse Christus Dominus hoc suum cæleste ferculum sumpsit. Quod præci Patres clarissimè docent, Basilii verba sunt: Benedixit, sanctificavit, ac gustavit. *d* Diserte Chrysostomus: Ipse quoque bibit ex eo, inquit, ne auditis verbis illius dicerent: Quid ergo sanguinem bibimus?

a Antoninus part. 4. tit. 15.

b Ioan. c. 6. v. 53.

c Actor. c. 2. v. 46.

d Basil in Anaphorâ,

M. DC. XXVI. Hic liber aliud sibi non sumpsit dicere, quam illum unum Virginis pronubum annulum. His annumeranda pars quædam supellestilis, uti sunt sellula, colus rotata, a cereus, fascia, oleum, feretrum, velamina sepulchralia; imò etiam virginei lactis & capillorum. Quibus hæc locis asserventur, docet accurate Ferreoli Locrii Maria Augusta. *l*

Si quis autem operosius sciscitetur, qua regione, qua civitate, primariæ Virginis reliquiæ servantur, hunc ego ad proximum templum censeo ducendum, eique Dominicum corpus sanctuario clausum monstrandum cum dicto: En primarias reliquias à beatissima Virgine acceptas; pretiosiores non habet hic orbis noster. Non annulum, non effigiem, non epistolium, aut solum aliquid vestimentum memoriæ reliquit Christus; seipsum, corpus sanguinemque suum pignori Servator tradidit. O pretiosum, ô carum pignus! Quanti est inter amantes libellum, vel annulum, vel chirotheculas, vel pictam tabellam amor accendendo relinquere? Ardentior hic amor est: dedit, quo nec plus, nec majus, aut pretiosius dare potuit.

Hic, suaferim, omissis verbis, animo & cogitationibus indagemus: Quo sensu fuerit Virgo beatissima, quibus latitiis in-

a *Epistola.*

b *Locrius de his reliquiis Maria Augusta*
l. 5. c. 21. 22. & seqq.

moriam revocaret primò Numinis Virgineo utero conclusi , & una Dei notitiam petiit. Deinde sanctissimi infantis è præsepi in brachia suscepti ; hic sibi Humilitatem petiit. Tertio recordata est, quomodo æterna Mater singulis momentis, dum vixit, augmentum gratiæ receperit ; hic sibi veram cum divina Voluntate conformitatem petiit. Quartò, qua devotione Virgo celestis sanctissimum corpus filii suscepit; petiitque sibi gratum animum. Quintò, obitum Virginis consideravit, petiitque felicem vitæ clausulam , & ardentes in sacra Communione affectus.

Exercitium non minus utile ac pium quàm breve. Gregorius VII. Pontifex ad eandem beatam Mechtildem pro beneficiis in Ecclesiam collatis litteras dedit , iis hoc institutionis inferens : Inter cetera arma, inquit, quæ tibi contra Mundi principem contuli , potissimum est , ut corpus Dominicum frequenter accipias , & ut certa fiducia Matri Domini te committas a

a *Gregor. epist. 47. & 50.*

§. II.

E sacris lipsanis a beatissimæ Virginis plurima numerantur. Cum primis domus quam habitavit , vestes quas gestavit : sic vela, cingulum, vitta, leeticula; sic & pronubus & sponfalitius annulus, qui Perusæ religiosissime asservatur. In ejus rei testimonium liber editus anno Christiano

M. DC.

a *Reliquiis.*

pœnitentia , ardeat amandi suavitas, stringantur amplexus , optimorum affectuum impetus solvatur , sentiant lapides , & emolliantur hunc talem hospitem susce-
pturi.

Christus ex oliveto in calum rediturus pedum vestigia sic saxo impressit, ut ea tot jam sæculis durarint, hodieque peregrinorum oculis conspicua. *a* Licet saxeum sit pectus nostrum, qui fit tamen , cùm illud toties Dominum Jesum suscipiat , non ejus impressa sibi vestigia tenacius retineat ? Heu quam cito friget noster amor , quam facile pietas omnis evanescit , quàm leviter meliores affectus dilabuntur ? Hic saxum indicat , ut humana mens vestigia Domini , & imitationem Christi altissimè impressam sibi non dimittat.

a Vide S. Hieronym. de locis Hebraicis ex Actibus Apostolorum. Illustriss. Principis Nicol. Christoph. Radzivilli Hódœpericum pag. 78. & 102. qui ipse spectavit ante annos non adeo multos.

§. III.

Hebraeus vates Isaias ostento cælesti recreatus : Regem Dominum exercituum , inquit, vidi oculis meis. Et volavit ad me unus de Seraphim , & in manu ejus calculus , quem forcipe tulerat de altari. Et tetigit os meum , & dixit : Ecce tetigit hoc labia tua , & auferetur iniquitas tua , & peccatum tuum mundabitur. *a* Si pri-

a Isai. c. 6. v. 5, 6, 7.

incesserit, quantis desideriis astuarit; quibus affectibus arserit, cum illum ipsum filium suum, quem brachiis gestarat, non jam brachiis, sed ore susciperet, & (quod inauditum amoris inventum) in viscera dimitteret. Hic, ut dicebam, vix verbis locus est, cogitationibus est: hæc eloqui non possumus, possumus cogitare, imò debemus, si quidem placeat imitari.

Obstupefendum sanè & nimis quàm tremendum est, Dei filium, hominis esse cibum. Movit, tremuitque terra, mortuum Domini corpus susceptura: non tremat Christianus suscepturus vivum? Matthæus: Terra mota est, inquit, & petra scisse sunt, & monumenta aperta sunt, & multa corpora Sanctorum, qui dormierant, surrexerunt. ^a Ingentibus fissuris rupes sese aperuerunt, non tam dolore Dominicæ mortis, quam cupiditate mortui corporis in se recipiendi. Patuerunt tumuli non tam ut rediivis cadaveribus egressum darent, quam ut Dominicum corpus invitarent ad ingressum. Nos homines, tametsi jam pæne in lapides obduruerimus, nihilominus par esset dissilire ac rumpi, ut sanctissimo corpori, ut tanto hospiti daretur locus. Spirabant saxa pietatem, & inhiabant cibum tam pretiosum: quid homines faciant; quos ab Orco revocavit, quos ad cælum reduxit Dei Filius hominem indutus, & propter homines in cruce extinctus? Evigilet hic pietas, exsurgat lætitia, vigeat poëni-

^a Matth. c. 27. v. 51.

mè invitat , cenam suavissime commen-
dat, quia *jam parata sunt omnia.* *a* At con-
vivarum plurimi aut tarde veniunt , aut
omnio non veniunt.

Quibus olim æquissimè respondebit :
Vocavi , & renuistis : *b* Nemo virorum
illorum , qui vocati sunt , gustabit ce-
nam meam. *c* Vocabatur olim ad Assue-
ri conjugis mensam Regina Vasthi , quæ
renuit , & ad Regis imperium venire
contempsit. *d* Non impunè hoc feceris ,
O mulier superba , & contemptrix ! Re-
ginam exuere cogeris , & inter ancillas
stare. Diadema tuum portabit alia , te di-
gnior. Idem animæ cuicunque cælestem
hanc cenam negligenti opprobrandum :
O cæca & misera , O tui negligens ! Cæ-
lum perdis , antequam acquiras. Vocaris,
& renuis. Varie vocat Deus ad cenam
hanc magnam. Et primò quidem oraculis
divinis , voluminibus sacris , libellis piis ,
exhortationibus spiritum excitantibus.
2. Vocat sanctioribus aliorum exemplis.
3. Occasione commoda , quam submini-
strat. 4. Ærumnis subinde & calamitati-
bus hac impellit. 5. Instinctu cælesti.
6. Nonnunquam periculosis morbis *com-*
pellit intrare. 7. Nonnullos trahit immi-
nentis æternitatis formido. 8. Quosdam
sanctissimæ Eucharistiæ admirandi affe-
ctus evocant. Plurimos impellit desiderium
Deo

a Luc. c. 14. v. 17.

b Prov. c. 11. v. 24.

c Luc. cit. c. v. 24.

d Esch. c. 1. v. 12.

priscis Patribus ^a fides, ignitus iste calculus, Verbum aeternum carne velatum, Christum Dominum panis forma intentum nobis repræsentat. Super prodigio hoc cælesti tria potissimum capita exactius consideranda. Primum est: E summo Angelorum ordine missus est Seraphim. Alterum: E prunis igneum tulit calculum. Tertium: Non nuda manu, sed forcipe exceptum attulit.

Primum hic: Seraphicus è cælo legatus mittitur, qui vivum carbonem labris imponat, & urgeat, ut recipiatur quod allatum est. Hæc plurimorum desidia est; sacra mysteria non obeunt, nisi pænè vi adigantur; ad cenam hanc magnam non veniunt, nisi sæpius vocentur. Polycharmus civis Atheniensis, Plutarcho teste ^b, orator bonus, nec ignarus tractandæ Reipublicæ, cum vitæ actæ rationem redderet, pro concione sic dixit: Præter alia, viri Athenienses, nunquam vocatus ad cenam ultimus veni. Hoc enim videtur admodum populare: sicut contra eos, quos tarde venientes convivæ ceteri præstolari coguntur, insuaves & imperiosos judicant, molestæque ferunt. Satis est ad cenam, ad convivium semel vocatum esse; superbam facit contumaciam, sæpius vocari, neque tamen se sistere vocanti. Cælestis convivii structor, seu, Modimperator Christus humanissimè vocat, amantissimè

^a Cyrillo, Damasceno. Procopio Gazæo.

^b Plutarch. l. 8. symposiacion quasi. 6. initio.

cissimè ardentem. Quacunque divinissimum hoc mysterium spectemus, meros merissimos amores cernimus: amoris ignes hic spirant, sive tempus, sive locum, sive donum hoc, sive eum qui donavit, cogitemus. Paulus hoc è calo arcanum commendaturus: Ego enim accepi à Domino, inquit, quod & tradidi vobis: quoniam Dominus Jesus, in qua nocte tradebatur, accepit panem, & gratias agens fregit & dixit: Accipite & manducate, hoc est corpus meum, quod pro vobis tradetur: hoc facite in meam commemorationem. *a* Si placuit Christo mysterium tam tremendum, donum tam pretiosum omnibus post sæculis commendare, an non convenientissimum fuisset, id die solenniori, quo in rupe Thaboris cum sole fulsit, vel quo redivivus ad vitam, vel quo gloriosus in cælum rediit? Cur convivium latissimum die celebrat tam luctuoso? quocunque id die fecisset, amoris semper maximi fuisset. At verò id ea nocte aggredi, qua Iscariotes prodicionem aperiebat, qua Domino fel & acetum coquebatur, qua crux & flagra parabantur, hoc amoris longè quam maximi fuit. Eo nimirum vespere caelestem hunc cibum nobis tribuit, quo savissimis hostibus tradebatur ad flagella, ad spinas, ad clavos, ad probra infinita, ad mortem turpissimam. Obsulescendum. Cum lupi jam dentes acuerent in agnum breviter cerandum, agnus vitale pabulum subministrat

Deo placendi. Ejuscemodi Deus vocatores mittit, qui convocent ad epulum caeleste. Hoc nobis Angelus repræsentat, qui adest candentem calculum ingesturus ori. Sed ipsum jam calculum consideremus, quod erat alterum caelestis ostentia caput.

Duo sunt in hoc calculo spectanda, ignis, & carbo: neque enim hæ naturæ miscentur. Candidum Eucharistiæ velamen divinam & humanam naturam tegit: utrique ignis conjunctus est, amor ardentissimus. Id Ioannes Domini oculus edisserens: Cùm dilexisset suos, inquit, usque in finem dilexit eos, *a* sive in finem amoris, interprete Chrysostomo. Cælestis sponsa gratulatur sibi, & ait: Botrus Cypri dilectus meus mihi. *b* Agathus Hebraice & Græce doctus hæc verba substituit: Racemus camphoræ dilectus meus mihi. Camphora genus est arboris aromaticæ, quæ vites æmulatur, fertque botros non multum uvis ab similes. Et quod admirandum, hic camphoræ parvus, hic talis botrus, si ignem conceperit, eâ ardet pertinacia, ut in aquam missus, non tantum non extinguatur, sed incendium suum sic nutriet, ac si mero natet oleo. *c*

En Christum Dominum, ipsissimum Camphoræ botrum in ipsis aquis vivacissimè

a Ioan. c. 13. v. 1.

b Cantic. c. 1. v. 14.

c Id oculis suis à se visum testatur Franciscus Labata.

ignitum calculum ab Angelo accipimus
ad nostrum libitum.

§. IV.

Sed tertium caput hic considerandum
est, forceps, qua calculus ignitus ab An-
gelo delatus. Ignis imperio plenus, ma-
jestatem suam omnibus vult esse terrori,
nec tangi se patitur, manibus non vela-
ris. Hinc & Angelus foreipe utitur defe-
rendo calculo, quem è prunis excerpse-
rat. Quo satis docemur, quanta hic re-
verentia opus, cum Eucharistia ignitus
iste calculus vel sumendus, vel etiam ado-
randus proponitur. Columnen ac decus
Ecclesiæ aurei oris Ecclesiastes Chryso-
stomus, Angelos ad hoc sacrificium vene-
rabundos adstiteri affirmans: Non cogi-
tas, inquit, ipsum hic invisibiliter adesse
Dominum, qui uniuscujusque motum
mei tur, & conscientiæ rationem habet?
Non cogitas, quòd Angeli huic stupendæ
adstunt mensæ, cumque reverentia hanc
circumvallant? a Ubi enim Christus est,
ibi Angeli sunt, ibi calum, ibi lux hac
solari luce fulgentior.

Casarius Arelatensis Antistes: Quemad-
modum viator, ait, è pellucido, illimi, ac
plane crySTALLINO rivulo non bibet, nisi se
prius ad illum inclinet, ita fons omnis gra-

m 2

tia

a Chrys. tom. 1. serm. in verba Isaia,
Vidi Dominum &c. mihi pag. 1215. Et
tom. 2. in cap. 14. Matth. hom. 50.
fine.

nistrat lupis. Nam qui manducat hunc panem, vivet in æternum. *a* O amorum amor! O flammæ Deo dignas! O incendium nullis aquis sopiendum! Verissimè, O sponsa, botrus camphoræ dilectus tuus tibi, qui in aquis tot dolorum, tot injuriarum, tam acerbæ mortis vivacissimè ardebat. Aquæ multæ non potuerunt extinguere charitatem, nec flumina obruerunt illam. *b* Hæc causa Paulo dicendi: Charitas Christi urget nos, *c* Non solum excitat, non allicit solum, sed pectus velut calculus ignitus adurit & penetrat.

Plenus admirationis David: Panem Angelorum manducavit homo, ait, cibaria misit eis in abundantia. Quem defectum querimus, cum sic abundemus? Quomodo has dapes nauseamus, cum Panis sit Angelorum? Incredibilis prorsus amor Davidis fuerit in Ionatham, cujus filio Miphibosetho adolescenti claudobenevolentissimè pollicitus David: Restituam tibi omnes agros Saul, & tu comesdes panem in mensa mea semper. Qui adorans eum, dixit: Quis ego sum servus tuus, quoniam respexisti super canem mortuum similem mei? *d* Ingens hic affectus regis in hominem membræ præne omnibus captum: sed major fuit Christi in nos debiles ac mancos. Heu canes mortui sumus, & tamen regis mensæ admovemur, quotiescunque ipsi volumus; igni-

a Ioan. c. 6. v. 58.

b Cant. c. 2. v. 8.

c 2. Cor. c. 5. v. 14. *d* 2. Reg. c. 9. v. 7. & 8.

ipfissimum hic Christi corpus , quod pro nobis traditum , fragellatum , in crucem elatum? Chrysostomus plurimorum piam curiositatem retundens : Quot nunc dicunt, ait , Vellem ipsius formam aspicere fuguram, vestimenta, calceamenta. Ecce eum vides, ipsum tangis , ipsum manducas. Et tu quidem vestimenta cupis videre : ipse vero tibi concedit non tantum videre, verum & manducare, & tangere, & intra te sumere. Igitur accedat nemo cum nausea , nemo resolutus ; omnes accensi, omnes ferventes & excitati. *a*

Perſæ regis sui sellam tam eximio cultu venerantur , ut in ea quemquam alium sedere capitale sit. Hinc illud Alexandri regium dictum. Sedebat Alexander , & admoto igne refovebat artus. Fortè gregarius miles ægrè incedens & frigore pæne eneſtus, ut qui vix arma & seipsum sustentaret , ad castra tamen pervenit. Eo viſo rex è sella sua quam primum exilivit , torpentemque militem, & vix compotem mentis , demptis armis in sua sede jussit confidere. Ille diu nec ubi requiesceret , nec à quo eſſet exceptus , agnovit. Tandem recepto calore vitali , ut regiam sedem , regemque vidit , territus surrexit. Quem intuens Alexander: Ecquid intelligis miles , inquit , quantò meliore sorte quam Perſæ , sub rege vivatis? Illis enim in sella regis concediſſe , capitale foret , tibi ſaluti fuit. *b*

m 3

Sed

a Chrys. tom. 5. hom 60. ad pop. Antioch.

b Curtius l. 8. hist. c. 9. fine.

tia labra non humectabit nisi viatores se ad hunc fontem inclinantis. *a*

Henricus VIII. Rex Angliæ post vitam non sine flagitiis exactam, in fatali tamen lecto erga divinam Eucharistiam reverentissimum se præstitit. Nam cum rem divinam fieri iussisset, sub ea Domini corpus in viaticum sumpturus è sella suarexit, ut genibus humi defixis hoc mysterium adoraret. Hic adstantium unus suggestit, posse regiam majestatem valetudine præsertim tam imbecilli sedentem corpore divino refici. Hic rex grandi spiritu: Si me penitus, inquit, interram abjicerem, aut infra terram, ne sic quidem huic regum Regi satis exhiberem honoris, qui omnia mihi dedit, repetiturus omnia. Ita Catholico instructus viatico, *b* migravit è vita. *c*

Præclare dixit Athanasius: Corpus hoc propterea adorari debet, quia per unionem factum est Corpus filii Dei, annuntiatum per Angelos, formatum à Spiritu sancto. Quantum obsecro Magnatum vel olum vestimentis reverentiæ habetur? quinam sunt ii domini, quorum vestibus tantum honoris defertur? Homines. Quid serici illorum vestes sunt? Vermium textura. Sed nunquid hic Christi pallium, aut tunica, aut linteum, quo in cena præcinctus proponitur, spectandum? An non ipsi-

a Caesar. *hom.* 30.

b Sub una specie communicavit, quod & alia. semper fecit. *c* Florimundus Ramand. *l.* 6. de orthishares. c. 5. n. 3.

rit calicem indigne, reus erit corporis & sanguinis Domini. *a*

Insignissimè hic Chrysostomus hortatur, &: Qui hujus, inquit, sanguinis sunt participes, cum Angelis & Archangelis, & supernis Virtutibus commorantur: ipsam regiam Christi stolam induti, spiritualibus armis muniti. Sed nihil dixi, imò ipsum induti sunt regem. Sed sicut magnum est & admirabile; ita si pure accesseris, ad salutem accessisti; sin prava conscientia, ad poenam & supplicium. Qui enim manducat & bibit indigne, judicium sibi manducat & bibit. Nam si qui regiam purpuram coinquinant, haud secus, quam qui scindunt, puniuntur: quid mirum si, qui immunda conscientia CHRISTI corpus accipiunt, idem supplium subeant, quod, qui eum clavis cruci affixerunt? Vide quam formidandam poenam his minetur Paulus. Irritam quis faciens legem Mosi, sine ulla miseratione duobus vel tribus testibus moritur: quanto magis putatis deteriora mereri supplicia, qui filium Dei conculcaverit, & sanguinem testamenti pollutum duxerit, in quo sanctificatus est Consideremus igitur rem nostram, cum tantis fruamur bonis, & cum turpe aliquod animum subit, cum ira vel re, vel verbis rapimur, quid mereamur, quem spiritum acceperimus, nobiscum reputemus, & irrationabiles nostros cohibeamus affectus. Hac cogitatio nostra sit: Quousque rebus presentibus incumbemus? Quousque nullam saluti nostrae curam adhibe-

Sed quanto nos, O superi! meliore conditione sumus quàm miles iste, quantò sub Rege vivimus benigniore? Non sellam tantum regiam occupamus; ipsius Regis gremio amantissimè fovemur. Rex nobis seipsum donat; Rex nobis est omnia. Heu mihi, succlamat Chrysostomus, quot ad salutem nobis sunt viæ? Nobis corpus suum communicavit, nos corpus suum effecit. & horum nos nihil à malis avertit. Quznam igitur erit nobis excusatio, cum talibus peccati talia peccemus; cum lupi siamus Agnum comedentes; cum tanquam oves refecti more leonum diripiamus? ^a Hoc non est calculum ignitum forcipe, sed nuda & irreverenti manu diripere.

Iis qui sordida & minime nuptiali veste hanc cenam accedunt, decentissime, Cypriani sensu, ad collum appenderetur molare saxum, ut sic in altum pelagus ante abriperentur, quàm illota conscientia ignem tangerent tam purum.

Neque vero satis est, de noxis præteritis dolere, nisi firmissimum animi decretum fiat, futuras cavere. Baali simul & Christo, Pudicitiae ac Veneri eadem ara litare non possumus: ignes nimis diversi, diversa nimium sunt sacrificia; aut hæc aut illa ejuremus necesse est. Rex Ozias thuribulum & prunas tractare voluit ausu temerario, sed ab offenso Numine in præmium retulit lepram. Non tangat hunc panem nisi purus à noxis. Nam quicumque manducaverit panem hunc, vel bibe-

rit

^a Chrys. hom. 60. ad pop. Antioch.

dimus, sic dies Communionis sacrae observemus, Cui non gelu triplex circa petus est, ita seipsum sapius alloquatur: En iterum Dominicus, en iterum festus dies est: vocaris, tempus prandii, hora cœnæ te monet, vocaris: Vade, & comede panem. Non negligamus has horas, ô Christiani, horas saluti faventissimas. Quisque jam caveat, ne morituro sibi dicatur, quod Plinius II. avunculo otiose ambulanti dixit: Poteras has horas non perdere. Nos ipsi nunc nobis occinamus: En horam cœnæ, en Dominicum, en festum diem; potes hunc sine sacrae synaxeos cibo transnittere? Ergo ne perde hunc diem, hanc optatissimam horam; veni & comede panem. Præscripto tempore matutino colligendum fuit manna, aut à sole liquefiebat. Colligamus cœleste manna, dum licet. Fugit hora, & sol æternitatis jam premit.

Tertiò dictum est Ruthæ: Et intinge buccellam tuam in aceto. Cœlestis hic panis ita sumendus est, ut ei aliquid addatur illius aceti, quod Christo porrectum in cruce. Acetum cibo condimentum, comedenti refrigeratio est; hinc illud messoribus olim usitatum. Panis cœlestis nunquam accipiendus, quin aliqua de Christi cruciatibus meditatio adiatur. Christus Dominus in suprema cena, id se velle, testatus expressissime: Quotiescumque, ait, hæc feceritis, in mei memoriam facietis. Agnus olim comedendus erat cum lactucis agrestibus. a

m 3

Ama-

bimus? Intelligamus, quot in nos beneficia contulit Christus. *a*

a Chrys. tom 2. in c. 6. Iohannis hom. 45. sine mihi pag. 186.

§. V.

Hebræa anus Noëmi suafura nurui Ruthæ, ut ad Boozi pedes se applicaret: Lavare, inquit, & ungere, & induere cultioribus vestimentis. *a*

Nunquid ad Christi pedes nos abjici-mur ut servi? Ad cenam vocamur, ut convivæ charissimi. Ruthæ dictum est affabili liberalitate: Si sitieris, vade ad sarcinulas, & bibe aquas, de quibus & pueri bibunt. *b* Invitat & Christus non ad messorum pul-tes, aut ad refrigerans in messe acetum, sed ad delicias Angelorum, ad corpus & sanguinem suum sumendum, quibus ni-mirum familia cælestis pascitur. Huc pro-pera, si esurieris; huc, si sitieris, festina. Est qui sitim non dissimulet, & dicat: O Do-mine, immensum ego sitio, sed aurum, sed voluptates, sed honores.

Tu vero ad sarcinulas vade, ad Domini-cum cibum potumque propera, & hono-res hic, & voluptates, & auri condito-rem, & omnia hic reperies; modò vas adferas vacuum & purum.

Sed eidem Ruthæ dicitur: Quando hora ascendi fuerit, veni huc, & comede pa-nem. *c* Uti horam prandii & cenæ atten-dimus,

a Ruth. c. 3. v. 3.

b Ibid. c. 2. v. 9.

c Ibid. v. 14.

pro Rex testatur, se gravissimo morbo laborantem, sanitati ex integro restitutum, quamprimum Divionensem Hostiam animo veneratus, Eucharistiam sumpisset. In ejus rei fidem, & gratam beneficii memoriam, mittere se illam ipsam auream coronam, quam Rhemis in solenni inauguratione accepisset, sanctissimæ Hostiæ offerendam. Oblata est. Hodieque annua & publica supplicatione illa ipsa regis corona sanctissimum Sacramentum inumbrans visitur. *a*

In oculis est hic ipse Dominus. *Ignis vere ardens & consumens*; suam quisque coronam, & quidquid inter chariora habet, huc submittit, addat insuper & animam suam, præcipuè voluntatem flecti recusantē. Christus Dominus amantissimè nobis pro nobis dat corpus, dat sanguinem, dat animam, dat & divinitatem. Jus priscæ legis, fuerat; dentem pro dente, oculum pro oculo, &c. Hoc jure Christus exigit corpus pro corpore, sanguinem pro sanguine, animam pro anima: quid porro dabimus pro divinitate? Hic nihil nec proprii, nec alieni suppetit.

Thales è priscis sapientibus, Mandraytum Prienensem nova quædam & subtilia de cælo, de sole, ac sideribus docuit. Hic doctori suo quantum vellet pecuniæ obtulit. At verò Thales: Non aliud, inquit, peto præmium, quàm ut Thaletum non celes aucto-

a Iacob. Gaulterius in tabulis suis chronographicis, mihi pag. 719.

Amator Dominicæ mortis in hoc epulo
suavissimo gustandus.

Hæc omnia eò dicta, ut calculum illum
ignitum, sanctissimam Eucharistiam exci-
piamus forcipe, hoc est, reverentia quanta
possumus maxima. Hoc faciunt Angeli,
quantò magis homines vermiculi? Væ
homini, qui manibus profanis & impuris
tam grande contrectat mysterium. Variis
ad hoc miraculis erudimur. Unum è mil-
libus idque testatissimæ fidei huc sisto.

Anno millesimo quadringentesimo tri-
gesimo tertio Philippus Burgundiæ Dux
sacrosanctam Hostiam Divionensi sacel-
cello misit, quam ab Eugenio I V. sum-
mo Pontifice impetravit, atque ejus rei
litteras testes in hunc sensum accepit: Do-
no mittimus Hostiam à Iudæo pluribus
locis gladio confossam, & multo san-
guine conspersam, in sacrario nostro ha-
ctenus reconditam. Hoc autem volu-
mus, jubemus, ut eam in templo, alio-
ve celebri loco, honore illo ac reverentia
reponas futuris post sæculis venerandam,
prout majestas tanti Sacramenti defide-
rat.

Duo hic miranda, primum est: Illud ho-
minis flagitium. Iudæus Hostiam sacram
toties repetito vulnere, tamque confuso
appetit, ut certus iniri numerus non possit,
distinctè plures quindecim majoribus icti-
bus cernuntur. Alterum: Extat Divione
epistola Regis Galliarum Ludovici XI. da-
ta Blesis die 21. Aprilis ad Decanum &
Clericos sacri Divionensis sacelli. Hoc scri-
pto

penſas domus Dei mei. *a* Quid obſecro impenſarum huc contulit? Summatim dixero. Præter ferri ac cedrorum, præter & gemmarum immenſam, incredibilem copiam, auro præſenti dedit 27455 1666 hoc eſt, duo millia ſeptingentos quadraginta quinque milliones Hiſpanicorum ducatorum, inſuper unum & quinquaginta millia ſexcentos ſexaginta ſex ejusdem moneta. *b* Idque è divinis litteris conſtat. Vere aurea & proſus gemmea fuit Davidis præparatio ad templum ſtruendum. At nihilominus hoc optimi regis affectui exiguum erat: Totis, ait, viribus meis præparavi impenſas. Cenſebar enim cum Dominum, cui domus ædificanda, his omnibus longe digniſſimum. Quibus ergo viribus, quibus ſtudiis præparanda domus illa, quæ non Arcam, ſed ipſum Arcæ Dominum eſt receptura? Probet igitur ſeipſum homo.

Gratia per hoc Sacramentum largienda reſpondet præparationi: ubi major & exactior præparatio, ibi amplior gratia. Non aliter quam ſicut iſ è fonte publico plus aufert aquæ, qui vas adfert capaciſ. Ita hic omnino. Quiſquis enim plus ſtipis expendit, plus charitatis & humilitatis hic exerit, plus gratiæ recipit, non tantum ex opere

a 1. Paral. c. 29. v. 1.

b Unus hic millio decies centena millia ducatorum Hiſpanicorum continet. Nos hunc calculum uberius demonſtrabimus, ſi Deus vitam & vires largiatur, ubi res geſtas Davidis & Salomonis perſcripſerimus.

auctorem, cum horum injicietur mentio. Christus Dominus, si liceat ima summis conferre, pro caelesti hoc dono, pro corpore & sanguine suo, pro anima & divinitate, non aliud quam sui memoriam petiit: Quotiescunque hac feceritis, in mei memoriam facite.

Duo quædam Sapiencia æterna invenit, quæ non dico hominum nullus, sed nec ullus Angelorum, non tantum non invenire, sed nec inventa satis intelligere potest. Invenit Deus, qua ratione Deus fieret homo: sed & hoc invenit, qua ratione Deus homo fieret cibus homini. Inventio utraque pro nimium obstupefcentia! Quis audivit unquam tale, aut quis vidit huic simile? proclamat Isaïas. *a* Quibus igitur obsequiis hanc inventionem remunerabimur? Si animo grato fateamur hoc ipsum: *Deus invenit, Deus est auctor*. Illud interim caveamus, ne admirandum hoc inventum, ne divinum hunc cibum, nudis, ut dixi, aut impuris manibus tangeremus.

a Isa. c. 66. v. 8.

§. IV.

Alte vociferatur Paulus; Probet autem seipsum homo, & sic de Pane illo edat. *a* Præparatione hic opus est, eaque accurata. Hebræus rex David ædificaturus templum: Opus grande est, inquit, neque enim homini præparatur habitatio, sed Deo. Ego autem totis viribus meis præparavi im-

penas

a I. Cor. c. II. v. 28.

eos, in quibus nulla esset macula, decoros forma, & eruditos omni sapientia, cautos scientia, & doctos disciplina, & qui possent stare in palatio regis? ^a Et nos repræsentandi Christo nil præmittamus studii? Absint saltem maculæ, quas animus sciens volens retinet. Adsit sapientia, qua profanum cibum ab hoc cælesti distinguere sciamus. Et quia hic nutrimur, ut convivium cæleste semper accumbamus, discendum est idioma cæli, gratiarum actio. Usitatissima cælo lingua est, assiduam habere gratiam. Probet igitur seipsum homo, & sic de pane illo edat.

Pericles Philosophus, ut Ammianus memorat, cum longe cultior, quam alias soleret, ad nuptias veniret, interrogatus est, quid hoc faceret contra morem, tam nitida veste? In gratiam sponsi, respondit, ut pulcher ad pulchrum veniam. Si quæratur è Christiano, quid noxastam sollicitus expungat, in egentes stipem conferat, jejunia ineat, precatio- nes fundat; optimè responderit. Ut pulcher ad pulchrum veniam: ipsa pulchritudo Christus est, nec impuros aut fædos amare potest.

Lupus, ut fertur; cum sæva urgetur fame, nec tamen vivam reperit, quam optat, prædam, terram vorat: nihilominus si paullo post carnes acquirat, terram revo- mit, & cibo locum facit delicatiori. Qui
totos

opere operato , ut Theologi loquuntur , sed etiam ex opere operantis. Cera mollior facilius signum recipit , aridius lignum citius igrem concipit , animus ad hunc cibum preparatior , plus gratiæ accipit. De Agno Paschatis lex prisca præcepit : Non comedetis ex eo crudum quid , nec coctum aqua , sed assum tantum igni. In Eucharistia , inquit Gregorius , crudum agnum edunt , qui Dei præsentiam non satis expendunt. *a* Probet igitur seipsum homo.

Et quantæ , obsecro , in rebus sæpe viliissimis præparationes fiunt ? Narrat Plutarchus , inter Sybaritas moris fuisse , ut eorum feminae toto ante anno ad sacrificium aut convivium invitarentur , quod eis liceret , per id temporis spatium , vestem & omnem muliebrem mundum exactius parare , itaque ornatiores seu sacra , seu canam adirent. *b* Difficile hoc foret creditu , sed sacrae paginae confirmant. Reges Persarum nullam admittebant feminam , nisi prius per annum excultam. Hinc virgines Assuero regi sistendæ sex mensibus oleo ungebantur myrtilino , & aliis sex , quibusdam pigmentis & aromatibus utebantur. *c* Hæc humanis fiebant oculis ; quid fieri par erit divinis ? Et nonne Hebræos adolescentes Nabuchodonosori representandos elegerunt

eos,

a Gregor. hom. 21. in Euang.

b Plutarch. tom. 1. in Conviv. 7. Sapientum , post initium.

c Esch. c. 2. v. 12.

tamen buccellam mortis plurimum horrent, quam sæpe primo deprehendunt morsu. Hominis cibus est agnellus tenerimus in cruce affatus; ne autem sub hoc tam delicato pastu buccella Iudæ, mortisve bolus delitescat, probet seipsum homo, & sic de pane illo edat.

Apud Longobardos veteres moris fuit, ut regis filius non prius paternam mensam accumberet, quàm in bello alteri regi serviisset. Optima ad divinam Christi mensam præparatio est, virtutem suam militiæ probasse. Neque enim nescire possumus hominis vitam esse militiam, & in qua pulcherrimum victoriæ genus est vincere seipsum. Ad hoc sese animet, qui hoc convivium frequentat, dicatque sibi ipsi: Hodie summi Regis conviva es, & ut spero, post octiduum, aut post dies quatuordecim vel mensem idem hoc convivium inibis, interea temporis ærumnæ ac tentationes diversæ te incusabunt, sed videamus quem interea te militem geras, quomodo ærumnas sis toleraturus, tentationes superaturus, quo dignior huc venias conviva. Proba igitur te ipsum, & sic de pane illo ede.

Sed objicis: Quis tandem dignus hoc convivio? Promptissime respondemus: Mortalium nemo, siquidem convivii spectemus dignitatem. Neque nos hic Leuthericum Senonensem Archiepiscopum imitatur. Oderat quosdam hic Antistes, eosque in ipsa Communione sacrosancta

terruc-
a lob c. 7. v. 1.

totos dies , hebdomades totas rem terra tractat , & negotiis invigilat , vix fieri potest , ut non aliquid terra glutiat ; sed terram necesse est revomat , cum Agnus in cibum datur . Animus à fallacissimis mundi nugis , imo etiam ab honestis alioqui negotiis abstrahendus est . Probet seipsum homo , & sic de pane illo edat .

§. VII.

Infinianus Imperator , quod Suidas testatur , in palatio suo non sine regio sumptu aureum triclinium condidit . a Si ullus uspiam triclinio tam nobili ac pretioso dignus est , hic certe caelestis cibus eo dignissimus est . Ubi autem plus casti amoris , plus veri auri est . Quisquis è Christianis hunc panem recipit , sit vivum Christi ferculum ; quod si aureum & gemmis distinctum non sit , saltem non ferreum , non plumbeum , sed argenteum sit . Cor hominis plumbeum est , quod rebus perituris misere affixum , cor ferreum est , quod prioris vitae vitiis induruit ; cor argenteum est , quod pura in omnibus sinceraque intentionis est .

Diversissimus est animantium cibus , aëre pascitur chamaeleon , igne salamandra , veneno aranea , lrido felis , carduo asinus , fursure porcus , muribus milvus , foeno taurus , avena equus , melle ursus , ovibus lupus , mari salso cetus , serpens terra , castor & lutra lignis ; sic & animantia cetera diverso gaudent pabulo , omnia tamen

mo, & sic de pane illo edat. Sincerissime statuatur ea omnia & singula, quibus Deum gravius laesit, tota mente, omnique cura cavere.

Huc sane plurimum facit crebrior Communio, & animosior sui abnegatio. Primum optima plerumque præparatio est. Multa pejus facimus, quia rarius facimus. Multi malè orant, quia rarissime orant: multi in iis, in quibus maxime deberent, vincere se nequerunt, quia nimis rarò se vincunt. Ita prorsus multi se male præparant ad synaxin, qui nimis infrequenter convivium hoc celebrant.

Ecclesiastes ille longe religiosissimus hanc tradens præceptionem, Quisquis, ait, secure accedere cupit, non multum curet quid sentiat, sed quid velit & intendat. Affectum & voluntatem suam ad Deum ex toto corde convertat, omnibus illis quæ Deo displicent, cum humili voluntatis suæ in Dei voluntatem resignatione valescat ex ipso fundo. Sane qui ejusmodi est, nunquam Dominici corporis sacramentum accipit, quin singularem & magnam reportet gratiam, & quo sæpius accedit, eo plus inde gratiæ adipiscitur. Addit dignum observatu: Inno posset hic, ait, tanta semel cum devotione ac desiderio, talique intentione accedere, ut si ad infimum Angelorum ordinem prædestinatus foret, ad secundum, imo etiam ad octavum vel nonum chorū proveheretur. Unde si duo æque perfecti, æque sancti, in omni vita sint, quorum tamen alter frequentius altero

terruerat hoc modo. Recepti olim moris fuerat, dum corpus Dominicum porrigeretur, dicere: Corpus Domini nostri Iesu Christi sit tibi salus animæ & corporis. Leuthericus *a* autem, omiſſa hac loquendi formula, eos, quos territos volebat, sic alloquebatur: *Si dignus es, accipe.* *b* Ob hoc à Roberto Rege Galliarum epistola ſeueriore non immerito reprehensus eſt. Quis enim tam terſe conſcientiæ, aut tam robuſtæ inuerecundiæ, ut dicere auſit: *Dignus ſum; accipio.* Igitur conviva huc accellurus, hoc unum duntaxat unice caveat, ne os yinum ardens *c* aut allium oboleat. Hoc ajo: Modo nullus ad priores noxas affectus in animo reſideat. Sunt enim qui ore ſatis aperto vulnera conſcientiæ detegant, nec eorum quidquam, quæ memoria vel ſcheda ſuggerit, ſubſticeant, nihilominus latentiffimas alunt cogitationes, quibus prioris vitæ fordes non penitus diſpliceant, lateret etiamnum ad eas affectus: commiſſa piacula exponere volunt, ea deinceps penitus cavere non ſtatuunt, aut certe non firmiter ſtatuunt. Hoc, ajunt, intra ſe, & illud penitus cave-
re, has delicias meas omnino deferere non eſt animus, nec poſſum. Faciamus interim quod lex & tempus exigit. En os impurum, quod ardentis vini aut foetoris alii contaminat. Hic quantis poſſum viribus vociferor: Probet autem ſeipſum ho-

mo,

a Seu Leuthericus.*b* Baron. tom. II. ad annum 1004. n. 3.*c* Vinum ſublimatum, Brgattmſin.

convivas inclamat : En ego dedi filium meum , & comedistis illum ; da & tu, ô homo, & tu, & tu quoque filium tuum, date vos omnes & singuli filios vestros. Vos vero mala fide absconditis illos. Hæc æterni Patris in nos querela est.

Quisnam, obsecro, hic filius noster ? Aspice, digitum intendo. Suus cuique filius est, quidquid illi charissimum est. Explico. Est, qui unice delectetur auro; hominis istius filius aurum est. Est, qui formosum hominem plus æquo amet, & depereat; est, qui epularum lautitiis & vino; est qui titulis & honore plurimum afficiatur: sunt, qui pictura, alii qui Musica præcipue oblectentur: illi pictorum miracula, huic Musicam tolle, & ambobus sustulisti filium. Sunt qui chartarum lusu, sunt qui equis & amplo famulitio, sunt qui venatione & canibus insanè gaudeant: extendat quis paullulum manum suam, & tangat hos homines, eripiat illi formosum hominem, huic suas epulas, jam utrique suum eripuit filium; subtrahat illi honorem, isti lusu, huic venationem, gravius dolebunt, quàm si mortuos lugerent filios. Nimis acerbum est illis hæc talia Dei causa deferere: sic abscondunt filios suos. Filium suum liberalissime dedit Deus, & non abscondit illum: Sic enim Deus dilexit mundum, ut filium suum unigenitum daret *a*; daret autem ea lege, ne quisquam nostrum negaret suum. Hic Abrahami sumus, & Isaacum animosa dex-

sacramentum Dominici corporis digne percipiat, ob hoc ipsum velut fulgentissimus sol præ illo altero pereuniter fulgebit, singularique & admirabili unione Deo copulabitur. *a*

a Ioan. Thauler. in sacris Institut. c. 38. milt. pag. 73. & seq.

§. VIII.

Alterum preparationis optima caput est, generosior sui abnegatio. Cum Rex Syriæ Benadadus Samariam premeret obsidione arctissima, ingēs in urbe fames eo grassabatur, ut quarta pars cibi, seu quadrans *a* stercoreis columbini quinque argenteis, seu, duobus florenis & decem baciis; caput asini argenteis octoginta, seu, quadraginta duobus florenis & decem baciis venderetur. Cumque Hebræus Rex Ioram obiret mœnia, mulier ad eum succlamans: Salva me, inquit, Domine mi Rex. Cui Rex, Salvet te Dominus, inquit, ego non possum. Quid enim vis? Hic mulier causam suam exponens: Inter me, inquit, & vicinam meam ita convenit, ut suum utraque det filium coquendum & epulandum. Ego filium meum fide optima dedi, coximus illum & comedimus. At illa nunc filium suum abscondit, & frangit fidem. *b*

Non absimili modo injuriarum nos agit cælestis Pater, qui omnis cælestis epuli con-

a Klains Mâstlin.

b 4. Reg. c. 6. v. 25. & seqq.

ob majorem in rebus caducis prosperitatem, vel ob suaviores affectus & dulces animi sensus, vel ob solam consuetudinem, vel ne ceteris negligentior habearis, vel quia hoc imperatur. Hæc talia pravæ intentionis sunt. Optima hic est intentio, *intimè conjungi Christo.*

2. Veræ in sacram Communionem devotionis est, apud animum suum decernere, octavo quoque die, minimum semel singulis mensibus hanc mensam accumbere. Ultra mensem differre, animi semet negligentis & frigidi signum est. Omnibus autem æqualem hic legem figere difficile est. Quapropter hac in re Confessorii judicio standum, qui ordinis, status, ætatis habita ratione non difficulter judicabit, quid optimum factu. Augustinus hac in re suavis optimus: Omnibus, inquit, Dominicis diebus communicandum suadeo & hortor. *a* Semel iterumque (non tamen sæpius) intra hebdomadem ab homine profano caeleste hoc convivium iniiri potest, si festi dies invitent.

3. Sacerdotibus ea vitæ ratio instituenda, ut quotidie possint rem divinam peragere. Rarius sacris operari, aut peioris vitæ aut culpandæ negligentiae plerumque indicium, rarissimæ sanctitatis signum est. Patres familias, & quibus potestas est, famulos suos ceterosque domesticos cum verbis tum exemplo urgeant ad piam sæpius communicandi consuetudinem

n 4

nem

a Aug. tom. 3. l. de dogmatibus Eccles. l. 3.
Alii tamen auctori hoc liber tribuitur.

tera maſtemus Deo. Clamat Dominus: Nifi quis renuntiaverit omnibus quæ poſſidet, non poteſt meus eſſe diſcipulus. *a* Chriſtus relinquere omnia ſuaſit; renuntiare omnibus juſſit. Ita ſaltem parati ſumus, id, quod chariſſimum eſt, offerre Deo. Hic clamat Paulus: Probet autem ſeipſum homo. Profecto, nemo melius ſeipſum probaverit, num amet Deum, quàm ſi exploret, paratuſne ſit rem etiam chariſſimam Dei cauſa deferere; præcipue ſi illud, quod tam charum eſt, ſimul etiam ſit noxium. Hic omni modo laborandum, ne quis filium ſuum maligne abſcondat. Vide, mi Chriſtiane, hoc aut hoc aut iſtud tibi vitium inhæret, amor ille laſcivus & improbus velut filius animo tuo agglutinatſ eſt: hic vir eſto, & jugula hunc filium tuum, ut tibi Deus per Eucharistiā det ſuum.

a Luc. c. 14. v. 33.

A C T I O N E S C O M M V N I O N I S S A C R Æ.

I. Ante omnia requiritur hic bona & ſincera *intentio*. Sunt, qui panem Angelorum crebro percipiant, nihilominus peccatis immerſi vivant, nec vitam impuram corrigere, ſed eam hoc velamine tegere contentur. Hi ſe non probant, nec corpus Domini dijudicant. Apage hos Judæ fratres ab hac menſa. Nec etiam bona *intentio* eſt, convivium hoc frequentare

stis & non estis inebriati. Cave ne mercedem quam congregas, in sacculum mittas pertusum. *a*

6. Sacrae Communioni vere devotus in ipso ad aram accessu quam fieri potest compositissimus est, veste ad munditiam & honestatem facta, oculis modeste dejectis, manibus decore junctis, genibus reverentur submissis, cogitationibus ad pietatem collectis, lingua & ore quieto, corde solo loquente. Hoc ii non observant, qui ornatu insolentiore nimium compri velut ad choreas, aut profanissimum convivium accedunt; qui oculis emissitiis, manibus ac moribus impositis, cogitationibus vagis ad magnam hanc cenam irruunt, nec cogitant, se in sui iudicis conspectu stare.

7. Circa summum hoc mysterium fides sapius exercenda, ita quidem ut convivium hoc aditurus dicat animo: Credo hic sub candido orbiculo, imo sub micula minima verissime corpus & sanguinem, animum & divinitatem Christi esse abditam. Non hic sensus, neque argutatrix ratio audienda, sed fides. Hoc fidei mysterium est. Hoc Isaias vociferatur: Si non credideritis, non permanebitis. *b* Crede, crede, & intelliges. Nec enim stans in terra, manu continges cælum; nec pelagus immensum transfundes in scrobiculum; nec palpitantes oculos in flagrantissimum defiges solem. Crede veritati a-

n s. per-

a Aggai c. 1. v. 6.

b Isai. c. 7. v. 2.

nem, ut saltem quot mensibus id fiat. Possunt etiam familiam ea lege admittere, ut singulis mensibus sacrosancta mysteria percipiant, si quidem velint domesticum morem non negligere. Sciendum namque dominis est, tanto servos fideliores futuros sibi, quanto fideiores fuerint Deo.

4. Veræ in Communionem sacram devotionis est, quod die spirituali ritu Angelorum panem accipere. Animo desiderare caelesti hoc pane refici, & jam refectus es. Hic solatium grande suggerens Thaulerus: Spiritualiter potest quis, inquit, ubicunque sit, sanus & infirmus, vel nullenis vicibus in die aut sapius etiam, tanta cum fidelitate ac devotione, tam fidenti animo ipsum suscipere, ut præcunctis hominibus divina gratia copiosius ditetur. *a*

5. Sacræ Communioni vere devotus intra hebdomadam seipsum sic alloquitur: Ante biduum aut triduum Christum hospitem suscepisti, & jam iterum tam incautus, tam petulans, tam effusus, tam lascivus es? Hi mores huic hospiti probari non possunt. Vel de futuro agens: Post biduum, ait ipse sibi, aut triduum Christum regem in domum tuam introduces, nec aliter te præparas? Proba teipsum & præpara, ne sumpturus pharmacum, reperias venenum; ne comesturus escam vitæ, glutias bolum mortis. Cave de te dixerit Aggeus: Comedistis & non estis satiati; bibistis

a Thauler. in sacris instit. c. 38.

9. Cum hospes Christus Dominus susceptus est, non mox è templo abeundum, non statim profanus labor resumendus, sed nec statim preces lingua recitandæ. Cor loquatur, lingua fileat. Tunc amantissima cum Christo instituenta colloquia, tunc opportunum est, defectus suos deplorare, miseras & ærumnas suas omnes novo hospiti exponere, auxilium ad agenda & perferenda omnia implorare. Tracta, mi Christiane, cum Domino tuo familiarissime omnia negotia tua, ve! ut cum amicorum tuorum optimo: præcipue verò divinæ Voluntati te quàm plenissime totum committe. Hic ipsa te opportunitas monet. Quapropter dic animo: Duc me, ô Domine, quo ipse vis per læta & tristia: jumentum sum apud te; tu domus istius sis Dominus: tibi, claves trado, tu impera.

10. Ad hoc epulum dignius frequentandum non tantum letales, sed etiam minores noxæ studiosissime cavendæ. Quisque suam interroget conscientiam, & illa non muta defectus plurimos accusabit. Quales sunt in multis negligentia, in plurimis vana gloria, in omnibus pæne impatientia; arrogantia ob vires, formam, genus, scientiam, officium, &c. Aurifames nimia, nimix curæ in rebus fluxis, vigilans sui amor, molestiarum & crucis horror; odium & invidia, societas non laudanda; in cibo, potu, somno, risu, colloquiis intemperantia, sensuum exteriorum libertas, libidinis licentia, actionum

con-

peritissime affirmanti : Hoc est corpus meum Et: Panis, quem ego dabo, caro mea est pro mundi vita. *a*

8. Quisquis hic conviva non ingratus esse cogitat, sine Humilitatis & Charitatis veste non accedat. Humilitas ubique necessaria, hic maximè. Præclarissime hic monet Augustinus : Qui foris tumescit, intus tabescit. Qui ante Deum se projicit, à Deo erigitur : qui adversus Deum se erigit, à Deo projicitur. *b* Dic ergo cum Chananæa: Ita Domine, canis sum; nictis desidero Dic cum Centurione: Non sum dignus, ut intres sub testum meum. Quanto humilior, tanto capacior, tanto plenior, Colles repellunt aquam, implentur valles. Nimirum altus est Deus; erigis te? recedit à te: humilias te? accedit ad te. Ante omnia hic opus Humilitate, cui tamen Charitas jungenda. Tibi dictum putat: Si offers munus tuum ad altare, & ibi recordatus fueris, quia frater tuus habet aliquid adversum te, relinque ibi munus ante altare, & vade prius reconciliari fratri tuo. *c* Alienatio & aversio à quocunque homine vel mininia prius tollenda, quàm mensa hæc accédenda. Vade ergo prius reconciliari fratri tuo. Humilitas & Charitas hic gratissimum te facient convivam.

9. Cum

a Matth. c. 26. v. 26. sic Marcus, sic Lucas, sic Paulus & Ioannes c. 6. v. 51.

b Aug. tom. 10. hom. 50. c. 1. pag. 203. & ser. 74. c. 8. mihi pag. 267.

c Matth. c. 5. v. 23. & 24.

Spes ita depingitur: Certa expectatio aeternæ salutis, nata è bonorum operum conscientia, & intimo gustu sensuque paterna prorsus benignitatis in Deo. Hinc illud regis Hebræi solatium: Speret Israël in Domino, quia apud Dominum misericordia, & copiosa apud D E U M redemptio. *a* Domini amor Ioannes: Si cor nostrum, inquit, non reprehenderit ros, fiduciam habemus apud Deum. *b* Fides in intellectu, Spes sedem in voluntate habet. Fides intuetur etiam quod averfamur, inferos & alterius orbis supplicia: Spes èd solum respicit, quo omnium vota eunt, ad Deum & ad beatitudinem, quam in dies expectat cum gaudio. Vox Apostoli est, Spe gaudentes, in tribulationibus patientes. *c*

Eleganter dixit Augustinus: Spes est beatitudo vitæ mortalis. Tolle spem, & nullum, dum vivimus, gustamus cælum. Spes non confundit. *d* Et: Beatus vir, qui sperat in Domino. *e* Chrysostomus latanti animo dixit: Quando Deus promittit, nulla promissionibus variatio adjungitur. Promissæ Dei certiora sunt his quæ videntur, modo oculos Fidei habeamus. *f* At-
qui

a Psal. 129. v. 9.

b I. Ioan. cap. 3. v. 21. *Fiducia Spes firma.*

c Rom. c. 12. v. 12.

d Rom. c. 5. v. 5.

e Psal. 33. v. 9.

f Chrys. tom. 1. hom. de habenda cura salutis proximi, mihi pag. 475. & seqq.

confusio : non filebit denique conscientia, se rarissime inspicere, vix unquam audiri, nullam sui curam haberi.

Hic ii, obsecro, divinam iram metuant, qui convivium quidem celeste non omnino negligunt, vitiorum tamen nihil corrigunt. Hic ebrietati, hic libidini, hic vitio alteri, cui assuevit, pertinaciter inhæret: hodie Christo, cras iterum Baali ac diabolo sacrificat. Hic Augustinus intorquens fulmen: Habentem, inquit, voluntatem adhuc precandi gravari magis dico Eucharistiæ perceptione quàm purificari. Probet igitur seipsum homo.

a Aug. tom. 10 l. de Ecclesiast. dogmatibus
loc. cit. supra, mihi pag. 383.

C A P V T V I I I.

Rosa Coroncola.

seu,

Spes.

§. I.

R O S A E, quæ Autumnalis vel Coroncola a dicitur, Spem recte conferimus. Spes sane corona est, quam Deus humanæ voluntati imponit, ut ea in cunctis actionibus erecta & hilaris nulli succumbat oneri. Spes lynceos habet oculos, imo lynceis longo acutiores, cælum omne pervidet, velut vitrum pellucidissimum.

a Muscatosen.

Spes

fert sanctus Antoninus ab Ecclesiastico dictum : Ego Mater pulchræ dilectionis, timoris, agnitionis, & sanctæ Spei. Nos quidem speramus, sed & simul trepidamus, contemplantes ne quis desit gratiæ Dei. *a* Quod Paulus conceptis verbis urgens: Cum metu, inquit, & tremore salutem vestram operamini *b*

Virgo beatissima, quæ immensissimam Dei bonitatem penitissime perspexit, Spem habuit excellentissimam, sed timore metuque liberam. Male metuere non poterat, quæ de beatitudine secura erat.

Ab eadem Virginis Spe ortum, quod cum aliis feminis ad filii monumentum non ierit. Erat quidem Virgo in defunctos maximæ commiserationis, in filium summi amoris, cum ceteris tamen unctura non venit. Spes certa redivivi filii matrem domi continuit. Quid ungeret, quem vivum post horas non multas visura esset? Ita cruci adstitit, ad sepulchrum non rediit.

a *Hebr. c. 12. v. 15.*

b *Philip. c. 2. v. 12.*

S. II

Dum nos in hac vita, velut in mari iactamur, speramus quidem ad beatitudinis portum inter procellas pervehendos. At subinde ingens emergit cetus, velut jam jam navigiummersurus. Hic spes vigilet, hic sese attollat cælo, dicatque sibi ipsi ipsa fidentissime: Aderit Deus, & juvabit.

qui hoc loco non de informi Spe loquimur. Alberto Magno Spes sine meritis, non est Spes, sed praesumptio. *a* Ideo hortatur regius vates: Sacrificate sacrificium iustitiæ, & sperate in Domino. *b* Qui sperat, & pravos mores non emendat. spem habet, sed qualis à Sapientia depingitur. Spes impij tanquam lanugo, quæ à vento tollitur; tanquam spuma gracilis, quæ à procella dispergitur; & tanquam fumus, qui à vento diffusus est; & tanquam memoria hospitis unius diei prætereuntis. *c* Qui metuit, ne quid sibi ad obtinendam beatitudinem desit, in Spem non delinquit. Spes & Dei gratiam, & hominis conatum spectat. Si cor nostrum non reprehenderit nos, Spem habemus. Nimirum suus cuique animus ex conscientia Spem præbet. Magnum Spei argumentum est, noxis omnibus viriliter sese opponere.

Beatissima Virgo, quæ luculentam divinæ bonitatis notitiam, & summam misericordiæ divinæ experientiam habuit, & nunquam non purissime vixit, quantam obsecro non solum æternæ vitæ, sed & omnia, quæ rogaret, impetrandi Spem habuerit? nec nescire potuit se gratia plenam, & in gratia esse stabilitam. Hinc certa fuerat beatitudinis, quam Spe perfecta expectabat. Ad hanc Virginem referri

a Alb. M. de virtutibus.

b Psal. 4. v. 6.

c Sap. c. 5. v. 15.

Laboris est quidem expectare, sed dulcis est expectatio, quæ certam promittit beatitudinem.

Hoc D E O ingenium est. Solet is nonnunquam permittere, ut iis miseriarum fluctibus involvamus, unde Spes emergendi alluceat nulla; ubi sola mors & desperatio in oculis: si nihilominus homo Spem habeat positam in Domino I E S U, & illius sese sanctissimæ voluntati totum committat, indubie tandem eluctabitur, & vel post mille naufragia enatabit salvus.

Manasses famosissimum scelus (sceleratum dicere parum est) post tot annos inter flagitia exactos. Spe demum ac submissione & catenas rupit, & noxas delevit. Spes mulieris Chananæ imperterrita filiam cacodæmonis imperio subtraxit. Spes Magdalenæ liberalissimam noxarum omnium veniam impetravit. Ecclesiasticus proclamat: Respicite filii nationes hominum, quia nullus speravit in Domino, & confusus est. *a*

Verè bona Spes, quæ de vero bono ritè concepta est. Hanc qui habet, stringat, teneat, neque abire eam vel in ultimis sinat, & suas illi sorores, Fidem & Charitatem jungat. Hæc vera Spes, dulcis, verax, felix est, quæque nec sperantem fallit, neque confundit, sed ad optimum provehit, animum interim sperati boni anticipatione latificat.

Non est major, non est pulchrior, non
o
fan-

a Eccli. c. 2, v. 17.

bit. Et quamvis conscientia non nihil nos
turbet, clametque: Non dignus es, ut ju-
veris; tu tamen tuæ responde conscientia:
Cum Dei iustitia non contendam; sum di-
gnus qui deferar, ego tamen usq; & usque
& usq; in infinita Dei misericordia sperare
non desinam, quam hominibus etiam
perditissimis non subtrahit. Christi nitor
non meis promeritis; in Christi sangui-
nem, velut in amoris flumen me præci-
piro, hic nemo perit, nisi qui servari vo-
luit: Mors Domini **J E S U** me optime
sperare jubet. Et etiam si occiderit me,
ego tamen in Domino sperabo. *a* Tamen
si Deus mecum sic agat, ut desertus, re-
jectus, omni gratia excussus videar, ego
tamen in Domino sperabo. Si consistam
adversum me castra, si exurgat adver-
sum me prælium, *b* si totus in me unum
ruat exercitus, ego tamen in Domino
sperabo. Etsi proximus ire videar erga
stulis inferorum, ego tamen in Domino
sperabo. Hæc spes me non fallit; hæc de-
nique in patria, quam anhele, me sistet
Quidquid in re sit, spem mihi nullus eri-
piet. In Deo speravi, non timebo quid fa-
ciat mihi homo. *c* In te Domine speravi,
non confundar in æternum. *d* Juvat spe
vivere, juvat sic mori. Quoniam tu Domi-
ne singulariter in Spe constituisti me. *e*

Labori

a Iob c. 13. v. 25.*b* Psal. 26. v. 3. & seq.*c* Psal. 55. v. 12.*d* Psal. 31. v. 1.*e* Psal. 4. v. 10.

rum, & succensere iis, quos præmiserat, tanquam indicassent. Itaque jam proprior descendit vehiculo, & suos idem facere & pedibus ire iussit; tanquam salutandus, & pompa illa deducendus. At ecce senex quidam, corona, & virga insignis (designator is erat) ne salute quidem dicta rogavit: Vbi Demetrium reliquissent? & quando venturus? Demetrius is erat Pompeii libertus, & multum apud illum poterat, in quem omnes mortales tunc oculos habebant coniectos. Itaque hic comites Catonis & indignari, & risu emori. Cato nihil aliud prolocutus quam: O miseram civitatem! *a*

Tales omnino sunt plurimæ spes hominum, ridiculæ, inanes, temerariæ, stultæ, falsæ; verbo, somnia vigilantium, quæ nescio quid promittunt ut decipiant. Verissimè dixit Augustinus: Nihil tam inimicum spei, quàm retro respicere: id est in eis rebus, quæ præterlabuntur & transeunt Spem ponere: sed in his quæ nondum datæ sunt, sed dandæ quandoque, quæ nunquam transibunt. Quando autem scatet tentationibus Mundus, velut pluvia Sodomæ sulfurea, metuendum est exemplum uxoris Loth. *b* Retro enim respexit, & ubi respexit ibi remansit. In salem conversa est, ut prudentes condiret exemplo. Apostolus Paulus de hac Spe ita loquitur. Spe enim salvi facti sumus. *c* Spes

O 2

autem,

a Lips. in Comment. Senec. c. 8. de tranquillitate animi mihi pag. 168.

b Gen. c. 19. v. 26. *c* Rom. c. 8. v. 24.

sanctior spes quam æternam sperare vitam, modo ea non cæca sit vel præceps. Sunt enim, qui semper male agendo bonum sperent, quo nihil est stultius. Qui vitam æternam sperat, vitam, quam agit, corrigit: hac ad illam pergitur. Spes vitæ æternæ una omnium optima: & sola Spes vera est, quæ & felicem faciet, & jam facit. Eximie, quod solet, Bernardus: Ut quid enim, inquit, si hæc sapiamus, ut quid cunctamur abjicere omnino spes miseras, vanas, inutiles, seductorias; & huic unitam solidæ, tam perfectæ, tam beatæ Spei tota devotione animi, toto fervore spiritus inhærere? ^a

Mundus spe plenissimus est, sed heu plerumque, quod Bernardus dixit, spes misera, spes vana, inutilis, seductoria est. Adeoque Thales sapienter censuit spe nihil esse communius: hanc enim etiam illi habent, qui aliud nihil habent. ^b Et quia spes sæpe fallaciissima est, merito eam somnium vigilantium appellavit Plato. Spes, quæ non æternam aspirat vitam, volatica & fallaciis plena est.

Cato Uticensis, quod Plutarchus memorat, Antiochiam ivit, & vidit extra portam in utroque viæ margine, compositos stantes viros, juvenes, pueros, cum discrimine ætatum, in festo omnes habitu & veste: magistratus præterea candidatos sacerdotes etiam ipsos coronatos. Cato stomachari, & putare sui honoris causa factum.

^a Bernard. in Psal. 90. serm. 9. mihi p. 537

^b Stob. serm. 109.

rum immortalium & aternarum Spem collocare. Spes ceteræ pæne omnes & vanissima sunt & fallacissima. Quid enim?

Bonam speras valetudinem? ergo in spe habes mortalitatis oblivionem, & vitiorum amicitiam. Prolxiorem speras vitam? ergo diuturnum speras carcerem, in quo multa feras, multa videas quæ nolis. Prospero speras annorum exitus? ergo dolendi ac pudendi copiosam speras materiam. Peccandi expectas licentiam? Ah quàm infelix gaudium, & quàm longævam speras poenitentiam! Ultionis speras occasionem? Crede mihi, ó homo, tu speras quod alij timent, hoc est, tuum ipsius interitum. Divitiarum speras cumulum? O fatue! prægrandem ex lappis & tribulis speras sarcinam. Sed honores forsán, dignitates & famam speras? Invidiosam ergo miseriam, opulentam inopiam, pavidam superbiam, pulverem & inanem auram, fumum & mendacem umbram speras: Honestas filio filliæve speras nuptias? Ut video nondum didicisti, nec tuo nec alieno sapere malo. Hoc scias; vix ulla res est, quæ tam crebro tamque graviter fallit, quàm hilares nuptiæ, quas sæpissime tristes sine numero sequuntur tragœdiæ. Sed forsán vetulæ jamque tussientis uxoris funus, & novæ nuptiæ thalamum expectas? O miser & insane! attrito uno laqueo dissolvi gaudes, ut novo & validiore vinciaris. Sed speras post mortem gloriam, & apud posteros nomen, & amplam in funere laudationem? O spes mortalium

autem, quæ videtur, non est Spes. Quod enim videt quis, quid sperat? Si autem quod non videmus, speramus, per patientiam expectamus. *a*

Carthaginiensium Dux Amilcar, cum obsideret Syracusas, inter somnium vocem exaudisse credidit, nuntiantem futurum ut proximo die in ea urbe cenaret. Latus igitur perinde ac divinitus promissa victoria, pugna paravit exercitum. In quo inter Siculos & Pœnos orta dissensione, castris ejus Syracusani subita eruptione oppressis, ipsum intra mœnia sua victum pertraxerunt. Ita magis Spe, quàm somno deceptus, cenavit Syracusis captivus, non, ut animo præsumpserat, victor. *b*

En dormientis & vigilantis somnium Spem magnam, sed falsam.

a August. tom. 10. serm. 29. in Matth. mihi pag. 44.

b Valer. l. 1. c. 7.

§. III.

E Romano exercitu quidam gloriosior miles apud Scipionem natus minorem scutum elegans & affabre factum, & quod putabat telis impenetrabile, ostentaverat, Cui Scipio, Tuus, inquit, clypeus, ô mi juvenis, & firmus & venustus est, sed virum Romanum decet non in lava, quæ clypeum, sed in dextra, quæ gladium gerit, Spem habere positam. Cum Scipione dixero: Virum Christianum decet non in lava rerum caducarum, sed in dextra re-

rum.

ad aratrum paupertatis , vel ignominia,
vel calamitatis pertrahitur jugulanda.

§. IV.

Saracenorum principi , cui Zizit nomen, Judæus magus annorum quadraginta dominatum polliceri est ausus. si sacras imagines è toto regno tolleret : sustulit; sed & ipse princeps paullo post repentina morte sublatuſ est. *a* O Spes hominum vanissimas! Chrysostomi avo primaria femina maritum suum consulem futurum speraverat. Verum spes ista destituit, maritus mortuus est, & consulatus alteri datus est. Chrysostomus spe lapsam consolaturus : Primum fac tecum cogites, inquit, licet valde explorata esset hæc spes , attamen humanam spem fuisse, quæ saepe fallere solita sit ; & multa hujusmodi in hac vita quotidie cernimus evenire , cum ea, quæ valde sperantur , minime exitum inveniant. A mane usque ad vesperam immutabitur tempus. *b* Incerti & inexpectati rerum exitus sunt. Inter os & offam multa intervenire solent. Imo quod Augustinus dixit, Nihil tam inimicum spei, quàm retro respicere : id est, in eis rebus, quæ præterlabuntur & transeunt , spem ponere. *c*

O 4 Pisca-

a Sigebert in Chron. anno 724. Genebrard.

in Gregor. II.

b Eccli. c. 18. v. 26.

c Aug. tom. 10. de Verb. Dom. serm. 29.

6. 5.

talium inanes ! Quid picta domus caeco ?
 quid philomela profuerit furdo ? Quid au-
 ra felix post naufragium, quid amplum ab
 ignotis testimonium te iuverit ? praefer-
 rim si crucieris ubi es, lauderis ubi non
 es. O quanta pars mortalium vento pasci-
 tur, & insomniis gaudet ! ô quam multi
 mortalium inter spes opimas ad æternam
 ruunt penuriam, & gaudiis momento ad
 supplicia delati !

Heu vita quantae spes alii plane improbae !

Spes hominum fallacissimas sub oculos
 ponit hac mythologorum narratio. Bu-
 bulcus, ajunt, stabulum ingressus boves
 mire latos reperit: caussam igitur insolenti-
 tis latitiae sciscitatus est. Cui boves: Spe-
 ramus, inquiunt, hunc diem in pinguis-
 simis pascuis absque opere transigendum.
 Quis, obsecro, ait bubulcus, in Spem
 istam penitus inanem vos impulit ? Re-
 spondent: Hoc ita futurum somniavimus.
 Ad quæ statim bubulcus: Nolite, quaeso,
 mei boves, nolite his somniis habere fi-
 dem, quæ mox fuisse falsissima deprehen-
 deris. Ego revera longe aliud somniavi,
 vos scilicet hodie araturos. At, ut nostis,
 somnia hominum certiora, quàm bruto-
 rum esse consueverunt.

Erudite nostros nobis mores objicit hic
 apologus. Quoties cum brutis animanti-
 bus prata pinguisima speramus; quoties
 opes, honores, voluptates ita somniamus,
 ut mox in robustam Spem convalescant
 somnia ? Tandem Metelli fortunam spe-
 rant plurimi, pauci obtinent: spes omnis

minis alluvione cernens, descensum ex arbore tam periculosa omnibus viribus moliebatur, ne trunco radicitus subruto præceps in aquas raperetur; sed aurea vincula vel invitam retinebant. Hæc caducæ Spei pictura; interpretatio est ista. Homo Platoni arbor est: hæc ad tempus velut ad fluvium rapacissimum confita, in dies ruinæ vicinior inclinatur: puella in hæc arbore, Spes est rebus humanis nixa; hæc suum ipsa casum utcunque prospicit, sed quia vinculis tenetur aureis, hoc est ingentibus promissis, libertatem, quam cupit, non obtinet. Hic Hieremias vates proclamat: Maledictus homo, qui confidit in homine, & ponit carnem brachium suum, & à Domino recedit cor ejus. Benedictus vir qui confidit in Domino, & erit Dominus fiducia ejus. ^a Beatus ergo cujus Deus Jacob adjutor ejus, Spes ejus in Domino Deo ipsius. ^b Non Abrahami, non Isaaci, sed tantummodo Deum Jacob nominari mysterium est. Ingentis spei symbolum Jacob. Hic paterna domo abiit solus, exul, egenus, vix opertus pallio: illius & supellex & arma baculus fuit. Animum tamen bonum & spem omnem in Deo positam habuit. Nec frustra. Rediit Jacob in patriam grandi familia & opibus auctus maximis. O ergo beatus, cujus Deus Jacob adjutor, & spes ejus in Domino Deo ipsius. Hæc una spes multo exploratissima est.

^a Hierem. c. 17. v. 5. & 7.

^b Psal. 145. v. 5.

Piscator, ut in fabulis est, pisciculum reti traxerat. Pisciculus homini persuasurus, ut in aquas remitteretur: Optime virorum, inquit, quid te animalculum iuuet tam minutum? Quod si me manu mitteres, è pisciculo piscis fierem, atque tunc & sagenam tuam & emptoris mensam ornarem. At piscator: Amplissime, inquit, deliravero, si incertissima certis præponam. Vt scias, spem ego tam vanam prætio non emo. *a*

Sapienter: Atque hoc quivis de omni spe humana dixerit: Nec ter uncio emerim spes istas omnes quantumcunque opimas: vanæ, falsæ, nullæ sunt Spes una felicitatis æternæ oculata, firma, certa est Gaudium nostrum, inquit Augustinus, nondum est in re, sed jam in spe. Spes autem nostra tam certa est, quasi jam res perfecta sit. Cum credimus, spes est in isto sæculo: cum videbimus, res erit in futuro sæculo. Capitis præcessio, spes membrorum est. *b*

Spem in re caduca collocatam præsci sic depingebant. Arborem procerissimam ad fluminis marginem statuebant, quæ prona in flumen brachia expanderet, qualis plerumque ulmus est ad amnis ripam sita. In arboris vertice virguncula misere hærebat, aurea catena colligata. Hæc imminentem arboris ruinam, & continua fluminis

a Terent. in *Adelph.* Act 2. Scen. 2.

b August. tom 8 in *Psal* 123. in *pag.* 595.
Et tom. 10. *serm.* 6. de *Ascensione Domini*
initio, *pag.* 434.

In rebus humanis omnia spes futuro-
rum agit; sine spe nil unquam arduum
tentatur. Spe messis coluntur agri, spe
vindemiæ sudatur in vineis, spe lucri na-
vigantur maria, spe pacis geruntur bella,
spe gratiæ frequentantur & teruntur au-
læ. Dulcis est epistola, sed usque dum
veniat ipse qui eam misit; necessarium
chirographum, sed usque dum dissolvatur
æ alienum: grati sunt flores, sed usque
dum Autumnus proferat fructus; ægroto
dum anima est, spes est; dum spirat, spe-
rat. Exulem spes reditus in patriam sola-
tur. Damnatum ad crucem vota facere,
& libertatem precari spes jubet. Civis
Rhodius cavea clausus alebatur velut be-
stia, præcisus naribus, truncatis auribus,
tota facie deformata. Huic amici suade-
bant, ut voluntaria inedia suas ipse mise-
rias finiret. Quibus ille respondit: Ho-
minem omnia sperare posse, quamdiu
possit vel tantum vivere: sic vita præsens
& misera est toleranda, sed usque dum
affulgeat æterna. Quoniam, inquit Pau-
lus, debet in spe, qui arat, arare; & qui
triturat, in spe fructus percipiendi. ^a

Nescit Spes vera titubare, nescit cade-
re. Ipsa sibi quotidie dicit: Quod hodie
non est, cras erit. Duremus, & calum
animo perambulemus, dum nondum li-
cet corpore: pauculos numerabimus dies.
& illud beatissimum *cras* aderit, nunquam
recessurum nullo vespere pellendum.

Huc igitur omnia consilia nostra sunt re-
ferenda;

§. V.

Spes una omnium bona, una omnium optima est spes vitæ æternæ. Spes ceteræ omnes vanitatis plurimum, subinde turpitudinis & mœroris non modicum habent. Ergo quod vates Venusinus monet :

Nete semper inops agitet vexetque cupido;

Ne pavor & rerum mediocriter utilium Spes, a

Beatus Zeno Veronæ præsul à rerum, ut dixi, mediocriter utilium spe, ad illam felicitatis æternæ spem veram gradatim ascendens : Tolle spem, inquit, torpet humanitas tota. Tolle spem, artes virtutesque universæ cessabunt. Tolle spem, & interempta sunt omnia. Quid facit apud litteratorem puer, si litterarum non sperat fructus? Quid ratem profundo gurgiti nauta committit, si ei nunquam lucrum, nunquam portus desideratus occurrit? Quid miles, non dicam horridæ hiemis, aut torridæ æstatis injurias, sed seipsum contemnit, si gloriæ spem futuræ non gerit? Quid agricola semina spargit, si sudoris sui præmium non colligit messem? Quid Christianus credit in Christum, si promissum sibi ab eo perpetuæ felicitatis tempus non sperat esse venturum? *b*

12

a Horat. l. I. epist. 18. propius finem.

b Zeno serm. de Fide, Spe, Charitate. Serm. hujus Episc. & Mart. Veronæ editi an. 1586.

tangere, licet optimi parentis gazas nondum pro libitu partiatur. Et nos non accepimus spiritum servitutis iterum in timore, sed accepimus spiritum adoptionis filiorum in quo clamamus: Abba, Pater. Ipse enim Spiritus testimonium reddit spiritui nostro, quod sumus filii Dei. ^a

Miles ob fortem operam militia navatam à Duce honoratur, & coronam vel muralem, vel civicam, vel castrensem, vel obsidionalem, vel etiam auream, aut, quod melius, agrum ac latifundium accipit. Hic ingens gaudium, & de honore & de præmio. Sed quid hæc ludicra, hæc fluxa ad coronam justitiæ, quam speramus, quæ reposita est nobis, quam reddet nobis Dominus in illa die justus iudex? ^b

Triumphat Imperator, effunditur obvia civitas, comitatur Senatus. omnium ordinum homines deducunt; felicissimus, augustissimus, invictissimus acclamatur. O umbrarum umbras, quantilli pars ista gaudii est? Quid crepundia hæc & nuces, ad æternæ gloriæ triumphos, ad immortale jubulum? Et hoc, & illos speramus.

Sed epularis opiparè, & ad Siculas mensas omnigena voluptate perfunderis. Sed quid hoc ad ambrosiam illam, ad illud nectar in cælo? quid fursures ad selectissimam farinam? quid vappa ad Falernum aut Creticum? Denique omnia, quæ hic nobis bona videntur aut suavia, illecebræ sunt, quibus excitemur ad meliora

^a Rom. c. 8. v. 15. & 16.

^b 2. Tim. c. 4. v. 8.

ferenda. Hoc unum tandem aliquando non adipisci, malorum omnium supremum & maximum malorum est. Hoc unum demum obtinere, spes nostræ omnes elaborent.

Rectè nunc dixerimus, *Speremus* non fertiles annos, non marsupia turgentia, non horrea stipata, non distentas neccitate cellas, sed calum. *Speremus* & gloriemur in Spe gloriæ filiorum Dei, *a* Spe gaudeamus, *b* Spe salvi fitemus. *c* Ergo speremus. Præclarè Augustinus: Viator, inquit, quando laborat ambulando, ideo laborem tolerat quia sperat. Tolle illi spem perveniendi, continuo franguntur vires ambulandi. *d*

Est adolescens fortunæ tenuis, quem vidua sine liberis & opulenta heredem ex asse scribit; ille lætitiis omnibus incedit, gaudet, & triumphat, & clausos viduæ oculos non sine dulci spe patientissimus expectat. At quæ nos hæreditas, ô bone Deus, expectat in cælo? Paulus lætitia exultat: Iustificati gratia ipsius, inquit, hæredes sumus secundum Spem vitæ æternæ. *e*

Adoptatur quispiam terræ filius ab opulento & nobili viro in filium. Hic jam nubes inambulat, & sidera sibi videtur tangere,

a Rom. c. 5. v. 2.

b Rom. c. 12. v. 12.

c Rom. c. 8. v. 24.

d Aug. tom. 10. de verbis Apost. serm. 16. mihi pag. 132.

e Tit. c. 3. v. 7.

esurire cernes. Et nos pro cælo, hem pudor, quam sæpe ficulnei, quam sæpe mortui sumus? Zacharias clamat: Convertimini ad munitionem, vincti *Spei*. *a* Ad munitionem, inquit, sive ad munitissimum beatitudinis locum erectos vultus, animosque vertite, vos omnes, quos vinxit *Spes*, cui servitis, & qua velut ab hera & domina sustentamini. Vincti estis à *Spe* velut captivi non invitì, sed voluntarii: nam ipsi vos ultro in carceres & vincula, in labores innumeros coniecistis ob unam *Spem* immortalis gloriæ. Hanc ipsam *Spem* Paulus cum anchora contendens: Qui confuginus, inquit, ad tenendam propositam *spem*, quam sicut anchoram habemus animæ, tutam ac firmam, & incedentem usque ad interiora velaminis. *b* Anchora medio irati maris navigium firmat, ne à ventis aut fluctibus abrepta in scopulos agatur; ita nos in concitato vitæ huius oceano inter procellosos laborum fluctus *spes* una retinet, ut firmi perduremus. Ideo hanc anchoram Apostolus, ad interiora velaminis, in sancto sanctorum, in cælum, tanquam in locum tutissimum hortatur jaciendam, ut ob remunerationis *spem* laboribus nullis cedamus. Proprium certe, ut S. Thomas loquitur, & principale *spei* objectum est ipsa æterna beatitudo. In beatis *spes* non est, sicut nec fides, cum eorum beatitudo non jam futura sed præsens sit. Nec in damnatis *spes* ulla est, cum certi
sint

litora illa & æterna speranda. Quidquid in hoc orbe suavitatis est, ad æternas voluptates levis gustulus est; eo spes evolvat & futuri dulcedine sese impleat. Æternus promissit æternus; si credidero, ait Augustinus, ex mortali fiam æternus. *a* Felicitatem æternam sperant crucifixi regni amici: Spes illorum immortalitate plena est. *b*

a Aug. tom. 10. serm. 29. c. 6. de verbis Domini.

b Sap. c. 3. v. 4.

§. VI.

Sed horum, inquis, futurorum nihil dum videmus. Homo ridicule & angustissimi animi, quis spei locus est, ubi res in oculis est? An nescis effatum Pauli? Spes quæ videtur, non est spes: nam quod videt quis, quid sperat? *a* Illud spei est quod non videmus sperare, & simul patientiam expectare. Vide, obsecro, torcularum incredibilem, sed sæpe palliatam spem ac patientiam: non verba tantum, sed & colaphos subinde concoquere sciunt; invident & invidentur, mutuis tormentis; mordent & mordentur (aularum sacra non constant aliter) lacerant & lacerantur assiduis pæne intemperiiis: acerbissimos non raro bolos, velint nolint glutire debent. Quid illos, obsecro, tam ferreos reddit & aheneos? Unius Spei gratiæ vel sibi vel liberis tribuendo: Tolle spem istam, & multos domi suavi-
esuri-

a Rom. c. 8, v. 24.

totis viribus anhela. Eleganter dixit Petrus Chryfologus: Laborans messor; quod in semine non videt, videbit in messe, & quod in sulco deflet, gaudebit in fructu. Hodie promissionis tempus est: audi, crede, expecta; crede creditori tuo, qui tibi credidit debitori suo; expecta parumper, ut veniat, qui te diu sustinuit ut venires: da illi inducias de promisso, qui tibi, quicquid erat debiti, jam donavit. Quare tu fatigaris spe Dei, cum genus omne hominum subsistat spe, fide vivat?

Sextus Iulius narrat, Scipionem Africanum ex Italia in Africam cum militibus copiis trajecisse, sed in navis exscensu in terram prolapsus esse. Cumque militum animi ad hoc omen consternati hærent; Scipio ipsum casum in spei memoriam trahens: Videte milites, inquit, omen optimum; oppressi Africam. *b* Consimili pane modo Cæsar ascensurus navim in terram pronus corruit: at milite nonnihil perterritus: Teneo te, ait, o terra mater, teneo te.

a Chrysol. serm. 40. mihi pag. 109. & serm. 71. mihi pag. 191.

b Iulius Sextus l. 1. strategem. c. 1.

S. VII.

Ea est humana vitæ ratio, ut errare ac labi pronissimum. At si sapimus, ipsi nobis lapsus materiam spei præbent. Itaque ipso in lapsu pro se quisque dicat: O terra mater viventium, spe teneo te, nec
 p dimit-

sint æternas pœnas se nunquam evasuros. *a*

De hac beatitudinis Spe, de qua loquimur, Lugdunensis præsul Eucherius mentionem injiciens: Si quis hodie, inquit, denarios tibi quinque donaturus, aureos vero quingentos in crastinum aut perendinum certo spondeat, faciatque optionem illud aut istud eligendi, nunquid deliberatio difficilis erit? Nemo tam fatuus, qui non-omni modo malit cras aut perendie aureos quingentos, quam hodie denarios quinque. Eadem prorsus præsentis ac futuræ vitæ ratio est. Vita præsens nec unius quidem dieculæ mora est. Diximus alibi, post lapsum Adami, mortalium neminem, si quidem calendarium Dei spectetur, diem unum totum vixisse. *b* Est igitur hæc vita brevissimum *Hodie*, quod excipit *Cras* æternum. Quocirca spe animum impleamus certissima, & malimus aureos quingentos crastino æterno. quam moneta præsentis denarios quinque. Hortatur Augustinus: O fidelis, inquit, noli corrumpere spem, noli amittere charitatem. Quid expavescis, quia pereunt regna terrena? Ideo tibi caeleste promissum est, ne cum terrenis perires. Veniet ille, de quo dictum est: Et regni ejus non erit finis. *c* Hoc regnum spera, ad hoc

totis

a S. Thom. 2. 2. q. 17. a. 2. conclus. & q. 18. a. 2. ad 3. concl.

b In Prodomo Æternit. c. 1. §. 25.

c Aug. tom. 10 serm. 29. de verb. Domini c. 5. & 6. mihi pag. 44. & 45.

Spes etiam valida solatur compede victum :

Crura sonant ferro, sed canit inter opus. a
Spes pramii, solatium laboris ; vulnerum
dolorem mitigat spes corona. Spes in ad-
versis alit animos. b

Cui boni spes est futuri, praesens non sentis
malum. c

Verissime dixit Chrysostomus : Nihil mentem hominis adeo virilem facit , & ad omnia audentem , ut spes bona. Dic, oro, si quis te ad regnum terrestre & imperium vocaret , atque ante ingressum ejus civitatis, in qua coronandus esses, instabulum divertere necesse esset , ubi luti ac fimi plurimum viatorumque tumultus esset , & latronum perturbatio , summaque pressura & angustia : num ad illa tristitia cogitatione converteris ? an illa omnia, quasi nihil essent, gaudio & spe regni contemneres ? Perquam igitur ineptum & indignum est , terrenis mortalibusque rebus potiturum , nihil his quæ interim inciderint, contrahi ; æterni autem regni spe elatum & erectum , atque ad calos accersitum, per singula , quæ in diversorio contingunt tristitia , decidere atque perturbari. d

Robusta spes extrema quæque perferat. e

Spem tam robustam dat Christus, qui factus est spes nostra. In illo, inquit Augustinus,

p 2

stinus,

a Tibull. l. 2. eleg. 6.

b Symmachus l. 2. epist. 52.

c Troch. vet.

d Chrys. hom. 21. in epist. ad Rom. 3^o tom. 5. l. 3. de Providentia Dei. e Lamb

dimittam te. Spes non confundit. *a* Nul-
lus speravit in Domino, & confusus est. *b*
Optime dixit Ambrosius: *c* De divina
misericordia tunc sperandum, cum hu-
mana præsidia deficiunt. Omnes, qui spe-
rant in eum, non infirmantur. *d* Nam bo-
nus Dominus, & confortans in die tribu-
lationis, & sciens sperantes in se. *e*

Spes ista, divo Gregorio teste, in ater-
nitatem animum erigit, & idcirco nulla
mala exterius, quæ tolerat, sentit. *f*

*Spes omnis obliviscitur periculi,
Educat omnem opima Spes molestiam.
Speret meliora; quidquid accidit, feras.* *g*

Adhuc cælum volvitur, quod hodie non
est, cras erit: qui vidit florem oleæ, &
baccam se visurum sperat. Propterea for-
tissimum solatium habeamus, ait Paulus
qui confugimus ad tenendam propositam
spem. *h*

Spes facit ut videat cum terras undique naves

*Naufragus, in mediis brachia jactet a-
quis.* *i*

a Rom. c. 5. v. 5.

b Eccli. c. 11. v. 2.

c Ambros. in Hexamer.

d 1. Machab. c. 2. v. 61.

e Nahum. c. 1. v. 7.

f Gregorius lib. 6. moral. cap. 13. mis.

pag. 445.

g Iambi vet.

h Hebr. c. 6. v. 19.

i Ovid. l. 1. de Ponto, eleg. 7.

ut in torrentem coniecta pontem Carthaginensibus straverint, per quem de castris in castra commeare possent: quamvis ex nobilitate & equestri ordine tot millia cecidissent, ut detractis annulis modicum unum impleverit Annibal, ut narrat Livius, vel duos, ut Florus, vel tres, ut Plinius, ac Carthaginem transmiserit; quamvis tot arma à fugientibus abjecta & mortuis detracta essent, ut, cum cladem hanc reparare conarentur Romani, arma non invenirent, quibus muniti hosti occurrerent. Nam, ut ait Florus: *Arma non erant; detracta sunt templis.* Denique quamvis Roma post obsessum à Brenno Capitolium, nullam unquam majorem cladem sensisset, & jam in servitutem Carthaginensium incidere verebatur, tamen consulem suum Terentium Varronem, qui stulte contra consilium collegæ sui Pauli Æmilii in prælium descenderat, & infelicitè pugnauerat, gratulabunda excepit, ideo solum, quod de Republica non desperasset. a

Tam bonus, tam & mitis est Deus & Spei humanæ favens, ut post omnem hominis nequitiam, post optimos dies pessime consumptos, post acervata foede flagitia, nihilominus omnia bene habeant, modo ad ipsum recurramus, modo peccasse poeniteat, modo spem non abijiciamus. Promissum Dei certissimum est. Quoniam in me speravit, liberabo eum,

p 3. cri-

a Livius l. 22. Plutarch. in Fabio. Valer. Max. l. 3. c. 4.

stinus, vides & laborem tuum, & mercedem tuam; laborem in passione, mercedem in resurrectione. Sic ergo factus est spes nostra. Habemus enim duas vitas: sed unam, in qua sumus, alteram, quam speramus, ignota nobis est. Tolera in qua es, & habebis quam nondum habes. Quomodo toleras? ut non vincaris a tentatore. Laboribus suis, temptationibus, passionibus, morte sua demonstravit tibi vitam Christus, in qua es: resurrectione sua demonstravit tibi vitam, in qua eris. Nos enim non noveramus nisi nasci hominem & mori: resurgere hominem & vivere in aeternum non noveramus. Suscepit quod noveras, & demonstravit quod non noveras. Ideo ergo factus est spes nostra in tribulationibus, in temptationibus. *a*

Livius & Plutarchus memorant, Terentio Varroni è Cannensi clade infeliciter sine redeunti, Senatū populūque Romanū quasi re bene gesta occurrissē gratiasque egissē, quod de Republica Romana non desperasset, sed quantum erat exercitus, reduceret, quamvis in acie quinquaginta millia hominum cecidissent, quamvis Aufidus fluvius juxta Cannas Romano sanguine rubuisset; quamvis jam tot Romanorum millia internecionis data essent, ut eorum capitalis inimicus & hostis Hannibal misericordia motus dixerit: Satis est, *Parce ferro*: quamvis Romanorum cadaverum ea copia fuisset.

quit, Adam eiectus è paradiso, & hodie
 latro paradifum ingreditur; exiit fur, &
 introiit fur. *a* Quo fine? Illo utique, ut
 ficut primo fure in exilium miffo, cali
 aditum obfeptum fcivimus, ita nunc fci-
 remus, fure alio feu latrone in calum
 admiffo, omnibus recte fperantibus cali
 januas efle referatas. Neque enim una
 tantum aperta eft, fed multæ; tres ad Au-
 ftrum, tres ad Aquilonem, tres ad Orien-
 tem, tres ad Occidentem patent, ut con-
 ftaret calum nemini nifi ingredi nolenti
 claufum efle.

Ad emendum calum, inquit Augufti-
 nus, dandum eflet quidquid haberes, et-
 jamfi totum mundum poffideres. Et ta-
 men venale eft: eme fi vis. Nec multum
 exaftues de re magna propter pretii ma-
 gnitudinem. Tantum valet, quantum ha-
 bes. Noli quarere quid habeas, fed qualis
 fis Res ifta te valet. Tantum valet, quan-
 tum es tu. Te da, & habebis illā. Quid ex-
 efluas? quid turbaris? Numquid quæfiturus
 es te, aut empturus es te? Ecce tu qui es,
 qualis es, da te illi rei, & habebis illam.
 Sed malus fum, inquires; & forte me non
 accipit. Dando te illi, bonus eris. Vt huic fi-
 dei promiffionique te des, hoc eft bonum
 efle. *b* Atqui huic promiffioni fe dare, hoc
 unum eft, de quo loquimur, *Sperare*.

Et ideo Deus felicitati præfenti multum
 commifcet amaritudinis, ut alia fperetur

P 4

feli-

a Chryf. hom. 2. de cruce & latrone.

b Aug. tom. 10. ferm. 64. de verbis Do-
 mini, c. 3. mihi pag. 90.

eripiam eum, & glorificabo eum. ^a Deus pane gratias agit per amplissima beneficia, quod post plurima naufragia mari terraque facta, de ope divina, de felicitate sempiterna non desperavimus. Nullus speravit in Domino, & confusus est. Bonus est Dominus sperantibus in eum. ^b

Et quamvis nimia spes seu præsumptio, & nimius timor seu desperatio duo sint præcipitia in gehennam, minus tamen formidandum est excedere sperando nimium, seu præsumendo, quam nimium timendo & desperando. Quod si homines tantum niterentur ut salvi essent, quantum nituntur ut pereant, jam pridem vacuus ploraret Orcus, ergo speremus, & iter ad cælum, instauratis viribus prosequamur.

^a Psal. 90. v. 14. & 15.

^b Thren. c. 3. v. 25.

S. VIII.

Jam cæli fores sunt patentissimæ, ex quo eas Christus crucis clave, suoque ingressu referavit. Cruci fixus latro eo omnino die, quo è cruce abiit, in paradysum transiit. Verum si fas interrogare. Quæso, Domine Jesu, cur cæli fores prius latroni, quam Patriarcharum alicui panduntur? Pro quo Chrysostomus respondet, id ideo factum, ut esset manifestum, cæli portas jam omnibus patere. Nam, ut beatus hic Doctor asserit, ea ipsa die qui Christus mortuus, & latro liberatus, Adam fuerat paradiso expulsus: Hodie, inquit,

nos Ovum nostrum, id est spem nostram, sub alis illius Evangelicæ gallinæ, quæ clamat: Hierusalem, Hierusalem, quoties volui colligere filios tuos tanquam gallina pullos suos, & noluisti. Non nobis dicatur. Quoties volui, & noluisti. a

Bernardus hoc ovum suum, id est, spem suam summa industria, si quidquam, custodivit. Omnia perdere jacturam non putabat, modo spem retineret. Hinc illæ Bernardi cum Psalte voces: Quoniam tu es Domine spes mea. Et addit ingenti spiritu: Quidquid igitur agendum sit, quidquid declinandum, quidquid tolerandum, quidquid optandum, tu es Domine spes mea. Hæc una mihi omnium promissionum causa, hæc tota ratio meæ expectationis. Prætendat alter meritum, sustinere se jactet pondus diei & æstus, jejunare bis in sabbato dicat, postremo non esse sicut ceteros hominum gloriatur: Mihi autem adhærere Deo bonum est, ponere in Domino Deo spem meam. Sperent in aliis alii, forte hic in scientia litterarum, hic in astutia sæculi, ille in nobilitate, ille in dignitate, ille in alia qualibet vanitate confidat: propter te omnia detrimenta feci, & ut stercorea arbitror, quoniam tu es Domine spes mea. Speret, qui vult, in incerto divitiarum, ego vero ne ipsa quidem, nisi abs te, victui necessaria spero; nimirum verbo tuo confidens, in quo abjeci omnia. Si mihi præmia promittuntur, per

P 5

te

a Aug. tom. 10. serm. 28. de verbis Domini post. med. mihi pag. 45.

felicitas, cuius dulcedo non est fallax. Porro hanc spem modis omnibus eripere conatur Mundus, aut certe corrumpere. Idcirco Augustinus spem ovo conferens, & in Mundum velut excandescens: Quid strepis, inquit, ô munde immunde, quid strepis? Quid avertere conaris? Tenere vis periens? quid faceres si maneres? Quem non decipere dulcis, si amarus alimenta mentiris? Ergo si habeo spem, si teneo spem, ovum meum non est à scorpione percussum. Spes mea ovum est testudine testum, & nondum pullus est; non videtur, quia operitur. Quæ enim videntur, temporalia sunt, quæ autem non videntur æterna. In illa ergo, quæ non videntur, exrende spem, expecta, sustine; noli retro respicere, Ovo tuo scorpionum time, quia cauda percutit. Non ergo scorpium perimat ovum tuum, Mundus iste spem tuam. Quanta tibi loquitur mundus, quanta post dorsum tuum strepit, ut retro respicias? id est, ut in rebus præsentibus (non enim dicenda sunt præsentia, nunquam stantia) spem tuam ponas. Christiani sumus; Christiani estis, fratres. Figite spem in Deum, æterna concupiscite, æterna expectate. Non ad delicias Christus in carnem descendit: toleremus potius præsentia, quam diligamus: prosperorum falsa est blandities. Time mare, etiam cum tranquillum est. Omnino non frustra audiamus, Sursum cor. Quid ponimus cor in terra, cum videamus quia evertitur terra? Ponamus

vite omnia Psalmorum carmina, vix crebrius, vix ardentius quidquam commendatur quam vera spes. Hinc illæ Davidis assiduæ voces: Quoniam tu Domine singulariter in spe, constituisti me. *a* Latentur omnes, qui sperant in te: in æternum exultabunt. *b* Sperent in te, qui noverunt nomen tuum: quoniam non dereliquisti quærentes te Domine. *c* Spes mea ab uberibus matris meæ. *d* In te Domine speravi, non confundar in æternum. *e* Spes omnium finium terræ, & in mari longe *f*. Ego autem semper sperabo, & adjiciam super omnem laudem tuam *g* Dominus virtutum, beatus homo, qui sperat in te. *h*

Philomela suavem sed eundem pæne cantum iterat. Nec fere aliter David spem usque & usque ingerit, qui quantus quantus, pæne totus spes fuit. Ego autem, inquit, sicut oliva fructifera in domo Dei, speravi in misericordia Dei in æternum. *i* Cum oliva se contendit, ubi de spe sua differit. Oliva semper viret, assimilis smaragdo, gemmæ nobilissimæ; spes nunquam deficit, nisi spes falsa sit.

Atque

a Psal. 4. v. 9.

b Psal. 5. v. 11.

c Psal. 9. v. 10.

d Psal. 21. v. 9.

e Psal. 30. v. 1.

f Psal. 64. v. 5.

g Psal. 70. v. 14.

h Psal. 83. v. ult.

i Psal. 51. v. 10.

te obtinenda sperabo. Si insurgant adversum me praelia, si saeviat mundus, si fremat malignus, si ipsa caro adversum spiritum concupiscat: in te ego sperabo. Fratres, hoc sapere, ex fide vivere est: nec alius ex sententia dicere potest: *Quoniam tu es Domine spes mea*, - nisi cui intus sit persuasum à spiritu, ut (quemadmodum monet Propheta) jactet cogitatum suum in Domino, sciens quod nutriendus sit ab eo: juxta illud quoque Petri Apostoli: Omnem sollicitudinem vestram projicientes in eum, ipsi enim cura est de vobis. Ut quid enim, si hæc sapimus, ut quid cunctamur abjicere omnino spes miseras, vanas, inutiles, seductorias: & huic uni tam solidæ, tam perfectæ, tam beatæ spei tota devotione animi, toto fervore spiritus inhærere? *a*

Plane non derelinquit sperantes in se. Quare? Quibus meritis? Audi quod sequitur: quia speraverunt in eo. Dulcis causa, attamen efficax, attamen irrefragabilis, dummodo speres in eum. Vnde obsecro tam multum spei Bernardo? Optimum habuit in prælectione hac magistrum, psalten Hebræum. Suavissimum hoc carmen (*Quoniam tu Domine spes mea*) facillime didicit Bernardus: nec mirum, nobilissimus præcentor citharædus regius voce illum præiit.

Videte & audite regem Sionis David optima spe adeo plenum, ut de illo non male dixerim, totus pæne spes fuit. Evolve

ACTIONS

SPEI.

1. Prima Spei actio, eique propria est. *Expectare*, non latum nuntium, non pecuniæ acervum, non Assueri epulum, sed caeleste, sed æternum gaudium. Pulchrè dixit Ambrosius: Spes commodi furatur labores, *a* & metum abscondit periculi. Dulcis & brevis expectatio est, cujuscunque sit moræ, cum bonum expectatur nunquam desitutum.

2. Spes nunquam sine patientia sorore sua est. Spes vera non est, quæ impatiens est. Per patientiam, inquit Paulus, expectamus. *b* Ad hoc ipsum beatus Iacobus hortatur: Patientes igitur estote, fratres, usque ad adventum Domini. Ecce agricola expectat pretiosum fructum terræ; patienter ferens donec accipiat temporaneum & serotinum. Patientes estote & vos, & confirmate corda vestra, quoniam adventus Domini appropinquabit. *c* Dubitas, ait Augustinus, quod tibi dabit bona sua, qui non dedignatus est suscipere mala tua? *d*

3. Spes vera non est temeraria, neque enim solam Dei misericordiam, sed & iustitiam considerat, illudque sibi assidue occinit:

a Valde eos mitigando. Ambros. in Ps. 12.

b Rom. c. 8. v. 25.

c Iacob. c. 5. v. 7.

d Augst. tom. 10. serm. 37. de verbis Dimini v. 1.

Atque hinc Bernardus, quem dixi, in
 spem erectus inconcussam: Tria sunt, in-
 quit, quæ sic roborant & confirmant cor
 meum, ut nulla me penuria merito-
 rum, nulla consideratio propriæ volunta-
 tis, nulla aestimatio cælestis beatitatis ab
 altitudine spei deicere possit in ea firmi-
 ter radicatum. Tria, inquam, considero,
 in quibus tota spes mea consistit, Charita-
 tem adoptionis, Veritatem promissionis,
 Potestatem redditionis. Murmuret jam,
 quantum voluerit, insipiens cogitatio
 mea, dicens: Quis enim es tu, aut quan-
 ta est illa gloria, quibusve meritis hanc
 obtinere speras? Et ego fiducialiter re-
 spondebo: Scio, cui credidi, & certus
 sum, quia in charitate nimia adoptavit
 me, quia verax in promissione, quia po-
 tens in exhibitione. Licet enim ei facere,
 quod voluerit. Hic est funiculus triplex,
 qui difficile rumpitur, quem nobis à pa-
 tria nostra in hunc carcerem usque dimis-
 sum firmiter, obsecro, teneamus: ut ipse
 nos subleuet, ipse nos trahat & pertra-
 hat usque ad conspectum gloriæ magni
 Dei. *a* Speremus: Spes non confundit.
 Hæc paullo copiosius dicenda erant, quan-
 to res majoris momenti, & alii de illa ste-
 rilius loquuntur.

*a Bernard. serm. 3. de fragmentis 7. mi-
 sericordiarum, sine, mihi pag. 233.*

fuerit. Domine memorabor iustitiarum tuarum solius. *a*

5. Spes vera cum orationem Domini-
cam recitat, ingenti spiritu dicit : Adve-
niat regnum tuum. Neque enim tantum
orat ut adveniat, sed etiam adventurum
sperat. Ioannes Apostolus attestatur: Hæc
est fiducia, quam habemus ad eum, quia,
quodcumque petierimus secundum vo-
luntatem eius, audit nos. *b* Atqui divinæ
voluntatis maxime est, æternum illud re-
gnum à nobis assidue postulari.

6. Spes vera tam viriliter agit, ut ferrea
videatur aut adamantina, neque enim ulli
unquam succumbit operi. Et quamvis fa-
tiscat nonnumquam & labatur, genero-
sior tamen resurgit, & vires sumit e lapsu,
nec viam, quam cœpit insistere, unquam
deserit. Eo regii vatis cohortatio spectat:
Viriliter agite, & confortetur cor ve-
strum, omnes qui speratis in Domino. *c*
Sic agendum : Et sæpissime cadamus, via
tamen nunquam deferenda, spes nun-
quam deponenda est : quoties cadimus,
toties resurgamus : millies cadimus, mil-
lies resurgamus. Appositissimè Augusti-
nus : Optimus ergo ille, inquit, qui &
viam tenet, & bene ibi ambulat : Sequen-
tis autem spei est, qui etsi aliquantulum
claudicat, non omnino errat, aut rema-
net, sed progreditur, etsi paullatim. *d*

7. Spes

a Psal. 70. v. 16. Bernard. serm. 61. in
Cant. med. mihi pag. 749.

b 1. Ioan. c. 5. v. 14. *c* Psal. 30. v. ult.

d Aug. in Psal. 31. in præfat. fere med.

occinit : Universæ viæ Domini misericordia & veritas, seu iudicium. *a* Itaque spes utrumque Christi pedem, sicut Magdalena, & amplectitur & osculatur : pedem misericordiæ & pedem iustitiæ. *b* Terrete Dei iustitiā ? spera misericordiam. Erigit te misericordia ? metue iustitiā. Ioannes Apostolus : Omnis, inquit, qui habet hanc spem sanctificat se, sicut & ipse sanctus est. *c*

4. Hoc cautissime spes agit, ut quantumvis recte agat, suis tamen meritis nil penitus adscribat; Spes vera, sola Dei largitate nititur. Bernardus : Periculosa, inquit, habitatio eorum, qui in meritis suis sperant; periculosa, quia ruinosa. Tota spei salus, & omne ipsius meritum Christus crucifixus est. Hinc illæ Bernardi voces : Fremit mundus, premit corpus, insidiatur diabolus; non cadam, fundatus enim sum supra firmam petram. Peccavi peccatum grande, turbatur conscientia, sed non perturbabitur, quoniam vulnere Domini recordabor. Ego fidenter, quod ex me mihi deest, usurpo mihi ex visceribus Domini, quoniam misericordia affluunt, nec desunt foramina per quæ affluant. Meum proinde meritum, miserationis Domini. Non plane sum meriti inops, quamdiu ille miserationum non fuerit.

a Psal. 24. v. 9.

b Petrus Damianus hoc eleganter & fuse presequitur, serm. 29. de Maria Magdalena.

c 1. Ioan. c. 3. v. 2. & 3.

CAPVT IX.

Rosa Græca, Lychnis,
feu,

Paupertatis amor.

§. I.

ROSA Lychnis non excedit quinque folia, odore nullo est, & violæ magnitudine. *a* Paupertas huic rosæ non assimilis

Nec foliis gaudet, nec gratum spirat odorem.

Vix quidquam habet orbis contemptibilius Paupertate. Nec cuiquam acerbior est Paupertas, quàm divitiis innutrito.

Mariæ Virginis parentes & divites fuerunt & nobiles, hæc unica illorum filia, sic tamen Paupertatem, sic virtutes ceteras amavit, ut potuerit hoc elogio compellari: Tu tota es Charitas, tota Castitas, tota Humilitas, Paupertas tota es. Multæ filia congregaverunt divitias, tu supergressa es universas *b* Euangelii leges, imo & consilia, priusquam promulgarentur, jam Virgo exactissime servavit. Et en amore Paupertatis: Fabro, qui fortunæ inops manu toleravit vitam, non gravate nupsit. Sciverat hunc virum virtute opulentum esse.

Vilius argentum est auro, virtutibus aurum.

q

Hæc

a Plinius ll. cit.

b Prov. c. 3 l. v. 29.

7. Spes vera inter Desperationem & Præsumptionem *a* seu Temeritatem media prudenter graditur. Sunt, qui in seipsis sperant, in vigiliis, in labore, in jejuniis, in virtutibus suis. Sunt, qui desperant; dum enim considerant suam imbecillitatem, obruuntur à pusillanimitate. Sunt, qui sperant quidem in Domino, sed frustra: quia sic de misericordia ejus sibiipsis blandiuntur, ut à peccatis suis non emendentur. De his Bernardus: Beneplacitum est, inquit, Domino super timentes eum, & in eis, qui sperant, super misericordia ejus. Dicturus, qui sperant, signanter pramissit. Super timentes eum. Frustra siquidem sperat, qui contemptu suo gratiam à se repellit, & spem suam prorsus evacuat. Nullus hortulorum habitat in adjutorio Altissimi. Primus enim habitat in meritis suis, secundus in panis, tertius in vitiis. Immunda habitatio tertii, anxia secundi, stulta & periculosa primi. *b* Spes vera non nimium, aut temere, non in seipsa sperat, sed seipsam in Domino fundat.

a Est nimia spes Præsumptio.

b Bern. in Psal. 90. serm. I. med. mil.
pag. 518

rum officium fuerit vestes conficere. Esdras Sacerdos id confirmans: Ipsa, inquit, faciunt stolas omnium hominum. *a* Augustus Imperator non alia usus est veste, nisi quam domi fecissent conjux, soror, filia, neptes.

Porro Paupertatem Virginis quæ oratio satis explicet? In stabulo inter pecudes, idque Decembri hieme, partum edere, cunarum loco præsepe adhibere, extremæ Paupertatis non fallax argumentum est. Omnes alios diversitores hospitium capiebat, huic uni pauperculæ hospiti nec vilissimum quidem cubiculum patebat; ad bestiarum specum amandabatur. Neque brevi tempore, sed ipsos quadraginta dies, dum scilicet lustranda prodiit, hoc cavum Virgo habitavit. Nec omni reliqua vita ditior esse voluit, tametsi potuerit. Tres ab oriente Dynastiæ ex apertis thesauris utique non vile aut minutum quid divino Infanti obtulerunt; regium fuisse munus nemo dubitaverit. Hi namque orientales Principes eo animo iter intenderunt in Bethlehem, ut novum Messiam & stellæ Dominum regia munificentia & quantis possent muneribus velut dediti subjecti venerarentur! Quod clarissime Matthæus explicans: Et apertis, inquit, thesauris suis obtulerunt ei munera. *b* Magnum quid daturi, thesaurum dicimur expromere. Ita hic prorsus regia liberalitate cælestem puerum esse salu-

q 2 tatum,

a 3. Esdræ c. 4. v. 17.

b Matth. c. 2, v. 11.

Hæc insuper Virgo beatissima complures vestiarias arcas non habeat : duplex vestis fuerat , quam in obitu vicinis & pauperibus viduis reliquit. Epaminondas ajunt principi Thebano unicam fuisse vestem , quæ si fuisset reficienda , donum continere debuit Epaminondas. Hic rem magnam præstitisset , si hoc amore Paupertatis fecisset. Virgini , Virginisque filio unius generis vestes fuerunt , coloris , ut multi putant , nativi. Deinde tetandæ paupertati , manibus victum paravit Virgo. Basilus id affirmans : Totam , inquit , familiam constituebant Christus , Maria , Joseph , qui ne offensionem essent otio , præsertim cum pauperes essent , in assidue corporis laboribus versari sunt soliti , & hac ratione quotidianum victum quantitate. Cum Christus pauperibus his parentibus subiectus esset , laborando etiam summi in parentes obedientiam testatus est. ^a Epiphanius Constantinopolitanus de moribus divinæ Virginis : Docilis , inquit , & amans doctrinam , lana , lino , serico , & bysso laborabat. ^b Quod de illo potissimum tempore assertum credimus , quod Virgo etiamnum in templo inter Virgines educabatur.

Antonius , Euthymius , alii existimant Christi togam inconsutilem , de qua miles fortius sub cruce , Virginis opus textile fuisse. Assentitur doctissimus Cæsar Baronius , cum in Oriente gentis ritu femina

^a Basil. monast. Constit. c. 5.

^b Epiphanius in vita Deipara.

vites, qui plena pera turgentique marsupio viæ molestias solari queunt. Quid jam pauperibus fiet, quos nec crumena, nec focus, nec cella sequitur. Hinc itinera pauperum molestissima, laboris & miseriarum plena: nec enim uspiam grati adventores sunt.

Nec in via tantum Paupertas Virginem comitata, quam in Ægypto ipsa septennio toto nunquam deseruit. Cogitetur obsecro, quantum penuriæ, quantum & ceterarum arumnarum fuerit tolerandum inter gentes tam barbaras, quarum dii crescunt in hortis, aut in pratis pascunt. Hic continua stabuli Paupertas, imo durior, tot annis Virginem exercuit.

Ad paupertatis culmen gradibus variis ascenditur: summus est, non superfluis tantum, sed & necessariis carere posse. Huc mater Domini pervenit, quæ sibi vel necessaria deesse non patienter solum, sed & hilariter tulit. Addidit semetipsam. Nec enim ipsa sibi pepercit, quæ inter alia relinquenda seipsam quoque numeravit, deditque humanæ genti vere de suo viaticum ad cælum, panem vivum.

Atque hanc paupertatem Virgo ritu hominum religiosorum promisso etiam votoque confirmavit, si sanctæ Brigittæ fides, quæ Virginem matrem sic loquentem sistit: Omnia, quæ habere potui, dedi indigentibus, nihilque nisi victum tenuem & vestitum servavi. Nulla mihi, nisi Deus, placuerunt. Ego semper in corde meo optavi, ut viverem ad tempus nativ-

tatum, illud *apertis thesauris* argumento est. Nihilominus Virgo beatissima voluntariæ Paupertatis suæ minime oblita, dona quidem, mysterii gratia, non recusavit, sed ea paullo post in pauperes erogavit. Quod divus Antoninus explicite asserens: Aurum, inquit, sibi oblatum à Magis non modicum, non sibi reservavit in posterum, sed pauperibus per Joseph dispersit. Idem plurium testimoniis firmatur. *a*

Aut certe, quod forsitan aliis placeat, divina Virgo regias gazas verecundissima manu libaverit tantum, & è singulis donis exiguum quid acceperit. Alterutrum horum jam exploratæ veritatis esse credimus.

Quod si Virginis lustrationem spectemus, mira Virginis paupertas cogitanda occurrit. Legis erat, ut agnus, aut certè, si facultates deessent, duo turtures pro infante substituerentur. Virgo mater ea fuit Paupertate, ut non habuerit, unde agnum emeret aut offerret; ita columbulas duas attulit hominum egenorum sacrificium.

Et quantum Paupertatis habuit tristissima fuga in Ægyptum? Nullæ hic præparationes præmissæ, nihil supellectilis in viam assumptum, nulla viatici mentio. Accepto tristi nuntio, mox ipsa nocte fugiendum, & iter duorum mensium ingrediendum. In itineribus non pauca patiuntur vel divites,

a Banaventur. in vita Christi c. 9. Toftatus Abulensis c. 2. Matth. 9. 47.

§. II.

Hanc filii, hanc & matris Paupertatem imitantur, quibus & filius & mater in amoribus est. Paupertas, ut eam Annaus depingit, minime truci vultu, sed humanissima est: neque enim aliud Paupertas, quàm *parvi possessio*. *a* Pauper enim est, non qui pauca possidet, sed qui multa non possidet.

Hoc mirum, & merito culpandum, paupertatem & pauperes tam exosos esse divitibus, cum tamen divites velut obesi boves, è reculis pauperum tanquam è pascuis pinguescant. Ecclesiasticus disertissimè hoc affirmans: Venatio leonis, inquit, onager in eremo: sic & pascua divitum sunt pauperes. *b* Non hic pauperes illos deploro, quos opulenti opprimunt, & veint onagros leones devorant. Eo non expatiabimur, nimis amplius dicendi campus est, jam olim Abacuc id lugens: Taces, inquit, devorante impio justiore se, & facies homines quasi pisces maris. *c* Sicut enim minutos pisciculos lupus, & pullos gallinaceos accipiter necat: Sic, ut divus Iacobus Apostolus loquitur, divites per potentiam opprimunt egenos. *d* Quotus enim quisque, ait Salvianus, juxta divitem pauper aut intactus aut tutus est. *e* Nimirum

¶ 4

Dento

a Seneca epist. 87. fine.*b* Eccli. c. 13. v. 23.*c* Abac. c. 1. v. 13.*d* Iacobi. 2. v. 6.*e* Salvian. de Provid.

tatis ejus , si forte fieri mererer ancilla indigna matris Dei. Vovi etiam in corde meo, si esset ei acceptabile, observare virginitatem, & nihil unquam possidere in mundo. Si autem aliter vellet Deus, fieret voluntas ejus, & non mea: quia credebam ea omnia posse, & nihil velle nisi mihi utile, ideo ei omnem meam voluntatem commisi. *a*

Potuerunt itaque omnes sanctissimæ hujus familiæ, & ex ea singuli, Christus, Mater, Josephus dicere; Pauper sum ego, & in laboribus à juventute mea. *b* Atque hanc suam paupertatem Christus suæque matris in monte Golgothæo orbi universo spectandum dedit, cum suas vestes paupertinas carnificum turbæ reliquit, cum matrem discipulo pauperi commendavit. Fuit Iosephus Arimathæus dives, fuit Nicodemus, fuerunt & alii, qui donum hoc mente gratissima suscepissent. Sed voluit Christus thesauri tanti custodem pauperem esse piscatorem.

Post filii reditum in cælum mater in domo *c* non sua precario habitavit. Reditus ipsius annui fuerunt è collatitia stipe Christianorum, quam Apostoli per septem diaconos viduis, aliisque egentioribus distribui curarunt.

Hanc

a *Revelationes S. Birgitta l. i. c. 10. post initium.*

b *Psal. 87. v. 16.*

c *Ajunt fuisse domum dominae Mariae Hierosolymitanae civis, quæ fuit mater Ioannis Marci, de quo in Actis Apostol. c. 12. v. 12.*

Qui numis caret, cui parvi est possessio,
is nec nobilis, nec formosus, nec probus,
nec sapiens, nec sanctus habetur. Hac solis
conveniunt divitibus; pauperis est, om-
nium pedes extergere.

*Nil habet infelix paupertas aurius in se,
Quam quod ridiculos homines facit ---
Quantum quisque sua numorum servat in
arca,*

Tantum habet & fidei ——— a

Hoc ipsum Hebraei sapientes indignan-
tur: Sapientia Pauperis contempta est.
quia verba ejus non sunt audita b Nem-
pe vox aselli, quod Italici verbum est, non
tollitur in caelum, nisi asellus sit aureus,
hoc est dives, quantumvis sit indoctus &
bardus. Nam testibus iisdem: Pauper lo-
cutus est sensatè, & non est datus ei lo-
cus. Dives locutus est, & omnes tacue-
runt, & verbum illius usque ad nubes per-
ducent; oracula loquitur: Pauper locutus
est, & dicunt, Quis est hic? & si offende-
rit, subvertent illum. Hinc demum illud
divitis fastidium erga pauperes: Nam
sicut abominatio est superbo humilitas;
sic & execratio divitis pauper: c omnis
enim res

*Virtus, fama, decus, divina humanaque pulchris
Diritis parent: quas qui construxerit, ille
Clarus erit, fortis, justus, sapiens etiam & rex,
Et quidquid volet ——— d*

q 5 Tan-

a Juvenal. sat. 3. circa med.

b Eccles. c. 9. v. 16.

c Eccli. c. 13. v. 25. & seqq.

d Horat. l. 2. serm. sat. 3.

*Dente timetur aper, defendunt cornua cer-
vum,*

Imbelles dama a quid nisi prada sumus?
Tondere pecus non deglubere oportere;
hi autem ferarum ritu & pellem diri-
piunt, & ossa comminuunt. Sed istud hic
non agimus; hoc unum cum Siracida
monstramus, paupertatem & pauperes
iniquissime prorsus divitibus exosos esse,
cum divites non sint, si desint pauperes.
Siste mihi vel unius pagi dominum: Vnde
huic viro divitiæ, nisi à pauperibus pagi
incolis? Tolle mapalia rusticorum & hor-
rea, & hic dominus non erit dominus, sed
ut ii, à quibus accipit, mendicus. Exami-
na mihi priscorum dictum, an non ve-
rum sit: Pauperes plus diviti dant, quàm
ab illo accipiant. Ita prorsus pascua divi-
tum sunt pauperes.

Argentum & aurum sunt duo magna
mundi luminaria. *b* Argentum luminare
minus, luminare majus aurum est. Solem
olim & lunam adorabant Aegyptii, Persæ
& Græci: argentum & aurum jam nemo
non adorat. Hac illa duo sunt luminaria,
quæ non clarum duntaxat, sed & formo-
sum, sed & sapientem, probum potissi-
mum & sanctum efficiunt.

*Scilicet uxorem cum dote, fidemque &
amicos,*

*Et genus & formam regina pecunia do-
nat. c.*

Qui
a Ita eas. *Martialis appellat epigramma-
tum l. 4. epigramm. 74.*

b Vide c. 1. Genes. v. 16.

c Horat. l. 1. epistol. epist. 6. ad Numicium.

batur ille, iste sitiebat. Ille laboraverat in finem, vivet in æternum: iste vixerat in finem, laborabit in æternum. *a*

Hæ Christi leges sunt: illi qui hic volunt habere vitam, vivent in finem, & laborabunt in æternum, ii qui hic laborant, in finem laborabunt, & vivent in æternum.

a Auguft. tom. 8. in Psalm. 48. medio fere, mihi pag. 183.

S. III.

Vere nunc laborant pauperes. Paupertas febris est continua, quam hecticam appellant. Ita Sophocli visum, qui egestatis molestias expendens: At mihi, ait nullus videtur, quia pauper sit, vacare morbo, sed agrotare perpetim. Cum enim pauperes assiduus labor urgeat, jam æstuant, jam algent, ita semper feбриunt, hinc amaræ sæpe sorbitiunculas coguntur sumere: pauper ubique jacet. Hinc rapacium, avarorum, aliena invadentium, innocentes opprimantium adagio est: Quantum habebis, tantus eris. *a*

Hoc divus Iacobus graphice ponens ob oculos: Si introierit in conventum vestrum, inquit, vir aureum annulum habens in veste candida: introierit autem & pauper in sordido habitu, & intendatis in eum, qui indutus est veste præclara, & dixeritis ei: Tu sede hic bene: pauperi autem dicatis: Tu sta illic, aut sede sub scabello pedum meorum: nonne facti estis iudices cogitationum iniquarum? *b* Quæ cogitationes istæ? Hæ sunt: Opes ad omnia conducunt,

a Aug. in Ps. 51. post. med. b Iac. 2, v. 2, 3, 4.

Tanti est pauper, quanti est census quem habet: cum ergo parum aut nihil habeat, nihil erit. Id oculi satis loquuntur. Adest pauper ad caussidici, ad iudicis fores, & causam suam audiri rogat: jubetur expectare. Quamdiu? dies, hebdomades, menses totos, nonnunquam & annos. Adest dives: jubetur mox ingredi; auditur quàm primum. Hoc solum? lite pauper plerumque cadit, evincit dives: Siquidem, quod Ecclesiastes dixit, Pecuniar obediunt omnia. *a* Hæc divitis, hæc & pauperis fors est in rebus pæne omnibus; illum extollit, hunc dejicit.

In pretio pretium nunc est, dat census honores,

Census amicitias, pauper ubique jacet. b

Sed non jacebit semper: stabit olim jacente & ardente divite. Eleganter & acute de opulenti Augustinus in illud Psalmi. Laborabit in æternum, & vivet in finem: Labor ejus sine fine erit, vita ipsius habebit finem. Pauperes nostri cum viderint divites in epulis quotidianis, in splendore & nitore auri & argenti, quid dicunt? Isti vere vivunt. Vivat; finietur vita, labor non finietur. Quo modo vivebat ille, qui induebatur purpura & bysso, & epulabatur quotidie splendide, & jacentem ulcerosum tumidus contemnebat. Mutaverunt vices ambo: ille à janua divitis sublevatus est in Abraham sinum; ille ab epulis splendidis missus est in flammam, ille quiescebat, ille ardebat; satia-

batur

a Eccles. c. 10. v. 19.

b Ovid. l. 1. Fastor.

ita sit quæritur. Eo quodque laudatur, quod illi proprium est. Ergo in homine quoque nihil ad rem pertinet, quantum areret, quantum feneret, à quàm multis saluaretur, quàm pretioso incumbat lecto, quàm pellucido bibat poculo, sed quàm bonus sit. *a*

Stultus est, qui equum empturus, non ipsum inspicit, sed ejus stratum, phaleras, frenum attendit: sic est, qui hominem è veste aut conditione putat æstimandum. In homine laudandum est, quod ipsius est. Et si familiam habeat formosam & domum pulchram, & arcam bene nummatam, nihil horum in ipso est, sed circa ipsum. Lauda in ipso, quod hominis proprium est, quod eripi non potest. Nemo nascitur dives: quisquis in lucem exiit, jussus est lacte & panno esse contentus: ab his initiis nos regna non capiunt.

Doctissimus Judæorum Philo, in illud Exodi: Non facietis deos argenteos, nec deos aureos facietis vobis. *b* Videtur mihi subesse hic, inquit, & aliud præceptum utile moribus, avaros valde arguens, undecunque argentum & aurum sibi quærentes, & acquisitum tantquam Numen recondentes in penetralibus, totam suam felicitatem acceptam illi ferendo. Quin & illos reprehendens, qui cum non possint proprias divitias colere, quòd his careant, alienas mirantur, non minus avari, quàm illi priores: quos adoraturi manè ad ædes eorum tanquam ad sanctissima templa

a Sen. epist. 76. ante med.

cur-

b Philo l. 1. de monarchiâ, mihi pag. 628.

cunt, inopia omnibus exosa, ergo inops opulento cedat. Deinde, dives juvare, commendare, extollere, ditare me potest, non pauper: illum ergo colam, non istum. Tertio, sui contemptum dives ulcisci potest, non pauper: illius igitur metuenda offensio, non hujus. Quarto, quid expectem à paupere? Igitur vale, mi pauper: tu dives salve. Quinto, & oneri pauper & dedecori esse solet perpetua mendicatio: dives honori est, & commodo: hunc ergo sequor, illum fugio. En cogitationes iniquas, en ratiocinationes falsissimas.

Epictetus eas insigniter refellens: Orationes hæ, inquit, non coherant: Ego sum te locupletior, ergo sum te melior: Ego sum te eloquentior, ergo sum te praestantior. At illæ magis coherant: Ego sum ditior, mea ergo pecunia tuæ præstat. Ego sum te eloquentior, mea ergo dictio tuam excellit. Tu vero nec pecunia es, nec dictio. ^a Totus in hanc sententiam Seneca concedens: Navis, inquit, bona dicitur, non quæ pretiosis coloribus picta est, nec cui argenteum & aureum rostrum est, sed stabilis, & firma, & juncturis aquam excludentibus spissa, ad ferendum incursum maris solida, gubernaculo parens, velox & consentiens vento. Gladium bonum dices, nec cui deauratus est baltheus, nec cui vagina gemmis distinguitur, sed cui ad secandum subtilies acies, & macro munimentum omne rupturus. Regula non quàm formosa, sed quàm re-

cta sit

gnanti. a Plurimis parasse divitias, non finis miserarium fuit, sed mutatio. Hoc ipsum confirmatius asserens: In paupertate, ait, nil mali esse intelligit, quisquis modo nondum pervenit in insaniam omnia subvertentis avaritiæ atque luxuriæ. Quantum est enim, quod in tutelam hominis necessarium sit? & cui deesse hoc potest, ullam modo virtutem habenti? b Sed nec ulli paupertas dedecori est. Minutius Felix verissimè. Quod plerique, ait, pauperes dicimur, non est infamia nostra, sed gloria; nec pauper est, qui non eget, qui non inhiat alieno, qui Deo dives est. c Paupertas nullis invitis ac recusantibus non gravis & indecora, Et ille verè pauper est, qui nescit paupertatem ferre. Non malum est pauperem esse, sed noluisse. Enim vero tam non solum pretiosa, sed & formosa visa est priscis sapientibus Paupertas, ut Rex Macedo pæne orbis dominus dixerit: Si Alexander non essem, Diogenes esse vellem. d Dolio quoque parum integro Cynicus iste philosophus pro domo usus est; suppellex domus illius vile poculum fuit. Sed cum Diogenes rusticum cavis manibus bibentem vidisset, seipsum superflua suppellectilis damnans, poculum quoque abiecit tam rerum omnium egenus, quàm omnium dominus. Omne tulisset punctum hic paupertatis cultus, modo causam habuisset meliorem.

At

a 3. Sen. epist. 123. seu peruli. sine. b Idem Consulat. ad Helv. c. 10. c Minut in Octavio. d Plutarch, orat. 1. de fortuna Alexandri.

curfant, bona petituri ab his quasi Nominibus. ^a

Hebraus rex Salomon è puro puto auro fusiles sex gradus fecit, ad regale solium conscendendum. Atque ut Regum famuloquantur: Non est factum tale opus in universis regnis; ^b si pretium simul & aspectetur. Quamvis & alios reges, et maxime, quibus argentum & aurum fuerat vernaculum, ex argento & auro fecisset alas memoria proditum sit. Solium speramus in calo sublime, deliciis plenum, in omnem æternitatem stabile. Ad hoc tantissimè itur per argenteos & aureos gradus, sed calcatos. Qui aurum & argentum non pectore gestat, sed pedibus calcatur ad veram Paupertatis leges, is securissimus ad illud excelsum caeleste solium pertinget. Beati pauperes.

Ut autem veras Paupertatis divitias exactius inspiciamus, eas ordine sub aspectum ponam. Hoc agam, ut quantum bonum sub Paupertatis sordido palliolo lateat, nemini non perspectum sit. Per cetera capitabo, & compendio rem summam complectar.

^a Philo. l. I. de monaribus initio, mihi pag. 628.

^b 3. Reg. c. 10. v. 21.

§. IV.

I. *Paupertas nil mali habet.* Hic vulgi sensus est, nescio quid mali paupertate abditum latere. Error est, & falsissima calumnia. Romanus sapiens luculente: Paupertas, inquit, nulli malum est, nisi repugnantibus.

tate esse aut vitium arbitrati essent maximi viri, non Publicolæ, non Menenio funeris sumptus defuisset, non Curius aurum Samnitium, non Fabius, quod Pyrrhus dabat, recusasset. Peperit continentia illa Romanorum Imperium, luxus & avaritia perdiderunt.

II. *Pauperas lata est & hilaris.* Is, quem paullo ante laudavi, illustrissimus testis; Si vis scire, inquit, quam nihil in paupertate mali sit, compara inter se pauperum & divitum vultus. Sapius pauper & fidelius ridet: nulla sollicitudo in alto a est: etiam si, qua incidit cura, velut nubes levis transit. Horum, qui felices vocantur, hilaritas ficta est, aut gravis, & suppurata tristitia: & quidem gravior, quia interdum non licet palam esse miseros, sed inter ærumnas cor ipsum exedentes necesse est agere felicem, *b*

— Bene paupertas

Humili recto contestata latet;

Quatiunt alta saepe procella. *c*

Liceat hic paullo prolixius sinceram Paupertatis latitiam sub aspectum ponere.

Fuit urbis primas, qui è regione fabri ferrarii habuit. Faber summo manè & antelucio incudem urgere, malleum rotare, ferrum tractare, tundere, limare, lavigare, interea, una cum servis latissimus esse, ridere sæpissime, cantillare assidue. Contra summas ille secum serio putare,

r

ecquid

a In imo & profundo pectore.

b Seneca ep. 80. post med.

c Seneca Thyestes.

At in his videre est , quàm pulchra sit virtus ipsa, cujus vel umbra tantum habet pulchritudinis. Hinc plurimi Philosophia sectatores , nec obscuri nominis , usque adeò divitias contempserunt, ut non modo aliunde oblatas non admiserint , sed eas etiam quas à parentibus jure habuissent, sponte publicarint. Inter hos Democritus Abderites nihil demum præter ingenium possedit. Vnde aliis quidem pauper videri potuit , sibi revera ditissimus fuit.

Nec tantum in Philosophorum scholis hæc virtus hæsit : maximos belli duces (quod alioqui rarissimum) sui amore implevit.

Phocion Atheniensis inter maximos Imperatores numerandus, usque adeò divitias sprexit, ut grande auri pondus, quod Alexander domo miserat, pertinaciter repudiavit, testatus se non egere auro regis. Hinc inter Græciæ sapientes diu de hoc viro quæsitum, majorne Alexander esset an Phocion , qui aurum Alexandri contempserat.

Non imparem vir iste seque dignatus est conjugem. Huic cum matrona nobilissima è suis cimeliis torques , annulos, monilia , ceteraque muliebris munera ornamenta monstrasset: modeste Phocionis conjux subridens: At meus, inquit, ornatus non talis ; ab auro & gemmis pauper est ; sed Phocion me ornat jam vicarius Atheniensium Imperator.

Iam verò si malum ullum in Paupertate est

convenire putas? Sane, ait faber nam divitem, qui serio rideat, raro videas: curis ille, uti vermiculis caseus, canis pulicibus, pediculis mendiculus, usque & usque fatigatur, obsidetur, corroditur. Tacet ad hac dives; domum redit, sibi que de inventa tandem veritate gratulatur: die postero ad eandem officinam redit, resalutat, colloquitur; dumque hominem labori maxime intentum putat, marsupium, quod numis turgidum adferebat, occulta & lenta manu juxta sedentis scamnum in terram submittit, sic denuum domum repetit. Mane deinceps faber, dum ad luculentum focum sudat, casu crumenam cernit aurea moneta pragnante in. Expavit primo auri aspectu, ut qui ferrum tantum tueri didicisset hactenus: dubitat, unde aurea illa fortuna in illas sese latebras insinuasset, dein & cum uxore deliberat, qui faciendum tam inexpectato fortunio, in quos usus tantum auri erogandum. Ita varias in curas, Suffetii instar, faber iste distrahitur, atque animum nunc huc celerem, nunc dividit illuc,

*In partesque rapit varias, perque omnia
versat. a*

Sed & metus alternantem subit, ne forsan per hanc fortunam, si illa patefiat, devolvatur in magnum infortunium. *b* Atque ita dum has curas coquit sub animo, solitarum cantionum obliviscitur, & jam

r 2 aliquo-

a Virgil. 4. Aeneid. ante medium.

b Es dürfte ihn wol G. Betsin bescheyssen. Auctoris verba.

ecquid tandem id causæ esset, quod ipse, divitiis cum abundaret, deliciis afflueret, honoribus excelleret, raro tamen latus esset, rarius rideret; ille vero è Vulcani profapia sterops in tanta egestate sapius & sincerius rideret, cachinnaretur etiam, & risu diffunderet; in tantis porro laboribus cantitaret perpetim, in tanta cibo somni- que parsimonia nunquam non hilaris esset, nulla sollicitudine concuteretur, quem & curæ velut nubes transirent. Quare fabrum hunc tacito suffragio beatiorum iudicavit seipso hominisque adeundi & colloquendi quæsit oportunitatem. Igitur in opus certum manus illius conducturus, ipse lemniam officinam adit, adstat, sermones varios miscet. Faber brevia responsa cantiunculis subinde distinxit. Quærit tandem otiosus ille stator, ecquid posset totos soles ita latus, ita & musicus transigere? Cui faber: Mi domine, inquit nulla mihi cura curæ est, præter meum hunc laborem, quo ubi defungor, mercedem recipio; die festo me vino plusculum invito: cetera omnia Deo Divisque committo. Et quia ego opes nullas habeo quas augeam, nullas etiam habeo quas perdam. Ita nec bella metuo, nec fures, nec latrocinia: panis meus à muribus tutus est: opes meæ nec naufragia timent nec incendia: ego, conjux, liberi, ferro lanaeque vivimus. Ergone, ait dives ille, Plutum & lætitiā in conjugium non possis conve-

o Gab ihm turke antwort/vnd sang bald
wider ein Gsätzlein drien. y erba Auctoris

ma. Iam notum illud: Paupertas non tantum excolit, sed & excogitat artes. Non erravit Diogenes, qui Paupertatem grande ad Philosophiam esse praesidium dixit. Orbem obi, & vix ullos divites serio doctos reperies. Ubi imperant divitiae, ibi plerumque exulant litterae. Ipsi jam infantes & pueri in scholis hoc ignaviae suae mantelum habent: Non studemus, inquit, farinae. a Aulas & curias obi, & videtis, doctissimum quemque fuisse olim pauperem; ingenio & industria emeruisse. Optime sensit Themistocles, qui maluit virum pecuniis indigentem, quam pecunias viro. Philosophiae nutrix, scientiarum & artium mater Paupertas. Optime dixit Romanus scriptor: Potest consolar pauperes Atrilius, sed multo magis docere locupletes, quam non sit necessaria solidae laudis cupidini, anxia divitiarum comparatio. b

a Dörffen uns nie nähren mit Studiren; begehren nicht Doctor zu werden. D ja/ so bleibt halt ungeschickte Dölpel.

b De Atilio Colatino Valerius Max. l. 4. cap. 4.

§. V.

V. *Paupertas dives est.* Paradoxum hoc videatur non nemini; sed istud ad veri regulam examinemus, & suae assertioni color stabit. Verissime dixit Annæus: Cui cum Paupertate bene convenit, dives est. Non qui parum habet, sed qui plus cupit, pauper est. Quid enim refert, quan-

aliquid dies consueta symphonia à vicino non est audita; dixisses elinguem aut nuntum redditum, instar ranæ, quæ certo anni decursu conticescunt. Dives ad fabrum redit, reperitque hominem cogitationibus & curis immersum, sepultumque, subindeque etiam alte ingemiscentem. Quærit tandem, quid id esset contra morem morosior, magisque tetricus? Subitum, inquit, fortunium afflixeritne an beati, nondum satis dispicio. Et me, inquit optimas, subitum infortunium mactavit: peram perdidisti plenam auro. Et hanc ipsam, ait faber, in officina mea, aut huic simillimam reperi, nec scivi anxius & anceps quid illa agerem, & cum dicto in manus domini restituit, & protinus vocem recepit, cantavitque, ut ante liberrime; meruitque tam sincera fides ut marsupium suum primas nonnihil depleret apud tam candidum in tanta fuligine fabrum. *a* Nemo jam miretur Anacreontem Philosophum, qui post acceptum à Polycrate Samiorum tyranno pecuniarium munus tres noctes insomnis egit, ideoque pecuniam retulit, cum dicto: Pecunia malo quam somno carere. *b* O mortales quid indigesto per acervos auro, quid avaris fertilium annorum curis confiditis, futuri beatiore, quo paucioribus contenti? Lata est Paupertas & sincere hilatis.

III. *Paupertas scientiis & artibus aptissima.*

a D. Guarinonius l. 2. de abominand. humanæ gentis c. 5. fine.

b Guicciardin. in horis Relaxat. pag. 216.

Ergo verissime dictum: Nunquam parum est, quod satis est; nunquam multum, quod satis non est. Et certè si Chrysostomo credimus: Avarus dives à paupere tantum differt curis, neglectu Dei, corporis iniquatione, & animi perditione: Nam ventrem aque uterque satiat. *a* Fames non est ambitiosa; contenta est desinare; quo desinat, non nimis curat. Hæc tormenta sunt luxuriæ: quærit illa quomodo post saturitatem quoque esuriat; quomodo non impleat ventrem, sed faciat; quomodo sitim prima portione sedatam revocet. *b* Si non nisi dominicum panem, & fartilem caponem in cibum admittis, sanè non usuris. Sed neque sitis, si pertinere ad te judicas quàm eleganti manu, aut quàm perlucido poculo vinum tibi ministretur. Fami & siti panis etiam cibarius & aqua medentur. Si ad naturam vivas, nunquam eris pauper. Quisquis se ad id, quod natura exigit, composuit, non tantum extra sensum est paupertatis, sed extra metum. Pecunia sola non facit divitem; imo contra, nulli non majorem sui cupiditatem incutit. Vis fugere Paupertatem? exue cupiditatem. Non invenisti Beda: Pauper in cella, dives in conscientia, securior dormit in terra, quàm auro dives in purpura. *c*

V. *Paupertas sanitatis mater.* Optimè dixerunt veteres: Pauperi ut ægrotet,

r 4

HOM

a Chrysost. hom. 40. in epist. 1. ad Cor.

b Sen. epist. 119. med.

c Beda in 2. ad Corinth.

tum illi in arca, quantum in horreis jaceat, quantum pascat, quantum feneret, si non acquisita sed acquirenda computat? Quis sit divitiarum modus, quæris? Primus, habere quod necesse est: *a* proximus, quod sat est. *b* Cui quod satis est, satis non est, nihil ei satis erit. *c*

De Concionatore divissimo verba faciens Augustinus: Nunquid ipse Paulus, inquit, non habebat divitias? Habebat plane. Quas divitias? De quibus dicit alio loco scriptura: Fideli homini Mundus totus divitiarum est, Audi & ipsum confitentem: Tanquam nihil habentes, & omnia possidentes. *c* Qui vult ergo esse dives, non habeat parti, & totum possidebit: illi inhæreat, qui totum creavit. *e*

Lydwina virgo non solum ipsos triginta octo annos ægrota, *f* sed etiam pauperissima pauperiem ejus miserantibus dicere solebat: Satis abundat, qui eo, quod habet, contentus est. Et si mihi cum hominibus communes non sunt divitiæ & deliciae, sunt tamen cum multis communes paupertas & miseria, quibus ego abundans Deo gratias ago, & conquiesco. *g*

Ergo

a Quantum scilicet natura requirit, ut possis vivere.

b Ut commode possis vivere.

c Seneca epist. 2. fine.

d 2. Cor. c. 6. v. 10.

e Aug. in Ps. 48. post init. mihi pag. 181.

f Vide Prodromum meum c. 2. §. 49.

g Ioan. Brugman in vita ipsius. Lippellotom. 2. 14. Aprilis.

Quod Chrysostomus è cathedra sapius inculcans: Satietas, inquit, tum corporis robur, tum animi minuit fortitudinem. Neque ita fluvialium fluctuum vis ripas excedere *a* & convellere solet, ut deliciae lasciviaque bonam valetudinem, & vires omnes facile subtrahit.

Quod si Medicos interrogaveris, omnium prope morborum causas inde ortas invenies. Vilis, & tenuis, & simplex mensa (*qualis est pauperum*) bonae valetudinis mater est, ita eam Medici appellarunt: & non ad satietatem crapulari, sed sobrie vesci, sanitatem & sanitatis parentem; contra satietatem morborum ipsa medica arte incurabilium causam dixerunt. Quod perspicuum est. Siquidem pedum, capitis, oculorum, manuum aegritudines, paralyfis, hydropisis, icteros, febres longae & acutae, & plures id genus morbi, neque enim vacat in praesentia omnes enumerare, non ex modico & temperato victu, sed voracitate & crapula ingenerantur. *b*

His confirmandis: An non videtis quotidie, inquit, ex sumptuosis mensis & immodica ingluvie, infinita morborum genera induci? unde podagra? unde capitis dolores? unde corruptorum humorum abundantia? unde innumeri alii morbi? nonne ab intemperantia & largiore vini ingurgitatione? *c*

r 5

Ab

a Fors, excedere.

b Chrys.to. 3. hom. 21. in c. 2. Ioan. m. p. 91.

c Idem tom. 1. hom. 10. in c. 1. Gen. m. p. 51.

non est otium. Divites vix unquam è toto sani sunt. Nec mirum. Cum pace vestra, ô divites, dicam vobis, unde tot morbi vos infestent. Nimius somnus, nimius cibus, nimius potus, & otium, hæ morborum sunt origines, hæc seminaria continuæ invaletudinis. Medicorum scitum est: *Somnus humectat.* Quando jam adeo liberaliter & in multam lucem dormitur, corpora nimis fluida, & humoribus malignis obnoxia redduntur. Taceo alia somni prolixioris damna, Medicis non ignota. De cibo potuque nimio res longe certissima est. Et Siracides apertissime pronuntiat: In multis escis erit infirmitas.^a De otio jam pridem omnis Medicorum senatus statuit: *Vbi laboris & exercitationis defectus, ibi copia morborum.* At verò divites plerumque multum vorant, parum aut nihil laborant, hinc necessario sæpius ægrotant. In egenorum ædibus vix semel iterumque per annum ridet benignior Phœbus, & mensa struictior invitat. Et quamvis tunc pauperes plus æquò ingerant, & obbibant largius, id omne tamen postero die laboribus discutitur; non est illis otium, ut ægrotent. Vide ferrarios & lignarios fabros, vide sectores, cœmētarios, viectores, aliosq; mechanicos opifices, qui vix unquam ægrotant; at vero pane semper opulenti. Et nunquid non ipsi quosdā novimus, qui ubi divitias perdiderunt, è divitum albo in mendicorum numerum transcripti, simul & sævam arthritidē aut podagram infestam felicissime amiserunt?

^a Eccli. c. 37. v. 33.

effatum illud est: Compendiosa legum observatio, Paupertas. Sed multo amplioribus titulis nec iis inanibus, gaudet hac virtus de qua differimus. Prisci sapientes, ut merita prorsus, sed tamen succincta laude Paupertatem afficerent, hoc illi scripserunt elogium: *Magistra merum & consanguinea virtutum Paupertas*. Paupertas omnigenas virtutes docet, maxime tamen mansuetudinem & patientiam. Pauperum mansuetudini in testem se offerens Salomon: Cum obsecrationibus, inquit, loquitur pauper, & dives effabitur rigide. *a* Addit: Melior est pauper, qui ambulat in simplicitate sua, quam dives torquens labia sua, & insipiens. Patientiæ magistræ esse paupertatem, res testatissima. Christus suos animans: Beati eritis, inquit, cum vos maledixerint homines, & persecuti vos fuerint. *b* Sed quo clypeo, Domine, tuos munis ad injurias omnes tolerandas? nec enim illis æneum corpus, nec ferrea genua, nec adamantinum pectus est? In patientia vestra, inquit, possidebitis animas vestras. *c* Sit ita, sed quo pacto tam patientes erunt?

Si discant esse pauperes:

Cantabit vacuus coram latrone viator. *d*

Unde, obsecro, tam læta tot Martyrum patientia? Rapinam bonorum suorum, ut divus Paulus loquitur, cum gaudio suscepe-

a Prov. c. 18. f. & c. 19. v. 1.

b Matth. c. 5. v. 11. *c* Luc. c. 21. v. 19.

d Juvenal. sat. 10. v. 22.

Ab hoc malo egenorum hominum plurimi plane immunes sunt, cum anno toto non plus vini gustent, quam quantum Cereri libabatur, cui nefas vino facere: In ditiorum ædibus plus vini effunditur, quam multi pauperum aliquot annis videant.

Nihilominus valetudo in patiperrimorum quorumque tuguriis & casis suavius habitat, quam in opulentis domibus. Et quamvis opulenti homines tota pæne pharmacopolia exhauriant, nihilo tamen saniores sunt, quam quibus fames est familiarissima, qui plerumque non magis pharmaco quam vino utuntur. Plerumque nemo minus sanus est, quam qui continuo pharmacorum usu fulcire vult sanitatem. Sanitatis mater Paupertas.

§. VI.

VI. Paupertas virtutum nobile gymnasium. Ad bene beateque vivendum longe aptior Paupertas quam large affluentisque divitiæ. Id cum ipse vitæ usus facile demonstrat, tum sapientium virorum documenta, qui neque habuerunt quidquam, nec habere voluerunt: vel quia id tutius sit ad securitatem, vel quod ad virtutem aptius.

Audacter dixit Seneca & vere: Si vis vacare animo, aut pauper sis oportet, aut pauperi similis. Non potest studium salutare fieri sine frugalitatis cura. *a* Tanto rectius sensisse credendus Diogenes, cujus

effatum

a Sen. epist. 17. med.

Sed objicias : Paupertas multis in vitia præcipitium fuit. Multarum castitas in tuto fuisset, nisi eam prodidisset paupertas. Ut famem vincant, pudicitiam vendunt. Nihil evincis vane argutator, hoc enim non paupertatis vitium, sed pauperum, eorum maxime, quibus male convenit cum paupertate, qui otiosi malunt quam non esurire. Sed & illud veterum nostri :

Plus opum causâ delinquant divites quam pauperes. a

Certissimum est, divitias longe pluribus ad vitia monstrare viam, quam egestatem. Nec fere dubium illud, è centum divitibus vix unum vitæ integræ reperiri; contrarium exhibet Paupertas, quæ centum suorum sistit, inter quos vix unus improbæ vitæ sit immixtus.

Iter fecerat sanctus Antoninus Florentinorum Archiepiscopus, cum in viam miram conspicatus est. Vile tugurium transeunti se objecerat, in cujus templo Angeli spectabili forma se visendos præbuerunt Antonino. Hanc domum omnino sibi lustrandam censuit vir sanctus. Ita ingressus, viduam & tres una filias reperit; omnes veste lacera & nudis pedibus instabant operi. Hic animus Antonini, ut solebat, totus in miserationem liquescere, & de largiore stipe cogitare, prius tamen in pauperrimæ illius familiæ mores inquirere; ubi è vicinis intellexit honestas & oppido laboriosas esse virgines;

sceperunt : *a* Qui didicit opes contem-
 nere, jam novit calamitates perferre. Co-
 stissimus Iosephus, ut pudicitiam retine-
 ret, pallium dimisit : Christianus animus
 pecuniam mavult perdere quam patien-
 tiam. Et quemadmodum is, qui cum
 tauro in Circo componitur, *b* hoc labo-
 rat, ut pallio in bestia caput objecto pri-
 mum oculos expugnet, charior enim illi
 est vita quam pallium : ita qui contra dia-
 bolum luctatur, oninium primo suum si-
 bi pallium detrahit, divitias spernit : hinc
 hilaris patientia, hinc facilis pugna, hinc
 illustris victoria.

Tres Hebræi juvenes, quod statuam
 auream, quam Nabuchodonosor crexe-
 rat, prono corpore venerari nolissent, in
 accensum rogi præcipitati sunt. Tanta
 autem familiarem sibi habuerunt ignem,
 ut non tantum non corpora, sed nec ves-
 tes, sed nec capillos eorum vel leviter
 ignis libaverit. Eleganter istud, ut solet,
 Chrysostomus *c* explicat hoc sensu : Qui
 auream statuam Mammonæ non odorant,
 qui divitias non desiderant, qui paupertatem
 amant, hi profecto in afflictionum
 flammis tuti sunt ; in patientia sua possi-
 dent animas suas. Patientia pauperum
 non peribit in finem. *d* Sic magistra mor-
 rum, sic consanguinea virtutum est pau-
 pertas.

Sed

a Hebr. c. 10. v. 34.

b In Hispania fieri solet.

c Chrys. hom. 22. ad pop.

d Psal. 9. v. 19.

pertati non tam promittitur, quam datur:
 a Regnum cælorum est ipsorum. Nam
 etsi hæreditatem hanc opulentissimam
 post mortem, prout ceteri beatorum, ad-
 eant, ob maximam tamen illius certitu-
 dinem jam dari, jam data dicitur: Ipso-
 rum est regnum. Attende, quæso, Do-
 mini verba, quam ea Paupertati faveant.
 Nos hominis Hispani, Galli, Poloni ter-
 ram patriam expressuri, recepto more
 dicimus: Est è regno Gallia, è regno Po-
 lonia, è regno Hispania; de solo Philippo
 IV. dicitur, ipsius est regnum Hispania;
 de solo Sigismundo III. recte affirmatur,
 ipsius est regnum Polonia; de solo Ludo-
 vico XIII. asseri potest, ipsius est regnum
 Gallia: b de aliis omnibus etiam Dynastiis
 & Principibus hoc solum licet dicere:
 sunt è regno seu Gallia, seu Polonia, seu
 Hispania. Tantum autem in ea re discri-
 minis est, quantum inter regem & subdi-
 tum. Ut ergo Christus pauperes non esse
 cives solum, sed esse reges cæli ostende-
 ret, non eos esse de regno cælorum, sed
 eorum ut regum, cælorum regnum esse
 pronuntiavit.

Hinc & illud Christus summo pauperum
 honore dixit: Facite vos amicos de mam-
 mona iniquitatis, ut cum defeceritis, re-
 cipiant vos in æterna tabernacula. c

Sed quid ais hic, Domine? ipsine alios
 recepturi sunt in cælum? Hoc quidem tui
 muneris

a Bern. *serm. 4. de Adventu Dom. med.*

b Hi reges in his regnis erant, cum hæc

scriberem. c Luc. c. 16. v. 9.

nes, sed egenas, largissimis eleemosynis subvenit non levanda solum inopia, sed vitæ deinceps commodius instruenda. Post aliquantum temporis illac iterum transcendendum fuit Antonino, cum ecce aliud spectaculum, & priori longè dissimilimum objicitur. Neque jam Angeli, sed daemones testum insidebant. Hoc in inferis prodigium causâ fuit Florentino Pontifici studiosius in eam familiam indagandi. Igitur à vicinis sciscitatus est, qui se gererent viduæ illius filia. Omnium eadem vox erat, sic enim vicini loquebantur: Bonæ virgines largissimis eleemosynis adjunctæ ad otium desistere ceperunt; lanificium negligunt, in veste delicias quarunt, mensam subinde lautiorum instruunt, pietatem minus colunt, templa rarius adeunt; verbo, jam alia sunt, neque amplius cum inopia pugnare, sed otio admissio sectantur vitia. ^a En quales hospites exclusa paupertate domum subeant; sopor, luxus, omne genus vitiorum.

VII. *Paupertas calî domina.* Ex ore Christi res liquet. Beati pauperes spiritu, quoniam ipsorum est regnum cælorum. ^b Ceteris promittitur quidem præmium, sed futurum: *possidebunt terram, consolabuntur, saturabuntur, filii Dei vocabuntur, &c.* At pauperibus velut præsentissimum datur, *Ipsorum est regnum cælorum.* Hinc ausus dicere Bernardus: Pau-

pertati

^a Zach. Lippel. 2. Maii.

^b Matth. c. 5. v. 3.

dra concionatur, & clamat: Filii hominum, ut quid diligitis vanitatem? hic vel ab infante discite divitias, fastum, delicias contemnere. Discite à me, quia pauper sum & humilis corde: pauper sum ego, & in laboribus à juventute mea. Discite cor cælo figere, ambire cælestia.

Rupem induit, qui concionem infantis huius negligit. Quoniam propter nos egenus factus est, cum esset dives, ut illius inopia nos divites essemus. *a* Sedebat in celsio imperii Romani solio Augustus, jacebat in vilissimo Bethlehemi stabulo Christus; at celsior in stabulo Christus, quam in solio Augustus. Atqui ditissimus hic mendicus, infans divinus ideo in orbem venit, ut pauperes divinis suis concionibus ad omnem morum sanctitatem formaret. Testis ipse: Spiritus Domini super me, inquit, propter quod unxit me, evangelizare pauperibus. *b* Atque ut illis amorem paupertatis constantiorem persuaderet, ipse omnium pauperissimus esse voluit. Videte nascentis cunas, videte lectulum morientis; aqua calida nascenti deest, frigida morienti. Reliqua omnis vita inter Paupertatis amplexus acta: Nimirum vulpes foveas, & volucres cæli nidos habebant, non habebat rerum conditor, quo caput reclinaret. *c* Hic ego cum Bernardo voce quam possum contentissima proclamo: AUTISTE

f. B A L L I D.

a Cor. c. 8. v. 9.

b Luc. c. 4. v. 18.

c Matth. c. 8. v. 20.

muneris est; aliorum vero recipi à te. Id sane negari non potest. Verum ad eam pauperes evecti sunt gloriam, ut veluti reges in caeleste regnum eos admittant, quos bene de se meritos agnoverint. Neque vero Christus dixit, ambite Pauperum gratiam, ut, postquam mortui fuerint, recipiant vos illic, quo ipsi ante vos praverint. Non hoc; sed postquam vos defeceritis, ipsi etiamnum superstitēs, ipsi adhuc in terra gementes, & mortis delitōres in regnum introducant immortale. Quid jam amplius egemustestibus? *Paupertas cali domina.* Ambrosii dictum est: Qui contemnit sacularia, merebitur aeterna. Ejus rei veluti causam assignans Augustinus: Est enim, inquit, paupertas regni caelestis primum. *a*

a August. tom. 10. serm. 28. de verbis Apostoli.

S. VII.

VII. *Paupertas Christo charissima.* Hanc enim primo in orbem ingressu tanquam matrem artissime complexus. De quo Bernardus: *a* In calis, inquit, paupertas non inveniebatur: porro in terris abundabat & superabundabat hac species, & nesciebat homo pretium ejus. Hanc itaque Dei filius concupiscens, descendit, ut eam eligat sibi, & nobis quoque sua aestimatione faciat pretiosam. Sic nascens Christus è præsepi velut è cathe-

a Bern. serm. 1. in Vigilia Nativit. Dom. sine.

Ergo, mi Deus, cum pauperum curam
 vix ullus habeat, tibi derelictus est pau-
 per. Artifex suæ arti fidit, sapientiæ suæ
 sapiens, suis divitiis dives, viribus suis ro-
 bustus, formæ suæ formosus. Sunt, qui
 amicis fidant & gratiæ: neminem habet,
 cui fidat pauper, nisi tibi, ô Deus. cui
 derelictus est. Tu tibi derelictum cura-
 bis, nam revera Tibi, tuæ curæ ac provi-
 dentia, tuæ bonitati ac sapientiæ, tuæ
 misericordiæ atque omnipotentia dere-
 lictus est ab omnibus.

Infantem considera desertissimum à
 natura: nescit se vivere, nec se induere;
 nec cibum capere, sed nec petere potest.
 At mater præstat illi omnia; mater admo-
 vens ubera, cibum & potum una porrigit;
 mater induit, ab æstu & frigore defendit;
 in lectulum reponit, blanditiis sopit, dor-
 mienti canit, cunas movet, plorantem
 mulcet, ridenti arridet, ægrotanti dies no-
 ctesque affidet, jugi vigilantia, summa
 cura. Talis in pauperes mater est Deus,
 hæc illis omnia, & fidelius quam ulla
 mater infanti exhibet. Ipse derelictus est
 pauper, ipse illos enutrit, tanto salubrius,
 quanto parcius. Et vero istud pauperibus
 à se præstandum pollicitus: Nunquid ob-
 livisci potest mulier infantem suum, in-
 quit, ut non misereatur filio uteri sui
 Ego tamen non obliviscar tui, a

Videntur Deus & Mundus fortiti, quis
 pauperum, quis divitum haberet curam.
 Hic Mundo fors ea obtigit, ut curas &

fi 2.

cogi-

FALLITUR, AUT MUNDUS ERRAT. ^a Falli non potest Christus paupertatem complexus, ergo errat mundus paupertatis inimicus.

a Bern. *serm. 3. de Natali Christi, med.*

§. VIII.

IX. *Pauperes Deo singulariter commendatissimi*, ut recte dici possint peculium Dei. Idcirco regum maximus ingenti fiducia Deum allocutus: Tibi, ait, *deditus* est pauper, orphano tu eris adiutor. Et tanquam certus hujus in pauperes favoris: Oculi ejus, inquit, in pauperes respiciunt. ^b Rarissimi sunt in orbe, qui pauperum curam gerunt. Nec tacuerunt hoc humanæ gentis vitium Poëtae, qui pauperum sortem varie deplorarunt. Vetus Sætyricus jure sic queritur:

————— *Ultimus autem*

Ærumnae cumulus, quod nudum, & frustra rogantem,

Nemo cibo, nemo hospitio tectoque juvabit. c

Nec Bilbitanus vates hanc erga pauperum inhumanitatem siluit, dum prædixit:

Semper eris pauper, si pauper es, Ameliane,

Dantur opes nullis nunc, nisi divitibus. Abi pauper, abi, abi; exclusissimus es omnium nausea & fastidium es, cui curæ sis, nemo est.

Ergo

a *Tsal. 9. v. 34.* b *Ibid. v. 29.*

c *Juvenal. sat. 3. v. 210.*

d *Martialis l. 5. epigr. 78.*

ficum, & psiathium, *a* seu rude textum
 è juncis cui indormiret. Hoc ille appa-
 ratu, his deliciis vixit, dum in humanis
 fuit. *b* Hoc enim maximum viri studium
 fuit, ab omni re terræ cor abducere. Qua
 quidem re ad divinorum meditationem
 nihil habilis est.

Hilarionem Paupertatis filium dixeris,
 qui matris ingenium habuerit. Hic etiam-
 nam adolescens cum latrones in se gras-
 santes intrepidus excepisset, interrogatus
 est ab eis, quid hominis esset, quod vim
 non formidaret? Nudus, respondit, hæc
 non formidat. Neque vero ullus tam
 pauper vivit, quam natus est. At illi: Vul-
 nera profecto, ajunt, & mortem metues.
 Hæc talia, inquit Hilarion, non timet,
 qui mori paratus est. *c* Fuit & illud in Hi-
 latione sollicitæ Paupertatis argumentum
 singulare. Socius illi fuerat, qui hortuli
 fructus observaret intentius, & conflando
 peculiolo studebat. Hunc loco submovit,
 & res sibi suas habere jussit, ne quid cum
 ejusmodi homine consuetudinis haberet.
 Contagiosos namque censebat eorum
 mores & aliorum contubernio indignos,
 qui pecuniæ studerent.

Paphnutius, *d* quem Cephalam nomi-
 nabant, inopiæ tam amans fuit, ut annis

f 3

octo-

a Ita mattulas suas vocabant Asce-
 ta.

b S. Ephrem in ejus vita c. 3.

c S. Hieron. in vita ipsius c. 7.

d Evodidant.

cogitationes conferret in opulentos, in
Deus pauperes suæ curationis esse voluit.
Illi derelictus est pauper. Iacobus Apo-
stolus hac de re luculenter: Audite, in-
quit, fratres mei dilectissimi; Nonne
Deus elegit pauperes in hoc mundo?
Beatus ergo qui intelligit super egenum
& pauperem. Nil facilius quam videre
pauperes; ubique sunt obvii: Paupertas
pretium intelligere; difficile: arcanum
est, & ignotum Orbi. Paupertas, cla-
vis aurea, sed occulta.

In oculis omnium sunt, qui clave
aurea dexterrime sint usi. Videte Christus
discipulos, veræ sapientiæ cultores,
Magistri optimi exemplum secuti, ni-
hil rerum habuerunt. Pauperes erant, cum
sefe Domino adjunxerunt, sed mox pa-
uperiores facti, aurum & quidquid in
homines pretiosum est, aspernati, et
duntaxat amicti tunica, terram peten-
cium suspirabant. Tenuis rerum faci-
tas erat, sed potestas ingens referen-
cium celo, & obferando ad arbitrium: sic
regnum inferorum piscatoribus ad-
tum parebat.

Hos multa millia hominum diversi
dinis & sexus secuti.

a *Iac. c. 2. v. 5.*

§. IX.

Abrahami Anachoretæ omnis super
fuit, catinum, a vestis cilicina, sagum
ficu

a Zugleich ein schüssel und ein
her.

Nos nequiores, mox duros

Progeniorem vitiosorem. a

Exurgamus ergo animis, & neglectu Paupertatis debilitatos spiritus pristini temporis memoria recreemus.

Sed prioribus illis accensendus Ephrem, imago Paupertatis, qui testamentarias tabellas scripsit his verbis: Nec crumena mihi, nec baculus, nec pera fuit. Nunquam aurum aut argentum, aut aliam rem ullam possedi. Nam bonum regem ad suos discipulos in Euangelio dicentem audiui: Nihil in terra possederitis. Quamobrem nulla me rerum ejusmodi cepit cupiditas. b

Sed nimii sit laboris, omnia solitudinis antra excutere, & sanctissimos quosque viros simul & pauperrimos inde in publicum educere. Franciscus Assisias tanto affectu in paupertatem arsit, ut eam vis quisquam arctius complexus fuerit, diligentius foverit, sanctius custodiverit. Hic invito & reclamante patre, convicia insuper ingerente, inopiam omnibus Orbis thesauris prætulit, nudus nudum Christum secuturus. Cumque paternis bonis sponte renuntiasset: Jam demum, inquit, animo hilari & serio precari potero: Pater noster qui es in calis. Nimirum laudis loco posuit Franciscus, quod pauper esset; ignominia & probro sibi ipsi daturus, si quenquam se pauperiorem nactus esset. Felix Paupertas quæ unius

f 4

ductu

a Horat. l. 3. carm. oda 4. ad Rom. &c. fine.

b Gregor. Nyssen, in vita S. Ephrem.

octoginta nunquam duas simul tunicas habuerit. ^a

Illud priscae Paupertatis specimen nobilissimum non tacendum. Ad Abbatem Joannem de Petra viri duo religiosi venerant Moschus & Sophronius, & ad mores sanctius componendos documentum rogarant. Quibus optimus senex. Amate, inquit, nuditatem rerum omnium & continentiam. Atque ut effici sui rationem redderet, subjunxit: Mille credite, rem pane incredibilem narramus. Cum ego adolescens in Scithi degerem quidam è senibus splene laboravit. Ubi huic malo medicina fieret, modicum aceti in quatuor ejus loci monasteria quæsitum, & nihil inventum est, cum tamen in iis cœnobiis ter mille & quingenti monachi habitarent. ^b Ex hoc uno ætissimæ paupertatis specimine de alia conjecturam facere licebit. Si nihil in amplissimis quatuor monasteriis fuit aceti, quid putandum est fuisse vini, quid aromatum, quid butyri aut olei; quid porro carniū aut piscium? En veterem frugalitatem. Ah quantum ab his moribus divertunt nostri! vix aliquam paupertatis umbram retinuimus: reviviscant hi prisca patres, & posteros suos immodicus luxus accusabunt.

Damnosa quid non imminuit dies?

Ætas parentum pejor avis, tulit

^a Palladius c. 91. Heracides in suo paradiso c. 35.

^b Ioan. Moschus in Sophronio. c. 113.

& viri penuriam miserata furtim pecuniam in ejus domuncula deposuit. Hanc tibi Ephestion vidit, mox aurum ad dominam suam redire jussit. Cum vero dives femina redeuntem ad se pecuniam nullo modo admitteret, Ephestion prompto consilio, quidquid argenti & auri fuerat, in flumen abjecit, maluitque natare aurum, quam vendere paupertatis cultum. *a*

Spiridionem, virum cælo notissimum, evocarat ad se Constantius Imperator morbo pressus, siquidem speraverat per viri sanctitatem, valetudinem sibi pristinam restituendam. Restituta est. Hostimenti loco magna vis auri oblata. At Spiridion severo vultu: Non sic oportet, ô Imperator, inquit, amicitiam odio remitti. Ego ut tibi parerem, longum & asperum iter suscepi; tu mihi jam aurum reddis, malorum omnium causam. *b*

a Surius tom. 1. in vita S. Melanie.

b Sur. tom. 6. in vita Spiridionis.

S. X.

Verum enim vero nulla unquam femina tam sitiens auri extitit, quantumvis avarissima esset, quam amans voluntariæ paupertatis fuit illustrissimum illud feminarum sidus Elisabetha. Hæc cum regiis adhuc fortunis fulgeret, inter ancillas ad mendicantium morem sese composuit, vestem nativi coloris, rustici textus habuit; victum sibi suis ipsa manibus paravit lanificio, Marchionis conjux, regis

ductu tantum profecit, ut pane jam plures sint qui eam sponte colant, quam qui divitias adorant.

Sed non tacendus mihi Paulinus Præsul Nolanus, vir à priscis Patribus laudatissimus, quia inter pauperes pauperimus. Alii ut haberent quod pauperibus darent, sua vendiderunt, hic vero vendidit seipsum. Hinc illæ Paulini voces: Domine, non ego propter aurum excrucier: ubi enim sint mea omnia, tu scis. Ibi enim (inquit Augustinus) habebat omnia, ubi eum condere & thesaurizare Christus monuerat. ^a

Nec Paulino multum inferior Gregorius Neocæsarensis Ponti Episcopus, qui hoc posteris de se narrari voluit, quod vivus nullius loci possessor fuerit, & mortuus alieni sepulchri habitator sit. ^c Inter ipsas idololatriæ tenebras aliquid ejusmodi lucis affulsit. Nam Flamini Dialis olim, seu Iovis sacerdoti hederam non modo tangere, sed & nominare nefas fuit, quandoquidem priscis hederæ tenacitatem & adhesionem significabat, ut quæ textili silvula parietibus aut arboribus inferperet. Atqui virum Deo dicatur rebus caducis inescari & adhærescere tupe censebant prisci. Luculentum ejus specimen mox addo.

Ad Ephestionem anachoretam Ægyptium Melania nobilis matrona reviserunt

^a Aug. l. I, de Civit. c. 10.

^b Thaumaturgus.

^c Zach. Lippeloo 17. Novemb.

calorum. *a* Credis hæc, ô pauper, & non exultas? Credis hæc ô dives, & non trepidas? Naufragium regis, & plumbum amplecteris? Quid vanius, eo, qui putat plus valere nummum, quam Deum?

Quid igitur mendicam pauperiem quasi præcipuum generis humani malum diuturnis conviciis laceramus, quæ ut non abundantibus, ita fidis uberibus, Paulos, Antonios, Macarios: hisque paria robora virtus aluit, alitque etiamnum hodie tot hominum religiosorum millia. Thesaurus certissimus patiens Paupertas.

a Matth. c. 19. v. 24.

A C T I O N E S

PAUPER TATIS.

1. Paupertas parsimoniam in rebus etiam minus pretiosis adhibet; neque id divitiarum amore, sed virtutis. Hinc Cassiano teste, gravissime punitus est, & aliorum consortio indignus habitus, qui tria tantum lenticulæ granula cum aqua neglectim effuderat. *a* Nunquam modica spernit Paupertas. Nam facultates etiam magnæ dilabuntur; cum ad exiguas accesserit neglectus. Hinc etiam in minimis laudanda Paupertatis parsimonia.

2. Paupertatis actio est, consortium pauperum non averfari, non fugere, non fastidire, non declinare; parentes & cognatos pauperes non erubescere: imò ubicunque licuerit, pauperibus patrocinari, eos facile ad colloquium admittere, huma-

a Cassian. l. 4. de institut. renunciant. c. 20.

filia. Neque paupertatem tantum, sed & pauperes omnes affectu intimo complexa est: Ideo hunc sibi præcipuum sumpsit laborem, sua omnia in pauperes utraque manu effundere. Nec unquam, dum vixit, lætior fuit Elifabetha, quam cum fortunis omnibus provoluta, jamque inter mendicos censa, hospitium & panem quæssit, tanto similior Christo, quanto in tanta paupertate patientior.

Paupertas prima quidem fronte subtristis ac rigidula, at cum in familiaritatem admittitur, minime sumptuosa, facilis, secunda, ac etiam benigna est. Ut enim resistentibus permolesta, sic ultro eam admittentibus per jucunda est; adversus fures & peiores furibus voluptates pervigil excubatrix; adversus vulgi morsus & insulsa judicia custos optima. Nam prodigalitas & avaritia, plerumque divitum ardes obsident. Si quam domum Paupertas immigravit, jam in ea vix ullus superbæ locus, nec invidiæ, nec gravioribus damnis, nec damnorum expectationi, nec insidiis, nec mille suspicionibus, nec nausea, nec podagra locupletum hospitibus. His exclusis, plus loci erit quieti, plus tranquillitati & virtuti, quanto minus fuerit fortunæ. Sæpe animo etiam reluctanti modestiam persuasit paupertas, quodque philosophia nunquam confecisset, id inopia effectum reddidit. Sententia Christi dilucidissima, immutabilis: Facilius est camelum per foramen acus transire, quam divitem intrare in regnum cælo-

quit, quosdam dies, cum illos jam divitiarum tædium cæpit, quibus humi cecident, & remoto auro argentoque fictilibus utantur. *a.*

*Plerumque grata divitibus vices,
Mundaque parvo sub lare pauperum cena.
Sine aulais & ostro, sollicitam explicuere
frontem. b*

Ergo dispicias tecum ipse, quid sit necessarium, quid supervacuum. Non est autem, quod te nimium laudes, si contempseris aureos lectos, & gemmeam suppellectilem: quæ est enim virtus, supervacua contemnere? tunc te admirare, cum contempseris necessaria. Tunc te admirabor, si non contempseris panem etiam sordidum: si tibi persuaseris herbas, ubi necesse est, non pecori tantum, sed homini nasci. *c*

4. Paupertas vera & Domini JESU imitatrix, non tantum opes contemnit, neque solum superflua abjicit, sed quandoque necessaria etiam sibi subtrahit. Nam quod Albertus Magnus asserit: Ubi plena est necessitas, ibi non est vera Paupertas. Christo & ipsius discipulis panis etiam defuit, cum eos fames docuisset spicas vel lere. Christus in cruce nec frigidam siti, nec asserem vel saxum capiti supponendum habuit.

5. Vera Paupertas non est sollicita nec anxia de cibo, potu, amictu. Habeamus

a Seneca consolatione ad Helviam. c. 12.

b Horatius l. 3. carm. oda 29. ad Mæcen.

c Seneca ep. 110. med.

humaniter cum iis agere, illis bene velle, illos ampliori quam alios benevolentia complecti. Nobile Plutarchi dictum est: *Æquum esse leges favere indigentia.* ^a Hic exemplum Dominae nostrae merito ingerimus. Beata Maria nobiles & locupletes habuit parentes, ipsa tamen nec pastores, nec piscatores, nec ullos alios pauperes grandi supercilio, ut solent divites, à se removit. Illud prorsus est intolerabile, si homines religiosi Paupertatem professi, pauperes fastidiant aut spernant, divites demulceant, & iis adulentur.

3. Paupertas experiendam sese ingerit; gustari vult & sentiri. Hoc ditissimis quibusque sapius faciendum, crebris monitis suavit Seneca, qui suo Lucilio: Ex præcepto magnorum virorum, inquit, tibi quoque præcipio: interponas aliquot dies, quibus contentus minimo ac vilissimo cibo, dura atque horrida veste, dicas tibi: Hoc est, quod timebatur? ^b Hoc ipsum denuo suadens: Necessarium ergo, inquit, judico id, quod tibi scripsi magnos viros sæpe fecisse, aliquos dies interponere, quibus nos imaginaria Paupertate exerceamus ad veram: quod eo magis faciendum est, quod deliciis permadimus, & omnia dura ac difficilia judicamus. Potius excitandus è somno & vellicandus est animus, admonendusque naturam nobis minimum constituisse. Idem repetitis monitis inculcans: Sumant, inquit,

^a *Plutarch. de vitand. usurp.*

^b *Sen. ep. 18. initio. Idem ep. 20. in fine.*

fistis? An in primo, an in tertio, an in quinto, an fortassis in nullo?

7. Non infrequens Paupertatis actio inter homines etiam politicos hæc est: Alterius curæ se committere pascendum, & vestiendum, & eo cibo, potu, ac vestitu contentum esse, qui ad alterius arbitrium datur. Id Thomas Morus fecit, qui uni suorum famulorum hanc sibi curam delegavit; atque hunc tutorem suum vocavit. Hic illi pileum, hic caligas, hic calceos, hic pallium, ceteraque necessaria ex ære dominico dedit. Hinc cum à familiari quopiam ob calceos nimium attritos moneretur: Roga, inquit, tutorem meum, ut alios mihi emat.

8. Paupertas munera, præsertim si ea adulationem aut corruptelam vel minimum oleant, non tantum non ambit, sed etiam oblata constanter respuit. Nec enim Philosophi dictum ignorat: Munera accipere, est libertatem vendere. Id agit Paupertas, ut possit cum Abrahamo dicere: Levo manum meam ad Dominum Deum excelsum possessorem cæli & terræ, quod à filo subtegminis, usque ad corrigiam caligæ, non accipiam ex omnibus, quæ tua sunt. ^a Et cum Samuele: Si de manu cujusquam munus accepi, & contemnā illud hodie, restituiamque vobis. ^b

9. Quisquis paupertatem amat, sua omnia, quæ possidet, annis singulis recenset,

^a Gen. c. 14. v. 22. & 23.

^b 1. Reg. c. 12. v. 3.

mus a aquam, habeamus polentam & pannuciam, jamque cum ipsis, inquit, regibus de felicitate certemus. Cui parum non sufficit, ei nihil sufficit. Corvorum pulli quia nondum nigri, à parentibus non agnoscuntur pro filiis, & ideo deseruntur; cum aut etiamnum implumes sint, cibum sibi quærere non possunt. Nilominus vel rore, vel muscis & culicibus pascuntur à Deo: Qui dat jumentis escam ipsorum, & pullis corvorum invocantibus eum. Qui dat escam omni carni. *b* Itaque Paupertas se plenissime committit Deo, qui aviculis, & ipsis etiam vermiculis providet, & necessaria liberaliter subministrat.

6. Varii sunt Paupertatis gradus, hinc & variae actiones. Primus sit, opes non appetere. Alter, nihil laboris impendere acquirendis opibus. Tertius, eas ultro oblatas respuere, nec admittere nisi coactum. Quartus, passim omnibus, seu salario, seu victu quotidiano, seu vestita plebejo contentum esse. Quintus, exclusis superfluis necessaria tantum admittere. Sextus, necessariis etiam, subinde saltem, carere velle. Septimus, quotidiano usui viliora eligere, & vero etiam gaudere, cum desunt necessaria. Hic jam Paupertatem amantis est seipsum examinare: Dic, bone vir, in quo tu gradu consistis?

a Wasser und Brod / und ein schlechte Suppen von grobem Tuech / und voller Fleck. *Idem qui supra.*

b Psal. 146. v. 9. Et Psal. 135. v. 25.

CAPVT DECIMVM.

Rosa Purpurea,

seu,

Mortificatio.

§. I.

ROSA Purpurea Pharmacopolis notissima : *a* huic conferenda notissimi nominis, etsi parum venusti, Mortificatio, seu Abnegatio sui. Vitiis omnibus radicitus evellendis instrumentum aptius ac potentius non est Mortificatione. Summa perfectionis, seipsum odisse posse. Virgo caelestis licet maceratione carnis ad tuendam castitatem non egerit, ea tamen usa est, ut posteros doceret, quæ ratione cupiditates frenandæ, & inferiores animæ vires restaurandæ sint. Itaque ibi perfectionis coepit virgo, ubi alii desierunt, eamque vitæ rationem tenuit, quæ in se melior quamvis ipsi non fuerit necessaria. Potuit Domini mater cum filii discipulo gloriari : Semper mortificationem Iesu in corpore nostro circumferentes, ut & vita Iesu manifestetur in corporibus nostris. *b*

Hic ego studiosissimum lectorem compilo, eique omnium Sanctorum res gestas
t. pro-

a Rotrosen.*b* 2. Cor. c. 4. v. 10

fer, & scrutatur accuratè, quid superfluum aut nimis curiosi habeat, quid iniuste retineat, num arte alieno laboret, quibus rebus nimium adhærescat, velut polypus scopulo. Cor hominis plerumque insatiabile nunquam dicit, SUFFICIT. Cogitandum ergo sapius serium illud Domini effatum: Qui non renuntiat omnibus quæ possidet, non potest meus esse discipulus. ^a Non quidem relinquere omnia, sed certe renuntiare iussit omnibus; ne scilicet instar hederæ affectu per hæc fluxa serpamus, siquidem, qui ex virtute pauper est, non tantum caret opibus, sed etiam amore opum. Quid tibi prodest, si eges facultate, & ardes cupiditate?

10. Paupertas summo studio curat, & frugalem temperantiam in mensa, & decentem modestiam in veste, ac omni suppellectili: quod vero vel gula, vel ostentationi & pompæ subtrahit, id omne Christi membris impendit, & mavult esse nudos domi parietes, quam male vestitos pauperes. Cum vero temporis ratio & status dignitas vestem postulant splendidiorem, id artificii paupertas invenit, ut ea, quæ latent, vilia sint aut etiam aspera. Quanti Principes, quanti Reges & Regina, Cæsares & Pontifices sub veste Attalica hispidum gestarunt cilicium?

^a Luc. c. 14. v. 33.

offerendum. De vigiliis illius jam supra demonstratum est. Sicut enim Filius complures noctes pervigilavit precibus, idque secundum consuetudinem, *a* ita & Mater minimi fuit somni, & plerumque dimidiam noctem diurnis laboribus assignavit. Nec somni tantum, sed & cibi parcissima fuit Domini Mater, quæ non quadragintadie, sed septuaginta duorum annorum jejunium celebravit.

Triplex Mortificationis genus in paradiso coepit, cilicia, vigilia, jejunia. Fames quidem & jejunium est indictum; nam Adamustalem edit boletum, post quem nihil amplius edit in paradiso. Vigiliae coeperunt, nam somnos timor abstulit, & laxa conscientiae vulnus. Cilicia in usu esse ceperunt; vix enim Adam cum uxore pomum admorderat, & mox unde cilicium sumeret, circumspexit; ficus illud suppediavit. Nam folia de ficu planè aspera contexuerunt in duos baltheos, iisque corporis rebellionem velarunt.

Iacob cruenta tunica filii Iosephi visa, indutus est cilicio. *b* Achabus rex ceteroqui non optimus regum ad Eliae minas operuit cilicio carnem suam, jejunavitque & dormivit in sacco. *c* Regum sanctissimus David, tam ciliciis, quam vigiliis ac jejuniis in suum corpus pugnavit. Testis ipse dignissimus fide: Ego autem, inquit, cum mihi molesti essent, induebar cilicio, humi-

t 2

lia-

a Luc. c. 6. v. 2. & Luc. c. 22. v. 39.

b Gen. c. 37. v. 34.

c 3. Reg. c. 21. v. 27.

propono & hortor, ut eas cum cura eval-
vat. Illud denique de Sanctis omnibus
scio, affirmatissimè pronuntiabit.
Revera hi omnes, nec unico quidem
excepto, in seipsos rigidissimi fuerunt.
Hoc uno sibi omnes simillimi, quod eo-
rum nullus in seipsum non noverea fue-
rit. Horum nemo sibi met indulgit, nemo
semet palpavit, mortificationem Domini
Iesu in corpore suo circumferebant o-
mnes.

Et quemadmodum pædagogus quam
maxime austerus aut Orbilius plagosus
omnes pueri nutus attendit, & quam pri-
mum exerrans oculus, vel lingua prom-
ptior, vel manus incomposita, vel gestus
non decorus deprehenditur, mox objun-
gatrix adest ferula, mox oris tonitru per-
cellit; vel minima quæque castigantur.
Tales omnino in seipsos fuerunt Sancti
omnes, sui ipsorum rigidissimi pædago-
gi, imò hostes acerrimi, quorum hoc unum
studium erat, adversarium laedere: hic
omnium Sanctorum triumphus fuit, cor-
pus sub jugum misisse, & incommodum
affecisse quamplurimis.

Virgo beatissima geminum Mortifica-
tionis genus sic exercuit, ut de illa tur-
dici potuerit: Non comedit, non dormit.
Quod Servator de suo prodromo Baptista
asseruit: Venit Ioannes neque manducare
neque bibens.^a Adeò namque modici cibi
potusque fuit, ut nec comedis-
se nec bibisse censeretur. Idem de Domini Matre
as-

^a Matth. c. II. v. 18.

clam suppositum. Ægroto pronissimum fuit irasci & vociferari, sed amici reverentia continuit se. Cum autem ægroti grabatus erigeretur, inventum est aurum amicissimo furto suppositum. Et nunc, o jebat æger, intelligo non ad vexandum me pulvinar motum. Sic Arcesilaus fecit, qui cognito Apellis Chii duplici morbo, hoc est, paupertate & invaletudine, viginti drachmas secum attulit, & ægroto assidens: Hic nihil est, ait, præter Empedoclis elementa,

Ignis, Aqua, & Tellus, atque Æther ambitus almi.

Et tu etiam, mi Apelles, incommodè cubas. Et una cum dicto culcitram movens, pecuniam subjecit. Hanc anus, Apellis famula, cum lectum sterneret, invenit, & cū admiratione ostendit. Ad quæ subridens Apelles: Hoc est, inquit, Arcesilai furtum.

Hic ego cum Christo interrogem: Intellexistis hæc omnia? ^a Sic amantissimus Deus, sic omnino nobiscum agit. Quicquid subtrahit, modo non invitis, id grandi reddit fenore: vult optimus Pater, ut etiam non ipsi ægre faciamus carni, eique modo cibum, modo potum, modo vestium aliquid, jam aliquid voluptatis, jam & partem somni subducamus, idque cum ingenti emolumento. Nec enim unquam tale quid nobis demimus, quin plura decuplo, centuplo, millecuplo reddantur. Nusquam lucrosior est jactura: perdendo acquirimus.

Quod si hoc hominem ratione agentem

t 3 non

liabam in jejunio animam meam. ^a Vigilavi, & factus sum sicut passer solitarius in tecto. Anticipaverunt vigiliæ oculi mei. Hæc carnem tacitis insultibus frangunt, hæc à Deo laudata sunt; idque hoc consilio.

^a Psa. 34. v. 13.

Et Psa. 101. v. 8. Et Psa. 76. v. 5.

§. II.

Cum aliquid nobis amantissimus hic Pater subtrahit, joculari nobiscum & ludere videtur, nam sapius triplo fenore restituit ablatum. Rem oculis subjicio. Hæc famuli sui ædes animi causa ingressus, fortè accumbens mensam, crassissimas librales placentas reperit, & : Quæso, inquit, quod hoc deliciarum genus est, massam tam malè costam vorare? non hoc valetudini facit, seponite, & lignario fectori date, qui ferreo stomacho hoc genus massa digerat; mittam alias è mea domo. Hac lege nemini gravis est abstinentia à cibo tam illaudato. Elapsis aliquot diebus misit hic Dominus è sua culina collyras tribus aureis incoctas. ^a Hac popanorum mutatio domesticis omnibus & jucunda & utilis fuit. Addo huic nec dissimile.

Amicum ægrum & lecto decumbentem invisit quispiam è sincerissimis amicis, cumque jam abitum pararet, cervicali, tanquam ægrum levaturus, aliquot aureo

^a Richei vnd drey Goldstück darcin
gebacken.

ptatis percipitur ab hoc tali jejunio, quam
si corpus quotidie farciatur ad fastidium.
Optime Cyprianus dixit : Quotquot viros
virtutum vidimus, sine jejunio non legi-
mus ascendisse: nec enim aliquid magnum
moliti sunt, nisi abstinencia præcessisset. *a*

Eam ob causam viri feminaeque sancti-
tatis eximia, sed & summæ dignitatis, je-
junio sabbatino Domini Matrem colere
consueverunt: duos tresve nominasse sat erit,
ut in ore duorum aut trium testium stet
omne verbum. *b*

S. Nicolaus Tolentinas omnigena virtu-
te, sed abstinencia cum primis clarissimus,
quavis sexta feria & sabbato semel tan-
tum admittebat cibum, pane solo & fonte
contentus, idque in æternæ Virginis hono-
rem. *c*

S. Didacus Complutensis *d* omni sabba-
to & divinæ Matris pervigiliis pane itidem
& aqua jejunium toleravit.

S. Elisabetha Lusitanæ *e* Regina, præter
verum aliaque jejunia panem quotidiana,
diebus quadraginta ante diem Virginis in-
calum Assumptæ jejunio peregit; singulis
insuper sextis feriis, divinæ Matris pervigiliis,
ac quovis sabbato, pane solum & aqua ine-
diant

a Cyprian. de jejun. & tentat. Christi.

b Matth. c. 18. v. 16.

c Sur. to. 5. in ejus vita.

d Ordinis Minorum, à Sixto V. Calitibus
adscriptus. Chron. Minor. part. 3. l. 5. c. 5. *s*

e Seu Portugallia.

f Anno Iubilæi 1625. ab Urbano VIII. in
album Divorum relata.

non moveat, nihil agent omnia sanctorum Patrum volumina, qui omne genus Mortificationis, præcipue jejunium, miris laudibus extulerunt. Omnium loco sit Augustinus, qui adversus Pelagianos? Nullus, inquit, sine jejunio vicit diabolus. *a* Iobum Origines septem continuos dies jejunio traduxisse asserit. Novæ legis Hesperus Iohannes Baptista omnem vitam jejuniis exegit. Discipulis suis Dominus Iesus jejunium commendavit his verbis : Hoc genus demoniorum non ejicitur nisi per orationem & jejunium. *b* Videte charissimi, ait Hieronymus, quanta sit jejunii virtus, ut facere jejunium valeat, quod Apostoli nequiverunt. *c* Mortificationis exterioris caput jejunium. Pharmacia & Pharmacopoliis omnibus longe salubrius est jejunium. Hoc spiritum vegetat, hoc corporis deliciis fractum restaurat, hoc illud rationabile & Deo placens obsequium. *d*

Persuasissimus sum, si reipsa, & quod dicimus, practicè sciretur, quàm moderatum jejunium Deo atq; Angelis complacitum, quàm hoc valetudini salubre, quàm animo fructuosum sit, plurimi aut prandere tantum, aut tantum cenare assuescerent. Initium hujus consuetudinis paullo difficilius est, & sentiri solet. Sed eo superato jucundissimi progressus sunt. Et sanè plus volu-

ptatis

a Aug. l. 4. Hypogn. cont. Pelag. post initium.

b Matth. c. 17. v. 21.

c Hieron. l. 2. contra Iovian.

d Rom. c. 12. v. 1.

nis nexus. Ad rem Isidorus Pelusiota : Ex carne nostra, inquit, tympanum efficiamus; sic nempe ut nullum præposterum affectus motum habeat, verum terrenis membris mortua & extincta sit, *a* Divinas litteras recte versat & meditatur, qui corpus castigat, & Deo seipsum mactat.

Id exemplo suo sanctissimus Moses firmavit, qui legis divinæ tabulas accepturus quadraginta dies jejunio consecravit. Ipse de se : Perseveravi, ait, in monte quadraginta diebus ac noctibus, panem non comedens & aquam non bibens. *b* Opportunus sanè recipiendæ legi apparatus jejunium carnisque Mortificatio. Atque hoc est pro psalmo tympanum exhibere. Eleganter Augustinus : Noli, ait, extrinsecus pecus, quod mactes inquirere, habes in te quod occidas. *c* Macta elatum superbiæ taurum, macta gibberum avaritiæ camelum, jugula olentem luxuriæ hircum, sacrificia saginatum gulæ vitulum, obtrunca mordacem invidiæ molossum, dilacera pugnacem iracundiæ arietem, concrema ignavum pigritiæ asinum. Has pecudes occide, & ritè litasti Deo : his enim victimis delectatur.

Bene ageretur cum homine, si corpus hoc, quo verus homo tegitur, tam promptum inhæreretur virtuti quam voluptati : hanc sponte sua sequitur, illam, non nisi imperio coactum. Ceterum quo contumacius

t s

cius

a Isidor. Pelus. l. i. epist. 364.

b Deut. c. 9. v. 9.

c Aug. in Psal. 50.

diam solabatur. *a* Ita mediam fere anni partem aqua & pane solo tolerabat.

Idem fecerunt & faciunt hodieque plurimi, omnis ordinis & dignitatis homines.

a Petrus Perpinianus orat. I. in eandem Reginam.

§. III.

Da veniam, lector, voci non in Latio nata: seipsum abnegare, seu Mortificare, est alium fieri quam antea fuerit. Sic alius à seipso evadit timidus, qui fortitudinem induit: sic lascivus, & libidini deditus castimoniam amplexus, priorem se esse nescit: sic gulæ mancipium aut ebriosus, ubi abstinentiam sequi cœperit, priori homini fit dissimilinus, fit novus fit alius homo. Hæc Mortificationis ratio est.

Hortatur Psaltes regius: Sumite psallum & date tympanum. *a* Perinde si diceret: Accipite eruditionem carminis, & reddite Mortificationem carnis. Congrua commutatio, & pane necessaria. Quod Origenis acumen confirmat his verbis: Psalmum divinam doctrinam vocat. Tympanum porro organum est è pellibus confectum. Iubet igitur divinis oraculis sonum congruentem reddere. Accipite spiritualem doctrinam, & reddite mortificationem membrorum. *b* Optima igitur psalmi & tympani cohesio, optimus doctrinæ & mortificationis

a Tsal. 89. v. 3.

b Orig. in dictum Psalmum.

nihil esset in quo ministerio alterius egeret sobrius naturæ cultor. O illustria mortificationis exempla! ô vere viros sui viatores, modo magistrum habuissent Christum!

Nec in pluma & epularum luxu nata est Atilii Reguli constantia prorsus admiranda, & contemptus mortis generosissimus, Crebræ suimet victoriæ, magnusque virtutum habitus, tam facile illi viam fecere ad mortem, ut captus jam & victus, non magis Pænorum sævitiam, quam in acie stans eorum arma pertinuerint.

Cato Uticensis vir quantus, quam edomitæ, & ut loquimur, mortificatis animi corporisque sensibus! calores & nives nudo capite toleravit, iter pedibus fecit, amicis equo sedentibus. Quoties febre laboravit, solus esse voluit, nec quemquam admisit, nisi morbo levatus. Per hæc Mortificationis specimina virtus illa adolevit, quam Reipublicæ civili bello præstitit. Hic ille Cato est, qui septem continuos dies per loca serpentibus infesta ductavit exercitum, non equo, non vehiculo adjutus, sed pedibus, & in primo agmine iter faciens, nec unquam sedens, nisi cum cibum caperet aut somnum.

Hoc prorsus est omne in corpus imperium tenere, nec illi blandire, sed ut par est pro servo tractare. Quod ubi fit, tum demum animus potestatem suam salutariter explicat. Atque hinc nobilissimum animi temperamentum & moderatio laudatissima subsequitur, quæ in priscis idololatris

cius est, magisque in vitia propensum, eo fortius sapientiusque fecisse videri possunt ii, qui illud ut nequissimum mancipium inedia, labore, verberibus affligentes, rationis jugo subjecerunt.

Nec pauci fuere, qui gentilitatis quidem tenebris oppressi, virtutis tamen studio aut necessitate adacti, aut gloriæ aucupandæ in suum corpus imperium planè rigidum exercuerunt. Socratem hac in re laudatissimum dicerem, modò ei disciplina Christiana non defuisset. Solebat is per dius & pernox à primo solis ortu, ad solem alterum orientem stare immobilis, iisdem vestigiis, eodemque obtutu defixus. Hac ratione ad fortuitas vices fortiter perferendas corpus animumque sic firmavit obduravitque, ut quidquid tandem eveniret patienter ferret. Hoc sui vincendi studio non solum insignem patientiam, sed & temperantia prorsus laudabilem assecutus est. Atque hac altera virtute tantum sibi ipse profuit, ut omne vitæ tempus inoffensa valetudine traduxerit.

Illo non multum inferior Diogenes Sinopæus ad eam corpus patientiam assuefecit, ut capite semper aperto, nudis pedibus incederet, soloque tegetur pallio, caloris & frigoris æque patiens, doli inquilinus, nullius quidem supellestilis, sed sui Dominus. Sub extrema vitæ tempora crudis etià carnibus vesci conatus est, & ut

nihil

a Medici censent, eum qui à puero crudis carnibus vescendis assuescat, robustiorem longe futurum, quam si lixas comedat.

iniquissimam eadem ulcisci velle, nisi ratione prorsus æquissima? Nec alii è veteri Roma huic dissimiles.

Metellus Macedonicus cum Scipione Africano acerrime dissenserat, quorum à virtutis æmulatione profecta contentio, ad graves testatasque inimicitias progressa est. Nihilominus cum Metellus interceptum Scipionem audisset conclamari, in publicum se proripuit, mœstoque vultu & voce confusa: Concurrite, clamabat, concurrite cives, mœnia nostræ urbis eversa sunt. Nam Scipioni Africano intra suos penates quiescenti, nefaria vis allata est. Idem filios suos monuit, ut funebri ejus lecto humeros subjicerent, nec enim fore ut id officii ab illis majori viro præstari possit. O Rempublicam pariter Africani morte miseram, & Macedonici tam humana tamque civili lamentatione felicem! Eodem enim tempore, & quantum amisisset Principem, & quantum haberet, recognovit.

Illis minime cedit hominis vere *Mortificati* obstupefendum exemplar, M. Marcellus, qui primus & Hannibalem vinci, & Syracusas capi posse docuit. Cum Siculi eum, licet tunc Consulem, accusaturi Romam venissent, Marcellus, quia collega suus Valerius Lavinus forte aberat, senatum haberi noluit, ne absente altero Consule, timidiore in accusando essent Siculi. Ubi Valerius rediit, Marcellus de audiendis Siculis ultro retulit, eosq; de se
con-

latris ad Christianorum ruborem crebrius eluxit.

§. IV.

Fabius Maximus cum à se quinquies & à patre,avo,proavo,majoribusque suis sapenumero Consulatum gestum animadverteret, in comitiis, quibus filius suus summo consensu Consul creabatur, quàm potuit constanter cum populo egit, ut aliquando vocationem hujus honoris Fabiæ genti daret: non quòd virtutibus filii diffideret, (erat enim illustris) sed ne maximum imperium in una familia continueretur. Quid hac moderatione efficacius aut valentius, quæ etiam patrios affectus, qui potentissimi habentur, superavit?

Quod si affectus verè mortificatos spectemus, Fabium vincit M. Bibulus vir amplissimæ dignitatis, qui cum in Syria moraretur Provincia, duos egregiæ indolis filios suos à Gabinianis militibus occisos cognovit. Filiorum interfectores ad parentem vinctos Cleopatra regina misit, ut gravissimæ cladis ultionem suo arbitrio exigeret. At ille oblato beneficio, quod nullum majus tribui poterat lugenti, dolorem moderationi cedere coëgit, & nefandos sui sanguinis carnifices, è vestigio ad Cleopatram reduci jussit cum dicto: Potestatem hujus vindictæ non suam, sed senatus esse debere.

Superi! quid in Christianorum optimo desideremus moderatius? quanta hic affectuum mortificatio, nec quidem filiorum
ini-

Quærit Poëta vetus : Quisnam igitur liber ? sibi que respondet ipse :

—— Sapiens, sibi qui imperiosus
Quem neque pauperies, neque mors, neque vincula terrent :

Respondere cupidinibus , contemnere honores

Fortis , & in seipso totus teres atque rotundus. a

Talis omnino est homo sui potens, quem nos Mortificatum vocamus, ad omnes labores subeundos teres, ad omnem fortunem tolerandam rotundus. E septem Graciæ Sapientibus Bias : Ille , inquiebat, beatus est, qui nil concupiscit.

Aliæ sunt hominum profanorum voces. Beatus est , ajunt, cui fortuna favet , qui dulci fruitur otio, qui genio servit, & cuncta ex animi sui sententia gerit. Affirmant hoc illi, negat constantissime sapiens Bias, & eos laudat beatos, qui cupidinibus suis responsant & oblistunt , qui animum frangunt , qui nihil concupiscunt. Aliter profecto nulla in hoc orbe felicitas , tranquillitas nulla est. Quis enim tam felix , cui ex sententia succedant omnia ? solus ille qui in seipso totus teres atque rotundus , aut rebus utitur secundis, aut adversis exercetur. Illis fruitur , dum Deo placeat, his sese attemperat , imo & gaudet varium sibi mortificationis genus offerri. Hoc animi sui pabulum credit , cum à seipso tum ab aliis mortificari.

Lan-

conquerentes patientissimè sustinuit. Le-
 vius auditis eorum querimoniis, loco eos
 tantisper jussit cedere, dum etiam accusa-
 tus audiretur, & Patres sententiam dice-
 rent. At Marcellus illos remanere, ut defen-
 sioni suæ interessent, coëgit. Utraque par-
 te perorata excedentes curia subsecutus
 est, quo libèrius sententiam ferret senatus.
 Improbatis ac rejectis querelis suis Siculi
 orantes & supplices Marcellum adierunt,
 veniamque petierunt, quod suæ provincie
 jussa executi fuissent, atque ut ab eo in-
 clientelam porro reciperentur, rogarunt.
 Marcellus quamvis recentissime laesus, ta-
 men velut jam omnium oblitus, Siculos
 clementer exceptos tutela sua neutiquam
 exclusit. Super hæc Siciliam fortitus, cum
 accusatores premere potuisset, eam Pro-
 vinciam collega cessit. *a* O Marcelle, quam
 nos sanctioribus disciplinis imbutos in-
 ruborem das? Date mihi Christianum, qui
 in adversarios atque accusatores suos tam
 benevolus sit, & mox eum inter cælites
 referemus.

Marcello accensendus jure merito Vale-
 rius Publicola, qui ad illud animi tempera-
 mentum pervenit, tam victor sui, tamque
 sibi ipse imperiosus, ut domum suam, licet
 magnificam, ne malignas suspiciones ale-
 ret, totam diruerit, quod loco posita cel-
 siore arcis speciem populo habere videre-
 tur. Nonne quantum domo inferior, tan-
 tum victoria sui superior evasit? *b*

Quæ

a Livius l. 6 Decad. 3.

b Valer. l. 4. c. 1.

ipse David longe fortior fuit, cum injurias à Saule illatas, etsi posset, non vindicaret, quam cum leones & ursos discerperet, gigantem Goliathum funda sterneret, gladio jugularet. Venuſinus igitur cecinit veniſſime :

*Latius regnes avidum domando
Spiritus, quam si Libyam remotis
Gadibus jungas, & uterque Penus*

Serviat uni. a

Nam, ut Ambrosius loquitur : Gravioreſ inimici ſunt mores pravi, quam hoſtes infeſti. *b* Ita caſtiſſimus Joſeph Ægypti prorex grandius quid fecit, cum adulterium repudiaret, quam cum toti regno imperaret. Ideo Siracides fideliffime commonefaciens: Si præſtes, inquit, animæ tuæ concupiſcentias ejus, faciet te in gaudium inimicis tuis. *c* Cupiditates ſibi obſequentem eò pertrahunt, quo nec omnes inferorum machinæ poſſunt.

Nobiliffimum præſci ſcriptoris dictum eſt: Tantum proficies, quantum tibi ipſi vim intuleris. *d* Eſt non nemo, qui apud ſeipſum dicat: Ego precibus & jejuniiſ vaco, conciones audio, Sacramenta frequento, ſtipem in egentes conſero, divina ſæpius cogito, conſilia generoſa ſuſcipio, optima quæq; propono; ſed interim vix quidquam proficio: idem ſum, qui ante ſex, ante

u

duo-

a Horat. l. 2. carm. c. 2. ad Crispum Saluſt.

b Ambroſ. ſerm. 87. de Eliſao.

c Eccleſ. c. 18. v. 13.

d Thom. de Kempis l. 1. c. ult. ſine.

§. V.

Lancea, quæ Christi crucifixi pectus aperuit, vulnus quidem intulit, sanguinem eduxit, sed dolorem nullum attulit, quia jam mortuum sauciavit, sic ille qui se à corpore abstraxit, & Mortificatus habet animi cupiditates, probris convelli, injuriis affici potest, sed ad impatientiæ querelas excitari non potest; jam mortuus est.

Democritus Philosophus, ut Stobæus memorat: Fortis est, ajebat, non solum hostium, sed voluptatum victor. *a* Fortassis rectius eum dixisset fortem, qui non solum voluptates vinceret, sed & omnes animi cupiditates domaret. Tale sapientissimi Salomonis effatum est: Melior est patiens viro forti, & qui dominatur animo suo expugnatore urbium. *b* Nimirum

Ardua res vicisse alios; victoria major

Est, animi fluctus composuisse sui. c

Multò enim multoque operosius est, seipsum quàm hostem superare, nec propria festinatione fugiendo adversa, nec effuso gaudio secunda sectando.

Beatus Gregorius apposite dixit: Ego David saltantem plus stupeo, quam pugnantem: pugnando quippe hostes subdidit, saltando coram Domino seipsum vicit. *d* Hic ipse

a Stob. serm. 7.

b Prov. c. 19. v. 35.

c Mantuanus.

d Gregor. l. 37. mor. cap. 27. & ult. milia pag. 934.

Facilis descensus averni,
Sed revocare gradum, superasque evadere
ad auras,

Hoc opus, hic labor est. a

Regnum cælorum rapiunt violenti.

Die Pentecostes, Factus est repente de
cælo sonus, tanquam advenientis spiritus
vehementis. b Nescit enim lenta molimi-
na Spiritus sancti gratia.

Joannes Baptista quantum quaque
violenter sese à corpore abstraxit, non
manducans, neque bibens, pane nec vesti-
ens. Si omnem ipsius vitam compendio
velim describere, meram violentiam appel-
lem. Ascendit in montem excelsum seorsû.

Maria Magdalena quanta vi emenda-
tionem vitæ aggressa est ! In Pharisei do-
mum, ubi Medicum suum esse cognorat,
non invitata venit, & ut Augustinus lo-
quitur, c irruens importuna convivio,
opportuna beneficio, pia impudentia sa-
nitatem appetiit. Non ad caput Domini,
sed ad pedes accessit : & quæ diu male
ambulaverat, vestigia recta quæsiuit. Ca-
pillis solvit, lacrimas fudit, pedes lavit,
capillis tersit, balsamo inunxit, oculis la-
cessiuit. ita noxarum veniam impetravit.
Conscientiæ labes uni patefacere, suppli-
cium est. Publicè & coram multis id fa-
cere, omni supplicio acerbius est. Hoc
Magdalena fecit. Pecuniam olim ad A-
postolorum pedes abjecisse. Christianæ

u 2

vio-

a Virgil. l. 6. *Aeneid.* post init.

b Actor. c. 2. v. 2.

c Aug. l. 40. homil. hom. 28.

duodecim & plures annos fueram, in eodem luto hæreo, eadem vitia identidem repeto, non melior fio, nihil proficio, nihil. Simillimus sum ægroto, qui molitur surgere, & mox in lectum recidit: Sic ego sæpius è vitiis conor emergere, sed in eadem identidem relabor. Quid obsecro causæ est? Vis, mi Christiane, ut tibi candidissime respondeam? Ideo nihil proficimus, quia nobis ipsis vim non inferimus. An nescis illud Domini clarissimum: A diebus Ioannis Baptista regnum cælorum vim patitur, & violenti rapiunt illud? a Nihil proficies, nec te ipsum vinces, nec cælum rapies, si violentus non es. Saulus in Paulum, & in alium planè virum mutandus, à Christo violentè dejectus, tremens ac stupens dixit: Domine, quid me vis facere? Hinc mirabilis in omni virtutum genere profectus cœpit. Ne mirare te nihil proficere; tu totus etiamnum stas, stat una tecum superbia, stat libido, stat iracundia; nisi hæc monstra violentus dejicias, nihil unquam solido proficies.

Christus gloriæ suæ gustulum exhibiturus, tres è suis duxit in montem excelsum seorsum. b Cur non in amplo conuiculo aut amœno viridario, aut in valle aprica? cur non in florilego prato suam gloriam dedit spectandam? Sudandum erat & eluctandum ad montem. Hæc vi ducit ad cælum, & aspera & ardua.

Fav

a *Matth. c. 11. v. 12.*

b *Matth. c. 17 Marc. c. 9. Luc. c. 9.*

fuiſſet exerenda. Tales nos ſumus in nos ipſos; ſanari volumus; ſed quam molliſſime. Non uri, non ſecari ſuſtinemus.

Virginem regiam maligno ulcere laboraſſe ajunt, ſed ſectionem omnem abhoruiſſe. Voluiſſet illa quidem ulcus fluere, ſed ferrum admoveri noluit. Ideoque chirurgus ſcalpellum ſpongia teſtum intulit, & uber incidit. Hæc noſtra mollities eſt; ſanitatem appetimus, *mortificationem* fugimus; nemo ſecet, nemo urat, nemo nos mortificet, tangi nolumus, vim à nobis etiam proſectam abhorremus. Hinc nunquam curamur. Tantum enim quiſque proſicit, quantum ſibi ipſe vim infert. Nulla vis, nullus proſectus; exigua vis, proſectus exiguus. Proſectus ſpiritualis meſura, *Mortificatio*. Si ſcire vis quantum ad virtutem proſeceris, attende quantum hætenus teipſum fregeris, quantum cupiditates tuas domueris. Descende in teipſum, & vide quid humilitatis & modeſtiæ, quid mortificationis & patientiæ domitux habeas, quantum teipſum oderis, & contempnas. Hac cote hoc aurum probatur. Qui Chriſti ſunt, carnem ſuam cruciſixerunt cum vitiis & concupiſcentiis. a

Cervus natura colubris inſenſus, ubi eos deprehenderit, necat, ſed inde ingentem ſitum contrahit, tantoque cupidius ad fontem currit, quantò vehementius ſitit. Serpentes, inquit Auguſtinus, vitia tua ſunt; conſume ſerpentes iniquitatis, tunc amplius deſiderabis fontem veritatis.

u 3

violentia opus fuit ; Magdalena omni pecunia chariora, unguentum, os, oculos, manus, capillos velut linteum ad Domini pedes abiecit, qua in re vim magnam utique sibi ipsa intulit. Putem ego Magdalenam, dum ad convivium non epulatura, sed ploratura iret, in via sapius substitisse, & forsan aliquoties redire cœpisse, dum secum cogitaret hæc talia: Quid facio? res hæc nimio pudori mihi est. Quid dicent conviva? quid magis cogitabunt? Per urbem vulgi fabula ero. Vultus aspicientium me non feram. Tandem; audendum est, sic pergo. Ita vi magna sese impulit: cœpit, egit, pereggit. Tantum profecit, quantum sibi ipsi vim intulit; maxima vis, maximus profectus. Ideo nos non proficimus, quia nobis ipsis vim non inferimus.

S. VI.

Papinius eleganter narrat, qua ratione tela è vulneratorum plagis sint extracta,

Tela manu parcente trahunt. — a

Plerique nos esse vulneratos non ignoramus, sed molli & nimis parcente manu agimus: omnia remisse & sine vi agredimur; suspenso gradu & nimium placidè ad calumimus. Fallimur: Violenti rapiunt illud. Audite sacerdotem Heli mollissimum patrem, quam languide filios nequam objurget: Nolite, ajebat, filii mei, non est enim bona fama, quam ego audio. Verborum tonitru eos percellere debuisset. Quod si verbis nil profecisset, fustibus agendum, vis fuit.

a Statius in Thebaide.

beneficiis ornat, Deo precibus commendat; qui aurum spernit, pecuniam in egenos spargit; qui laudes fugit, contemni non metuit, ima & humilia ambit; qui labores quarit, qui aspera & difficilia non refugit, qui aliis sese subicit, hic sane contra naturam agit, hic violentus est, hic calum rapit. Nempe tantum proficiunt, quantum sibi ipsis vim inferunt. Idcirco David hortatur: Viriliter agite, & confortetur cor vestrum. *a* Calum est primum, quod nemo aufert, nisi qui sibi ipse vim infert.

Apertissimè Christus: Qui vult venire post me, abneget semetipsum. Qui enim voluerit animam suam salvam facere, perdet eam; qui autem perdiderit animam suam propter me, inveniet eam. *b* Magna & mira sententia, inquit Augustinus, quemadmodum sit hominis in animam suam amor ut pereat, odium ne pereat. Si male amaveris, tunc odisti: si bene oderis, tunc amasti. Felices qui oderunt custodiendo, ne perdant amando. Noli amare in hac vita, ne perdas in æterna vita. *c*

Eiusdem Augustini sensu, aliam vitam vivunt bestia, aliam homines, & Angeli aliam. Triplex hoc vivendi genus, brutorum, hominum, Angelorum dissimillimam, sic loquar, similitudinem habet. Brutorum vita in pastu & corporis obsequio, sensu

u 4

suum-

a Psal. 30. v. 25.

b Matth. 6. 16. v. 25.

c Aug. tract. 51. in Ioan.

tis. ^a Nam augmentum charitatis, diminutio cupiditatis.

Res gestas omnium sanctorum hominum evolvite, & quod sibi ipsi quivis vim maximam intulerit, comperietis. Regnum calorum violenti rapuerunt. Quod Tarsensis Paulus, ^b hoc sanctorum quisque pro se dixerit: Ego igitur sic curro, non quasi in incertum; sic pugno non quasi aërem verberans, sed castigo corpus meum, & in servitutem redigo. Non auras, sed carnem percussio, jejuniis domo, vigiliis attero, ne insolentius in me insurgat. Nimirum terra, si sibi relicta, sinitur quæ vult producere, spinas & carduos profert: qui triticum expectat, terram aratro vulnerat, & variis eam versat laboribus; sic natura sui juris & arbitrii in vitia exuberat. Virtutem expectas? quotidianis eam mortificationibus exerce, aut segetem spinarum colliges.

Sed quæ demum hæc violentia est? Violentum est, quod contra naturam est. Atqui scimus quam à natura insitum sit, adversarium odisse, pecuniam & lucrum amare, laudari ac honorari cupere, id amplecti quod jucundum est ac suave, contemptum fugere, jugum excutere, subjeci noile, labores declinare, feriari velle. Hæc natura corruptior studiosissime sectatur. Enimvero qui inimicos amat, eos bene-

^a Aug. in Psal. 41.

^b 2. Cor. c. 9. v. 26.

^c Vide Imitationem Christi l. 3. c. 5.

commorſam abjecit, in januam toto corpore arietavit, demum calcibus quaſſatam pertundere fruſtrà conatus. Hinc furibundus ore ſpumas vomere, impias voces in Deum jacere, ſcintillantes oculos huc illuc celerrimè circumferre, inſtar canis rabidi latrare, vix à ſeipſo manus abſtinere, nec jam hominem agere, ſed pantheram, aut catulis raptis tigridem repræſentare. Hoc tam tetrum furioſi hominis ſpectaculum ſic attonuit ſpectatorem, ut ingenti odio adverſus iram concepto, iræ motus tam religioſè omni vitâ caverit, ut eum nemo mortalium unquam deinceps viderit iratum. *a*

Eò nimirum inſaniæ progredimur, cùm Mortificationis frenum excutimus: ita in beſtias denegeramus, qui poſſemus Angelis eſſe ſimillimi. Jamque ab experientiâ certum eſt, ab unico quandoque indomito affectu totum hominem peſſundari. Id in re muſicâ videre eſt. Pulſanti cithara malignè reſpondet, ſi unica fidium vel rupta ſit, vel diſcordet. Hortatur Pſalter ſæpius: Pſallite Domino in citharâ. *b* In pſalterio decem chordarum pſallite illi. At ſi fidium vel minima non aſſonet, concentus periit: ita prorsus ſi hominis affectus omnes in concordiam conſpirent, unicuſtamen iracundiæ, vel libidinis, vel avaritiæ, aut invidiæ nondum ſit perdomitus, jam extincta eſt

u 5 omnis

a Galenus lib. de cognoscendis curandiſque animi morbis.

b Pſal. 97. v. 5. & Pſal. 32. v. 3.

suumque oblectamentis tota est. Vita Angelorum sine cibo & Venere, Deo ac caelestibus deliciis æternum sine satietate satiatur suavissimè. Hominum est media, quam cum illis & istis participat: si du- cem habeat rationem & spiritum, com- munionem vitæ cum Angelis sortitur; si carnem & corporis appetentias sequatur, in consortium jumentorum transit. En, mi Christiane, tui jam arbitrii res est; eli- ge, quam velis vitam vivere: ad bestias non difficilis est transitus: *Mortificationem* fuge, & brevi migrabis in bestiam. Sed neque ad Angelos difficile transibis: Vi- ve, quod Paulus præcipit, non secun- dum carnem, sed spiritu facta carnis mor- tifica: *a* & jam in Angelorum cætus tran- sisti. Quid autem ingenita ad Dei simili- tudinem efformati nobilitate indignius, quam ad vitam bestiis simillimam redu- ci? Fœdum prorsus imperium, ubi an- cillatur domina, cum Bernardo loquor, & ancilla dominatur. *b* Grande menda- cium, ubi humana facies furorem tegit bestia.

a Rom. c. 8. v. 13.

b Bern. c. 3. Medit.

§. VII.

Refert Medicorum princeps Galenus, vi- sum à se hominem, qui ad ostium clave referandum manibus ac pedibus propera- bat. Cum verò sera clavi non responderet, atque sic ostium referari non posset, ho- mo in rabiem actus, clavem dentibus

com-

blandiens ad aspectum aut contactum te provocat? O quisquis es, hinc virum te gere, oculos & manus continentes exhibe: illos claude, has attrahe: mortificationem Domini J E S U in corpore tuo circumfer. Hinc Domini pro te crucifixi stigmata porta. Servorum frons olim vario charactere, imò & verbis, aut etiam versibus inurebatur. Hinc litterati & stigmatæ dicti. Sic & sanctorum hominum vultus à tyrannis multiplici stigmate inultus. ^a Circumtulertnt servi stigmata, & suorum dominorum notas, nobis Domini J E S U placent stigmata. Crux & Mortificatio stigma nobilissimum: hoc recipe & castiga corpus tuum, sed & voluntatem tuam.

Atque quò meliùs hoc possis, à parvis incipe. Magnum est in minimis se vicisse. Innumera suadet curiositas, quæ Mortificatio vetat. J ubet curiositas per fenestras prospicere: non prospice. Occurrit in colloquio quod ostentationi faceret & pompæ si id diceret: ne dic. Occasio est alterum verbis feriendi: ne feri. Dictat cogitatio coquum adeas, & quid obsonii paret interrogas: ne interroga. Adest hospes, tu verò quis sit, unde veniat, quò eat, quid rerum hinc agat, scire cuperes: nescire malis. Hortum ingrederis & invitat te flosculus, ut se carpas: ne carpe. Transis arborem & generosum pomum arridet, vultque gratis à te emi & gustari: ne eme, ne gusta.

^a Vide Lipsium in *Electis* l. 2. c. 15. Novarinum in *Electis sacris* l. 3. c. 14. & *Excursus* 24. num. 487.

omnis suavitas cantus ; nulla est harmonia.

Eadem est valetudinis ratio. Medicorum omnium vox non ignoratur , sanitatem ab humorum temperie ac symmetriâ petendam; cùm illa solvitur , vel ab unico humorum jam sanitas intercedit : ita salus animæ in temperamento cupidinum consistit. Fortassis gulæ ac libidinis impetus jam frenâsti; amorem auri, livoris rabiem, torporis ignaviam jam emendâsti , sed tibi forsan etiamnum dominatur ambitio, & nimium honoris desiderium : ohè nondum sanus ! in omnibus licet bene habebas, tamen in uno delinquis, adhuc ægrotas : nec unquam dici poteris rectè valere, nisi hunc etiam morbidum affectum perfanaveris.

Idcirco si tibi ipse consultum velis, nullas vincendi tui occasiones negliges ; ubi ubi mortificationis opportunitas se obtulerit, obviis eam ulnis amplectere. Fortasse tibi aliquis præponitur ? En optimam occasionem ; tu tuam ambitionem hîc mortifica. Cibus deest , aut insulsus & malè coctus apponitur ? hîc gulam impugna. Vestis corpori non amissim quadrat ? hîc superbix gliscientes igniculos extingue. Est qui tibi acriter contradicat ? hîc linguæ insolentiam frange. Est qui te reprehendat, aut conviciis impetat ? hîc animi submissi specimen ostende. Pecuniæ jaçturam pateris ? hîc philargyriæ a victoriam monstra. Forma elegans & oculus

blandiens

a Avaritia.

effundens libavit illam Domino, & rem grandiore fecit, plus virtutis exercuit, quàm si cellam vino Falerno & Cretico plenam in pauperes dividi jussisset. Tanti est Mortificationis studio vel aquâ abstinere.

Pelagius illustre Mortificationis specimen in re non grandi commemorans: Senex in Thebaide, inquit, unâ cum discipulo exploratæ patientiæ, speluncam habitavit. Atqui consueverat senex sub vespere discipulum sacris præceptis imbuere. Finitâ dictione precabantur unâ ex more, & sic demum cedebant somno. Evenit autem, ut ad senem homines peregrini reviserent, miram illius abstinenciam coram veneraturi. Hos senex humaniter exceptos, ne vanitatum miseriis succumberent, prolixè solatus est. His adventoribus dimissis, suum sibi discipulum sero vespere instruendum sumpsit. Sed quia dicendo jam antè fatigatus fuerat, inter loquendum nictare coepit, & in somnum gravi altiorem. Stabat discipulus, & dormientem senem taciturnus spectabat. Altè sopitum excitare, viri reverentia non timebat. Visum est ergo expectare, dum expergisceretur ipse. Hic juvenem non somnus tantum, sed & cogitationes ejusmodi sollicitabant: Quid hic agis? abistiens & dormi. Inaniter præstolaris. At juvenis suggestiones hasce repulit, & somnum excussit pro viribus. Sed rediit importunus exactor somnus, redierunt
&

gusta. In mensâ ferculum miris blanditiis ad esum allicit : tu manus contine , gulam subtringe , & aut non tange , aut obiter tactum mox dimitte. Mihi crede in his non adeò magnis semet vicisse , est res maximas fecisse , idque cum ingenti promerito. Hæc Deo , hæc cælitibus mirificè placent , hæc amplissimis præniis pensabuntur. Et quamvis nihil peccati foret hæc videre , hæc tangere , hæc audire , his frui , his oblectari , his vesci ; magnæ tamen virtutis est , & mercedis longè maximæ , hæc non videre velle , illa non tangere , his vesci nolle. Nam ut tantò cautius illicitis abstineamus , à licitis etiam nos nonnumquam contineamus.

§. VIII.

Quapropter qui Deo cupit eximiè placere , sapius has voces iterat : Domine J E S U , hoc tui amore non intueri , istud non gustare , illud ad aures non admittere statuo. Hîc linguam propter te , hîc manus , hîc pedes coërcebo : hac in re judicium meum , in illâ voluntatem meam propter te deferam. Hæc Christiana ; hæc sancta sunt : argumenta minimè fallaciamentis bonæ ; & licet in se minuta videantur , hominis tamen mortificati illustra sunt specimina.

Aqua , quam tres milites in galeâ Regi David attulerunt , inter cupedias & delicias regias numerari non potuit , sed quia Rex David siti suæ imperavit , & aquam effuso

sentiens, vix inveniebat quid diceret; hoc unum subjecit : Ignosce , Pater , quod sciam, nil feci, nisi quòd sexies aut septies à somno graviter impugnatus sum , illudque identidem menti occurrebat , Abi & dormi ; sed quia nondum à te dimissus eram , perstiti. His auditis senex continuo intellexit , quòd quoties cogitationibus & somno restitisset , toties novam coronam promeruisset. Hæc dicere tamen è re discipuli non futurum censuit. Ergo dissimulans quid vidisset , aliis Patribus rem ordine narravit. Pelagius hæc omnino verba subjiciens : Discamus , inquit , quia & pro parvis cogitationibus Deus nobis coronam tribuit. ^a Bonum ergo est , ut quis propter Deum in omnibus seipsum sibi extorqueat. Nam regnum cælorum vim patitur , & violenti rapiunt illud.

Hoc Seraphico Francisco Christus significans : Si me desideras , inquit , dulcia tibi amarescant, & amara dulcescant. Amarum quid est Mortificatio : tunc verò dulcescit, cum Christi causâ suscipitur. Dulcia videntur mundi gaudia, sed amarescunt deliciis cælestibus collata.

^a Pelag. libell. 7. n. 13.

S. IX.

Mortificatio non honesta solum, nec utilis tantum, sed planè necessaria est, nec in unam tantummodo diem aut hebdomadam , nec in unum duntaxat mensem aut annum, sed in omnem vitam extendat sese

& cogitationes molestæ: at juvenis iterum iterumque restitit & cogitationibus & somno. Idque septies fecit singulari victoriâ sui. Jamque nocte ad umbilicum deductâ, senex evigilans, & discipulum insomnem cernens: Quid hîc agis, ait, non interim dormitum abiisti? Cui juvenis sedatè: Non Pater, inquit, qui me non dimissum credidi. Cur ergo, ait senex, me non excitâsti? Non aulus sum id facere, respondit juvenis, ne importuniùs turbarem te, Pater. Ita post mediam noctem matutinas preces simul persolverunt. Quibus finitis discipulus demum jussus est dormire. Sed & senex aliquid quietis addit priori somno. Seni ostentum cæleste objectum est hoc modo: Videbat solum sublime splendore multo vestitum, in eo septem coronarum cernebantur repositæ. Hic senex interrogare sibi visus est eum, qui hæc monstrabat, Cui nam hæc essent parata. Responsum est, Discipulo tuo; Sedes quidem priori vitæ sanctius exactæ destinata est: septem coronas hac ipsâ nocte promeruit. Obstupuit senex, & expavit. Mox discipulum accersens: Dic mihi, obsecro, inquit, quid fecisti hac nocte? Juvenis non nihil territus: Da veniam, Pater, ait, nisi me valde fallo, nihil mali feci. Senex modestiam interpretatus hoc responsi: Ut scias, inquit, mi fili, percunctari non desinam, dum fatearis, quid egeris, vel etiam quid cogitaris hac nocte. Hic optimus juvenis conscientiam suam interrogans, nec ream sentiens,

die luxuriantem herbæ comam attondeat. brevi nec leonem ampliùs, nec cervum, nec aquilam, nec struthiocamelum silvescentes frutices repræsentabunt. Idem prorsus hâc evenit: sis leo licet vel aquila, fortis tibi videare, ac tui victor, si tamen non assiduè quod excrefcit resces, si cesser Mortificationis studium, brevi nec leo, nec aquila, sed monstrum eris non absimile Satyro Faunoque, hoc est, homini effreni & pravis affectibus pleno.

Cùm dixisset Christus: Si quis vult venire post me, abneget semetipsum; continuo adjunxit: Et tollat crucem suam quotidie. Non tantùm semel iterumque in hebdomade aut mense, aut anno: *Quotidie*. Nulla dies abeat sine hac Mortificationis lineâ. Pomanus Imperator Titus, quo die in neminem beneficium contulisset, dicere solebat: Amici, diem perdidimus. Non minùs ille diem eum perditum credat, quem nullâ sui victoriâ insignierit.

Franciscus Borgias Dux Gandiæ, è Duce Societatis Jesu Generalis tertius, cibum eo die insuavem sibi dicebat, quo corpus nullâ mortificatione affecisset. Nec quidem extremum vitæ diem ab hac lege mortificationis eximium volebat. Ita corpori semper bellum movebat, neque unquam deerat, quo sibi male faceret, juratus sui hostis. Hinc amicos nominabat, quæ nos incommoda vocamus. Pluvias, ventos, frigora, æstus, omnemque coeli intemperiem excepit latissimè. Podagræ
 x. dolores.

sele necesse est. Quod Bernardus graviter affirmans : Quis enim , inquit , ita ad unguem omnia à se superflua rescavit , ut nihil se habere putet putatione dignum ? Credite mihi , & putata repullulant , & effugata redeunt , & reaccenduntur extincta , & sopita denuò accenduntur. Parum est ergo semel putasse. *a* Sæpe putandum est , imo (si fieri possit) semper , quia semper , quod putari oporteat (si non dissimulas) invenies. Quantumlibet in hoc corpore manens profeceris , errans , si vitia putas emortua , & non magis suppressa. Addit : Unum in tanto discrimine consilium est , observare diligenter , & mox ut renascentium vitiorum capita apparebunt , promptâ severitate succidere. Non potest virtus cum vitiis pariter crescere. Ergo ut illa vigeat , ista crescere non sinantur , Tolle superflua , & salubria surgunt : utilitati accedit , quicquid cupiditati denis. Demus operam putationi. *b* Putetur cupiditas , ut virtus roboretur. Nobis putationis semper est tempus , sicut semper est opus. *c*

In horti cultoribus rem oculis est cernere. Solent hortulani myrti aliarumque herbarum ductibus diversas imagines in areolis efformare , ut hic quidem herilia insignia , illic leo vel cervus , istic aquila vel struthiocamelus exprimatur : at verò nisi olitor industrius sit , & poenè quotidie

a Putare , amputare , Mortificare , hic idem.

b Seu , Mortificationi.

c Bern. serm. 58. in Cant. sine , mihi pag.

menta sunt. Quanto prolixior lucta, quanto difficilior pugna, tanto major gloria, tanto illustrior corona. Huc illud Jobi aptavero: Vocem exactoris non audit. Quod explicans Gregorius: Clamorem exactoris non audire, inquit, est violentis tentationū motibus minime consentire. *a* Sunt quos improbi exactores identidem vellicant, hunc gula, illum iracundia, istum luxuria vehementius invadit, & velut exactor jus suum postulat. Obtunde aures, & tam constanter nega, quam petunt. Nemo est indolis tam indomitæ, quia eam, si velit, vincere possit, & sub jugum mittere. Sed victoria forsan rara est? Nullus hic animo cadat; præstat vel semel tantum vincere quam nunquam. Succumbis hodie? resume animum: cras vinces. Nihil hic turpius quam clypeum abjicere, & pugnare nolle. Hortatur Augustinus, & cum ascendente Domino patenter in altum nos erigens; Ascendamus etiam post illum, inquit, per vitia & passiones nostras. Et ne quisquam hoc fieri non posse arbitretur, subjungit: De vitiis nostris scalam nobis facimus, si vitia ipsa calcamus; attollent enim ipsa nos, si fuerint infra nos. *b* His gradibus adjuti, plurimi magnos ad virtutem progressus fecere. Sapiens dominatur astris, naturæ impetus coercet; sentit in se malignam indolem, non consentit. Neque verò sensus noxam contrahit, sed consensus.

X 2

§. X. So-

a Greg. l. 30. mor. c. 13.

b Aug. serm. 3. de Ascens. Dom.

dolores , acerbos obtrectatores , & quoscunque demum mortificationis auctores sustinuit patientissimè. Nec hostem sibi capitaliorem esse censuit quàm corpus. Huic magis vexando , arenam calceis & & scrupulos, iniecit , ut eundo pedes offenderet ; brumá faviente caput & calvitiem aperuit, fervente sole , quò plus uretur, eò lentius incessit. Continuis imbribus iter faciens : Quàm bellè, ajebat, amici mei me juvant , atque ad edomandam hanc belluam (sic corpus vocabat) adigunt ! Deum rogavit sæpius , ut quicquid vita jucundi habet , in supplicium sibi verteretur : hæc ei amaritudo fuit dulcissima. Noctes insomnes ducere , inter lucra numeravit. Quin & in morbo mortificationis usum non intermisit. Catapotia seu pilulas non glutire , ut alii , sed mandere consuevit, ut os & palatum amarore cruciaret; potiones medicas tantò promptius sumpsit , quantò plus horruit : ut, ubi plus olim voluptatis, jam plus sentiret tormenti ; & ut gula tot prius deliciis imbuta, suos jam carnifices experiretur.

Hoc Sanctorum omnium contentissimum fuit studium, seipso Mortificationibus assiduis frangere. Etenim probè sciebant, non decere sub spinoso capite membra esse delicata.

Neque verò quisquam terreatur , licet hic multum sentiat difficultatis , licet indolem nactus sit calidam , ferocem, asperam, & domari difficilem : non hæc Mortificationis impedimenta , sed sæpe adju-
menta

hunc ipsum juvenem unus è Patribus , ut minus tractabilem ac turbatorem domus accusasset , Ignatius non ad vulgi trutinam , sed ad prudentiæ stateram dicta examinans : Quaso, inquiebat, mitius, mi Pater: equidem hunc ipsum, quem tu acriter objurgandum putas , plus ego paucis mensibus profecisse arbitror , quàm duos illos anno integro. *a* Erant duo illi suavitate morum & candore nemini non amabiles. Ex quo liquet , solidi profectus rationem non ab ingenio sedato , sed à conatu sui vincendi ac studio petendam. Nemo igitur desperet : plus proficit , qui sibi ipse plus resistit.

Coronidis loco , duplex hoc consilium suggero planè necessarium : Si maligniores affectus velis eradicatum ire , *Parva non neglige, & Ulcus tange*. Parva, inquam, non neglige : nam si muscam nolis aut non possis configere , crede mihi nec elephantum confodies : si nec uno quidem alterove holo fraudare gulam, si oculorum curiositati nihil , nisi quod turpissimum est , negare audeas , si non leviora etiam linguæ delicta corrigas , si non etiam scintillas cupidinum Mortificatione sopias, brevi cernes incendium. Aut ergo in minutis etiam te vince , aut in magnis nunquam tui dominus eris.

Deinde, quod dixi, *Ulcus tange*. Sunt qui mortificando se, vitalia nunquam feriant, *b*

a Ribadeneir, in vitâ illius l. 5. c. 10. pest. mit.

b Sie treffens lebendig ist.

S. X.

Socratem nescio quis Medicorum curiosius inspexit, & hominem libidini ac crapulae pronum pronuntiavit. Vix manus continuerunt Socratis discipuli, quibus Magistri sui sobria continentia jam pridem perspectissima erat. Hos Socrates repressurus: Sententiam, inquit, ne precipitate, ô boni; talis enim, qualem hic me depinxit, fuissim, nisi me alium philosophia & virtus fecissent. Miseros nos, ô Christiani, ô Religiosi, si minus virium & animi ad hanc rem adferamus, quàm idolatra!

Alexandrum Macedonum Plutarchus aliis Monarchis longè censet antecellere, quandoquidem alii tales sint nati, ille talem suam se dextra, vi, gladio, vulneribus, cruore fecerit. Ita prorsus multò maiorem illi gloriam assequuntur, qui naturæ suæ malignitatem fortiter conantur vincere, quàm qui mitissimam indolem fortiti ad omnem virtutem faciles ducuntur. Nihil proficit, qui nihil in se superat.

Receperat in familiam suam sanctus Ignatius Lojola juvenem acri ac vehementi ingenio, quem sapius ut pater hortatus: Vince te, aiebat, vince te. Si enim te ipsum viceris, cœleste præmium multò cumulatiùs feres, quàm qui animam fortiti sunt virtuti pronissimam. Cumque

hunc
a Ratus ab exteriori fronte id sibi con-
fere.

cus gladio meteret : sic enim Deus iusserat : Vade & percutite Amalec , & demolire universa ejus. Sed divinis jussibus obtemperatum non est. Nam pepercit Saul & populus optimis gregibus ovium & armentorum , & vestibus , & arietibus, & universis quæ pulchra erant, nec voluerunt disperdere ea. Quidquid verò vile fuit & reprobum , hoc demoliti sunt. & Hoc Deo nimis quàm displicuit. Ideò ipse Samuel Agagum regem Amalecitanum ad se adductum in frustra concidit.

Haud aliter aliqui se mortificant in iis quæ non valde sentiunt ; nil resecant de vivo , ulcus non tangunt , Agagum non jugulant. Quid igitur tibi blandiris de tuis mortificationibus ? Rex Agag etiamnum vivit , superbia tua & impatientia tua nondum finierunt , libidines tuæ nondum expirarunt , ultionis appetitus spirat adhuc. Agagus Deo in sacrificium offerendus est , hunc macta. Illud in te vitium expugna , quod te potissimum abstrahit à Deo. Mortificationis ferrum in eam animi affectionem stringe , quæ plurimum puris habet aut veneni. Hoc moneo ; Ulcus tange.

ACTIO.

1. Reg. c. 15. v. 9.

Ulcus nunquam tangant. Famiem aut si-
zim mortificas? optimè facis: sed magis
deberes appetitum honoris. Tergum fla-
gellis pulsas? Ah cur linguam non fla-
gellas nocentissimam? Verbis & veste
humilitatem praefers? Animum oro, ani-
mum humilitate imbue. Argenteas lam-
pades aliave munera templis consecras?
Rectè hoc quidem, sed interim non tan-
gis Ulcus, libidines tuas non deseris.
Argentum tuum non displicet Deo, sed
magis placeret tua castimonia. Hic ulcus
tuum est; hoc tange, hic Mortificatio-
nis scapellum applica, parti laxæ adhi-
be malagma, non sanæ. Sacris peregrin-
ationibus te fatigas? Non malè. Sed
melius faceres, si tu domi tuæ mane-
res, & avaritiam à te aut invidiam in exi-
lium ejiceres. Vigiliis tolerare discis?
Optimè. Sed quæso te, discas simul in-
jurias ferre, &c. Ita moneo, Ulcus tan-
ge, & cum à tuis defectibus mortifica-
tione perpetua sanare stude, qui profe-
ctum tuum magis impedit. Pharisei, ut
scimus, superficiem radebant, ad inte-
riora vix unquam penetrabant. Idcirco
Medicus cælestis ulcus eorum tangens:
Phariseæ cace, inquit, munda prius quod
intus est, calicis & paropsidis, ut fiat id
quod de foris est, mundum. *a*

In regum factis narratur, Amalecitis
devictis imperatum à Deo Sauli regi, ne
cuiquam parceret; viros, feminas, juve-
nes, senes, pueros, lactentes & omne pe-

pravarumque affectionum; Exterior his ferè actionibus se exerit. 1. Sabbathum, aut pervigilia beatissimæ Virginis jejunio solet colere. Beatus Franciscus à festo die Apostolorum Petri & Pauli usque ad diem Virginis in cœlum Assumptæ jejunium quadragintadiæ inii. Lusitanæ regina Elisabetha à die S. Joanni Baptistæ ad diem festum jam dictum pane tantum & aquâ jejunavit. 2. Ab uno saltem alterove ferculo his talibus diebus abstinere. 3. Cilicinam vestem aut cingulum gestare. 4. Aliquid somno decerptum vigiliis addere. 5. Indormire asseri, aut lectum solito duriorem sternere. 6. Funiculis dorso incussis Christi flagra nonnihil gustare. 7. Ad urbicum aut suburbana beatissimæ Virginis templa reviscere; peregrinationem, præsertim vicinam, ad ejuscemodi ædes instituere.

4. Mortificationis vigilans solertia studiosissimè cavet, ne voluptas necessitatis formosam larvam induat, & ita quæ aperta non posset, recta tam honesta schemate subrepat. Sed tandem deprehenditur hoc furtum. Nam fraus ista hinc patet: Necessitas vilibus & paucis contenta est: voluptas delicatam ambit affluentiam; multis & exquisitis etiam ægrè satiatur.

5. Qui stigmata & Mortificationem Domini J E S U in corpore suo circumferre cupit, is cum Paulo seipsum sapius accuratè scrutatur, ubinam lateat quod mortificandum sit; num Voluntas, num

A C T I O N E S M O R T I F I C A T I O N E S.

1. Prima omnium est, quam modò explicavi, Ulcus tangere. Itaque Mortificationem quâ parte maximè delicatus es aut vivax, eò potissimum dirige. Graculus es? frena linguam. Gulosus es? coërce gulam. Libidinosus es? exteriores sensus omnes cohibe. Fastuosus es? amputa supercilium. Ambiciosus es? ad vilia te demitte. Avarus es? pecuniam ut hostis invade. Desidiosus es? ad labores, ad industriam te urge. Eadem de ceteris est ratio.

2. A parvis ad majores se mortificationes assuefacere. Qui militiam adspirant prius arma tractant ludicra, decursiones equestres celebrant, pugnae simulacra cient, sic bello se parant. Pari modo ut totas noctes pervigilare discas, unam alteramve horam vigilia; ut totos dies esurire possis, prius mitioribus te jeuniis exerce: ut maximas injurias tolerare nòris, patientiam in minimis obfirma. Frange voluntatem etiam in licitis, ut eam tantò potentius abstrahas ab illicitis. Judicium tuum desere in levioribus, ut in feriis eò minus illius sis tenax. A mitioribus ad mortificationes insigniores facilis est semita.

3. Cùm duplex sit Mortificatio, exterior corporis, interior voluntatis, judicii,
prava.

finito. Exempli causa: Sub initium aut finem, aut dum in actu est Mortificatio, brevi precatiuncula is, qui seipsum mortificat, id omnè sic offerat: *Domine JESU, hanc ego guttulam in mare acerbissima Passionis tue defero. Placeat tibi propter te, quod ego hic amore tui facio.*

CAPUT XI.

Rosa Græcula,

feu,

Misericordia & Eleemosyna.

§. I.

ROSA, quam Græculam vocant, latissimis est foliis, sed convolutis foliorum paniculis, nec dehiscens nisi manu coacta, semperque nascenti similis. Huic rectissimè, putem, Misericordiam conferimus, quæ foliis valdè latis in plurimorum salutem semet exporrigit, nec unquam alios juvando lassescit, semper recens, semper similis nascenti.

Beatissima Domini Mater, quantò sibi ipsa severior, tanto benignior fuit aliis. Nam quod Salomon ait, lex clementiæ in lingua ejus. *a* Damascenus eam jure merito *Curationem pelagus* appellat. *b* Illam paradisi arborem, *Lignum vite* malè comessando concoximus; pro illo Deus supeditavit *Venam Vitæ*, è qua Christus aqua

a Prov. c. 31. v. 26.

b Damasc. de dorm. Virg.

Intellectus seu Iudicium ægroter, num sensus exteriores cautius cohibendi, num carnis petulantia severius castiganda, &c. Notitia morbi, principium salutis. Nam qui scit ex stomacho se laborare, pedem sibi non patietur amputari: ita qui in voluntate vitium deprehenderit, illi remedium adhibebit, non intellectui aut iudicio.

6. Mortificatio subinde certo numero gaudet. Sunt, qui trigesies in die mortificare se soleant, sunt qui sexagies; sunt qui crebrius, alii rarius. Aliqui in his insigniora quinque Christi vulnera, alii septem sancti Spiritus dona, alii novem Angelorum ordines, alii ætatem Christi, aut Virginis Matris observant, & pio cultu Mortificationum suarum numerum ad aliquid horum referunt, laudabili prorsus Arithmetica: nam quemadmodum David, ut regiam virginem Michol in conjugem impetraret, tamdiu Philistæos insecutus est, dum centum eorum capitata colligere: ita ei, qui beatitudinem velut sponsam ambit, non difficile est, ad numerum suos hostes, pravas affectiones jugulare. Neque enim hæc Deo velut venditores merces adnumeramus, sed segnitiam nostram hac numerandi ratione excitamus. Quod idem fit in precibus.

7. Mortificationem in se nonnihil amaram multa perfundit dulcedine, si omnes ejusmodi actus conjungantur Christi cruciatibus, velut obolus thesauro infinito.

redemptionem. Per te enim coelum reple-
tum, infernus evacuatus est; instau-
rata ruinae caelestis Hierusalem; expectan-
tibus miseris vita perdata data. Sic poten-
tissima & piissima charitas & affectu
compatiendi, & subveniendi abundat ef-
fectu, æque locuples in utroque. Ad hunc
igitur fontem sitibunda properet animo
nostra. Ad hunc misericordiae cumulum
tota sollicitudine miseria nostra recur-
rat. *a*

Olim ab arcana Dei Curia, *b* ab edita
iustitiae sententia nulla fuit appellatio.
At verò nunc est ad solium gratiae & ad
tribunal Misericordiae, nunc superexal-
tat Misericordia iudicium. *c* Quod insigni-
ter Bernardus explicans: Si criminum,
inquit, immanitate turbatus, conscien-
tiae foeditate confusus, iudicii horrore
perterritus, barathro incipias absorberi
tristitiae, desperationis abyssò, cogita
Mariam. *d* Quam enim clemens nunc
erit in coelo, quae tam misericors fuit in
terra? Gregorius Nicomediensis: Quo-
tidie, inquit, videbatur ei Angelus loqui,
& quasi charissimae sorori vel matri ob-
temperabat ei, quae Ambrosium nutri-
mentum de manu Angeli accipiebat.
eoque reficiebatur: victum verò quem à
Pon-

a Bernard. ser. de Assump. beatiss. Virg.
mihi pag. 256.

b Vom Cammergericht Gottes.

c Iac. c. 2. v. 13.

d Bern. hom. 2. super Missus est, &c.

aqua viva; & omnis Misericordia nobis ac gratia profluxit. Moses Sebeonis filium laudans: Iste est Ana, inquit, qui aquas calidas invenit in solitudine. ^a Nos rectius: Ista est mulier, quæ reperit Misericordiæ thermas. Bernardus illarum saluberrimum calorem sentiens, & ideo ingenti affectu exclamans: Sileat Misericordiam tuam, inquit, Virgo beata, si quis est, qui invocatam te in necessitatibus suis sibi meminerit defuisse. Nos quidem servuli tui ceteris in virtutibus congaudemus tibi, sed in hac potius nobis ipsis. Laudamus virginitatem, humilitatem miramur: sed Misericordia miseris sapit dulcius. Misericordiam amplectimur charius, recordamur sapius, crebrius invocamus. Hæc est enim, quæ totius Mundi reparationem obtinuit, salutem omnium impetravit. Constat enim pro universo genere humano fuisse sollicitam, cui dictum est: Ne timeas Maria: invenisti gratiam, utique quam quærebas. Quis ergo Misericordiæ nostræ, o benedicta, longitudinem & latitudinem, sublimitatem & profundum queat investigare? Nam longitudo ejus usque in diem novissimum invocantibus, cum subvenit universis. Latitudo ejus replet orbem terrarum, ut tuâ quoque misericordiâ plena sit omnis terra. Sic & sublimitas ejus civitatis supernæ invenit restaurationem, & profundum ejus sedentibus in tenebris, & in umbrâ mortis obtinuit redem-

mus. *a* Quod confirmans Chrysostomus: Pro se orare, ait, necessitas; pro altero charitas fraternitatis hortatur. Dulcior autem ante Deum est oratio, non quam necessitas transmittit, sed quam Charitas fraternitatis commendat. *b* Neque aliter Hieronymus: Si Apostoli, ait, & Martyres in corpore constituti, quando adhuc pro se debent esse solliciti, pro aliis orant, quanto magis post coronas & triumphos? *c* Atqui Virgo beatissima à primo, quo vivere coepit momento, plus Charitatis habuit, quam omnes simul & sancti homines & beati Angeli, *d* ergo illa etiam ardentius pro nobis deprecatur, & efficacius impetrat: ita proflus, ut si illa una & sola quippiam rogaret, & omne coelum reclamaret, uti Angelum Angelo restituisse narrat Daniel, potentior tamen esset Virginis matris oratio, quam calitum creatorum omnium. *e*

Huc pius ille scriptior animum attendens: Mediatrix est, inquit, inter nos & filium, qui nihil illipetenti negat, cum sit illius mater, sedetque ad ejus dexteram, super omnes creaturas exaltata, & ipsa pro-

a S. Tom. 2. 2. q. 83. a. 7.

b Chrysost. tom. 2. hom. 14. in imperfecto, circa principium.

c Hieron. l. contra Vigilant.

d Collectivè sumpti, ut in scholis loquuntur.

e Vide Suárez tom. 2. in 3. D. Thom. disp. 23. sect. 2.

Pontificibus templi accipiebat, pauperibus erogabat. *a*

Eliæ cibum subministrat corvus, Danieli Angelus, Judæis manna effunditur nubes: quid de Domini Matre dicemus? Palladius, qui vixit ævo Theodosii Majoris, asserit, Apollo & Anuph sanctissimos viros dies noctesque precibus exegisse, atque hinc alimoniam quotidianam ab Angelo accepisse. Atqui nullam gratiam fas est credere concessam servis, quæ negata sit Matri. Habuit ergo divina virguncula suos veluti convictores in templo mendiculos, quos etiamnum parvulos ingentimisericordia reficiebat. Potuit hæc virgo dicere, quod Jobus: Ab infantia mea crevit mecum misratio, & de utero matris meæ egressa est mecum. *b*

Misericordiam itaque cum ea adolevisse, jamque illam in cœlo nobis veniam & gratiam deprecari, Ecclesiæ consensus & nostra fides asserit. Pro hominibus, dum vixit, supplicavit. In nuptiis Canæ id factum constat, ubi Filium rogavit, tenuioribus sponfis subveniret, idque imperavit. Id ergo jam multò magis faciet in patria. Pro aliis supplicare ab amore provenit, atqui amor in patria perfectior est, ergo illic pro viatoribus magis supplicatur.

Erudite Thomas Aquinas: Claritas, inquit, hoc requirit, ut pro aliis oremus.

a Gregor. Nicom. de oblatione Mariæ.

b Job. c. 21. v. 23.

longè tutiores sumus, quàm si omnium Romanorum Caesarum effigies manu teneamus. Sub alis Phœnicis istius omnes affligiti plurimum subsidii reperiunt Iure de hac matre dicemus: Filii autem hominum sub tegmine alarum tuarum sperabunt. *a* Affectu magno pro se quisque dixerit: Inhabitabo in tabernaculo tuo, protegar in velamento alarum tuarum.

Sancti omnes in Misericordiam prout velut olivæ in hortis confitæ fuerunt. At Virgo beatissima velut oliva totum orbem complexa, olivas alias omnes inumbravit.

Beatus Dominicus, familia sua nondum confirmata, vidit velut diducto cælo, quæ ratione Christus stans in gentem humanam tres lanceas vibraret, orbem iræ suæ metam convulsurus. Hic mater ad filii pedes provoluta, veniam impetravit orbi. *b* Hic utique mater idem sensit quod filius, qui famelicæ plebis misericordia commotus: Misereor, inquebat, super turbam. *c*

Cùm Senis annona incredibiliter oneraretur, Catharina virgo modicum farinæ jam putidæ in panes pinsuit. Hos deinde in egenos distribuit liberalissimè, nec tamen deesse cœpit quod daretur: quantò enim largius erogabat, tantò plus supererat. Imò quod mirius, gratissimi saporis
y erant

a Psalm. 38. v. 8. Et Psalm. 60. v. 5.

b Chronicon S. Dominici, Sur. Bxov. tem. 13.

c Marci c. 8. v. 2.

proxima. a Seraphinus Firmianus, dubium velut problema ponens: Cur, inquit, audaciorem fiduciam in matrem quam in filium erigimus? Mox è Bernardo & Anselmo respondens: Quia in Matrem, inquit, à Filio divina pietas derivatur, absque justitiæ terrore. In filio licet attrahat pietas, terret tamen potestas. Scimus judicem eum esse adeo exactum, ut rationem de verbis etiam otiosis vel singulis sit exacturus. Ecquid volumus? infantia mores his exhibemus, læsus infans accurrat matrem.

a Ioannes Rusbrochius libell. de 7. annis gradibus, c. 8. medio.

§. II.

Græcis mos erat, ut injuriam à se defensus templum, aram, vel statuam accurreret. Mos hic Imperatorum avo migravit Romam. Hinc ingenui & servi non in templis solum, sed ad quamlibet Imperatorum imaginem aut statuam asylum sibi repperunt. Imò, quod Philostratus testatur, si servus monetam tantùm Caesaris imagine signatam manu tenuisset, eum cadere nescis fuisset. Hinc capitis quisquam damnatus, quòd servum percussisset, qui argenteam drachinam Tiberii imagine inscriptam tenebat.

Securius nobis asylum est Mater Dei, templum gratiæ, ara misericordiæ: si vel verbulo vel gemitu tangamus hanc aram.

longè

a Philostratus l. I. in vitâ Apollonii, c. II.

rem dixerim. Hortatur Paulus : Induite vos ergo sicut electi Dei, sancti & dilecti, viscera Misericordiæ. *a* Sancti omnes ex hac familia sunt, quæ vix certiore signo noscendam se præbet, quàm quod omnes hujus stemmatis viri feminæque viscera Misericordiæ habent. Huic familiæ natura insitum, misericordiam non è crumena solum, non è manucistaque tantum, sed ex intimo pectore largiri sua, & cum opus, etiam seipsum. Toti nuncquam familiæ agnatum est, litteram caninam *b* non posse commodè pronuntiare; subinde in vultu aut oculis, aliove membro ingentem habent maculam, aut hæreditarium morbum: quandoque omnibus ejus familiæ agnata docilitas & humanitas. Ita Paulus loquitur, electis omnibus ab ortu impressa est hæc nota Misericordiæ. Ergo & vos, ô mei Colossenses, sicut electi alii, sicut sancti, sicut dilecti hanc notam in vobis cercendam exhibete, induite viscera Misericordiæ. Misericordia testatur, inquit Anselmus, vos Dei sapientia præcognitos, à massa perdendorum separatos, ad vitam æternam præordinatos.

Ita prorsus Misericordia amicis Dei omnibus altissimè impressa est. Evolvat quis omnium Sanctorum res gestas, quos Lipomannus, Surius, Lippelous scriptis complexi, nec unicum, putem ego, ex omni numero reperiet, cui non hæc

Y 2. ROLA

a Coloss. c. 3. v. 12.

b R.

erant hi panes, nec à dominica etiam gula
spernendi. Sed adjutricem habuit Catha-
rina è calo Virginem divinam, quæ visi-
est suis manibus è massa formare panes
coquendos. Nimirum plena est Miseri-
cordia Virgo cælestis, verus balsami hor-
tus, uberrimum salutis promptuarium;
verbo, Mater misericordia.

Meo sensu, perire nequit, qui quis An-
gelos & Angelorum Dominam in suis
partes traxerit. Sed illud, obsecro, non
nesciamus, à Pythagora sapienter dictum;
Similia non nisi à similibus comprehen-
duntur. Misericordiam tibi postulas? nec
tu eam alteri nega: gratiam ambis? hanc
& alius à te impetret. Misericordiam pro
misericordia, gratiam pro gratia conse-
quemur. Quales nos sumus in similes no-
bis talis in nos est Deus.

§. III.

Hoc instituto quo capimus, non in-
congruum erit, si latissima hujus rosa
folia paullo explicatius proponamus. Mi-
sericordia omnibus non tantum nosce-
da, sed penitis medullis combibenda est.
Eleemosyna porro nihil aliud est quam
Misericordia transiens in effectum &
opus.

Veritatis oraculum est: Beati Misericor-
des, quoniam ipsi misericordiam conse-
quentur. a Misericordia beatis omnibus
adeò innata censerì potuit, ut eorum soror

a Matth. c. 5. v. 7.

Spiritus sapientiæ spiritus humanus est & suavis. *a* Ipsam audi sapientiam: Benignus est, inquit, spiritus sapientiæ. Ideo Palæstinus Rex David apertè proclamavit: Beatus, qui intelligit super egenum & pauperem, in die mala liberabit eum Dominus. *b* Sunt qui in rebus physicis sint peritissimi: Vinum vix gustant, & qua patria sit norunt; ostrea primo morsu, ex quo lacu sint, deprehendunt; omne monetæ genus exactissimè distinguunt, suum corio, suum panno, serico & holoserico pretium statuere norunt optimè, discernunt omnia intelligenter: *c* Super egenum & pauperem vix intelligunt, inopiam horum non satis inspiciunt, non æstimant paupertatis miserias, & inde misericordia non magna sequitur. Beatus ergo qui intelligit super egenum & pauperem. Quisquis enim hac in re intelligens est, is Augustini & Cassiodori sensu, pauperi etiam non petenti offert, tacentem intelligit, de remedio pauperis, affectu pietatis cogitat. Non intelligens, dum petatur expectat; post multas preces vix demum lentus & serus, quod perebatur, præstat.

Y 3

O verè

a Sap. c. I. v. 6.*b* Psalm. 40. v. 1.*c* Iuvenal. de Montano gulone sat. 4. v. 140.

Nulli major fuit usus edendi, tempestate mea:

Ostrea callebat primo deprendere morsu,

An ex Lucrino aut Rutupino lacu forent.

nota Misericordiae infixa. Quod de seipso Iobus, id illorum quisque dicere potuit: Ab infantia mea crevit mecum miseratione, & de utero matris meae egressa est mecum. Si negavi, quod volebant, pauperibus; si oculos viduae expectare feci, si comedi buccellam meam solus, & non comedit pupillus ex ea. Oculus fui cecus, & pes claudus, pater eram pauperum. Tanta scilicet egenorum miseratione tangebatur, ut non tantum caecis & claudis stipem dederim, sed conatus sim etiam, quantum licuit, oculos & pedes dare. Pater eram pauperum, cum ipsis pauper, quando eorum paupertatem adeo sentiebam, perinde si ea ego ipse laborarem. Cum illi alius dormirent, ego huc illuc animum versabam, qua ratione pupillis providendum, succurrendum viduis, unde panem, lectulos, vestem haberent. Revera Sancti omnes affectu tales fuerunt, qualis Iob esse potuit censu & manu. Atque hoc in Sanctis, qui etiamnum superstites sunt, observare licet. Hinc illum nemo facile sanctum pronuntiaverit, qui ab egenis averso est animo, & in eorum causam neutiquam propendit; qui subinde dat aliquid, sed amorem non redolent dara; Misericordiam non sapientius ipsius munera.

Ecquis negaverit, quin omnes sancti spiritu sapientiae imbuti decesserint. natu coelo nullus admittitur, qui spiritum stultitiae deserit ad tumultum. Atque

Spiritus

tribunalis aut solii formam referrent. Quàm facili apparatu salutat rex Iehu? Quanto sanguine, quot centenis millibus capitum coronæ regum ac diademata non raro steterunt? His ipsis annis, quibus hæc scribo, corona Bohemiæ cruore quanto, quot hominum millibus vindicata est? Ut rex cœli ungaris, vix ullius est laboris, aut impendii; tu modo Misericordiæ oleum alfer, & regnum illud jam tuum est.

Eleganter hoc Augustinus exprimens: Da, inquit, modica, & accipe magna. Vide, quàm latè crescat fenus tuum. Da temporalia, accipe æterna: da terram, accipe cœlum. Vide quid sis accepturus: Percipite regnum, quod vobis paratum est ab initio mundi. Terrena dedisti, quæ si non dedisses, in terra putrescerent. Quid enim inde facturus esses, si non dedisses? Quod petiturum erant in terra, servatum est in cœlo. Ergo quod servatum est hoc accepturi sumus. Servatum est meritum: factus est thesaurus tuus meritum tuum. ^a

Salomon (quod regum fasti memorant) ad ingressum tabernaculi fecit duo ostiola de lignis olivarum. ^b Hic non immerito quis quærat: Cur, quæso, ad arcanissima hæc templi penetralia, ad sancta sanctorum, non cedro, non cupresso, aut nobiliore ligno, cur imò non ex auro fabrefacta est janua, præsertim cum id loci sanctitas postularet? Sciamus archi-

y 4 rectum

^a Aug. in Ps. 36. ante med. mihi pag. 123.

^b 3. Reg. 6. 6. v. 31.

O verè iucundus homo , qui miseretur & commodat ; in æternum non commovebitur ! *a* Siquidem beati Misericordes. Sed ubinam , quæso Domine , beati sunt ? Pauperibus promissum est regnum. Sed & hi quoque reges erunt qui Misericordia excelluerint. Nam egentibus non marsupium tantum & manum , sed & pectus aperiunt ; cur eis Deus cælum clauderet ? cum stipem largiuntur , si possent , cor adderent ; largiri omnibus cum non possunt , saltem volunt. Quando igitur Misericordia Deum detraxit cælo , & mortalitatis sacco induit , poterit etiam hominem in cælum arrehere.

a Psalm. III. v. 5.

§. IV.

Quicumque igitur Misericordes sunt , reges sunt legitimè uncti. Oleum ad hanc unctionem ipsi suppeditarunt , cetera regni insignia merissimo Dei favore sunt assecuti. Eliseus olim adolescenti lenticulam olei committens : Vade , inquit , in Ramoth Galaad , & introduces in interius cubiculum Jehu , tenensque lenticulam olei fundes super caput ejus , dicens : Hæc dicit Dominus : Unxi te regem super Israël. Aperiesque ostium , & fugies. *a* Facta omnia , ut imperatum erat. Quibus auditis qui aderant , continuo suum quisque pallium Jehu pedibus subjecit , ut ea congesta

tribu.

a 4. Reg. c. 9. v. 2. & 3.

omnium non explicabit quod Abel primus martyr & virgo fuerit, quod Abraham speculum obedientiae extiterit, quod Noëmus orbem asseribus clausum servavit: Davidis lacrimas & poenitentiam filebit: quid Moses & Elias in Thabore secum locuti, non exponet: quod Petrus primus post se crucem conscenderit, quod multa millia Martyrum in eundem suggestum sint secuti, non prædicabit: Sed illud publicè recitabit cum laude maxima, velut gratias agens; quis sibi fragmentum panis dederit, quis frigidam porrexerit, quis defloccatum palliolum donarit, quis hospitio se foverit, quis ad ægrotum, quis ad detentum carcere reviserit. Supremum hunc judicem Misericordiae filii prærogativa singulari alloqui audebunt, disponent sermones suos in iudicio; & voces illorum erunt: Da, Domine, quia dedimus; da Te, quia tua causa dedimus; miseri sumus aliorum, tu nostri miserere: fecimus quod iussisti, redde quod promissisti. At illo totius regni se debitorem promptissimè professus: Meum, dicet, promissum agnosco; misericordiam vestram laudo; Venite, possidete regnum: pro panis fragmine epulum caeleste nunquam finiendum, pro attrito palliolo vestem immortalitatis reddo, pro hospitio cives Angelorum vos constituo: Venite, possidete regnum.

Verè singularissimum quid habet Misericordia præ ceteris virtutibus. Hac enim

Y S

una

rectum hic fuisse Spiritum sanctum , qui non loci majestatem , sed rei mysterium spectavit. In illa sanctorum sanctissima , in aureum Dei palatium nemo admittitur , nisi per oleaginum ostiolum ingreditur , per alterutrum certè ingrediendum est. Qui Misericordiam exhibere nequit , consilio , manu , auxilio ; voluntate saltem miserescat aliorum & affectu. Chrysostomi sententia : Nullus miser est , nisi qui noluerit miseri. ^a Et ne ullus , quamvis plurimum dederit , vel minimum eo gloriatur : Divites , ait , ex multo modicum , vidua ex modico , totum dedit. Quid ingemiscitis , ô non minus avari quam opulenti , cum stipem erogatis ? è pecuniæ vestræ acervo non quidem millesimam partem donatis : vidua illa omnes opes suas , totum ærariolum suum , quicquid thesauri habuit , dedit ; hæc multum dedit.

Beati qui Deo donant sine gemitu , beati misericordes. Hic , obsecro , paullo , altius penetremus , quid demum Misericordia tam affabile habeat & decorum , unde divinis oculis tantopere placeat. Quæ enim alia virtus , nisi Misericordiæ cognata Charitas , ad eò rapit Deum atque Misericordiæ ? In orbis ultimo conventu , in totius humanæ gentis concilio supremo , die illo decretorio & judiciali , parentibus ad tribunal universis Angelis , cum de summa rerum omnium decerneretur , iudex

omnium

^a Chrys. de duab. viduis , & Misericord.

O ergo beati Misericordes , quoniam misericordiam consequentur. Deum misericordia vestrum commoveri vultis? vos ipsi prius misericordes estote. Ad vestrum Deus exemplum sese componet; quem vos illi modum monstraveritis , eum sequetur : Date , & dabitur vobis. Datis alacriter & promptè? promptissimè dabitur & vobis. Datis liberaliter & copiosè? liberalissimè vobis retribuetur.

Dialecticorum præceptio est , Syllogismus in *Darii* negari non potest ; hunc syllogismum nos Christus docuit , quod utendum est iis , qui nolunt negari sibi quæ poscunt. Syllogismus est iste : Date , & dabitur : Estote misericordes , & misericordiam consequemini. Nimirum in hoc vitæ mercatu triticum tritico , oleum oleo comparandum , sed ita ut tritici pugilius totum modum , lecythus olei centum librarum dolium lucretur.

Quæri potest , quæ omnium artium sit quæstuosissima. Num fortè maximum facit lucrum gemmarius , qui gemmas interpolat , ut pluris revendat ? Fors Iurisprudencia omnium lucrosissima est , quæ cùm consilia subministrat , pro singulis pagellis laxissimè scriptis singulos poscit aureos. Fors mercatura plurimum lucratur , quæ centenos expendit florenos , & trecentos aut quadringentos recipit. Quid si usura sit , quæ fenus ex triente , ex centesima fecit besti-

bus,

una omnium maximè Orbis fatali die triumphabit. Idcirco Christus : Euntes, inquit, discite, quid est Misericordiam volo, & non sacrificium. *a* Perinde si dixisset : Nondum satis capitis, quantarum virium sit Misericordia. Eia ergo discite, quid sit super egenum & pauperem intelligere, & quàm hoc ipsum incredibiliter Numini supremo placeat. Pater meus cælestis cælum non reseat nisi sui similibus. Atqui vos potentiam divini Patris, sapientiam, & in omni loco præsentiam imitari non potestis. Estote ergo misericordes, sicut Pater vester cælestis misericors est, & quidem in omnes.

a Matth. c. 9. v. 13.

§. V.

Romæ olim Censores obierunt domos, ut in rem præsentem venirent, scirentque, qua ratione res familiaris administraretur, num fortè in ferinam vermes, in panarium mures, in vestes tineæ grassarentur, non levi rei domesticæ damno.

Utinam hodieque talis censura sit, reperirentur qui mures, tineas, vermes malint pascere, quam pauperes, qui laborent parietes potius quàm egenos malè vestitos operire. Sed his multò plures sunt, quorum non panem aut vestem, sed vermes pectus exedunt, & omnem miserationis affectum corrumpunt, ut neminis egestatem aut misérias facile commiserentur.

O ergo

totum prodiit : sed hoc tam amplum & locuples ærarium tandem exhaustum est. Coepit & Salomon egere , ideò & subditos immodicis tributis premere. Ditissimum fuit ærarium Cræsi , sed direptum est. Non minus dives fuerat Darii , sed dissipatum est. Opulentissimum Sardapalus palatium habitavit , sed combustum est. Misericordia gazophylacium est , quod non exauriri , nec dissipari , neque comburi , neque diripi , neque suffodi potest , æternum , inexhaustum. Hoc Christus digito monstrans : Nolite, inquit, thesaurizare vobis thesauros in terra , ubi ærugo & tinea demolitur , & ubi fures effodiunt & furantur. Thesaurizate autem vobis thesauros in cælo , ubi neque ærugo , neque tinea demolitur , & ubi fures non effodiunt , nec furantur. *a* Bona omnia quæcunque extra cælum reconduntur , vel putredini , vel rapinis , vel aliis mille pereundi periculis subiecta , adeoque peritura sunt omnia. Rationi autem minime consentaneum , ut illic sua quisque bona locet , ubi vel corrumpantur , vel à furibus rapiantur.

En ergo cælum reponendi thesauri locum commodissimum , qui nulli corruptioni obnoxius , nulli furum accessui expositus , nulli pereundi vel amittendi periculò subiectus ; omnia illic reposita æternum tuta sunt. Tu forsàn arbitraris tuas tibi pecunias perire , si eas in stipem eroges : toto cælo erras ; percunt servatæ , servantur

bus, aut ex asse? ^a Num agricultura maximos facit quæstus? magnos facit, sed modestos, & panè omnium honestissimos. Num ars Typographica plurimum habet lucelli? multum habet, præsertim si sedulò tractetur. Belgarum quosdam aspice è typrographiis prodeuntes ditissimos. Verùm nec usura, nec mercatura, nec jurisprudentia, nec agricultura, sed, si Chrysostomo credimus, ars omnium artium optima, ars artium omnium quæstuosissima est eleemosyna. Agricultura pascit, textoria vestit, architectonica protegit, typographica instruit. Artium quæque alterius artis indiget: cùm autem oporteat misereri, nihil aliud nobis opus est, sed sola voluntas est necessaria. Si des panem, eum habens solùm, ad perfectionem artis venisti. Hanc itaque suscipiamus artem & scientiam, & obeamus. Melius enim est hanc scire, quàm esse regem, & diadematē coronari. Hæc namque te docet, quomodo possis Deo similis fieri, quod est omnium summa bonorum. ^b

Gazophylacium est Misericordia, & quidem inexhaustum. Gazophylacium seu ærarium Salomoni fuit multò amplissimum, hinc enim templum panè aureum totum

^a Da man zuvor vom 100. gab 4. oder 5. Gulden / so gibt man jetz 8. oder alle Monat 1. Gulden vom 100. qua est usura ex asse, seu liberalis, altera hoc centesima dicitur.

^b Chrysost. tom. 5. hom. 33. mihi pag. 216. & seqq.

frice; hodierno vel crastino vel perennino migrandum est; opes tuæ te non sequentur; si eas non præmiseris, amisti.

Quàm suo jure postulat Christus: Da mihi ex eo, quod dedi tibi. De meo quæro, & mihi non donas? Da mihi, & reddo. Habuisti me largitorem, facito me debitorem, habeam te feneratorum. Pauca mihi das, plura reddam. Temporalia mihi das, æterna restituam. Præbe tectum, & accipe coelum; da numum, & accipe regnum. *a* Quid avarè congeris & recondis?

a Aug. tom. 10. hom. 29. c. 2. mihi pag. 180. & serm. 76. de Tempore, mihi pag. 269.

§. VI.

At dices: Mihi non recondo, sed servo filiis, sed hæreditibus aliis. Hic Augustinus solidissimè respondens: Relinquent, ait, alienis divitias suas. Quid filii ipsius? Et ipsi servant, quod eis reliquerant parentes sui. Parum est quia servant, & augent. Quibus & ipsi servant? Filiis suis, & illi filiis, & tertii filiis. Quid Christus? quid animæ tuæ? omnia filiis. Inter filios suos quos habent in terra, computent unum fratrem quem habent in cælo, cui totum dare debebant; vel dividant cum illo. Quomodo autem alieni sunt filii? Si quis tuorum tibi nil prodest, alienus est. Jam attendamus illos divites, qui malè vixerunt, qui superbè egerunt, mor-

vantur erogata. Ego verò , inquis , fures nullos metuo , pecunias tutissimo loco reposui , centum seris custoditas. Imò verò metuendus est quàm maximè fur ille , quem ego tibi optima fide monstrabo. Vide , obsecro , & audi : Si sciret paterfamilias , qua hora fur veniret , vigilaret utique , & non sineret perfodi domum suam. Et vos estote parati , quia qua hora non putatis , filius hominis veniet. *a* Nostine hunc furem ? Nō , i , scio , sed forsan non caves ? Latentissimè subrepat fur iste , ideoque ipsemet præmonens : Ecce , inquit , venio , sicut fuit. *b* Nec inermis venit : mortem præmittit cum telo quo vitam omnium haurit , & thesauros omnes diripit : Tu autem quæ parasti cujus erunt ? *c* Quamvis igitur æruginem & tineas , & suffusionem , & incendia , & latrones à pecuniis tuis arceas , hunc furem non effugient. Heu quàm habes tibi visus est , & curta providentia , qui vitæ consulis tam caducæ , & non consulis æternæ ! Imò si consuluisses futuræ , consultum etiam fuisset præsentis. Pulchrè castigat te Deus , ut tuus tu ipse tibi fur sis. Nam opes congregas & recondis , tenebris illas accarcere claudis & damnas , quod aliud expectes à fure , quàm quod tu ipse facis ? Ergo per bajulos fidos , homines egenos , pecunias tuas in cœlum trans mitte , in cœlo reponere , æternæ vitæ prospice ;

a Matth. c. 24. v. 43. Luc. c. 12. v. 30.

b Apoc. 16. v. 15.

c Luc. c. 12. v. 20.

militones appellaret. His ille cibum potumque, his illi vestes suo detractas corpori sua manu dedit, prandentes adsedit, cibum anteposuit, ad edendum humanissime invitavit. Fors fuit ut Legatus exterius quispiam de canibus venaticis quaret. Crastino, inquit Dux, ostendam. Interea pro more ingentem pauperum turbam coëgit, cui cibum præbere solitus erat. Proximo die oratorem illum in triclinium suum duxit, è quo in subjectam planitiem prospectus. Infrà visæ sunt mentes oblongæ, mendiculis stipatæ. Atque jam Dux ad Legatum: Hi, inquit, canes sunt, quibus ego cælum venor: panem ego illis expedio, illi mihi olim, ita spero, cœleste manna. Atqui, ait Legatus, hoc genus hominum vafsum, & sæpe otiosum est. De hoc, ait Dux, ego non laborem. Quòd si Deus ita nostra examinet, quis illi probus sit?

Liceat de heroë hoc canere, quòd de Probo Claudianus:

*Hic non divitias nigrantibus abdedit antris,
Nec tenebris damnavit opes, sed largior imbre
Sæverat innumeras hominum ditare cater-
vas.*

*Quippe velut denso currentia munera nimbo
Cernere semper erat, populis undare penates,
Assiduos intrare inopes, remeare beatos.
Præceps illa manus fluviis superabit Iberos,
Aurea dona vomens* ———

Z

Huic

a Ita Lambertus Vanderbuckius & Munsterus l. 2. Cosmograph. de Ducibus Sabaudie.

tui sunt , & reliquerunt, non dico extraneis , sed filiis suis reliquerunt divitias suas , & filii ipsorum viam parentum suorum sequuntur. Sicut illi superbi , ita & isti; sicut illi rapaces, ita & isti; ut illi avari, & isti , alieni ab illis sunt. Quid dives in flamma clamat ? Habeo quinque fratres. Unum fratrem amicum non feci, qui jacebat ante januam : Illi mihi fratres subvenire non possunt , qui possident divitias meas, alieni à me facti sunt.

Ergo fac tibi amicos de mammona iniquitatis. Fortassis ea , quæ acquisivisti, de iniquitate acquisisti ; aut fortassis ea ipsa est iniquitas , quia tu habes , & alter non habet, tu abundas, & alter eget. De ista mammona iniquitatis , & divitiis istis fac tibi amicos , & prudens eris. Noli timere. Ponunt pueri in thesaurario , ^a & securi sunt: ponis in manu Christi, & times; Esto prudens , & prospice tibi in posterum, in coelo. Esto prudens , imitare formicam, reconde æstate , ne esurias in hieme. Hiems est dies novissimus , dies tribulationis. Collige, quod ibi tibi profit in posterum ; si autem non facis , simul imprudens & insipiens peribis. ^b

Prudentissimus certè atque sapientissimus fuit Sabaudix Dux III. Amadæus, qui benignus aded & liberalis fuit in pauperes, ut hos omnium suorum propugnaculorum defensores diceret, suosque com-

mili-

^a In Sparhasen/ zum Schatzgelt.

^b Augustin. tom. 8. in Psalm. 48. post. med.
mihi pag. 183.

sua domo misit, quæ in eorum usus suis ipsa manibus apparavit. Nam & bellarium, & aquarum, & olei complura generum agrorum causa domi confecit: sæpeque factum est, ut longos ac pertinaces morbos abigeret, ægrosque diuturna medicorum arte dilufos domesticis tantum præfidiis ac curationibus ad pristinam revocaret firmitatem. Hoc itaque contentissimum Leonoræ studium fuit, ægrotis ac pauperibus benefacere, suis non solum pecuniis, sed & obsequiis. Quod quidem in femina regia vix satis laudari potest.

Ejusdem laudatissimi exempli viros feminasque omnes alias omitto. Res infinitæ descriptionis foret. Ubi de eleemosyna egerimus, laciniam magis deducemus. Unicum hoc loco nominem: Eberhardus gente Boius, genere Comes Biburgensis Antistes, inde Salisburgensis Pontifex, nulli unquam quidquam, dum vixit. Mariæ nomine petenti denegavit. ^a Hic illud dixisse satis sit: Non videri vitam esse perscriptam ullius sancti homines, qui non singulariter hunc Misericordiæ affectum induerit, ut proinde Tarsensis Paulus congruentissime hortetur: Induite vos ergo sicut electi Dei, sancti & dilecti, viscera Misericordiæ. ^b Nihil tam divinum habet homo, quam de aliis benemereri.

z 2

§. VII. Hunc

^a Fasti Mariani parte 2. die 1. Julii. de hoc eodem Bavaria Sancta Volu. I. mihi pag.

132.

^b Loco supra citato,

Huic verè perillustri Comiti adjungo non disparis exempli & sanguinis Imperatorii feminam Leonoram Austriam Imperatoris Maximiliani I. sororem. Hac pientissima herois, ut Collegium Societate J E S U stabiliret, pecuniam è suis vestibus & gemmis redegit. Omnem insuper vestem linteam, ipsis etiam culinæ usibus necessariam, suis etiam manibus paravit, habuitque pedisequas in eâ re nobiles adjutrices. Neque unam tantùm religiosam domum liberalissima hac benignitas pro theatro habuit: latius patebat, per omne genus hominum pervagata. Nullum tempus opitulandi miseris prætermisit. Publica nosocomia privatorumque ædes, in quibus ægros esse comperit, creberrimè intervist: idque tanto studio & alacritate, ut nemo unquam vel tenuissimus ejus optârît officium, cui non illa perbenignè contulerit. Sæpè nocte intempesta de cubili surrexit, ut ægris adesset; cum iis non rarò triduum quotridumve traduxit. Fuit, ut viro religioso, cum ille fortè prodeunti foras interveniret, ingenuè confiteretur, se quidem auræ captandæ gratia simulare exitum, re vera tamen ad feminam prodire graviter affectam: Quæ quoniam, inquit, in me secundùm Deus spes suas habet, bonæque, ut audio, existimationis mulier habetur, faciendum mihi est, ut eam hodie convisam. Multa præterea ad agros è

tua

a P. Provinc. Soc. J E S U, Mantua tunc
agenti.

Domino , quàm victimæ. Qui autem obturat aurem suam ad clamorem pauperis? & ipse clamabit, & non exaudietur. *a* Idcirco Daniel Nabuchodonosori: Peccata tua , inquit , eleemosynis redime, & iniquitates tuas misericordiis pauperum. *b* Ignem ardentem exinguit aqua, & Eleemosyna resistit peccatis. Conclude igitur Eleemosynam in corde pauperis , & hæc pro te exorabit ab omni malo. Eleemosyna viri quasi sacculus cum ipso , & gratiam hominis quasi pupillam conservabit. *c* Sera nimis est interrogatio illa : Domine, quando te vidimus esurientem, aut sitientem , aut hospitem, aut nudum , aut infirmum, aut in carcere: & non ministravimus tibi , *d* & non pavimus te? Judici tuo sub pauperis forma obeunti nunc ministra , Christum sub egeni schemate latentem nunc pasc. Nemini non expavescendum illud : Si non pavisti , occidisti. Qui enim habuerit substantiam huius mundi , & viderit fratrem suum necesse habere, & clausit viscera sua ab eo, quomodo charitas Dei manet in eo? *e* Iudicium sine Misericordia illi , qui non fecerit Misericordiam. *f* Euntes ergo , discite , quid est : Misericordiam volo, &

Z 3

non

a Prov. c. 16. v. 6. & c. 19. v. 17. c. 21. v. 3. & 13.

b Dan. c. 4. v. 24.

c Eccles. 3. v. 33. c. 29. v. 15.

d Matth. c. 25. v. 44.

e 1. Ioan. c. 3. v. 17.

f Iacob, c. 2. v. 13.

§. VII.

Hunc in pauperes amorem Gregorius Nazianzenus oratione illustri explicans: Charitatis, inquit, præcipuam partem in eo sitam esse comperio, ut pauperes amore ac Misericordia complectamur. Pauperes & afflictos Deus esse vult, ut nos infirmitatis nostræ submoneant, illudque nobis persuadeant, ut nulli rerum præsentium atque in oculos cadentium velut firmæ ac stabili animum adjiciamus. Cum igitur nil sit stabile in præsentī vitæ, de opibus in tuto collocandis cogitandum est. Beneficentiæ in pauperes infinita sunt commoda. *Addit, quòd singularrisimè notandum:* Nullus omnino cultus Deo perinde gratus est, ut Misericordia erga pauperes. Nihil tam Deo proprium est, quàm Misericordia & Beneficentia. Imitandus est nobis Deus. *a* Quid enim est dare beneficium? Imitari Deum. Estote misericordes, sicut & Pater vester celestis misericors est. *b*

Sed vix ulli encomiastæ plus debet Misericordia quàm Salomoni, qui hanc unam virtutem jure merito summis laudibus extollens: Misericordia, inquit, & veritate redimuntur iniquitas. Feneratur Domino, qui misereatur pauperis, & vicissitudinem suam reddet ei. Nam facere Misericordiam & judicium magis placet Domino,

a Gregor. Naz. 16. *de pauperum amore.*

b Luc. c. 6. v. 36.

2. Misericordiæ est pauperrimos quosque in scheda descriptos habere, memoriz monendæ & ad Misericordiam, si ea langueat, excitandæ. Idcirco juverit hanc schedam sæpius inspicere, & nomina descriptorum sibi ipsi lentè recitare. Talem catalogum habuit illud Misericordiæ speculum Joannes Eleemosynarius, Patriarcha Alexandrinus, qui quotidie ultra septem millia, & quingentos pauperum aluit. Si quis autem non ipsemet det eleemosynam, sæpius sic interroget: Num iis quibus jussi, & prout jussi, fideliter datur quod jussi?

3. Misericordia est cum pauperibus humaniter & benignè loqui. Optimum est adjicere bona verba rebus bonis, & vultu humana benignoque commendare, quæ præstas. *a* Siracides monet: Declina pauperi sine tristitia aurem tuam, & redde debitum tuum, & responde illi pacificè in mansuetudine. *b* Congregationi pauperum affabilem te facito. Neque etiam rigidè scrutandi sunt pauperes & examinandi, num eleemosyna sint digni. Quàm absurdum est, argenteis numis liberalem esse, & verbis bonis tam parcum! Et quæ ista est, ô homo, eleemosyna? obolum projicis, & probris afficis; das panem & vocas impostorem. Nunquid tibi supplicanti Deus unquam dixit: Recede impostor? Ergo meritis ne contumeliam inferas; super omnia vultus accedat

Z 4

dat

a Senec. l. 2. de benefic. c. 3.

b Eccles. 4. 4. v. 8.

non sacrificium. *a* Beneficentia & communionis nolite oblivisci, talibus enim hostiis promeretur Deus. *b* Bona est oratio, bona prorsus, sed cum Eleemosyna & Jejunio. *c* Optimè dixit Publius: *d* Homo, qui in hominem misericors est, meminit sui. Sic demus, quomodo vellemus accipere. Demus, & dabitur nobis.

Quapropter millies occinendum: Date, & dabitur vobis. date, date. Beatius est magis dare, quàm accipere. *e* Anima, quæ benedicit, impinguabitur, & qui inebriat, ipse quoque inebriabitur. *f* Veruntamen quod superest, date eleemosynam, & ecce omnia munda sunt vobis. *g*

a *Matth. c. 9. v. 13.*

b *Hebr. c. 13. v. 1.*

c *Tob. c. 12. v. 8.*

d *Publius Mimus in sentent.*

e *Act. c. 20. v. 35.*

f *Prov. c. 11. v. 25.*

g *Luc. c. 11. v. 41.*

A C T I O N E S

M I S E R I C O R D I Æ.

1. Primum est, quod Misericordia solertissimè observat, ut, quod datur, affectu magno detur. Hic certè majoris pretii est pronus in pauperes affectus, quàm aureus è crumena numus. Si plura non potes, da frigidam, da ara duo minuta, sed da ingenti affectu, & plurimum dedisti.

2. Mi-

verba, & bene confusus à pauperibus, qui tamen hanc regis injuriam minime cogitabant, sed pecuniam manibus nimium avidis involabant. Hoc autem Stephanus triumphum suum interpretatus est, & ob id singulares Deo gratias egit. Margareta Hispaniarum regina ita suos, quos in Christiani orbis solatium pepererat liberos, erudit, ut illi à teneris unguiculis sua etiam manu Eleemosynas erogarent. En obsecro, cujus non puduit tantos Principes, nos tantillos pudebit?

6. Misericordia actiuosa gnave circumspicit, quibus det, quomodo det, & quare. 1. Quibus det, nam egenis vult dare, non opulentis; in vasa fundit vacua, non plena. Contrarium fit ferè nostro ævo: multum effunditur, sed in vasa jam ante plena; multum donatur, sed divitibus, quorum est largiri, non accipere dona. Intereos autem quibus dandum, meo iudicio, primi sint Adollescentes pauperes, qui Musis vacant, & panem non habent. 2. Attendit Misericordia. Quomodo det. Inter modos dandi, de quibus hic agimus, is etiam præclarus est, cum conditur testamentum, non obliuisci pauperem Christum; si Christum non vis hæredem ex asse scribere, saltem in hæreditatis partem admitte. 3. Quare det, omnia scilicet propter Deum, idque non verbis solum, sed factis. Quod sollicitè beatus Ioannes monet: Filioli mei, non diligamus verbo neq; lingua, sed opere & veritate. a Idem beatus Iacobus ingerens: Si

25

frater

dat bonus commiserationem spirans, non indignationem: verba sint benigna, & humanitatis plena, ut, quod deest stipi, non desit sermoni. Beneficia non sunt exasperanda.

4. Misericordiæ est citò dare. Ingratum est beneficium, quod diu inter manus dantis hæsit. Gratissima sunt beneficia parata, facilia, occurrentia, ubi nulla est mora. Verissimè bis dedit, qui citò dedit. Quod Publius eleganter dixit: Bis inopi beneficium dat, qui celeriter dat, & minus decipitur, cui negatur celeriter. Hoc ipsum Salomon inculcans: Nec dicas, ait, amico tuo; Vade & revertere, & eras dabo tibi, cum statim possis dare. Hac in re plurimum peccatur à multis, qui nihil à se impetrari sinunt, nisi post molestissimas dilationes. Hoc aliud non est, quam omne beneficium corrumpere, differendo. Tardè velle, nolentis est. Beneficium morosè aut lentè datum panis lapidosus est; quem esurienti accipere quidem necessarium, sed comedere acerbum. *a*

5. Misericordia actuosa vult, ut ipse des stipem, si potes, non per alios. Germani veteres liberorum manibus stipem inferebant, ut sic eos assuefacerent ad promptè dandum. Pannoniæ rex Stephanus egenos largissimus, non tantum Eleemosynæ plurimum dedit, sed & ipsemet plerumque dedit. Hinc evenit, ut sub noctem egressus pinguißimum marsupium in pauperes effusus, redierit evulsa barba,

Amen dico vobis, receperunt mercedem suam. Te autem faciente eleemosynam, nesciat sinistra tua quid faciat dextra tua, ut sit eleemosyna tua in abscondito, & Pater tuus qui videt in abscondito, reddet tibi. ^a Nihil æquè vitandum in beneficio quam jactantia. Res satis loquetur, vel tacentibus nobis. Ecquid opus nomen aut insignia sua donis omnibus affigere? Hadrianus Imperator id fecit, & ob id *Herba parietina* dictus est, quod ejus nomen per omnes parietes serperet. Satis est à Deo sciri quod damus, tametsi nemo sciat mortalium.

9. Certam pecuniæ partem seponere in egenos tribuendam. Exempli causa sic suademus. 1. Est qui annis singulis post omnes expensas centum florenos sibi reponat, est qui reponat mille. Primus si quinque, alter si quinquaginta florenos det in stipem, non nimium dabunt. Hoc enim dimidium duntaxat decimarum est. Idem judicium esto, proportionem hac servata, de omnium opibus, censu, annuisq; proventibus. 2. Est qui sæpius in anno pecunias recipiat. Hic præclare fecerit, si accepti semper primitias Deo consecret; Verbi gratia, quindecim, aut octodecim, aut viginti florenos recipit: quid si medium seponat, aut saltem viginti sestertios, seu quinque bacios? Nam istud hic consilii est, ut quotiescunque pecuniæ summa capitur, aliquid inde, primitiarum loco, pauperibus seponatur. Quisquis hoc prudenter fecerit,

^a *Matth. c. 6, v. 2. 3. 4.*

frater aut soror nudi sint, inquit, & indigeant victu quotidiano; dicat autem aliquis ex vobis illis: *Ite in pace, calefacimini & saturamini; non dederitis autem eis quæ necessaria sunt corpori, quid proderit?* *a*

7. Veræ Misericordiæ est, & largiter & hilariter dare. Eum namque dicemus Misericordem, qui, ut beatus Paulus loquitur, miseretur in hilaritate. *b* Hilarē enim datorem diligit Deus, qui non ex tristitia aut necessitate largitur. *c* Quod Siracides oculis subjiciens: In omni dato, inquit, hilarem fac vultum tuum, & in exultatione sanctifica decimas tuas. Da Altissimo secundum datum ejus, & in bono oculo adinventionem facito manuum tuarum, quoniam Deus retribuens est, & septies tantum reddet tibi. *d* Hæc utique credimus, sed etiamnum trepidamus, nec satis fidimus pollicitis divinis. Ergo mendax Deus? ergo promisit, quod præstare aut nolet, aut non poterit? Fidamus securissime, & demus Altissimo secundum datum ejus, quoniam septies tantum reddet nobis.

8. Sine omni ostentatione ac pompa, & quantum fieri potest occulte date eleemosynam. Servatoris monitum est: Cum facis eleemosynam, noli tuba canere ante te, sicut hypocritæ faciunt in synagogis, & in vicis, ut honorificentur ab hominibus.

Amen

b *Iac. c. 2. v. 15. & 16.*

c *Rom. c. 12. v. 8.*

d *2. Cor. c. 9. v. 7. & 8.*

e *Eccli. c. 35. v. 11. & 12.*

non esse hoc moris amplius. Alioquin dicemus, nec illud esse moris amplius, homines ad divina monita tam surdos celo admittere.

11. Unum aliquem è pauperibus, quemcunque tandem, perpetuo, velut Christum alere. Ita Clemens VIII. Pontifex Maximus fecit, qui honorando Christi collegio non numerofo, tredecim pauperes quotidiano victu ac vestitu sustentavit.

12. In omni prandio & cena, si mensa fit opimior, scutellam vacuum apponere, quæ scutella Dei appelletur, hanc autem è diversis ferculis, hinc & hinc desumptis partibus implere, eo fine, ut hæc miscellanea dentur pauperibus. Aliquid sibi adimi vix sentiet mensa ditior, at sibi plurimum impendi valde sentient egeni. Hoc è viris nobilibus non neminem constat facere. Quo etiam illud referendum. Nobilis familia quovis sabbato in honorem beatissimæ Matris Mariæ omne lac armenti in pauperes gratis dispensat. Huc illius monasterii mos spectat, in quo quotiescunque è cœnobitis unus concedit fato, toties per dies triginta, omnia illi fercula in locum mensæ, ubi vivus federat, deferuntur. Post mensam omnia pauperibus dantur.

fecerit , damnum nullum sentiet, sed omnium rerum suarum incrementum experietur. Convenit in iis non tenacem ac sordidum esse , quæ vix unquam amplius venduntur pretio, ut sunt vestes detritæ, ciborum reliquiæ, ligna in suis decidua. Et cur Deo non demus promptè, quod libenter daremus affecuratori?

Sic nobilis mercator Hispali felicissime negotiatus est : sic alius Olyssipona hanc consuetudinem suam abrogans onustas naves in ipso portu perdidit ; has cum mercibus tempestas , illum fortunis omnibus evertit paupertas, imò Deus , in quem tam restrictus & tenax esse coeperat. Hæc lucra nostra sunt , cum tam illiberales & immunifici sumus in rerum omnium largitorem.

10. Convivium mendicis , aut tenuis fortunæ hominibus subinde instruere, cujus nobile foret auctarium , iis etiam ministrare. Ignotum plurimis aut exosum illud Christi monitum videtur : Cum facis prandium aut cenam , noli vocare amicos tuos, neque fratres tuos , neque cognatos, neque vicinos divites ; ne forte te & ipsi reinvitent , & fiat tibi retributio. Sed cum facis convivium , voca pauperes , debiles , claudos & cæcos : & beatus eris , quia non habent retribuere tibi , retribuetur enim tibi in Resurrectione justorum. 4 Faciunt hoc aliquot nobiles familiæ , faciunt hoc Principes , Reges , Pontifices. Nemo hic dixerit,

HUN

Laudat hic quidem Mediolanensis Præ-
 sal hanc vivam Dei domum ab exteriorè
 forma, sed quia curiosus spectator cum au-
 dit ædium frontem laudari, mox solet quæ-
 rere, quæ sit intus ædium forma, quam ve-
 nusta conclavia, quæ symmetria ædificii,
 eam ob causam Ambrosius continuo ad-
 jungit: Nihil torvum in oculis, nihil in
 verbis procax, nihil inverecundum: non
 gestus fractior, non vox petulans, ut ipsa
 corporis species simulacrum fuerit mentis
 figura probatis. *a* Verbo: Si sanctitas ipsa
 convenientem sibi voluisset formam su-
 mēre, hanc Virginis sumpsisset effigiem.

Damascenus parè simili elogio cælestem
 hanc domum extollens: Honestus, inquit,
 vestitus molliem omnem ac luxum fu-
 giens, gressus sedatus atq; ab omni levita-
 re remotus, mores severi, hilaritate tem-
 perati, & quod maxime mirandum, senilis
 in juvenili corpore Prudentia. *b* Hic sermo
 noster nimium sterilis non assequetur ea,
 quæ melius animo & cogitatione pote-
 runt comprehendere, quam modesta pru-
 dentia hæc Virgo cum imis & summis,
 cum pastoribus & regibus, cum templi
 ministris & Pontificibus sit locuta.

Modestia probi hominis pars maxima,
 quæ ideo Paulus tanto pere commendans:
 Modestia vestra, inquit, nota sit omnibus
 hominibus. Mens nequit sic esse nota, sit
 ergo mentis imago. Rectè dixit Ambrosi-
 us: Bona domus in ipso vestibulo debet
 agno-

a Idem l. 2. de Virginib. initio, mihi pag. 98.

b Damasc. orat. 1. de Nativ. Virginis.

CAPUT DUODECIMUM.

Rosa Alabandica.

seu,

Verecundia, Modestia, Pudicitia.

S. I.

ALABANDICÆ Rosæ a non immeritò conferimus hanc virtutem, sive illam appellemus Verecundiam, seu Modestiam, seu Pudicitiam: diversa nomina, res eadem.

Beatus Ambrosius divinæ Virginis Verecundiam artificioso penicillo sub oculis ponens: Verecundia sermone, inquit, arbitrum mentis solita non hominem, sed Deum querere. Quando ista vel vultu laesit parentes? quando dissensit à propinquis? quando fastidivit humilem? quando derisit debilem? quando vitavit inopem? eos solos solita virorum cætus invisere, quos Misericordia non erubesceret, neque præteriret Verecundia. Primus est pudor, qui in ipso cognitionis ingressu Domini Matrem commendat legentibus, & tanquam testis locuples dignam, quæ ad tale munus eligeretur, astringit, quod in cubiculo, quod sola, quod salutata ab Angelo tacet, & mota est in introitu ejus, quod ad virilis sexus speciem peregrinam turbatur aspectus Virginis. Itaque quamvis esset humilis, præ verecundia tamen non resalutavit. *b*

Laudat

a Der Leibfarben Rosen.*b* Ambros. l. i. offic. c. 18. tom. I. mibi. 12.

superflua vel inutilia tractaret, neve injuriam ulli faceret. *a*

Ita omnis Modestiae ac Verecundiae speculum Dei parentem statuimus Dicta & Dicenda omnia confirmamus illa ratione: quam nemo vel hostium negaverit.

Ex omni numero humanae gentis, ex omni mulierum ac virginum cœtu, è tot centenis millibus, imò è tot millionibus hominum, Deus utique potestatem optionemque habuit solutissimam, eligendi in Matrem, quamcunque vellet, & quæ illi maxime placeret. Siquidem ab omni æternitate omnes omnino homines sibi præsenteshabuit, singulos exactissime novit, ut qui omnium ac singulorum corda penitissime scrutatur. Atqui ex his omnibus hanc Virginem elegit in Matrem, ergo absque omni dubio castissimam, ergo Verecundiae ac Pudicitiae, omniumque virtutum laude cumulativissimam, ergo sui amantissimam elegit. Hinc Bernardus, Virginis divinae cultor integerrimus, illud elogii proclamans: *Electa ex omnibus*: Tradica, inquit, reverendam Angelis, desideratam gentibus, Patriarchis Prophetisque præcognitam, electam ex omnibus, prælatam omnibus; magnificam gratiae inventricem, mediatricem salutis, restauratricein sæculorum. Exalta denique exaltatam super choros Angelorum ad cœlestia regna. *b* Ergo electa ex omnibus. Id nobis Esdras Sacerdos explicaverit, qui

a *a*

Sio-

a Bonavent, *Medit. vita Christi*, c. 3.

b Bern. *epist.* 174. *ad Lugdunens. post inis.*

agnosci. *a* Si horologii structura interior turberetur, si rotulae discordent, foris etiam mentietur index; hinc jaſtantia, levitas, petulantia, hinc plurimum indecori. Neque hæc facile fallunt oculos. Nam, teste Ambrosio, Habitus mentis in corporis statu cernitur: animi vox est corporis motus. Et meministis, inquit, quendam amicum, cum sedulis se commendaret officiis, hoc solo tamen nomine in cle- rum non esse receptum, quod gestus ejus plurimum dedeceret. *b* Humiles nos esse decet, mites, graves, patientes, mo- dum tenere in omnibus.

Quo in genere omnes omniuno & homi- nes & Angelos hæc una Virgo superabat. Loquebatur, inquit Nicephorus, sine auda- cia, sine risu, sine perturbatione, fastus om- nino expers, simplex & humilitatem præ- cellentem colens. Hanc porro virtutem Virgo suis etiam cultoribus cupit esse quam commendatissimam, ut quam ipsa tanti æstimasset, à suis quoque non negligere- tur. Hinc, Divo Gregorio teste, virgunculam, cui Musa nomen, admonuit, ut à risu, jocis, ludo, & ab omni puellarilevitate ab- stineret, si secum esse cuperet in celo. *c* Beatus Bonaventura non sine ratione af- firmat, Virginem eadem sollicitudine, dum in vivis ageret, ad virgines coevas attendisse, ne aliqua ex illis ullo sermone peccaret, ne in risu vocem extolleret, ne super-

a Ambros. loc. cit.

b Ambros. l. 1. officior. c. 18. & c. 20.

c Greg. l. 4. dial. c. 7.

pudor. *a* Valerius suis Verecundiam coloribus illustrans: Parens est, inquit, omnis honesti consilii, tutela solennium officiorum, magistra innocentia, chara proximis, accepta alienis: omni loco, omni tempore favorabilem præ se ferens vultum. *b* Bernardi sensu, nil tam proprium est verecundia, quam proprias vitare laudes. Cujus illustrissima certè dedit exempla Domini Mater. Cum ab Angelo salutaretur gratia plena, turbata est in sermone ejus: *c* Ut agnoscas, inquit Ambrosius, aures religiosas & oculos verecundos. Cum exclamaret Elisabeth: Benedicta tu inter mulieres, & benedictus fructus ventris tui. Et unde hoc mihi, ut veniat Mater Domini mei ad me? Beata quæ credidisti, quoniam perficientur ea, quæ dicta sunt tibi à Domino, *d* Virgo hanc omnem laudem à se in Deum derivavit. Cumque ipsa hæc mater ad concionem filii adstaret, non immodeste aut importune per stipatam plebem penetravit, sed expectavit foris, dum auditorum aliquis illius misertus concionanti Christo diceret: Ecce mater tua, & fratres tui stant foris, volentes te videre. *e* Cum apud diversos filius convivam simul & doctorem ageret, nunquam illa auctoritate materna domum illam irrupit, nunquam sermonem illum interrupit.

a a z

Ber-

a Aristot l 4. ethic. c. 9. sed aliis verbis.

b Valerius l. 4. c. 5. initio.

c Luc. c. 1. v. 29.

d Ibid. v. 42. & seqq.

e Luc. c. 8. v. 20.

Sionis electionem prædicans : Dominator Domine , inquit , ex omni silva terræ , & omnibus arboribus ejus elegisti vineam unicam : ex omni terra Orbis , elegisti tibi foveam unam : ex omnibus floribus Orbis , elegisti tibi lilium unum : & ex omnibus abyssis maris , replesti tibi rivum unum : & ex omnibus ædificatis civitatibus , sanctificasti tibi metipsi Sion : & ex omnibus creatis volatilibus , nominasti tibi columbam unam , & ex omnibus plasmatis pecoribus , providisti tibi ovem unam. *a* Ita prorsus sanctissima Dei Mater , columba una , lilium unum , ovis una , *Electa ex omnibus*. Idem Chrysostomus affirmans : Si alia , inquit , melior fuisset , ea electa fuisset. Beata Maria ultra omnem humanæ naturæ modum Modestiam ac Temperantiam excoluit , non levis , non jocosa , non cantatrix. Quod si quæ virgo alia majori modestia , vel ampliori puritate præter hanc ornata extitisset , illam sibi Dominus præ hac ipsa omnino in habitaculum delegisset. *b* Siracidæ calculo , gratia super gratiam est mulier sancta & pudorata. *c*

a 4. Esdra c. 5. v. 23. & seqq.

b Chrys. hom. 1. in c. 1. Matth. mihi p. 653.

c Eccli. c. 26. v. 19.

§. II.

Ferunt Aristotelis filiam interrogatam , quis ei color in vestem maxime placeret , respondisse , vultus purpuram , quam spectatori exhibemus cum erubescimus. A patre hoc videtur hausisse , cujus illud effatum est : Optimus color , quem gignit pudor.

flam ejus : nihil enim tam idoneum homini, nihil tam congruum Christiano. *a*

Petrus Galatinus mirissimum quid atque icitu dignissimum de Virgine hac regia commemorans: Tam fuit modesta, inquit, Virgo beatissima, ut oculos nunquam elevarit, sed semper, nisi Deum oraret, humi defixos tenuerit. Et inter ceteras perfectiones eo spiritu Prophetiæ donata est, ut si forte illicitum quid auditura vel visura esset, illico aures & oculi ejus clauderentur; ita ut non nisi voluntati divinæ deferrent. *b*

Sed illud mirabilius, quod nullum hominum unquam decore vultus sui laeserit. Vix una sede morantur decor & pudor: at cælestis hæc Virgo uno eodemque vultu & sanctitatem pudoris, & decoris majestatem exhibebat. Et non solum nullus hominum aspectu hujus Virginis impuriore ictus animi sensit, verum etiam qui animum Cupidinis telo jam vulneratum habuit, solo Virginis divinæ intuitu sensus castiores sensit & hausit. Ad eò omnem maligniorem flammam in spectatoris pectore extinxit. Sanctus Bernardinus multiplicem istius gratiæ causam assignat in hac Virgine, è cujus oculis velut temperatissimus ros effluxit. *c*

a a 3

Basi-

a Bern. serm. de verbis Apocalypsis, Signum magnum, mihi pag. 266.

b Gal. l. 7. de Arcanis Cathol. veritatis, c. 5.

c Bernardin. tom. 2. ser. post diem Palmarum. Cornelius Mussus Bisontinus Episc. & Michaël Lochmaier Theol. Doct.

Bernardus hæc luculentius dissertans : Gratissima sane gemma in diademate, inquit, micans in capite stella, rubor in facie hominis verecundi. An vero quis putat, quod hac caruerit gratia, quæ gratia plena fuit? Pudibunda fuit Maria. Ex Evangelio id probamus. Ubi enim aliquando loquax, ubi præsumptuosa fuisse videtur? Foris stabat, quærens loqui filio: nec materna auctoritate aut sermonem interrupit, aut in habitationem irruit in qua filius loquebatur. In omni denique textu quatuor Evangeliorum (si bene meminimus) non nisi quater Maria loquens auditur. Primo quidem ad Angelum: secundo ad Elisabeth: tertio ad filium, cum jam esset annorum duodecim: quarto in nuptiis ad filium & ministros. Et is quidem sermo certissimus index ingenitæ mansuetudinis, & virginalis Verecundiæ fuit. Væ nobis qui spiritum habemus in naribus, væ qui totum proferimus spiritum, qui juxta illud eomici, pleni rimarum effluimus undique. Toties Maria filium audivit non modo turbis loquentem in parabolis, sed discipulis seorsum regni Dei mysteria revelantem; vidit miracula facientem, vidit deinde in Cruce pendentem, vidit expirantem, vidit resurgentem, vidit & ascendentem: Sed in his omnibus quoties verecundissime Virginis, quoties pudicissimi turturis vox memoratur audita? Obsecro vos, filioli, æmulamini hanc virtutem. Si Mariam diligitis, si contenditis ei placere, æmulamini Modestiam

plurimum habuit fili, qui speciosus forma
 præ filiis hominum, formosissimus omni-
 um tam amano vultu radiabat, ut nemo
 turbatus aut tristis eum aspexerit, quia
 continuo hærentem animo tristitiam eje-
 cerit. Inde Hierosolymis proverbium ena-
 tum, ut mœsti seiplos hortarentur, & di-
 cerent: Eamus ad Filium Mariæ, qui læti-
 ficabit nos.

Hæc sanctæ viduæ Brigittæ celestibus
 ostentis cognita. Ipsa ejus verba hic recito:
 Tam pulcher facie erat, quod nullus vide-
 bat eum facie, qui non consolabatur in a-
 spectu ejus, etiam si præcordialiter dolo-
 rem haberet. Unde & dolentes dicere con-
 sueverunt: Eamus, & Filium Mariæ videamus,
 ut saltem tanto tempore releve-
 mur, *a* Et que tamen mirandum est, quod nostri
 zvi Theologus affirmat, *b* Non solum pre-
 ces ad Matrem Domini fusas, sed & pictam
 Virginis effigiem, si pio sensu aspiciatur,
 libidini pravisque animi motibus incredi-
 biliter resistere. Quid ergo, mei oculi, quid
 in diversa vagamini? huc convolate, hoc
 vos asylum proteget, hic ab hoste securi-
 tas, hic ipsius Modestæ ac Verecundiæ
 imago exactissima.

Recta Bernardus sanctioris vitæ prin-
 cipium à Verecundia ducendum existi-
 mans: Ordo vitæ, inquit, tenendus est. Et à
 Verecundia prima quædam fundamenta
 ducantur, quæ socia & familiaris est

224 men-

a Revelat. S. Brigitta l. 4. c. 70. ad finem.

b Ludov. Carbo tom. 2. Theolog. præf. pag.

l. c. 15.

Basiliscus oculis venenat, suis Maria omne concupiscentiæ venenum pellebat, & ad castimoniam invitabat. Qua quidem ratione, vel solis oculis potentissime concionabatur.

Arbor est seu frutex, cui nomen Agnus castus: a hæc flore, semine, odore rutam æmulatur, & hominem, inquit Dioscorides, castum efficit. Flori potissimum hujus arboris tam formosum nomen tribuitur, ut *Agnus castus* appelletur. Talis revera fuit arbor Domini Mater, quæ solo jactu oculorum ad meliora trahere, & castimoniam persuadere potuit. Radii è Christi oculis micantes, plus terruerunt mercatores in templo, quàm flagra & funes. Oculi beatissimæ Virginis intuentium pectus amore castitatis imbuerunt admirabiliter. Atque hæc etiam Divi Ambrosii sententiæ est, ita pronuntiantis: Quos visebat, iis integritatis insigne conferebat.

a *Abrahamo Baum/oder Schafmüle.*
§. III.

Dionysius illud Salomonis carmen, *Sicut lilium inter spinas*, sic interpretatur: Innumera sanctarum virginum sibi munda, sibi rosa, sibi fuerunt castæ; si tamen illas cum hac Virgine conferas, rectè dixeris fuisse spinas, neque enim prohibere poterant, quin alii earum aspectu pungerentur, & ignes conciperent non adeo puros. Hoc tamen potuit hæc Virginum Virgo, cujus hoc singulare donum fuit, sine vulnere oculorum, alios non tantum aspicere, sed & ab aliis aspici. Quo in genere hæc mater pluri-

recundus fuit, ut vulgo Parthenias dicere-
tur. Liceat hic altum ingemiscere. Repe-
riuntur nonnunquam, qui Parthenii So-
dales nominantur, tam non verecundi,
tam animo quàm ore ac moribus impu-
dici, ut eos in prostibulo educatos diabolis
longe similiore censeas, quam Angelis.
Horum supremo die accusator erit nobilif-
simus Hetruscus juvenis Spurina, quem
supra nominavimus, qui eò profecit v e-
recundiæ, ut cum plurium oculos sua for-
ma sollicitari cognosset, oris decorem
vulneribus sua manu factis confunderet,
malletque deformitatem pudoris sui te-
stimonium, quam formam alienæ libidi-
nis esse irritamentum.

Hujus germanus frater cenferi potuit
adolescens, qui super pudicitia causa in
populi Romani rostra productus, oculis
in terram defixis, rubore pudibundo & si-
lento pertinacissimo pudicitiam suam ve-
hementius populo probavit, quam longis
& accuratis orationibus oratorum diser-
tissimi potuissent. Hunc si Diogenes vidis-
set, idem illi quod adolescenti laudabiliter
erubescenti suggessisset: Bono animo es,
fili, istiusmodi virtutis tinctura est.

Lycurgus Spartanorum legislator Mo-
destiam ac pudorem commendaturus
imperavit, ut adolescentes maxime manus
in via intra pallium continerent, silentio
incederent, nusquam circumspicerent,
oculos humi defixos gererent. Optima
lex non pueris, sed viris, præcipue religio-
sis, lata.

mentis placida, proterviam fugit, honestatem fovet. *a* Modestia. Thomæ Aquinatis calculo, Temperantiæ soror, corporis motus & gestus, atque etiam actiones tam ludicras, quam serias, & quæ ad vestitum cultumque corporis spectant, honeste decenterque moderatur. *b* Eo spectat Augustini præceptio: In omnibus motibus vestris, nihil fiat quod cuiusquam offendant aspectum, sed quod vestram deceat sanctitatem. *c* Sit gravitas in oculis, pondus in lingua, maturitas in incessu, honestas in omni motu. Quod beatus Paulus severo iussu sic exigit: Modestia vestra nota sit omnibus hominibus. *d* Modestia ingens vitæ ornamentum ac præsidium, quo carere noluerunt ignari etiam disciplinæ Christianæ.

Archytas Tarentinus philosophus modestissimus ab omni verborum ac morum turpitudine quam maxime abhorrebat.

Cosconius avo Domitiani verecundissimus poëta, nil nisi castum & pudicum cecinit: eam ob rem irrisus est à Martiali, quod illius poëmata pueris tantum & virginibus convenirent.

Publius Virgilius poëtarum decus atque Deus, animo, & ore, & calamo adeo verecun-

a Bern. l. de ordine vitæ, mihi pag.

1116.

b Verecundia S. Thoma Aquinati singularis virtus non est. 2. 2. q. 144. Nos hic eam cum Modestia confundimus.

c Aug. in Reg. 10m. I. mihi pag. 364.

d Philip. c. 4. v. 5.

dem, lascivam manum, & animum impudicum arguit. Maria vos reos aget. Quod Servator de Austri Regina, hoc fere de virgine illa, totque aliis verecundis adolescentibus poterit affirmari. Spurina, Persa, Martia, plurimique alii surgent in iudicio cum viris generationis hujus, & condemnabunt illos.

Illud Verècundia simul ac Patientia nobilissimum documentum hic minime tacendum. Philippus Macedo, cum sub hasta venderentur captivi, pro tribunali sublimis federat sed parum decore, & veste redutiore. Vidit hoc quispiam è captivis, & clamare coepit: Injuria se affici, esse enim paternum se Philippi cognatum. Quod cum miraretur Philippus, & verò dicere hominem ac docere, si quid veri habeat, juberet; Apud te solum, ait, captivus, accedensque ad tribunal, in aurem insusurrat: Domine rex, dimitte vestem, nam sic parum decore sedes. Rex nihil offensus, imo & gratiam retulit: Et verè, inquit, iste mihi amicus est; mittite hominem: simulque aliter se composuit.

Quicquid adversus honestatem aut decorum fit, placere non potest. Hinc erudite prisci finxerunt Minervam tibus abjecisse ob verecundiam, cum neas ad pellucidum fontem inflaret, & genarum tumorem velut in speculo videret. Cato major præclare docuit, & sensu prorsus religioso: Vnumque inq; seipsum maximè revereri debere, neminem enim unquam sine seipso esse.

Ob.

O Christiani, quoties in legem Verecundiae turpissime peccamus tam oculis, quam ore, ac manu. Prima diaboli sagitta, oculus. Qui non capitur oculis, facilius resistet verbis. Samson, David, Salomon pro mille testibus sunt. Iam pane veniam damus Democrito, qui oculos sibi eruens, & excacando semetipsum, ut Tertullianus loquitur, incontinentiam emendatione profitetur. ^a Christianus oculos non effodit, sed claudit, quotiescunque laudandam metuit verecundiam, quam non tantum excellens forma, vestis lasciva, sed petulantior pictura facillime offendit. Hinc Persarum instituto, quod Xenophon narrat, ^b capite luebatur, nudum hominem aspexisse, tanquam si scelus immane foret perpetratum.

^a *Tertull. Apol. c. 46.*

^b *Xenoph. in Institut. Cyril. 1.*

§. IV.

Maria Varronis filia summe laudanda hic sese ultro ingerit. Hæc sculpendi & pingendi arte insignis, ne virginitatis candorem, quem cupiebat illasum tueri, offenderet, à fingenda virili figura semper abstinuit. O pictores & sculptores! ô quoties nec vestra nec alienæ verecundiæ consultiis, neque Persicum duntaxat institutum, sed & naturæ legem violatis, quando prætextu artis, investem hominem innumeris spectatoribus propinatis, ipsissimam oculorum pestem & venenum pudicitiae! Scalprum aut penicillum tam inverecundum,

fecerat, seque ipsam velut exanimem in eo collocarat, fletu & jejunio longo exhausta, jamque prius sepulta quàm mortua, diem suum obiit. *a* O magnam heroidem, quæ potius vitam quam verecundiam exuere sustinuit.

a *Massėjus l. 16. hist. Ind. ante med. mihi pag. 457. ubi naufragium longe mœstissimum describitur.*

§. V.

Non desunt quibus in ipsa etiam morte modestia & pudor cordi fuerunt. Iulius Cæsar conjuratorum strictis pugionibus appetitus in curia, jamque multis vulneribus confectus, caput toga obvolvitur, simulque manu sinistra sinum ad ima crura deduxit, quo honestius caderet, etiam inferioris corporis parte velata. *a*

Sic & Olympias Alexandri Macedonis mater, cum eam Cassander interim jussisset, id unice cavit, neminus verecunde caderet, pudorem mortis suæ testem optimum arbitrata.

Sic & Panthei Lacedæmonii uxor post viri mortem, quem in Ægyptum secuta fuerat, à Ptolomæo inter Lacænas ceteras occidi jussa, priusquam ferrum reciperet, pedes diligenter obvolvitur veste, omnemque aliam corporis partem velavit; jugulum duntaxat nudum præbuit, ut honestissime cadens, pudorem, quem per omnem vitam servaverat, relinqueret inviolatum.

Sed

a *Sueton. in Iul. Clæs.*

Observavit hoc sedulo Sigismundus I. Poloniae Rex, qui summa & panè virginali verecundia fuit, dum vixit. Nudus aut minus compositus aspici non sustinuit.

Huic merito suo jungenda Eleonora illustrissima femina, Emmanuelis Sosa Lusitani Principis conjux, quæ cum marito & sexcentis comitibus naufragium passa, post arma & opes à barbaris direptas, jamque pedes iter faciens in armatos Æthiopes incidit. Hi Sosam ipsum & ceteros utriusque sexus nullo discrimine vestibus nudare sunt aggressi. Adeo ablati armis animi omnium ceciderant, ut jam prædonibus his etiam obnoxii contra nec hircere quidem auderent. Eleonora tantum generis memor, ac pudoris retinens; obniti acriter, quin etiam pugnis colaphisque barbaros ultro ad necem irritare: quoad mariti denique hortatu, & deficientibus jam plane viribus, abstinit. Nec mora: detractæ direptaque vestes naufragis metu ac pudore confusis, atque ab tanta rerum indignitate oculos avertentibus. Tum vero castæ matronæ tristior omni morte lux visa, cumque aliud non suppeteret, è vestigio sese arenis defodit; quidquid corporis extabat, soluto raptim fusoque crine obtexit. Mox ad comites voce suprema: Vos quidem, inquit, Duci vestro fidem egregiam præstitistis, optimi viri; nil ultra opus est. Ite, vobisque ipsi consulite. Hic altus omnium mœror ac dolor vocem incluserat. Eleonora vero in hoc ipso tumulto, quem ipsa sibi fece-

Christiana Modestia ubiq; pulchra, ubiq; decora est Verecundia, in congressibus, in colloquiis, in conviviiis; in itinere, in commerciis, domi, foris; coram civibus, coram magistratu, coram Regibus, coram servis ac liberis, coram notis & ignotis, in actu & latitia. Tam igitur necesse est hac virtute non carere, quam inter homines vivere. Verecundia moderatrix cupiditatum, virtutis ac famæ custos, & laus naturæ. Virginitatis ferè atque Innocentiæ dos Verecundia. Vbi illa est, spes magna boni est; unde illa exulat, spes virtutis nulla est.

Christiana Verecundia & Modestia primum affectus, deinde mores exteriores componit, hæc ab illa oritur, sine qua, non perpetua, non diuturna est. Quod Gregorius affirmans: Intrus, inquit, est custodia, quæ composita servat exterius membra. Quæ ergo statum mentis perdidit, foris inconstantia motionis fluit, atque exteriori mobilitate indicat, quod nulla interiori salice subsistat. ^a Hinc Inverecundia hominum perditorum nota. De desperato malis dictum est: Quin imo confusione non sunt confusi, & erubescere nesciunt: idcirco cadent inter corruentes. ^b Timidè primum ac verecunde turpitudinem admittimus: mox majus aliquid mens audet; paullatim minima facit maxima. Inde ad præcipitium itur, ubi prius Modestia sic exiit.

Videte mihi Iulianum Apostatam, hominem

^a Gregor. part. 3. pastoral. c. 24.

^b Hierem. c. 8. v. 12.

Sed obstupefcendum illud feminae factum , omne fidei ac verecundiae exemplum longiffime fuperat. Ab omni aeo vix fimile quidquam pofteris memoria tradidit. Anno Chriftiano millefimo trecentiffimo fexageffimo feptimo, Petrus Caftellae rex poft primum cum Henrico fratre congreffum , victor Hifpalim rediit. Inter complures quos triumpho infolentior iuffit perimi , nobiliffima matrona Urraca Guzmania Ioannis Alfonsi Guzmani mater fuerat. Hanc in celeberrima urbis platea flammis exuri vivam voluit, crudelis Princeps. Ad Guzmaniae rogum adfluit famula Ifabella Vbedia , virgo honeftiffima : cumque domina in igne ob acerbiffimos dolores impatientius fe fe jactaret , ita ut veftis incompofta , & pes nudus cerneretur , famula animi plena in ipfos ignes infuluit, difiectam veftem compofuit , eamque tamdiu manu tenuit, dum & ipfa (quod paene fidem fuperat) cum domina conflagraret. Quid jam Romanos heros canimus ? Mutios Scavolas , & Attilios Regulos miramur : non impar hic feminae animus , aut major. Factum non laudo , fed ancillae fidem , fed Verecundiae ptodigium obftupefeo. Mori maluit hac virgo , quam dominam minus verecunde morientem cernere. *a*

Chri-

a *Historia Hifpalenſis l. 1. c. 14. Mentionem facit Ioan. Mariana l. 17. Hiſt. Hiſpan. c. 10. Barthol. de Scobar. tomo Conc. Quadrag. ſerm. 2. de diluvio , ante med.*

Ita speculum mentis est facies. Nam quod Siracides dixit; Ex visu cognoscitur vir, & ab occurſu faciei cognoscitur ſenſatus, Amictus corporis & riſus dentium, & ingreſſus hominis enuntiant de illo. ^a Ajunt hominem ſuperbum ſigno minime fallaci poſſe deprehendi, ſi quis à tergo inceſſum ejus obſervet: quam enim aſtuofus ſit, quam magnifice incedat, quamque ſe libret in utramque partem facile apparebit. Nec oculos talis intra rationem ſuam continebit. Nam oculi Intorum in finibus terræ. ^b

^a Eccl. c. 19. v. 26. ^b Prov. c. 17. v. 24.

§. VI.

Graviſſime per Iſaiam queſtus eſt Deus: Pro eo quod elevata ſunt filia Sion, & ambulaverunt extento collo, & nutibus oculorum ibant, & plaudebant, ambulabant pedibus ſuis, & compoſito gradu incedebant. ^a Hæc non maxima vitia erant, ſed latentium vitiorum argumenta. Nemo ergo dixerit? Quid ab exterioribus & minutis labeculis iſtis tam rigide cenſeor? mea me conſcientia defendit.

Ignosces nobis, mi homo, quod te hominem eſſe improbum credamus. Quam te videmus, talem te judicamus. Verba tua, geſtus tui, veſtes tuæ, tua omnia exteriora petulantiam olent & improbitatem. Quid ergo miraris, quod te ſus & in cute inverecundum cenſemus, quando te talem foris cernimus? Ubi Modestia & Verecundia non eſt, ibi com-

b b

poſita

^a Iſa. c. 3. v. 16.

minem ex asse nequam. Non semper talis fuerat, sed futurum talem, mores illius incompositi maturrimè prodebant. Gregorius Nazianzenus ejus contubernalis a hoc monstrum sic depingit: Nil boni, ait, ominari videbantur cervix non stata & erecta, humeri subsultantes, & ad æquilibrium subinde agitati, oculi leves, vagi, furioseque intuentes, pedes instabiles & titubantes, nasus contumeliam & contemptum spirans, vultus lineamenta ridiculi idem significantia, risus petulans & effrenis, nutus & renutus temerarii, lingua salax, lubrica, volubilis, sermo harens, spirituque concisus, interrogationes stultæ & præcipites, responsiones his nihilo meliores, postulata immatura, facilitas projecta ad idem eodemq; tempore negandum simul & concedendum, colloquia temeraria sine ordine, sine fundamento, sine ratione. Ubi hæc conspexi, statim prolocutus sum: Heu quale malum Romanorum terra nutrit! Optabam equidem dum hæc dicerem, alienum quid à veritate dicere, & falsus esse vates. Id enim satius fuisset, quam hunc ignem grassari per Orbem, totque inde tantaque oriri mala, quanta vix unquam Romanum sensit imperium. *b* Huc ex asse quadrat illud Salomonis: Homo apostata, vir inutilis, graditur ore perverso, annuit oculis, terit pede, digito loquitur, pravo corde machinatur malum, & omni tempore jurgia feminat. *c*

a In Atheniensi Academia.

b Gregor. Nazianz. orat. I. in Julian.

c Prov. c. 6. v. 12.

vix dubium habes. Eadem est morū ratio. Hominem inverecundum verbis aut gestibus, valde pudicum animo quis credat?

Nucleus spiritus cortice modestiæ rectè tegitur & servatur. Vbi Christus est, modestia est. Vere modesti homines lucernæ sunt ardentes & lucentes, ardentes Deo, lucentes mundo. Hinc omnes Religionum conditores suis Modestiæ leges scripserunt, easque ut rem magni momenti religiosissime observari voluerunt. Quod Franciscus Assisias vir sanctissimus exemplo suo eximie confirmavit. Nam die quodam ad socium conversus: Eamus, inquit, concionem habituri Ivit, sed quanta potuit modestia, dejectis humi oculis, manibus quietis, incessu moderato aliquot urbis plateas obiit, ita demum rediit domum. Hoc socius pane oblivionem interpretatus, nec sine admiratione: Vbi, ait, mi Pater, est concio ad populum, de qua dixeras? Cui Franciscus: Et vero, mi Frater, ait, jam concionati sumus: dictum prudentibus sat est. Vt scias, modeste per urbem incedere concionari est. Parum agunt verba, si desit Modestia. Plerique omnes plus oculis credimus quam auribus; & neque tardius tantum, sed & minus penetrant animum audita, quam visa. Facunda concio, Modestus homo.

bb² ACTIO.

*Segnius irritant animos demissa per aures,
Quam quæ sunt oculis subjecta fidelibus,
Et quæ ipsi sibi tradit spectator.*

Horat. de arte poetica post initium.

positæ mentis argumentum nullum est: aviculas à plumis & cantu, multas animantes à pilis & incessu, campanam à mole & tinnitu, hominem à verbis & gestu nosse possumus. *a* Bona, inquis, conscientia mihi est. Quæso te, cura, ut bona etiam sit tibi fama. Nobis enim, inquit Augustinus, necessaria est vita nostra, aliis fama nostra. *b* Hoc sanè sensu Tarsensis Paulus: Rogamus, inquit, vos fratres, ut abundetis magis: & operam detis, ut quieti sitis, & ut vestrum negotium agatis, & operemini manibus vestris, sicut præcepimus vobis: & ut honeste ambuletis ad eos, qui foris sunt. *c* Providentes bona non tantum coram Deo, sed etiam coram omnibus hominibus. *d* De cetero quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ: si qua virtus, si qua laus disciplinæ, hæc cogitate. *e*

Nimirum exterior hominis compositio testis est non facile mendax delitescens in animo virtutis aut vitii. E colore vultus non difficulter noscitur, sanus an æger sis. Si quem plures monent,

Heus bone, tu palles, surgit tibi lutea pellis:
hic certe valetudinis offensæ argumentum

vir

a Man kennt den Vogel am gsang.
Die Glock am klang/ *rc.*

b August. *l. de bono Viduitatis c. 22.*

c 1. Thessal. c. 4. v. 11. *d* Rom. c. 13. v. 17.

e Philip. c. 4. v. 8.

f Sich selbst und spitzig auß. Pers. sat. 3.

cessitate per plateas non vagatur, sed nec domum pererrat, loco sibi assignato contenta. Monachus qui toto cœnobio vagatur, non magnum præbet specimen Modestiae. Paulus suos hortatus: Corripite, inquit, inquietos. *a* Et suos Christus emittens: In quamcumque domum intraveritis, inquit, ibi manete, & inde ne exeatis. Nolite transire de domo in domum: *b* inquietus discursus vagæ mentis indicium.

4. Modestiae præceptum est: In multis esto sine auribus, sine oculis, sine lingua, perinde ut surdus, cæcus, mutus. Magni hoc artificii est, ea quæ nocitura sunt, posse non audire, non videre, non loqui. Magnus in hoc genere artifex vates regius: Ego autem, inquit, tanquam surdus, non audiebam, & sicut mutus non aperiens os suum. Et factus sum sicut homo non audiens, & non habens in ore suo redargutiones. *c* Hoc Modestiam iurat, oculos in terra, cor in calo defigere.

5. Denique hoc agit Modestia, ut vultus, incessus, sermo, status, habitus, ut gestus, omnisque motus corporis, intra decori ac decentiæ limites contineantur. Rugas in fronte, & multo magis in naso cavet. Serenitatem in vultu, maturitatem in aliis omnibus, quæ sub aspectum cadunt, exhibere conatur. Hinc recte Præcorum metro dicitur,

Corona virtutum omnium Modestia.

bb 3 CA-

a 1. Theff. c. 5. v. 14.

b Luc. 6. 9. v. 4. & c. 10. v. 7.

c Psal. 37. v. 14. & 15.

A C T I O N E S

M O D E S T I Æ , S E V
V E R E C U N D I Æ .

1. Modestia est , aliis loquentibus tacere, & eos, quibuscum loquendum, demissè, reverenter , verecunde alloqui, oculis non directe in colloquentis vultum, sed humi ut plurimum defixis : cum foras prodeundum , per plateas immoto capite, manibus quietis , gradu non præcipitante, veste decenter composita, oculis in prætereuntes non curiose projectis incedere. Hæc autem multo magis observat in templo Modestia , præcipue vero coercet oculos, in quos sibi plurimum sumit imperii. Nam uti lascivia , si quem occupet, suam plerumque sedem in oculis fudit : sic & Verecundia , si quem sibi vendicet, ad oculorum portam pervigiles agit excubias.

2. Risui etiam moderatur Modestia: risum effusum aut cachinnos solertissime cavet. Neque enim illud Siracidæ ignorat : Fatuus in risu exaltat vocem suam: Vir autem sapiens vix tacite ridebit. Homo sine spiritu, in omnibus caret modo. Itaque sine caussa, aut è caussa levicula in cachinnos solvitur. Christus risisse nunquam , ter flevisse memoratur. Intempestivus, frequens, effusus risus à Modestia semper alienus fuit.

3. Modestia quietem amat, vagam discurvationem odit, & non tantum sine necessitate

præstitit etiam parentibus, quos, ut beata Mechtildis loquitur, nulla re unquam offendit aut contristavit. a Eandem vero & Sacerdotibus in templo exhibuit, nam et beatus Bonaventura sentit: Inter alia specialem gratiam petiit quotidie parendi omnibus mandatis Pontificis. Iosepho ponso, quamvis eum & gratia & dignitate præcelluerit, tamen ut suo se capiti submisit in omnibus, velut ipsi Deo, idque annis circiter triginta, seu Nazarethum, seu Hierosolyma, seu Bethlehem iret, seu in Ægyptum contenderet. Quin imo Imp. Augusto idololatra, jamque partui vicina promptissime, nec iusta quidem excusatione usa, obtemperavit.

Quæsierit quis eo tempore: Quid agis Maria? teipsam & infantem periculo exponis? Ita Imperator jubet.

Mane domi, jam novem menses elapsi sunt, jam instat partus; mane domi. Aliud Imperator jubet.

Augusti arrogantia cenferi vult orbem, non Deus. Nihilominus Augusto ut Imperatori, ut Præfesto Dei parendum est.

At paupertas obstat; nam quocunque veneris, omnia ubique hospitia oppleta reperies; cognati non admittent, ignoti excludent. Quid facies? in via parienti tempus te opprimit. Quicquid hoc sit, Imperatori parendum est.

At hiems vetat, quo properas tempore tam alieno? Sic Imperator præcipit: alicuius tempus Obedientiæ nullum est.

b b 4

At

a Mechtild, de arcanis, l. 7. c. 5.

C A P U T XIII.

Rosa Hierichuntina Germaniæ,^a

seu,

Obedientia.

§. I.

TANTI est hæc virtus, ut eam non im-
merito Hebraus vates victimis longe
pratulerit. Melior est enim, inquit, Obe-
dientia quā victimæ, & auscultare magis,
quam offerre adipem arietum. *b* Tam ve-
ro artificiosa est hæc virtus, ut plumbi vi-
litem ad dignitatem auri extollere, ut
silices in gemmas mutare possit. Obedien-
tia divinæ Matris ea perfectione fuit, ut
illo solo ad Angelum verbulo *F I A T*, quo
divinæ voluntati quam integerrime assen-
sa est, eam fidei atque obsequii actionem
exhibuerit, qua plus promeruerit, quam
omnes sanctorum hominum omnibus
suis actibus. Ita Bernardinus Senensis sen-
tit. *c* Eo namque actu meruit, saltem de
congruo, dignitatem matris, quæ major
est quam si ei totius Orbis regimen fuisset
commissum. Elevebatur (Bernardini ver-
ba sunt) ad infinitatem perfectionum ac
gratiarum, ad imperscrutabilem abyssum
charismatum Spiritus sancti.

Eandem obedientiam quam Angelo,
præstitit

^a Rosen von Hiericho dicitur, *assris*
hortis non ignota, odorifera, tigillis illigari
solita. *b* 1. Reg. c. 15. v. 22.

c Bernardin. serm. 15. de festiv. B. V.

Virtutis est, legi obnoxium parere; majoris est à lege eximium, nihilominus parere, quod Virgo fecit, cum sese, quamvis mundissima, inter immundas puerperas lustrandam sisteret. Magni est promeriti in re etiam levi ac facili obedire; multo majoris est in ardua. Nil acerbius fuit huic Matri quam absentia filii: at cum sciret divinæ hoc Voluntatis esse, Obedientissimè divinis nutibus se subjecit: Ecce ancillam Domini. Cum filius triduum à parentibus abesset, cum solitudinem jejuniis frequentaret, cum suis se hostibus offerret, cum in cruce demum expiraret, Ecce ancillam Domini, quæ divinæ Voluntati nec verbulo contradicat.

§. II.

Inobedientia reginæ Vasthi omnibus fuit offendiculo, Virginis Mariæ Obedientia omnibus est exemplo. Ita Religionis Speculum purissimum non casta tantum & pauper, atque obediens, sed Paupertatem, Obedientiam, Castitatem voto etiam firmavit. Docemus id argumentis.

Apostoli se Votis obligantes: Ecce nos, inquit, reliquimus omnia, & secuti sumus te. Non facultates tantum, sed & uxores deseruimus, non pauperes solum, sed & continentes, sed & obediētes futuri. Et en adsumus, quidquid præceperis, quocunque duxeris, secuturi paratissime, & voto ad istud nos obligamus. De his Apostolorum Votis luculente prorsus Augustinus: Dixerant, inquit, potentes

b-b §

illi:

At pręgnantes & puerperas lex ista non urget. Non est obedientis, sed imperantis gratiam legis facere, & exceptionem dare. ^a

Recte hæc quidem omnia diceret, o Maria, si quidem Dei Voluntas hæc esset, describi Orbem, & capita hominum in censum redigi. At revera, ut dixi, non est hoc aliud quam Augusti superbia, inimica Deo. Augustus vult orbis Dominus videri, hinc exosissima hæc descriptio. Falle- ris, ait Virgo, quisquis ita sentis. Hoc omne ab æterno Dei decretum est, hæc ipsissima Dei Voluntas est, quæ Romano fastu velut instrumento utitur. Vult Deus describi orbem, vult singulos in natale so- lum terramque patriam, ut jussum est, proficisci. Hæc autem occasione vult opti- mus Deus suum Filium, ut prædictum est, nasci Bethlehemi. Ergo Imperatori hæc talia jubenti obtemperandum est.

Hæc demum vera, hæc integra est O- bedientia, imperium remotis excusatio- nibus toto amplexu recipere. Recepit hoc modo beatissima Virgo.

Quo illud quoque referendum, quod Iosephum sponsum ac conjugem omni reverentia coluerit. Christo filio, post inœstissimum triduum invento, poterat mater dicere: Ego & pater tuus dolentes quærebamus te. Non ita dixit (quod Augustinus accurate observat) sed illum verborum ordinem invertens: Pater tuus, inquit, & ego dolentes quærebamus te. ^b

Virtutis

Virgo beatissima in rebus arduis, & quæ videbantur non posse fieri, sese fortissimam exhibuit, quia pragnans Bethlehemiū contendit, quia cum filio in Ægyptum migravit, quia sub filii patibulo stetit, quia difficilia omnia superavit, rectissime turris vocatur eburnea. Geminae sorores istæ Patientia & Obedientia vincunt omnia. Vir obediens loquetur victoriam. *a* Victoria est nobilissima quam adipiscimur parendo, iis etiam qui acerbè imperant & severa.

Tanti æstimat Gregorius obediendo sic vincere, ut dixerit, ceteris quidem virtutibus dæmones impugnari, Obedientia vero vinci. Quid hoc autem miri? Deum vincit Obediens. Huic tali victori illud Angeli accinendum: Quoniam si contra Deum fortis fuisti, quanto magis contra homines prævalebis? *b* Recte igitur Augustinus, Sola, inquit, Obedientia tenet palmam; sola inobedientia invenit poenam. *c*

Jobo post ærumnas omnes exantlatas singuli cognatorum ovem unam aureamque in aurem donarunt. Quod eleganter exponens Gregorius: Jussa, inquit, excipiunt aures, auditum postulat Obedientia, & hoc in auris repræsentabat: At si huic muneri desit ovis, non prompta, non facilis erit Obedientia. Hoc nimirum Obedientiam commendat, parate, libenter, integre, quod jussum est, exequi. Subinde,

a Prov. c. 21. v. 28.

b Gen. c. 32. v. 28. *c* Aug. in Ps. 70.

illi : Ecce nos dimisimus omnia , & secuti sumus te. Hoc Votum potentissimi voverant. Sed unde hoc eis, nisi ab illo, de quo hic continuo dictum est : Dans Votum voveri ? Non enim Domino quicquam quidquam rectum voveret, nisi qui ab illo acciperet quod voveret. *a* Non minus clare Thomas Aquinas : Intelliguntur; inquit, Apostoli vovisse pertinencia ad perfectionis statum , quando Christum relictis omnibus secuti sunt. *b* Atque hoc Pelagius Alvarus fusius demonstrat. *c*

Quod si Apostoli his Votorum vinculis obstrinxerunt se Christo, non idem de Christi Matre, potiore jure dicendum ? Quod Castitatem voverit , res certa patris Patribus , divo Thomae ac Theologis. Beata Birgitta visis caelestibus erudita Virginem sic locutam asserit : Vovi etiam in corde meo, si esset ei acceptabile, observare Virginitatem , & nihil unquam possidere in mundo. *d*.

Obedientia vero Virginis, Obedientiam Abrahami, omniumque religiosorum hominum longe superavit. In eam caeleste carmen convenit : Collum tuum sicut turris eburnea. *e* Obedientiae symbolum est collum, quod illa flectit , premitque ut praecepti onus admittat. Quia vero

Virgo

a August. tom. 5. l. 17. de civit. c. 4. post med. mihi pag. 207.

b S. Thom. 2. 2. q. 88. a. 4. fine articuli.

c Alvarus l. 2. de planctu Eccles. c. 56.

d S. Birgit. l. 1. Revelat. c. 10. post init.

e Cantic. c. 7. v. 4.

cum omnibus constet, eam nihil unquam & nec minimum quidem, quod divinæ Voluntati adversaretur, fecisse. Nil igitur opus ab Obedientia eam commendare, cujus obsequendi studium semper exploratum ac certum fuit.

§. VII.

Theopompus olim cum interrogaretur, quæ disciplina potissimum exerceretur Spartæ; Peritia, inquit, jubendi, & obediendi. Cumque esset, qui diceret, omnem Spartanorum salutem in eo consistere, quod reges haberent ad imperandum; Non sola hæc causa est, inquit, sed quod cives obedire norint.

Melius Respublica Christiana, sanctius administrarentur cœnobis, si Obedientia, quam vel ipsi idololatræ à suis exigebant, fidelius præstaretur.

Exemplo sit Publius Crassus Mucianus, quem Romanæ historiæ scriptores tradunt quinque habuisse rerum præcipuarum maxima; quod esset ditissimus, quod nobilissimus, quod eloquentissimus, quod jurisconsultissimus, quod Pontifex maximus. Hic cum in Consulatu Asiam provinciam obtineret, & urbem Leucas pararet oppugnare, opusque esset firma & procera trabe ad fabricandum arietem, quo urbis muri quaterentur, ad Meleatenſium architectum scripsit, ut è duabus arboribus, quas apud eos vidisset, grandioſiorem mitteret. At architectus ultra obedientiam sapiens, ubi comperit cui usui trabem peteret, non majorem, ut
jussus

de, sed raro tales Iudæi : Omnia, in-
quiunt, quæ præcepisti nobis, faciemus,
& quocunque miseris, ibimus; sicut obe-
divimus in cunctis Mosis, ita obediemus
& tibi. *a*

Joannes Domini oculus, Obedientiæ
suæ describendæ non immemor, Obe-
dientiæ Marianæ videtur esse oblitus. Nam
cum è cruce Dominus suam illi Matrem
commendasset, donum tam nobile acce-
ptare non distulit, quod & sacris Euan-
geliis scripto inseruit; *Et ex illa hora acce-
pit eam discipulus in sua. b* Cur, obsecro,
se tantum obedisse narrat? Cur non illud
etiam adjunxit, Ex illa hora accepit ipse
discipulum in filium? Hic Ioannes vi al-
tiore sic regebatur, ut illud silendo perfe-
ctissimam Virginis Obedientiam, & sum-
mam cum divina voluntate conjunctio-
nem mirifice prædicarit. Cum enim
Ioannes, ejusque frater ad regium Christi
solum assessores esse cupivissent, idque
per matrem non obscure petivissent, à
ceteris Apostolis ambitus sunt damnati.
Nec illud nesciebatur, quod ad olivarium
montem cum ceteris primo dormiret,
deinde & fugerit; inter illos etiam fue-
rit, quos Dominus ut incredulos ante
suum è terris abitum increpavit. His ita-
que nonnihil mitigandis necessario vide-
batur dicendum, se Domini mandato
quamprimum obediisse. De Virgine hoc
asserere plane supervacaneum fuisset,
cum

a Ios. c. I. v. 16. & 17.

b Aut, In suam. Ioan. c. 19. v. 27.

recusavit iterum. Rejēctis precibus, jussus est id facere. Quod tamen aperte detestavit. Cui Iacobus: Possem, aiebat, à sacris te amovere, & contumaciam hanc anathemate persequi, sed acerbius non agam; tam refractarios mores Deo puniendos transcribo. Vox ingens pondus habuit, nam statim Fulco quartana febris & simul foedo alvi profluvio correptus, viginti quinque annis ad usque ultimam vitæ horam, quod deliquerat, luit. ^a Sapiamus vel alienis malis, & obedire discamus.

Illud terrificum simul & jucundum. Euit è religiosis viris, qui per urbem vagari assueverat; quod ut licentius faceret; varias exeundi causas confinxit; jam ægros invisendos, jam dissidentes conciliandos, jam nescio quæ alia curanda dixerat. Nunquam tamen sine præsidis sui venia domo exiit. Hic ipse quadam die à pluribus rogatus est, ut hominem à diabolo infessum, precibus consuetis liberaret. Istud obsequii genus refugere non potuit. Ergo manus admoveat, precari incipit, Evangelium sancti Ioannis legit. His religiosè præmissis subjungit: Præcipio tibi per virtutem sanctæ Obedientiæ, hoc hospitii deferas. Ad quæ diabolus promptissime: Quid tu, inquit, homo ridicule; mihi præcipere habes per virtutem sanctæ Obedientiæ, qui nunquam vere Obediens es? Desine hæc, aut te invadam. ^b Erubuit miser,

^a Thom. Cantiprat. l. 1. c. 22. num. 2. de miraculis sui avi. ^b Jordan. Sax. l. 2. c. 2.

jussus erat, sed minorem misit, quam faciendo arieti aptiorem, & portatu faciliorem existimabat. Crassus eum mox acciri jussit, accitumque interrogavit, cur non, quam jusserat, misisset. Architectus prudenter à se factum censere, causas & rationes adferre, & multa pro se dicere, jamque etiam sui facti commendationem sperare. At Crassus viro vestimenta detrahi? & acriter cadi virgis imperavit. Et ne hoc ulli videretur sævum: Omne imperantis officium, aiebat, corrumpitur atque dissolvitur, si quis ad id, quod facere jubetur, non obsequio debito, sed consilio non desiderato respondeat. *a*

Audite hoc, homines religiosi, audite, quotquot Obedientiam abjicitis: Obedientis est, non ingenium, non prudentiam, non consilium adferre, sed obsequium. Prudentia, dicebat sanctus Ignatius, non obtemperantis est, sed imperantis. Cum obediendum est, multum velle sapere, est prorsus desipere. Infelix semper est etiam sapiens inobedientia, etiam inter felicissimos successus.

Inobedientiam Deus severissime ac rigidissime sapius punivit. Ejus rei specimen proponit Cameracensis Proepiscopus hac tali narratione. Iacobus de Vitriaco Legatus & orator Pontificis expeditionem crucis contra Albigenes per sci Flandriam promulgaturus, socium adscere cupiebat Fulconem Canonicum Insulensem. Recusavit ille: rogatus iterum,

recusavit

dubitavit mori. *a* Nemo autem inobedientiam suam honesto nomine velet dicatque : Dominus meus, aut qui mihi imperat incogitans est, & nihil habet prudentiæ, nimis asper, nimisque rigidus est: quis tam insano capiti obediat? Huic Petrus jam pridem occurrens: Servi, ait, subditi estote in omni timore dominis, non tantum bonis & modestis, sed etiam dyscolis. Hæc est enim gratia, si propter Dei conscientiam sustinet quis tristitias patiens injuste. *b* Lex vetus sacerdotis imperio detrectantes obsequi, morte mulcandos; filios contumaces & paternorum jussuum protervos contemptores lapidibus obruendos statuit. Adamum cum posteris Inobedientia paradiso exurbavit. Inobedientia Lothi conjugem in statuam mutavit. Inobedientia Onam Judæ filium immatura morte sustulit. Inobedientia Dathan & Abiron cum sociis terræ hiatu haustos in tartara demisit. Inobedientia Saul regem & regno & vita spoliavit. Inobedientia Amasiam aliosque complures reges hostibus vincendos obfecit. Inobedientia Prophetam Ionam inmani ceto glutendum exposuit. Eadem Prophetam alium, levissime, ut videbatur, delinquentem, leoni necandum dedit. Recte dixit Bernardus: Nullam prorsus inobedientiam dico parvi ducendam. *c* Innumerorum interitus Inobedientia.

cc

Neque

a Bern. de 12. gradib. humil. & superb.
b I. Pet. c. 2. v. 18.
c Bern. de precept. & dispens. c. 9. m. p. 929.

miser, & irritò conatu abiit. I nunc, & obedire disce. Vis esse Sapiens? esto Obediens.

Recentissimum est, quod addo. Inobediens & contumax quispiam juvenis Ingolstadio Augustam venerat, in Gymnasio Societatis Iesu discipulus futurus. Verum ob infrequentiam, aliasque culpas, cum iuberetur dare poenas, recusavit, idque pertinaciter; ita Gymnasio seipsum exclusit. Eo ipso die in proximum pagum egressus, hilariter perpotavit: in regressu incidit in nescio quem adversarium cum quo digladiatus, & letaliter vulneratus est. Receptus in tugurium vicinum & stramineum lectum, mane ubi & crapulam edormiit, & sanguinem pane omnem amisit, sacerdotem acciri voluit, à quo præsente identidem petiit, versum illum sibi sapius repeteret: Sub tuum præsidium confugimus sancta Dei genitrix, nostras deprecationes ne despicias in necessitatibus nostris, sed à periculis cunctis libera nos semper Virgo gloriosa & benedicta. Atque ita Sacramentis perceptis illo ipso die obiit. Fons plurimorum malorum Inobedientia.

§. IV.

Ergo subditi estote omni humanæ creaturæ propter Deum. *a* Et mementote, quod Christus, ne perderet Obedientiam, perdidit vitam. Ex his ergo, ait Bernardus, discimus, quanta nos, qui puri homines sumus, oporteat pro Obedientia perpeti, pro qua is, qui & Deus erat, non dubitavit

ret. Spartani, patris absentia cognita, juvenitimiditatem exprobrarunt: quod ille indigne ferens, paterni mandati oblitus est, & conflixit, & vicit etiam; pater autem inobedientiæ iratus coronam illi victoriæ detrahi, & caput cervicibus præcidi jussit. *a* Ita me Deus, severa sunt hæc obedienciæ documenta.

Xenophon *b* de Chrysantha milite. Hic cum elata jam ac vibrata bipenni hostem esset percussurus, ut tubam receptui carentem inaudiret, adtutum ab hoste illaso, placide ac compositè recessit.

His addendus Pausanias Græci agminis Imperator. Hic cum inter sacrificandum, Mardonius Dux Persarum inexpectatus irrueret, suos omnes abjectis ad pedes clypeis jussit quiescere, nec prius hostem repellere, quam pugnae signum daretur. Tanta omnium fuit Obedientia, ut suo quisque ordine perstaret immobilis, jamque pluribus ab hoste casis, vim tamen illorum nemo repulit, ad unum pugnae signum, quod expectabant, attentissimi. *c*

Sed exemplis longe perfectioribus urgemur.

a Plut. in paral. ex Ctesiph. l. 3. rerum Baot.

b Xenoph. l. 4. de disciplina Cyri, relatus à Plutarcho tom. I. in Marcello.

Plutarch. tom. I. in Aristide.

§. V.

Considerate mihi, obsecro, Obedientiam Abrahami nunquam satis laudandam. Si Abrahamus alium in pariete pictum Abrahamum, filii cervicibus imminentem

Neque vero in cœnobiis tantum rigide punitur Inobedientia, sed etiam in castris, etiam inter idololatrias, etiam inter conjunctissimos, etiam capitis supplicio leve inobedientiæ delictum expiatur.

Posthumius Tiburtus Dictator Aulum Posthumium filium, quem unum ad generis successionem propagandam habuerat, cujus infantiam sinu atque osculis fovebat, quem puerum litteris, quem juvenem armis instruxerat, sanctum, fortem, sui pariter ac patriæ amantem, quia tamen non suo jussu, sed sua sponte, præsidio progressus hostes fuderat, victorem securi jussit feriri. Quo filii supplicio monstravit, infelicissimam esse victoriam, quæ contra obediendi leges obtenta esset.

Æque rigidus exactor Obedientiæ T. Manlius Torquatus, qui bello Latino Consul suum itidem filium, quod à Tusculanorum Duce Geminio Metio ad dimicandum provocatus, se ignaro descenderat, gloriosam victoriam. & speciosa spolia referentem, abripi à lictore, & in modum hostiæ mactari jussit; satius esse judicans patrem forti filio quam patriam obtemperandi exemplo, aut militari disciplina exercitum carere. *a*

Simillimum est, quod Plutarchus commemorat. Epaminondas Thebanus Dux contra Spartanos pugnans, in urbem ad comitia est regressus, prius filio Stesimbrotro injungens, ne cum hoste configaret.

a Valer. l. 2. c. 2. Gell. l. 9. Noct. Attic. c. 13. fin.

Iubetur filium adolere in holocaustum,
ut nihil relinqueretur, quod suo solatio in-
gerat in sepulchrum. Iubetur filium jugula-
re in alto montis vertice, quem veluti cru-
cem oculis defixam ante & post eadem
filii in conspectu haberet. Prioribus acce-
dit: Filius fascem lignorum, velut suum.
ipse patibulum portat, quod alias jumenta
gestarent: famuli, ne sacrificium vivæ ho-
stiae interpellent, ad montis radices subsi-
stere jubentur. Solus cum solo filio pater
formidabile montis jugum ascendit. Quot
hic patris gemitus, anhelitus quam graves,
qui mutui aspectus? Quid ultima filii inter-
rogatio: *Pater mi, ubi est victima holocausti?*
His vocibus paternū pectus velut candenti
forcipe discerpebatur. Quo demum colo-
re vultus, quo sensu animi suum illud pro-
nuntiavit pater: *Fili mi? Quæ denique pal-
pitatio cordis, quod letale gelu occupavit*
Abrahamum, cum velut filii carnifex, Isaa-
cum amantissimum ligaret, ligatum aræ
imponeret, dextram ferro amaret, vibra-
ret gladium, jamque filii jugulo immine-
ret? Hæc omnia una potuit Obedientia.

Deus summe! quam mascula hæc virtus!
quanta sui victoria! Maluisset utiq; Abra-
hamus ipse millies mori, quam suum san-
guinem, suas delicias, amorem suum ma-
trisque gaudium, quam omnem posteri-
tatis spem, quam innocentiam tam ama-
bilem sua manu trucidare. Si Abrahamus,
ut dixi, alium ante se Abrahamum simile
quid audentem vel in pictura unquam vi-
disset, exemplo animosior hoc aggredi
cc 1 potuisset.

vidisset, rem utique laude dignissimam fecisset, tam prompte obediendo. At nullo Abrahamus simili exemplo impellebatur, primus erat, quem imperium tam rigidum premebat. Non uno vulnere paternum pectus sauciabatur, nam pluribus præceptis onerabatur. *a* Principio Deus imperat: *Tolle filium tuum*. Responderit Abrahamus: Ecce adsum, obsequi paratus; sed duos habeo filios. Deus iterum: *Tolle filium tuum unigenitum*. Domine, utrumque suæ matris unigenitus est. Divina vox iterum: *Tolle unigenitum quem diligis*. Utrumque diligo, dixerit Abrahamus. Ita demum præcepti gladius altissime defigitur: *Tolle Isaac*. Ah, quale hoc imperium, quam cruentum, quam horrendum patri! Iubetur pater in victimam mactare filium, quem ex ingenua & libera Sara unicum, lectissimum, ac dilectissimum singulari favore Numinis accepit. Iubetur non aliena, sed suâ manu eum occidere, quem semper obedientissimum habuit. Hoc omni morte durius est parenti. Iubetur triduanum iter cum eodem conficere, ut ipsa mora temporis affectus cresceret, & difficilior fieret Obedientia. Quid hoc triduo cogitasse credendus est Abraham, quoties filium non sine altis suspiriis, non sine acerbissimis lacrimis aspexit? Quid hoc triduo cibi, quid somni ceperit moestissimus pater, imo vix pater, & nec homo quidem ob nimiam mœroris acrimoniam? Sed plura hic consideranda.

Iubetur

a Sic aliqui explicant.

S. VI.

Ea vis est Obedientiæ, ut prunas manibus illæsis ferre, ut aquas veluti pavimentum marmoreum calcare, ut immanissimas feras velut oviculas loro ducere, ut arbores exsuccas mortuasque fronde & flore vestire potuerit. Affirmat Severus Sulpitius, ex aridissimo illo storfæino virgulto, quod obedienter triennio rigatum aquis in novos se flores induit, enatam arbusculam à se visam esse. Ad hanc irrigandam obedientissimus juvenis aquam è Nilo petiit, eamque per duo millia passuum suis humeris deportavit. *a*

B. Aderhardus Caroli Magni consobrinus, ubi monachum induisset, jussus hortulanum agere, non prompte tantum, sed & hilariter paruit, tametsi & artis illius penitus ignarus, & laboris insuetus esset.

B. Thomas Aquinas, ille sol Theologorum, jam grandævus & doctor, velut ex Obedientia se socium præbet fraterculo ignoto foras prodeunti. Cumque ductorem suum nonnihil properantem arguius assequeretur, aliquoties objecta tarditate reprehensus patientissime id tulit, itaque Obedientiæ junxit patientiam.

B. Lanibertus adolescens nobilissimus. non profapia solū, sed & Obedientia, quia Landoaldo promptissime parere didicit, prunas, quo jussus erat, illæsa veste detulit.

B. Maurus S. Benedicti discipulus, ad imperantis vocem per aquas tutis vestigiis occurrit, & Placidum à morte servavit. *b*

a Sulpit. l. 1. dial. c. 13.

Bea-

Pelag. libell. 14. n. 3. b Greg. l. 2. dial. c. 7.

potuisset. At ille hoc primus audere iustus est. Nihilominus constantissime adversus omnem naturæ sensum obediit, usque ad montem, usque ad aram, usque ad gladium, ad usque filii jugulum.

Huc omnes, huc sacri & profani, ad hoc Spectaculum seu potius miraculum Obedientiæ oculos & animum advertite, quicumque vel dominis, vel parentibus aut majoribus Obedientiam debetis. Ah quantum, mi Deus, ab hac Abrahami nota divertit Obedientia! In minimis tricamur; excusationes centum, moræ ac tergiversationes sexcentæ, obmurmurationes mille intercurrent, dum iussu veniant ad obsequium perfectum.

En Abrahamum! non tergiversatur, non excusat, non hæret, nihil moratur, omnem naturæ sensum expugnat, ut iussa expediat. Illud Bernardi de Abrahamo verissime dicatur: Fidelis obediens nescit moras, fugit crastinum, ignorat tarditatem, præripit præcipientem, parat oculos visui, aures auditui, linguam voci, manus operi, itineripedes; totum se colligit, ut imperantis colligat voluntatem. Addit: Ostendunt plerunque voluntatem animi signa exteriora, & difficile est, ut vultum non mutant, qui mutant voluntatem. Nubikosa corporis compositio, & facies tenebris tristitiæ obfuscata, devotionem ab animo recessisse signant. *a* Hinc facile conjectare est, qua natura, quibus viribus polleat Obedientia.

Fa

humidumque oculum, modo faciem foede laceratam, modo caput tuber aut cruentum exhibebat. Ego patientissimæ obedienciæ non ignarus: Mi optime frater, agebam, pugna viriliter, & sustine non duratura æternum. Novennium totum sub sene tam immiti ac favo exegit, & obiit, Patrum cæmeterio inhumatus. Quinto ab obitu die acerbus ille senex, alio profectus discipulum suum esse mortuum nuntiavit. Fuit hic è senioribus, qui valentem illum juvenem jam obiisse persuaderi non potuit. Cui Achatii magister: Veni ergo, agebam, illius tumulum monstrabo. Cumque jam ambo in cæmeterio starent ad illius juvenis sepulchrum, tunc alter: Ergone, ait, mi Achatii, ergone mortuus es? Mox defunctus è tumulo respondit: *Obediens non potest mori.* Hic Achatii rigidissimus magister territus, proruentibus lacrimis in terram se abiecit, petiitque supplex à cœnobii antistite, liceret sibi ad tumulum sui discipuli cellulam construere. Quod & impetravit. Jamque aliis moribus vixit, illud sæpius ingeminans: Homicida sum, cheu homicida sum. Hæc optima fide Climacus. *a* Et vere mori non potest Obediens. Hoc sanctissimis quibusque hominibus probe cognitum fuit. Hinc illi tam obediētes.

a Climacus gradū 4. de Obedientiā propius finem. mihi pag. 80.

S. VII.

Beatus Iacobus Alemannus è S. Domini familia Encaustices peritissimus, *a*
a Runder gar wol schmelzen. cum

Beatus Mutius filiolum suum manibus comprehensum, jamjam in aquas projecturus properabat, nisi cum eadem vox, quæ id mandarat, à rigidissima hac Obedientia revocasset.

Beatus Dositheus sancti Dorothei discipulus, juvenis olim delicatus & vanitatum plenus, omnisque sanctioris disciplinæ ignarus, ad perfectionis apicem per unam atque unicam obedientiam tam constanter quam feliciter enisus, post mortem inter beatos cælites visus est.

Mirissimum quid narrat Climacus, & ne quisquam historiæ fidem desideret: Non ero, inquit, occultator iniquus, nec fraudator inhumanus, ut ea apud vos si leam, quæ filere omnino nefas est.

Ioannes Opanii Sabbaites, vir ab affectibus liber, à mendacio alienissimus, ista mihi memoratu dignissima narravit. Erat in monasterio meo, ajebat, morosus plane ac tetricus senex, & quod pejus, rerum suarum negligentissimus, quod in gratiam veritatis dixerim. Huic commissus est discipulus (Achatius audiebat^a) juvenis prudens & mire obtemperans. Hic indigna quæque & prorsus incredibilia passus est ab illo sene, qui cum non probristantum, aut conviciis ac contumeliis, sed & verberibus quotidie afficiebat. Ego frequenter illi obviis quærebam: Ut vales Ahati, quo statu res tuæ sunt? Bono, ajebat ille. Aliud tamen loquebatur vultus. Nam modo liventem

tumi-

^a Alii vocant Innocentium.

Antonii Magni discipulus Paulus Sim-
ex, jussus est haurire aquam, eamque
iterum effundere; contextas sportu-
s dissolvere, ac denuo contexere; vestem
fluere, eandemque iterum consuere,
quam non paratissimus obediuit. Qua
idem ratione Antonium magistrum
cum patrandis miraculis superavit.

Beatus Lambertus Stabulensis mona-
chus, dein Traiectensis Episcopus, & mar-
tyr, cum in cœnobio noctu clam ad pre-
ces è lecto surgens calceorum altero è
manibus elapso alios è somno excitasset,
obas illi tali quicumque esset, imperavit
ut crucem ex more se conferret, & expe-
ctaret dum revocaretur. Fecit id prom-
ptissime, & solo cilicio tectus per totum
nocturnum officium summo frigore pa-
re obriguit, dum omnibus finitis, &
calorem properantibus Abbas moni-
tus, flens illum & culpam deprecatus
revocavit. a

Beatus Geneboldus Laudensis Episco-
pus in cœnobii cellulam à S. Remigio
conclusus, ut septennio toto expiabilem
acciperet vitam, cum Angeli voce ante
septennium nondum penitus expletum
moneretur egredi, in formam crucis po-
stratus respondit: Etiam si ipse Dominus
meus ad me indignissimum venire di-
catur, pedem tamen prius hinc foras
non efferrem, dum ille, qui me illius no-
mine hoc ergastulo conclusit, advenerit. b

Elstanus in Wintoniensi cœnobio co-
quum

a Lippel. 17. Septembr. b Lippel. 1. Octob.

cum subito juberetur, opere maxime fervente, omnia seponere, & ad mendicandum egredi, seposuit omnia; & furnum, colores, vitra deferens ad saccum prope-
ravit. Post aliquot horas ad laborem intermissum reversus, omnia exacte absoluta reperit.

Beatus Ioannes Damascenus vir olim clarissimus, dein Monachus, corbes venales per multa miliaria ex obedientia Damascum tulit, & pretium, prout jubebatur, duplo grandius indicavit: & quamvis ab omnibus largiter irrideretur, ab Obedientiæ tamen præscripto nec latum unguem abiit.

Beatus Franciscus Assisias tam uberem afferere Obedientiæ fructum, ut iis qui collum huic jugo submitterent, nihil temporis sine lucro abiret. Hinc seipsum in ordinem redigens supremum officium alteri cessit, eique se gubernandum commisit. Duorum porro Tironum Obedientiam sic exploravit. Plantulas in horto seri voluit radice sublimi, capite in terram defixo. Eum qui obedienter noluit desipere, repudiavit, altero retento.

Beatus Guilielmus olim Aquitaniæ Dux, dein monachus, iussus pistorem agere, & panes coquere, cum cenæ tempus urgeret, ne muneri, quod illi mandatum erat, defuisse videretur, ingenti animo furnum insiluit, & prunas convertit veste. Ab aliis sæpius hoc factum memoratur. Nimirum Obedientiæ in periculis tutæ, in infimis excelsa, invicta in adversis.

essarium judicabat. Non admisit excusationem Conradus, sed inobedientiæ culpam flagellis aboleret, præcepit. Prompte obediit Regina, illustrissimo tam obedientiæ quàm patientiæ documento.

Euphrosyna virgo Alexandrina, quæ virili habitu Smaragdi nomine in cœnobiū admissa, quoniam illi multus in ore decor inerat, ne cujusquam è viris religiosi animum labefactaret, in cellula inclusa, humanis pariter divinisque officiis defungi iussa est. Paruit non minus libenter quàm constanter, annos triginta octo carcerem passa perpetuum. Tamdiu veste sexum, cellula seipsam texit obedientissime: ita Christo serviit, cœnobiarchæ obtemperat. Patuit tandem obstupescenda virtus Virginis. Cum enim monoculus cadaveri daret osculum, recipit visum. Sic ea quæ obediendo omnium sese oculis subtraxerat viva, amissos oculos reparavit tam mortua.

Euphrasia virgo Constantinopolitana, Theodosii junioris cognata, religiosam paupertatem amplexa, jussu antistitæ ad furnum saxa detulit, retulitque in locum pristinum sine cunctatione, ipsos triginta dies labori tam sterili, imo tam fructuoso insudans. Nullus enim obedienti labor infecundus. Eadem in culina eluendis scutellis, abstergendis ollis, sordibus exportandis occupata, se filiam Senatoris esse inter obediendum felicissime oblita est.

Hæc specimina sunt Obedientiæ non servilis, non mercenariæ, quarum alteram timor

quum agebat , vir miræ simplicitatis & Obedientiæ. Ad hujus obedientiam cum exercendam , tum penitus explorandam præcipiens Abbas : Mi frater, aiebat , hanc mihi operam gratificare, & carniū partē ex lebete imo extrahe. Ille has voces non aliter ac divinas adorans , manū impi-gram in ahenum bulliens immisit , edu-xitque illæsus, quod fuerat imperatum.

Beatus Rogerius monachus , jam ani-
mam acturus Arsenium Abbatē sic fer-
tur allocutus : Quæso te Pater (vides
enim quid patiar) ex Obedientia me mo-
ri jube , ut etiam moriendo merear : si-
quidem jam annis sexaginta hoc unice
Deum rogavi , ne mei præsidis injussu
morerer. Ergo , ait Arsenius , mi frater,
nunc morere : Mors Domini J E S U te
vivi & beatis conjungat. Dictum factum.
Desiit Abbas loqui , & Rogerius vivere;
imo capit: nam eadem nocte Rogerius se
spectandum Arsenio præbuit , dixitque
mortem sic obitam pluris à Christo æsti-
matam, quàm ullam totius vitæ actionem.

Nescio quid sacrificiis omnibus majus
est obedire. In illis de aliena pelle agitur,
hic de propria.

§. VIII.

Elisabetha Regis filia ita excelluit obe-
dientia , ut in conjugis sui palatio ad arbi-
trium religiosi senis Conradi viveret. Iussa
quodam die in templo interesse concio-
ni , at illa ob improvisum Principis fe-
minæ adventum , id omittere pane ne-
cessa-

Mustapha, qui Cyprium expugnavit, & Mahometes, in colloquio cum oratoribus Christianis dixisse: Mirari se in Europa non severius in rebelles ac seditiosos cives animadverti. Suum quidem Dominum uti pro symbolo his verbis: *Aut obediendum, aut moriendum*. Et hanc legem ab omni principe inviolatam esse servandam. *a*

Revera Deus in servandis legibus suis hoc ipsum exigit, Aut obedi, aut morere. Ita Deus cum Adamo & ejus posteris est pactus: Aut obediendum, aut moriendū; aut hujus arboris fructus non gusta, aut mortem tolera. Quod Augustinus insignissime oculis subjiciens: Homo, inquit, positus sub præcepto, audivit à Domino Deo: Noli tangere. Quid? hanc arborē. Quid est enim illa arbor? Si bona est, quare non tango? si mala est, quid facit in paradiso? Prorsus idē est in paradiso, quia bona est: sed nolo, tangas. Quare non tango? Quia obedientem te volo, non contradicentem servum. Serve, audi prius Domini jussū, & tunc jubentis disce consilium, Bona est arbor; sed nolo tangas. Quare! Quia ego Dominus sum, & tu servus es. Hæc tota causa est. Quid autem tibi expedit, nisi esse sub Domino? Quomodo eris sub Domino, nisi fueris sub præcepto? Sola Obedientia tenet palmam, sola inobedientia invenit pœnam. *b*

Ita

a Florimund Raimund. l. 4. de ortu hares. c. 9. n. 2. mihi. pag. 558. *b* August. tom. 8. in Psalm 70. post med. mihi pag. 314.

morelicit, alteram cupiditas; neutra laudatur. Nos obedientiam commendamus filiorum, qui non tam metuunt patris severitatem, quàm voluntatem amant.

Hortatur Paulus, & ad Obedientiam infigans: Omnis anima, inquit, potestatibus sublimioribus subdita sit. *a* Non est enim potestas, nisi à Deo. Itaque qui resistit potestati, Dei ordinationi resistit: qui autem resistunt, ipsi sibi damnationem acquirunt. Igitur obedite præpositis vestris, & subiacere eis. *b*

Obedientiam porro vel etiam ratione carentia, imo etiam sensu destituta exercent. Sol & luna obedierunt Iosue, calum, terra, & mare Mosi, cum illud tenebras offunderet, hæc Dathan & Abiron, istud Pharaonem hauriret, Aër & grando Samueli paruerunt, pluvia & ignis Eliæ, venti & procellæ, diaboli, & morbi, ac ipsa mors Christo, serpentes & colubri Apostolis, beato Antonio & aliis plurimis feræ, beato Francisco Affiliati aves, beato Iosepho Anchietæ pisces & aliæ animantes; beatus Sergius Abbas leone, beatus Gallus urso, beatus Norbertus lupo ad obsequium est usus; beata Theodora crocodilo velut navigio vecta est. Scilicet cum homines nolunt, bestię fiunt obsequiosæ.

Omnia creata obediunt Conditori, solus homo reluctatur. O miser quid resistis? aut obediendum, aut moriendum est. Vbi nihil obedientiæ, nihil divinæ gratiæ.

Memorantur duo Turcarum principes,
Musta-

a Rom. c. 13, v. 1. b Hebr. c. ult, v. 17.

Deo, haud secus omnino accipiendum est, quàm si præcipiat Deus. *a* Divi Benedicti dictum est, & verissimum : Obedientia, quæ majoribus præbetur, Deo exhibetur. Ita Christus apertissimè : Qui vos audit, me audit. *b*

Secundo, Obedientia vera est *Prompta & Velox*. Hic illud est instillandum: Quod facis, fac cito. Obsequia morosa vel tarda, tam ingrata sunt, ut sæpe nulla sint. Tarde velle, nolentis est. De Voluntate prompta Bernardus differens : Sola, inquit, voluntas est, quæ totius operis ornat effectum, sine qua etiam nec bene aliquid agitur, etiamsi bonum esse videatur. Audi quid Dominus de simplici promptoque populo protestetur: In auditu, inquit, auris obedivit mihi: Ut videlicet ostenderet, uno eodemque momento processisse & imperantis imperium, & obsequium obedientis. *c* Cito voluisse, est bis obedivisse. Obedientia verò non expectat strictum præceptum, *non differit, non tergiversatur, non excusat*, non segniter nec cum torpore opus suscipit.

Silvanus Abbas discipulum habuit Marcum, commendatiorem ceteris & chariorem, ob insignem Obedientiam. Hoc ceteri, ut solet, livore usti ægrius tulerunt. Ideo etiam vicini senes ad Silvanum venerunt, amicitia gratia, re ipsa singularis filius in Marcum amoris causam exploraturi. Hos Silvanus assumens & circum-

d d ducens

e Bern. l. de præcept. & dispensat. c. 6.

b Luc. c. 19. v. 16. *c* Bern. loco supra cit.

Ita sapissime non adeò malum est quod prohibetur, sed melius est quod præcipitur. Obedientia, ut Climacus loquitur, est tuta navigatio, tutum periculum, iter dormiendo confectum. At videamus articulatim & distincte, sed breviter, quibus notis Obedientia vera dignoscatur.

S. IX.

Primo omnium Obedientia, si vera est, *Caca* est, seu simplex: non enim imperantis vitia considerat, sed præcepta. Sanctam cæcitatem istam Servator injungens: Super cathedram Moïsis, ait, sederunt Scribæ & Pharisei; omnia ergo, quæcunque dixerint vobis, servate & facite, secundum opera verò illorum nolite facere. *a* Obedientia itidem cum laude *cæca* est, quæ præcepti causas non scrutatur. Non est Obedientis quærere, Cur hoc? quamobrem illud? quare istud imperatum est? cur mihi, non alteri? quare isto, non alio tempore? Apagæsis colubri num Cur istud. Non sic Abraham, qui *exiit nesciens quo iret*. Ad rem dixit Gregorius: Nescit judicare, quisquis perfectè didicit obedire. Pessimè oculatus est, qui rationes exigit, quare hoc, quare illud faciendum sit. O bone, quàm multò cernereres acutius, si minus esses oculatus! Tui oculi te talpam faciunt. Cum præcepti rationem exigis, non subditum sed parem te geris, aut superiorem eo qui præcipit. Optime hic Bernardus: Quicquid vice Dei præcipit homo, ait, quod non sit certum displicere Deo,

ni Theologi sentiunt, a voto se Patri ob-
trinxit moriendi in cruce. Ergo viriliter
agite, & confortetur cor vestrum, omnes
qui speratis in Domino. b Bernardus hor-
tatur : Si tribulatio intonat, si persecutio
resultat, si peccatores tibi laqueum po-
nunt, si maligni tuum iter in. pediunt, tu
Obedientiae viam non deseras, sed dic:
Paratus sum, & non sum turbatus, ut cu-
stodiam mandata tua. Misisti manum
meam ad fortia: agendum est instanter, ob-
ediendum est fortiter. c Aegyptii ut for-
titer obedientem sub oculos constitue-
rent, canem Gallicum venaticum La-
psem pingebant, qui velocissimo impetu
sequeretur leporem, voce tamen domini
unicove audito sibilo naturae suae velut
oblitus, subito cursum sifteret, atque ab
insequendo lepore abstineret. Haud aliter
homo obediens, etiamsi jubeantur incli-
nationi suae adversantia, etiamsi voluntas
reclamet, appetitus recalcitret, caro acri-
ter repugnet, ille tamen vim sibi faciens,
nihil secius mandata exequitur.

a Franc. Suarez tom. 2. in 3. part. D. Thom.
2. 2. sect. 8. Est ergo, inquit, probabile, Chri-
stum in primo instanti Conceptionis suae se v. s. o.
consecrasse Deo ad redimendos homines, & in
hunc finem omnes actiones ac passiones vita-
e suae obtulisse. b Psal. 30. v. 25.

c Bern. de Obed. tom. 2. pag. 435.

S. X.

Quarto, Obedientia nulla est, si Humilitas
non est, Dicat obsequendi studiosus :

¶ d d 2.

Non-

ducens singulorum cellas obiit, atque ad
cujusque januam pulsans ad laborem sin-
gulos evocavit. Plerique omnes nonnihil
cunctati morosius demum egrediebantur.
Vbi ad Marci cellulam pervenit, illud
unicum pronuntiavit. *Marce.* Vix vocem
Marcus audiit, & mox provolans: Ad-
sum, aiebat, quid imperas Pater? ubi quid
fieri vellet mandavit, versus ad hospites:
Videtis, inquit, mei Patres, diversitatem
Obedientiæ. Ceteri quàm lenti, & cun-
ctabundi, ubi hærent? etiamnum, puto,
deliberant. Quo dicto Marci jam absentis
cellam ingressus, reperit in charta litte-
ram P. incæptam quidem, sed non fini-
tam. Et en, inquit, promptissimæ Obe-
dientiæ testimonium, characterem cœ-
ptum, nondum absolutum; vox mea in-
terrupit. Mirati hospites. Dignissima est,
ajunt, tam prompta Obedientia, quæ sin-
gulariter ametur. O filium perfectæ Obe-
dientiæ, exclamat Trithemius, qui ma-
luit scriptionem illico interrompere,
quàm Obedientiam vel momento dif-
ferre. *a*

Tertio Obedientia vera *Fortis* est &
Robusta difficilia non detrectat, aggredi-
tur ardua. Videte Abrahamum, natu-
ram vicit. Videte Dominum IESUM,
nec crucem recusavit, factus obediens us-
que ad mortem, mortem autem crucis. *b*
Imo quod amplius & notatu dignissimū,
Christus in utero Virginis Matris, ut opti-
mi

a Trithem. in c. Reg. S. Benedicti. S. Hilar.

b Philip. c. 2. v. 28.

le: Principio quidem, inquit, putabam ob
reccata mea me venditum, Qua una re ni-
hil acerbius mihi contingere potuisset, &
nisi me summa vi adegissem, nunquam ad
aliorū pedes accidissem. Sed evoluta an-
no id mihi non amplius fuit difficile, quod
prius censebam fieri non posse. Exacto an-
no altero, cum assiduè præmium & Obe-
dientiæ & Patientiæ cogitarem, suave mi-
hi fuit sic abjici, & ego me ipsum alio-
rum affectu & contubernio indignum ju-
dicabam. Nimirum Obedientia cum vera
est, serio submissa est. a

Quinto, Obedientia non minus *Hilaris*,
est quàm *Humilis*. Divini Pauli monitum
est: Non ex tristitia aut ex necessitate, Hi-
larem enim datorem diligit Deus. b Ber-
nardo teste, serenitas in vultu, dulcedo in
sermonibus multum colorant Obedien-
tiam obsequentis. Quis enim locus Obe-
dientiæ, ubi tristitiæ cernitur ægritudo? Si
Obedientiam tuam cupis esse commenda-
tam, super omnia vultus accedat bonus.
Acerba & anstera facies insuave facit o-
mne obsequium. Obedientia vera non
tantum manus & pedes, sed & alas sub-
inde habet, quas ei hilaritas aptat. Obe-
dientia it, currit, volat ad exequendum
quod jussum est. Enimvero non iret non
curreret, non volaret, si dolenter & mœ-
ste obtemperaret. Mœror plumbeum ca-
put, manus pedesq; facit plumbeos. Quod
Augustinus de Eleëmofyna, idem de Obe-

d d 2 Obedientia

a Climacus gradu 4. p. 5. post init. 4. gradu.

b 2. Corinth. c. 9. v. 7.

Nonne Deo subiecta erit anima mea? ^a Ut jumentum factus sum apud re. ^b Isidorum Alexandrinum civem primarium, non prius cœnobio receptum affirmat Climacus, quàm submississimâ sponderet Obedientiam. At ille: Sicut ferrum, inquit, subiectum est fabro, ita & ego meipsum Obedientiæ expono. Jussus est igitur ad monasterii fores habitare, & ad omnium tam ingredientium, quàm egredientium genua sese proolvere, dicereque: Ora pro me, quoniam peccator sum. Fecit hoc septennio toto submissione incredibili. Jamque post tanta tamque diuturna Obedientiæ & Tolerantiæ experimenta ceteris annumerandus, & ad sacros ordines admittendus erat. At ille maximis precibus cum ipse, tum per alios hoc unum petiit, permitteretur eo loco, quo dignus esset, permanere. Permissum. Nec Deus præmium distulit, post diem decimum vocatus est à porta Cœnobii in aulam cali. Septimo post die mortuus est & ipse janitor. Nam obedientissimus hic Isidorus promiserat janitori, si ad divinum conspectum admitteretur, illum brevi Beatitudinis socium vocandum. Vocavit, ut constaret omnibus, perfectæ Obedientiæ, & divinæ Humilitatis præmium (ita Climacus loquitur) non fuisse dilatum. Et addit scriptor: Interrogavi ego ipse virum hunc, dum in vivis esset, quo tandem animo ferret tam acerbum vivendi genus? Ad quæ ille:

^a Psalm 61. v. 1.

^b Et Psalm 72. v. 22.

tris Voluntas summum fuit præceptum.

2. Obedientia non dictat quid sibi præcipiendum sit, neque præcepta ad suum sensum detorquet. Augustinus id exprimens: Optimus, inquit, minister tuus est, qui non magis nititur hoc à te audire quod ipse voluerit, sed potius hoc velle quod à te audierit. *a*

3. Obedientia parentum, præceptorum, majorum jussa studiose in minimis etiam exequitur. Atque in eo maxime laborat, ut, quod imperatum est, perfectè ac integre fiat, nec tantum id quod præcipitur, sed eo etiam modo quo præcipitur, perficit. Prout Christi nutritius, Ioseph obediit, fecitque sicut præcepit ei Angelus Domini. *b* Prout beatus Paulus docuit: Filii obedite parentibus per omnia. *c*

4. Obedientia unicam habet exceptiunculam. Siquidem tunc solum tergiversatur, cum id quod manifeste malum est, imperatur. In aliis omnibus sine excusatione *Simpliciter, Promptè, Fortiter, Hilari- ter, Submisse, Perseveranter*, ut diximus, obsecundat.

5. Obedientia vera non terretur, nec retrocedit, etiamsi duriter, etiamsi stulte, verbisque contumeliosis, & sine spe probandi obsequii difficilia & ardua impendentur. Beata Catharina Bononiensis Obedientiam illam ut præcipuam & saluberrimam æstimabat, cum arduum quid moroso vultu præcipitur.

a August. l. 10. confess. c. 26.

6. Obe-

b Matth. c. 1. v. 24. c Coloss. c. 3. v. 20.

dientia dici poterit : Si panem dederis tristis , & panem & meritum perdidisti. Si bona semina sunt bona opera, quare seminantur cum lacrimis ? a Pari modo dixerim, Si Obedientiam præstes invitus & tristis, laudem Obedientiæ perdidisti & præmium.

Sexto , obedientia vera *Perseverans* est. Non qui cœperit , sed qui perseveraverit, salvus erit. Multorum est incipere, perseverare paucorum. Perseverantia , inquit Bernardus, singularis est filia summi regis, virtutum fructus , earumque consummatio. Quid enim currere prodest , & ante metam cursus deficere ? Dominus Prophetarum dicit: Si conversus fuerit justus à justitia sua , & fecerit iniquitatem ; omnium justitiarum ejus non recordabor. Vides ergo quàm profunda oblivione virtutes illæ sepeliantur , quas Perseverantia non insigniverit. Hæc sola Obedientiæ amatorem ad regis cubiculum introducit, ut eum videat in decore suo. b Sed de Perseverantia egimus Parte prima, capite ultimo. Obedientiæ Actiones nunc considerandæ.

a *August. in Psal. 42. Et in Psal. 45.*

b *Idem l. 10. Confess. c. 26.*

A C T I O N E S

O B E D I E N T I Æ .

I. Obedientia non expectat , dum iterum ac tertium aut severe aliquid impetetur, satis est illi scire , quid is velit fieri cui parendum est. Christo Domino Pa-

jam magistra Humilitatis, mera in hoc genere artificia exhiberet; horum jam monstro septem.

Primum : Et verbis & re ipsa ancillam sese professæ est: quo accuratius ei Angelus Dei benevolentiam , futuræ matris conditionem, filii nascituri potentiam exposuit, tanto illa constantius respondit: Ecce ancilla Domini. Sententiam non muto, tanti monarchæ esse ancilla gestio : Ecce ancilla. Adeò divinis oculis hæc Virgo sese commendaverat , ut ad eam nomine ac jussu sanctissimæ Triados, è cælo mitteretur Legatio. At illa tanta cæli benevolentia indignam se rata, ad omne imperium promptissima, hoc unum respondet: Ecce ancilla Domini ; quicquid Dominus ac Deus meus mandarit, exequar ut ancillarum infima. Nobile Humilitatis & artificium & specimen. De quo Bernardus: Quæ est hæc, ait, tam sublimis humilitas, quæ cedere non novit honoribus, inolescere gloria nescit ? Mater Dei eligitur, & ancillam se nominat. Non mediocris reverera humilitatis insigne, nec oblata tanta gloria oblivisci humilitatē. Non magnum est esse humilē in abjectione: Magna prorsus & rara virtus, humilitas honorata. *a*

Alterum : jam mater Numinis effecta jam filio Dei grvida , nihilominus velut famularum minima in ædes Zachariæ properat, ministratura. Cui tandem? Reginae forsan, aut Principi, aut Imperatrici

d d s

Augu-

a Bernard. hom. 4. sup. Missus est. post med. mihi pag. 44.

6. Obedientia non tantum manum operi admoveret, sed intellectum quoque ac voluntatē subjicit, ut etiam velit quod vult ille qui præcipit, judicetque recte imperari, quod exequendum est. Sunt enim quatuor Obedientiæ gradus. Primus, exequi reipsa quod præcipitur. Alter, voluntatem suam, imperantis voluntati subdicere, ita ut propter Deum, quod præceptum est, libenter faciat. Tertius, suum quoque judicium judicio imperantis submittere, idque melius factu censere quod imperatum est. Quartus denique hæc non solum observare in iis quæ strictè præcipiuntur, sed in illis etiā quæ nutu significantur facienda. Hos omnes gradus ascendit obedientia.

CAPUT XIV.

Rosa Spineola,

seu,

Humilitas.

§. I.

SPINEOLAM ait Plinius utilissimam, foliis plurimis, sed minutissimis. Humilitas beatissimæ Virginis, ut verbo multa complectar, prodigiosa fuit Humilitas, quæ aliorum etiam sanctissimorum hominum Humilitatem plurimum excelluit. Nec mirum: tot annis domi suæ excellentissimum Humilitatis magistrum audit, & quæ docuit, facientem vidit. Ab hoc tam arcana Humilitatis mysteria didicit, ut
jam

Quintum: Non solum sustinuit se fabro nuptum collocari, sed ab eodem se gubernari permisit; victum quotidianum manibus ac labore parare adjuvit. Hunc ipsum fabrum lignarium, velut familiæ caput omni reverentia prosecuta est, illi proinde in omnibus, quæ familiam spectant, obtemperavit.

Sextum: Pauperibus & vilibus cognatis submissione mira sese attemperavit, Homines abjecti & increduli erant, qui fratres Domini dicebantur, illa nihilominus cum iis ad filii concionem venit. Sed nec Magdalene nondum emendatæ consortium averfata est. Et ne cognatos pauperes videretur spernere, nuptiis etiam interesse & causam illorum agere non detrectavit.

Septimum: Post Domini in calum abitum, in cenaculo ultima nominatur Mater Christi, ut quæ postremo loco confederit. Nam Lucas post Apostolorum expressa nomina; Hi omnes, inquit, erant perseverantes unanimiter in oratione cum mulieribus, & Maria Matre I E S U. *a* Quàm illa Filii monitum servasse dicenda: Vade & recumbe in novissimo loco? *b* Quia igitur se submisit infra omnes homines erecta, est supra omnes Angelos. Congruè hoc divinis oraculis: Qui se humiliat, exaltabitur. *c*

En septemplex Humilitatis artificium. Sed præter dicta, quàm eadem hæc Virgo tam loquendo quàm silendo, tam gestu quàm

a Act. c. i. v. 14. *b* Luc. c. 14. v. 10.

c Luc. c. 18. v. 14.

Augusta? Anni unica. Et quamvis maximis hic laudibus excepta fuerit, illatamen Humilitatis suæ minime oblita, mox omnem laudem à se removens in Deum derivavit: Nam cognatæ verbis provocata: Tu quidem Elisabeth Domini matrem, inquit, magnificas, at ego matris Dominum, quia respexit Humilitatem ancillæ suæ: optimus Deus oculos suos dignatus est in minimam ancillarum suarum flectere. Idcirco jure merito bonorum omnium fonti gratias ago, quia fecit mihi magna, qui potens est.

Tertium: Romani Cæsaris imperio, ut subditam se stitit Bethlehem, censum pendit. Nemo dicentem audist: Quid ad me Romanus Imperator? majorem gesto Dominum. Cumque in oppido Bethlehem, omnibus undique angulis excunearetur, non offensa, non excandescens, nemini male precata submississime antrum subiit, & inter pecudes habitavit Virgo illa, quæ quatuordecim reges stemmatis sui majores & avos numeravit.

Quartum: Post purissimum ad divinissimum puerperium, inter puerperas immaundas & à Pontifice lustrandas se collocavit. In sacrificium tulit quod solebant ferre pauperes; non agnum, sed duos turtures, una & Humilitatem & Paupertatem professâ; tanquam si nec ditior esset ceteris feminis, nec purior, aut sanctior, In numerum & ordinem aliarum non tantum se redigi passa est, sed ipsa sese ceteris adjunxit, velut ex illis.

Quin-

num, & adventus regum; Simeonis fau-
 -lissimam precationem & penetrantem
 gladiū nullo discrimine accepit. In omni-
 -bus sanctissimam Dei voluntatē respicie-
 -bat, cui se submississime inclinabat, quid-
 quid demum offerretur perperendum.

Ambrosius Virginis disertissimus enco-
 -miastes: Corde humilis, inquit, & in pre-
 -ce pauperis spem reponens. Ea nimirum
 in egenorum turba spem suam collocat,
 quam tota gens humana cupit speratque
 sibi patrocinatorum.

Ludovicus Blosius de hac ipsa Domini-
 -cæ Matris humilitate differens. Intemera-
 -ta Dei genitrix, inquit, Virgo Maria, cum
 ab omni peccato sit à Deo præservata,
 majorem se humiliandi causam habet,
 quàm beata Maria Magdalena, quæ divina
 bonitate à peccatis liberata fuit: majus e-
 -nim beneficium est à vulneribus perma-
 -nere illasum, quàm ab inflictis vulneribus
 sanari: itemque præclarius est, & majori
 dignum gratiarum actione, servari à pec-
 -catis, quàm de admissis consequi veniam. *a*

Aristotelis scitum est: Locus proportio-
 -nari debet locato. *b* Atqui Philosophorum
 animo duplex est infinitum, Positivum, ut
 loquuntur, & Privativum. Positivum,
 Deus; privativum, nihilum, seu non ens.
 Virgo beatissima, ut in infinitam Dei ma-
 -jestatem se tota reciperet, seipsam privata
 quodammodo infinitate induit, suum
 agnoscendo nihilum. Hinc Varablus illud
 caeleste

a Blosius in dictis Patrum, mihi pag. 615.

b Aristot. l. 4. Physic. c. 6. & seqq.

quam veste aliisq; rebus omnibus submissa! Vestis illi è lana aut lino nativi coloris.

Porro arcanissimum illud mysterium Dei hominis nemini detexisset, nisi Angelus id aliis patefecisset. Quanta vero modestia Canæ in nuptiis vinum impetravit? Nec enim matris auctoritatem interposuit, sed ut famula preces allegavit. Christo Filio tot miracula patrante, nulli unquam in aurem dixit, se hujus hominis Matrem esse. Admirandæ in omnibus submissionis & modestiæ fuit. Idcirco respexit Deus humilitatem ancillæ suæ.

§. II.

Quando igitur Deus tantopere hanc unam virtutem amat, voluit in utroque sexu eos præficere, qui humanam gentem tam ignota Humilitatis disciplina imbuerent, imo ut Bernardus loquitur, voluit altissimam matris Humilitatem prædicari, ut omnes filium matri, matremque filio simillimam dicerent. Porro ex hac Virginis humilitate nota est summa æqualitas animi tam in adversis, quàm prosperis. Viderat illa magnos Evangelii successus, audiit filii miracula: populi ad concionem accursum lata spectavit: simul tamen etiam in oculis erat ingratisissimus Iudæorum animus, & summa cæcitas, Phariseorum invidia, magistratus injustitia, discipulorum inconstantia, plebeculæ discordia, cum alii bonum, malum alii dicerent Christum Filium. Hæc Virgo omnia, quia vere humilis fuit, æquanimirate summa toleravit. Perinde illi erat accursus opilio-

num,

derunt, Virgo ad terram; hæc enim cadentis verba sunt: Ecce ancilla Domini. At vero Deus, Dominus fortis, Dominus potens in prælio, sponte sua delapsus cælo in uterum Virginis, in uno colli crine, unica Humilitatis virtute victus est. Ancilla sum, ait divina mater, fiat mihi secundum verbum tuum. Non ait: *Faciam* secundum verbum tuum. Id enim de se iudicavit, quidquid unquam fecisset notæ melioris, aut factura esset, id totum Deo adscribendum; seipsam à se nullarum esse virgum, præsertim ad opus tam immensum, Fiat ergo, fiat, fiat mihi. Dei est jubere & imperare, Dei est facere; meum est exequi, & Deo maxima patranti non resistere.

Hinc verissimè Bernardus de divina Virgine: Etiam si, ait, ex Virginitate placuit, tamen ex Humilitate concepit. ^a Augustinus perinde si caelestem Virginem coram alloqueretur, affectu præcipuo: Dic mihi, ait ô Mater Sancti Sanctorum, quid, quæso, boni egisti, quid donorum obtulisti, quos patronos adhibuisti, per quos reges ambiisti, qua cogitatione, quo spiritu eo pervenisti, ut venerit in uterum tuum Filius Dei? Virginis responsum additur. Quæris à me, quod obtulerim munus, & unde sim effecta mater creatoris? Oblatio mea, humilitas mea. Respexit Deus, non vestem, non gemmas, non formam, non stirpem, sed humilitatem ancillæ suæ: Dum esset rex in accubitu suo, Nardus

mea

^a Bern. hom. 4. super Missus est.

cæleste carmen sic interpretatur: Respexit nihililatem ancillæ suæ.

Affirmat Cælius Rhodiginus, a sententia omnium sapientum, inter omnia temporis mala, malum maximum numerari servitutem. Virgo divina ut altissimum humilitatis gradum conscenderet, ancillæ ac servæ conditionem sibi tribuit, teste omni cælo: perinde si diceret, ut Theophylactus loquitur; Ecce tabula sum pictoria, pingat in me pictor quod voluerit.

En arborem pomis aureis plenissimam, quæ quo fructuum est ditior, hoc terræ vicinior: quanto enim magis abundat, tanto se magis inclinat. Hæc sui despicientia & Humilitas cælo Deum detraxit, imo & vulneravit. Nec verò vulneratum se diffimulat cælestis sponsus: Tota pulchra es, inquit, amica mea, & macula non est in te. Vulnerasti cor meum, soror mea, vulnerasti cor meum, in uno oculorum tuorum, & in uno crine colli tui. *b* Rupertus hoc crine Humilitatē designari adstruens: Quid gracilius, inquit, quid flexibilius crine unico? Quid subtilius & contractius Humilitate? Capillum unicum vix oculi deprehendunt, Humilitas eò deprimit hominem, ut vix sese inter homines numeret.

Hebræus vates Hieremias: Fortis, inquit, impegit in fortem, & ambo pariter conciderunt. *c* Iustissimus Deus, & Virgo humillima pugnarunt, sed pariter conciderunt,

a Cal. l. 7. *Antiq. Lect. c. 37. mihi. p. 274.*

b Cantic. c. 4. v. 7. & 2. c. Hier. c. 46. v. 12.

de, & invenietis requiem animabus vestris. *a* Bellorum ac litigiorum finis nullus est, qui à sola Humilitate petendus est.

Ænigma duplex Climacus, quem dixi, proponens: Unicus est, inquit, inter omnia creata locus, quem sol tantummodo semel aspexit, Unicus est dies, quo totus plane Orbis in tripudio fuit. Geminum hoc mysterium sic eruendum. Cum mare rubrum Israël's populus sicco vestigio vadofum haberet, fundus maris eo solum die solaribus radiis patuit. Dies ille unicus tripudii-dies fuit, quo Noëmus cum omni familia ex annuo Arcæ sepulchro prodiit. Quo certe die affirmari potuit: Totus hodie Orbis exultat. Sicut ergo locus & dies unus præ ceteris hætenus eximii fuerunt, sic una atque unica Humilitatis virtus tam est eximia, ut eam solam diabolus imitari non possit. Quo quis minus humilitatis habet, tanto apostatae angelo charior & conjunctior est.

Hinc ad illam quæstionem: Quinam è numero divorum maximi censendi sint, responsum hoc videtur dandum: *Qui humilissimi*. Homo humilis semper cautissimus est, & nil æquè ac vanam gloriam, & suam voluntatem timet. Voluntas propria velut astutissimus furum & exercitissimus incredibili fallacia zonam secatur. *b* Hinc Humilis: Mihi ipsi, ait, & meæ voluntati nunquam satis sapio: decies decipior, priusquam semel id observem.

e e

Pœni-

a Matth. c. II. v. 29. *b* Schneidt ein
Beckel ab/ und laßt einen zusehen.

mea dedit odorem suum. *a* Ab omni avo Dei Filius in sinu Patris velut in accubitu fuit. Hunc virginæ Humilitatis nardus veluti depressa herbula odore tam suavi demulsi, ut eo tractus descenderit ad hortulanam hanc, in cujus horto nardus illa fuerat educata.

a Cant. c. I. v. 12.

§. III.

Hic quæstio nobis nascitur non facilis: Quid est Humilitas? In re omnium notissima vix reperio responsum, quod undequaque satisfaciat. Narrat Climacus *a*, religiosissimorum hominum convenisse senatum, in quo hæc ipsa quæstio ponebatur discutienda: Quid est Humilitas? Varii super ea re varia. Primus sententiam rogatus dixit: Humilitas est recte factorum interitissima oblivio. Alter: Humilitas est animi contriti sensus. Tertius dixit: Humilitas magnum opus est, & divinum; via autem Humilitatis hæc est, ut seipsum quis subiectum omnibus ponat. Hoc vero est subiectum esse omnibus, ut non attendat aliena peccata, sed sua semper aspiciat, & pro iis Deum sine intermissione deprecetur. Alii, alia. Demum unus aliquis: Humilitas, inquit, est gratia sine nomine. Ibi nominis aliquid acquirit, ubi noscitur. Preceptor è cælo, Humilitatis magister: Discite, inquit, non ab homine, non ab Angelo, sed *a me*, non aurum aut gemmas creare, non Mundum fabricare, vel in Mundo mirabilia facere, non mortuos suscitare, sed quia *mitis sum & humilis corde*,

a Climacus gradu 25.

de, &

mensam, Orbem flagitiis opertum calo
attraxit. Humiliavit semetipsum. *a* Si uni-
cum poplitem vel semel submisisset Chri-
stus, Orbem è malis eruere potuisset, tan-
ti est Humilitas.

Hinc illa Ecclesia precatio inter omnes
nobilissima : Omnipotens sempiterne
Deus, qui humano generi, ad imitandum
Humilitatis exemplum, Salvatorem no-
strum carnem sumere & crucem subire
fecisti : concede propitius, ut & patientiæ
ipsius habere documenta, & Resurrectio-
nis consortia mereamur. *b* Non horruit
Servator Orbis in crucem suffigi, modo
vel sic disceremus Humilitatem.

Quid ergo demum est Humilitas? Gra-
tia Dei, sine nomine. Si meum mihi li-
ceat aperire sensum, Humilitatem ego
esse dixerò, aurum malleatum quod pa-
gellis inseritur. *c* Unicus aureus hac ar-
te in subtilem adeoque tenuem lamellam
diducitur, ut pane mensam obtegit. Hu-
militas summe ductilis omnes malleorum
ictus tolerat, & in laminas deducitur tam
amplas, ut totum Orbem integant. Nihil
in Orbe est, quod homini vere demisso
nimis vile sit. In omnibus & erga omnes
se submittit, ad omnium pedes se abje-
cturus, si Deus vel nutu id postulet.

a Philip. c. 2. v. 3.

b Dominico die Palmarum.

c Blättle Gold.

S. IV.

O aurum omni auro nobilius, & quod
unum atque unicum in calo summi est

Pœnitentia magnarum virium est; lucus seu perseverans pœnitentia majorum est: utrumque superat Humilitas. Pœnitentia flagitiis indormientem suscitât, lucus calum pulsat, Humilitas aperit & introducit. Humilitas ex hominibus, imò ex diabolis facit Angelos. Priscis ad Dialecticæ leges recte videbatur dici: Superbia ex Angelis fecit diabolos, ergo Humilitas ex diabolis poterit facere Angelos.

Manasses Rex impiissimus, diabolum potius quam hominem dixisset, multa mala operatus est coram Domino, juxta abominationes gentium, seduxit Judam & habitatores Jerusalem, ut facerent malum super omnes gentes. ^a Annis quinquaginta quinque regnavit. Tamdiu Deus Humilitatem hujus diaboli, sic loquar, expectare sustinuit. De eo Climacus: Invenio, inquit, Manassen ceteris amplius & perniciosius peccasse, pro quo si Mundus totus jejunasset, nullam sceleribus ejus dignam pœnitentiam inferre potuisset: valuit tamen Humilitas insanabilia ejus vulnera curare. Per Humilitatem factus Manasses è diabolo Angelus; ex abyssu flagitiorum per Humilitatem attractus est in celum.

Fabris lignariis machina tractoria est, fucculam ^b Vegetius nominat, cujus maximus est usus in attollendis trabibus. Huic instrumento simillimam recte dixerò Humilitatem, qua Christus molem pane immensam,

^a 2. Par. c. 33. v. 6. & 9.

^b Germani Stork oder Kranich.

interrogaret senem: Quid est Humilitas? Respondit ei senex: Ut benefacias his qui tibi malefaciunt. Melius est vinci cum Humilitate, quam vincere cum Superbia.

Hinc ille notissimus cælo Eulalius, quia vinci maluit cum Humilitate, quam cum Superbia vincere, omnibus superior evasit. Quicquid in cœnobio culpabile fuerat admissum, Eulalius velut omnium negligentiarum reus accusabatur. Ille vero non negabat, sed humi se prosternens deprecabatur negligentiam. Cumque ei biduana etiam ac triduana jejunia ob culpas, quas non commiserat, indicerentur, ille patientissime toleravit. Tanta tamen Humilitas latebat ignota. Ita demum hoc agebatur, ut cœnobio excluderetur velut inutilis fucus, ut qui vix aliud sciret, quam fruges consumere, & vasa frangere. At vero Cœnobiarcha rem pensiculatius examinandam arbitratus, divinos nutus super ea impensissime expetiit. Atque ubi à Deo edoctus est, quid factu foret optimum, suis omnibus convocatis: Credite mihi, ajēbat, ego hujus unius cum Humilitate mattulam a malo, quam vestras omnes cum superbia. Nullius pretii est labor, quem murmur foedat, aut jaſtantia. Verum ut hæc oculis cernatis, vestras omnes mattas in acervum congerite, ferat suam & Eulalius. Factum, ut jusserrat. Tunc cœnobii pater ignem admoveri jussit. Mox labor omnium arsit, unius Eu-

ee 3 lali

a *Matta, rude textum è junci: olim Mo-*
nachorum lectus.

pretii. Sed illud non nesciendum, tantę subtilitatis esse hoc aurum, ut ad halitum robustiorem unicum ẽ libello avolet. Videte Phariseum hominem totum aureum, tot jejuniis, tot eleemosynis, tot aliis præclaris actionibus præstantem; merum aurum. Sed ubi hoc afflavit vana gloria, mox aurum omne difflatum evanuit. Minatur olim Deus: Erit serpens flatus adurens. *a* Vbi vana gloria est, ibi nidus est adurentium horum serpentum. Hinc maximi est artificii, & plane rari, hoc malleatum subtilissimum aurum inter tot inanis gloriolę flatus illasum tueri. Hinc Pimenius Abbas, alique viri sanctissimi, miracula etsi revera potuerint edere, noluerunt, eam solum ob causam, ne subtilissimum Humilitatis aurum difflaretur. *b*

Vanissimus est sine Humilitate omnis labor. Humilitas præcursor Charitatis est, agebant veteres, sicut Ioannes Domini **J E S U.** *c* Et uti navigium sine clavo non gubernari, ita nemo sine Humilitate potest beari. Pelagius Græcus interpres in testimonium venit his omnino verbis: Dixit Abbas Ioannes: Quia janua Dei est Humilitas; & patres nostri per multas contumelias acti, gaudentes per hanc januam intraverunt in civitatem Dei. Quia Humilitas & Timor Dei, superant universas virtutes. *d* Eodem teste cum quidam inter-

a Deut. c. 8. v. 15. *b* Paschasius c. 14. n. 1.

c Rufinus l. 3. n. 126. Paschasius c. 13. n. 7.

d Pelagius libell. 15. n. 22. & n. 63. & n. 74. & n. 86.

quantumvis te longe sim robustior, & exercendis arduis operibus multo exercitior. Tu crebro jejunas, ego nullo reficior cibo. Tu saepe vigilas, ego semper. Tu multis te laboribus fatigas, ego nunquam quiesco. Verum re una, fateor, me vincis. Quidnam illud est? inquit Macarius. Mox cacodæmon: Humilitas, exclamat, & cum voce oculis sese subducit. *a*

Narrationem sequentibus testimoniis firmamus.

a *Ruffinus n. 124. Pelag. libell. 15. n. 26. Paschasius c. 13. n. 6.*

§. V.

In Thebaidem deportatus est homo a malo genio infessus. Sed vix demum optimus senex Anachoreta persuasus est, facere quæ ad rem spectare videbantur. Demum: Desere, inquit, hoc hospitium, & exi. Exibo, ait nequissimus hospes, sed tu prius ad unicam hanc interrogationem responde. Dic fodes: Hadi ad iudicis sinistram statuendi qui sunt, & quinam agni dextra collocandi? Cui senex prompte: Hadi quidem tales sunt qualis ego: agni vero qui sint, Deus scit. Mox diabolus horrendum exclamat: Exeo, exeo. Hostium maximus me pellit, Humilitas. Sic purgatum est ab hoc inquilino hospitium. *a*

Addo quod dicta firmet. Duo germani fratres incredibili animorum concordia simul habitaverunt. Ægre tulit satanas

ce 4

urana

a Pelag. libell. 15. n. 65.

Talii mattula permansit à flammis intacta. Hic demum in theatro spectabatur Humilitas Eulalii, ad cuius genua omnes ad-
voluti veniam rogarunt, aliter in poste-
rum de tanto Dei amico locuturi. At Eu-
lalius lugens cellulam ingressus: Væ mihi,
ait, infelici, quia Humilitatem meam
perdidi, quam multo tempore conatus
sum acquirere. Ex eo igitur loco in vastam
solicitudinem secessit, calitibus notior fu-
turus quam hominibus, nec dubitavit re-
rum omnium iacturam facere, modo u-
nam retineret Humilitatem. ¶ Verissime
dixit Abbas Pastor: Tam necessaria est
homini Humilitas, quam hilitus, quem
assidue recepit emittendo. Profectus ho-
minis est Humilitas; tanto plus addes pro-
fectui, quanto plus Humilitati.

Hæc illa sunt artificia, quæ nos ad im-
mortale regnum evehunt: hæc via est ad
vitam. Humilitate ac Patientia cælum
emeremur.

Priscorum certe Patrum solennissimum
dictum fuerat: Hominis perfectio Humi-
litas, quam diabolus nec tolerare potest,
nec imitari.

Palmarum ramos tulerat Macarius ad
domunculam suam texendis corbibus.
Huic dæmon messoris habitu cum falce
occurrit: jamque impetum facturus vide-
batur in Macarium, & graviter percussu-
rus. Sed minæ fuerunt irritæ. Mox cum
indignatione vociferari cæpit stygius mes-
sor: O Macari non possum te lædere,
quar-

me doceret, in crucem attolli, atq; ex hoc suggestu Humilitatis præcepta tradere voluit. Hoc igitur, inquit Hilarius, à se disci voluit, quod virtutum omnium maximum est. *a* Hinc jure optimo Bernardus: Erubescere, inquit, superbe cinis; Deus se humiliat, & tu te exaltas? Deus se hominibus subdit, & tu dominari gestiens hominibus, tuo te præponis auctori? Quoties hominibus præesse desidero, toties Deum meum præire contendo. *b* O miseros nos & fatue superbos! Theatrum in cælo habemus, & spectatores deligimus in terra! Deus in humilem ubique benevolentissimos intendit oculos. Augustinus præclarissime: Altus est Deus, inquit, erigis te? & fugit à te: humilias te? & descendit ad te. Quare hoc? Quia excelsus est, & humilia respicit, & alta de longe cognoscit. Humilia de proximo respicit, ut attollat: alta, id est superba, de longè cognoscit, ut deprimat. *c*

Cum claudus, qui ad Salomonei templi speciosam portam mendicarat, à Petro & Joanne integram valetudinem recepisset, omni populo in vehementem stuporem raptus, & ad Apostolorum plausus maxime inclinato, Petrus ut germanus columbæ filius, ipseque columba lacte lota, sic omnem cœtum allocutus est: Viri Israëlita, quid miramini in hoc, aut nos

e e s quid

a Hilarius in Comment. Psal. 118.

b Bern. serm. 1. super Missus est.

c Aug. serm. 2. de Ascension. Domini. qui est 175. de Temp.

unam in duobus corporibus animam, & concordiam tam suavem: hanc igitur in illos tragulam struxit. Cum minor natu sub crepusculum lumen inferret, stygius insidiator candelabrum unâ cum lumine evertit. Hoc alter incuriam sui fratris interpretatus, subito excandescens pugnis in fratrem ivit. Mox iste in genua & in preces descendens: Da veniam, inquit, o mi optime frater, lumen iterum accensum statim aderit. Hæc tam prompta Humilitas cacodæmonem dire cruciavit. Eadem nocte hoc ad diabolorum principem relatum est, seminatis inter Monachos discordiis ob unius Humilitatem nihil effectum esse. Quod cum audisset idolorum sacrificulus, qui illic locorum habitavit, ad monachos illos se contulit. Ab his sacra Christiana edoctus, & fonte lustrali tinctus, in eorundem numerum cooptatus est, factus unus ex illis. Omnem vero industriam in uno Humilitatis studio collocavit. Hinc & dicere solebat: Humilitas solvit omnem virtutem inimicorum dæmonum. Nam ipse ego colloquentes illos sæpius audiui: Cum turbamus Monachos, unius plerumque Humilitate turbæ omnes componuntur. *a*

Venerat Christus in Orbem, ut obiret mortē. Cur ergo mortem sibi ab Herode mox oblatam fugere maluit, quam dicere: *Quod facis, fac citius?* Humilitas in caussa fuit: quam ut nos verbis factisque amplissi-

a Pelagius libell. 15. num. 89. seu ult. Ruffinus num. 18.

Hoc, inquit, sentite in vobis quod in Christo IESU (sive quod sensit Christus IESUS) qui cum in forma Dei esset, semetipsum exinanivit. ^a Vultis fieri similes Deo? Ne quis ergo dixerit: Similis ero Altissimo; sed: Similis ero omnium minimo, qui vermis & non homo, opprobrium hominum, & abjectio plebis est habitus. En Dei sensum, en similitudinem divinam. Dei filius inter homines agere voluit, ut hominibus persuaderet, divinam ipsis imaginem, quam superbia perdiderant, non aliter quam Humilitate restituendam. Præclarissime dixit Basilius: Vir Humilis Deo est similis, & in templo pectoris sui gestat eum; superbus autem, cum sit Deo odibilis, diabolo est similis ^b Vere simillimus est Deo submissi animi homo.

^a Philipp. c. 2. v. 5.

^b Basil. in exhortat. ad filium spirituales.

S. VI.

Athenienses adventanti Pompeio, divinosque honores recusanti, gratulabundi scripsere:

Quatenus te censes hominem, eatenus nobis es Deus.

Ita prorsus ad Christianum sensum, Deo est vicinissimus, quisquis humillimus. Quo sensu imbutus Ambrosius: Nihil, inquit, excelsius Humilitate. Humilitas nihil habet dispendii. Qui se exinanivit, plenus est. ^a Cui Chrysostomus subscribens: Quod si veram, inquit, elationem concupiscis,

^a Ambros. l. 8. in c. 18. Luca.

quid intuemini? *a* Perpendamus illud: Quid nos intuemini? Oculos à nobis amovete, & in Deum potius convertite? nos gloriam aut favorem vestrum minime ambimus, qui Deum tantummodo spectatorem cupimus.

Hoc prorsus est non theatrum solum, sed & spectatores in cælo sibi quærere, quod solertissime semper Humilitas facit. Jure de Homero questus est Tullius, quod humana, nempe consuetudines, pompas & delicias regum ad divina transferret, cum potius fuisset, divina nobis, virtutes videlicet & cælitum mores ob oculos ponere. *Humana*, inquit, ad divina transferebat; divina mallet ad nos. *b* Quid enim opus hominum nánias & insanias falsas inferre cælo? Quanto salubrius esset & oportunius, divina sensa, cælestesque consuetudines, ad quas vitam fingeremus nostram, deferre ad nos?

Videte Angelorum principem in altum ascendentem: Similis ero Altissimo: *c* Dixit, & cecidit. Videte primos hominum non invitis auribus admittentes hunc sibilum: Eritis sicut dii. *d* Audierunt, & ceciderunt: comparati sunt jumentis insipientibus, & similes facti sunt illis. *e* Quis ergo cognovit sensum Domini? *f* Sensum tuum, Domine, quis sciet? *g* Hic Paulus opportunissime respondens:

Hoc,

a *Affor.* c. 3. v. 12. *b* *Cic. l. 1. Tuscul.* 99.

c *Isai.* c. 14. v. 14. *d* *Geni* c. 3. v. 5.

e *Psal.* 43. v. 21. *f* *Rom.* c. 11. v. 34.

g *Sap.* c. 9. v. 17.

consubstantiallem Patri, per quem omnia facta sunt, nominari audimus, non tamen genu flectimus. At vero cum *Hominem factum*, auribus insonat, & caput & genua reverenti veneratione submittimus.

Idcirco Paulus in preces sese submittens: Obsecro vos, inquit, ego vinctus in Domino, ut digne ambuletis vocatione, qua vocati estis. *a* Quomodo tandem? *Cum omni Humilitate*. Ille solus pro dignitate ambulat, qui ambulat cum Humilitate: non in vanis ceremoniis, non in fatuis magnificentiis, nec in profanis jactantiis, sed in sui contemptu, & jugi submissionis studio.

a Ephes. c. 4. v. 1.

§. VII.

Cum Christus pro concione de divite ac mendico verba faceret, mendici nomen expressit, divitis subtrivit, ne ulla hominis superbi memoria superesset, quia Deus, inquit Gregorius, humiles novit, atque approbat, superbos ignorat. *a* Omnia Prophetarum & Apostolorum oracula clamant: Humiles spiritu suscipiet, Humiles spiritu salvabit: qui Humiles consolatur, exaltabit Humiles: Humilibus dat gratiam. *b*

De sene religiosissimo narrant, qui hebdomades septuaginta per rigidissimam inediam exegit, non enim nisi uno solum die quot hebdomadibus cibum sumpsit, idque eo fine, ut à Deo gratiam impetraret obscurius sacræ paginæ testimonium

pene-

a Greg. in catena S. Thoma.

b Lac. c. 4. v. 6.

piscis, hic ego te viam docebo; non enim nostri. Qui presentibus rebus tanquam magnis inhiat, is vilis est, & abjecti animi. itaque nunquam Humilitas est sine magnitudine animi, neque Superbia sine Humilitate. *a*

Huc refero, quod Gregorius Magnus cuidam Antistiti nimis anxie pallium postulanti rescripsit: Decorari pallio volumus, forsan moribus indecori, cum nihil in episcopali cervice splendidius fulgeat, quam Humilitas. *b* Humilitate sublimes, Humilitate reddimur Deo similes. Sauli Regi dicitur: Nonne cum parvulus esses in oculis tuis, caput in tribubus Israël factus es? *c*

Ambrosius, quem paullo ante dixi: Bona Humilitas, inquit, quæ nihil appetendo, totum quod contemnit, adipiscitur: Ipse enim Dominus Iesus se humiliavit, ut nos elevaret, & humiliavit se usque ad crucem, propter quod exaltavit illum Deus, ut in nomine ejus omne genu flectatur. Quanta fecit Dominus, audeo dicere, & non flexi ei genu? sed flexi ei, postquam se humiliavit: sic enim per Humilitatem, per crucem sibi Ecclesiam congregavit. *d*

Quod Ambrosius asserit, id nos quotidie in re divina facimus. Hic etsi Filium Dei, Deum de Deo, lumen de lumine, consub-

a Chrys. hom. 70. in Ioannem.

b Greg. l. 2. epist. Indictione 11. Ep. 54.

c 1. Reg. c. 5. v. 15.

d Ambros. in Psal. 118. v. 153.

hæ muscæ ab orco. Vbi Humilitas domi-
suæ est, ibi cacodæmon exulat.

Humilitas bonæ mentis proprium insi-
gne, & evidentissima Sanctorum, qua di-
gnoscentur, nota. Atque utinam, inquit
Guarrius, nos illam haberemus Humili-
tatem in peccatis nostris, quam vere San-
cti habuerunt in virtutibus suis. *a*

Cum Abbas Moses sacris esset initian-
dus, Præsul hominis experiundi gratia
quosdam sic instruxit è clericis: Vbi Mo-
ses, ait, ad aram accesserit, repellite illum,
velut indignum qui ad mysteria hæc ad-
mittatur. Et audiamus, obsecro, quid di-
cturus sit vir iste multorum opinione san-
ctus. Cum igitur adveniret Moses, mox
subornati indignationem simulare ac di-
cere: Exi foras Æthiops. Moses nec ver-
bulo quidem oblocutus, vel obluatus,
hæc sibi ipse occinebat: Bene tibi fecerunt
cinerente & caccabate, *b* qui cum homo
non sis, nihilominus te inferre in medium
hominum es ausus. *c*

Hæ Humilitatis phrasæ sunt, hi mores
illius, non tantum seipsum contemnere &
abjicere, sed & contemptu ab aliis illato
gaudere. Superbus veluti bulla est, quæ
per aërem nitida globositate volans se
monstrat, & jactat quasi ab omnibus su-
spiciendam. Vbi hanc vel culmo vel acus
apice levissime contigeris, mox concidit,
abitque in auras tam venusta jactantia.

Tange

a Guarrius. serm. 1. de Purificat.

b Du Aschengrübels / du ruffiger Kessel

c Pelag. libell. 15. n. 29.

Penetrandi. Non impetravit quod petiit. Demum ipse secum : En , inquit , inedia meipsum conficio, & frustra. Quin aliquem me peritiorem accedo , eumque super hac re interrogo ? Sunt complures in vicinia , qui utique juvare potuerunt. Ita tuguriolum suum superis commendatum jam clausurus egrediebatur. Et en adest juvenis, non è Lyceo , sed è calo, qui senem affatus : Septuaginta hebdomades, inquit , quas severis jejuniis traduxisti, non te proximum Deo fecerunt. Nunc vero quia jejuniis Humilitatem addis, jamque in eo es, ut aliis te submittas, eosque interroges, ego ad te mittor interpret arcani, aperuitq; sacri ænigmatis sensum & evauit. ^a Nimirum Humilibus dat gratiam. Quod carnis maceratio non potest, Humilitas potest. Nihil nimis difficile, nihil arduum nimis Humilitati, quæ diabolum vincit tam facili stratagemate.

Ruffinus & Pelagius, testes mihi sapius nominati, commemorant de homine solitudinis cultore optimo sene, qui Humilitatis luculentum testimonium præbuit hac ratione. Adductus fuerat ad illum malo genio infessus, ferox, & spumas ore agitans. Hic seni optimo colaphum incussit. Adeò non ægrè tulit hoc senex, ut quamprimum alteram etiam genam obverterit percutienti. Dæmon hoc Humilitatis incendium non ferens, diversorium suum mox deseruit. ^b Sic fugandæ sunt

bz

^a Pelagius libell. 15. n. 72.

^b Ruffinus nn. 125. Pelag. libell. 15. n. 53.

& apposita cui adhæreamus, & imposita qua reprimamur, jam nobis de aliquo bono facto gaudentibus totum extorquet de manu superbia: vitia quippe cetera in peccatis, superbia vero etiam in recte factis timenda est, ne illa, quæ laudabiliter facta sunt, ipsius laudis cupiditate amittantur. Itaque sicut Rhetor ille nobilissimus, *a* cum interrogatus esset, quid ei primum videretur in eloquentiæ præceptis observari oportere; Pronuntiationem dicitur respondisse: cum quæreretur, quid secundo, eandem pronuntiationem: quid tertio nil aliud, quam pronuntiationem, disisse: si interrogares, & quoties interrogares de præceptis Christianæ Religionis, nihil me aliud respondere, nisi humilitatem liberet, etsi forte alia dicere necessitas cogeret. *b*

Augustino sese Bernardus opportunissime coniungens: Obsecro proinde, inquit, & plurimum rogo, non patiamini sine causa tam pretiosum exemplar vobis exhibitum esse, sed conformamini illi, & renovamini spiritu mentis vestræ. Studete Humilitati, quæ fundamentum est custoque virtutum. Intolerabilis impudentiæ est, ut ubi sese exinanivit Majestas, vermiculus infletur & intumescat. *c*

f f. ACTIO.

a Demosthenes.

b Aug. tom. 2. epist. 56. mihi pag. 107.

c Bern. serm. 1. in Natali Domini.

Tange superbum asperiore verbulo, vel oculo insuaviore, mox cernes vanissimum tuumorem, inanissimam bullam, quæ omni vituperio aut contemptu concidit. At contra submissi animi homo perpetua sui despicientia in omnes adversos casus adeo roboratur, ut omnem malorum impetum in lucro ponat, nec unquam magis crescat, quam cum maxime deprimitur.

Iure merito Theologorum caput Thomas Aquinas asserit: Humilitas est virtutum excellentissima & potissima. *a* In una atque unicâ Humilitate universa sapientia Christiana disciplina consistit. Hebraei Sapientis dictum est: Vbi est Humilitas, ibi & Sapientia. *b* Hoc sensu Leo Magnus apertissime pronuntians: Tota, inquit, dilectissimi, Christiana sapientia disciplina, non in abundantia verbi, non in astutia disputandi, neque in appetitu laudis, & gloria, sed in vera & voluntaria Humilitate consistit, quam Dominus Iesus ab utero matris usque ad supplicium crucis pro omni fortitudine & elegit, & decuit. *c*

Viam ad cælum certissimam omnium & tutissimam indagamus? Ea est, inquit, Augustinus, prima humilitas, secunda humilitas, tertia humilitas: & quoties interrogares, hoc dicerem, non quod alia non sint præcepta, quæ dicantur, sed nisi humilitas omnia, quæcunque benefacimus,

&

a S. Thom. I. 2. q. 161. art. 5. concl.

b Prov. c. II. v. 2.

c Leo serm. 7. de Epiphania.

4. Humilitatis est omnem impatientiam & iracundiam crebris victoriis expugnare. Quis unquam vidit hominem vere humilem, qui ignes & flammās vomeret? Nemini talis nisi sibiipſi irascitur, in neminem nisi in se fulmen vibrat. *a* Indignari, furere, tonare, fulminare, superbiæ sunt argumenta; Humilitas sereno semper cælo, mente semper pacata gaudet.

5. Homo humilis discipulum se semper gerit, & jugiter cupit addiscere, etiam si Balaami asinam habeat magistrā, Superbus contra docere omnes, à nemine vult discere, tanquam ipse omnium Magister, omnibus sit sapientior. Chrysostomus oratorum facundissimus paratum se aiebat, etiam ab anicula moneri, & doceri de concionandi ratione. Humilitas docilis nulli monitori aspera, nec ullum spernit præceptorem, nisi eum qui docet vitia.

6. Humilitas illud Domini præceptum (vade & recumbe in novissimo loco) tenacissime retinet, & fidelissime observat. Ita quantum in se est, infimum quærit locum, infimos sodales, infimum officium, infimi pretii vestem & mensam. Humilis sibi sapius insusurrat: Nec sale quidem, quo tua tibi ossa conditur, dignus es. *a* Affectatam gravitatem, magnificos incessus, primos accubitus, salutationes honorificas, inanes pompas, ambitiosas cere-

f f 2

mo-

a Ein Demüthiger speht nit Fehr auß.

b Verdienst das Salz in der Suppen nit,

ACTIONS

HVMILITATIS.

1. Homo vere humilis nullo modo vult humilis, sed vilis videri. Bernardo teste, Humilis non vult humilis prædicari, sed vilis reputari. Gaudet contemptu sui, hoc solo sane superbus quod laudes contemnit. ^a Non tantum excellentissima virtus est Humilitas, ut è S. Thoma demonstratum est supra, sed & subtilissima. Multi se humiles putant, sed hoc ipso quod de se talia credant, humiles non sunt. Virtutes suas scire & numerare, Humilitatem non sapit.

2. Humilitas non majori tantum, sed æquali, sed & inferiori novit cedere; omnibus se subijcit: præferre se vel uni, piaculum grande credit. Nec enim ignorat, quis dixerit, Non nocet, si omnibus te supponas: nocet autem plurimum, si vel uni te præponas. ^b

3. Humilitatis est, omnem ignominiam, contemptum, injuriam, suavi ac jucunda perpessione posse digerere; imo vero hunc talem cibum etiam ultro appetere, tanquam sibi convenientissimum, tritum illud usurpando. Similis est lactuca labris. Nam, uti carduus asino, ita contemptus homini vere submisso sapit. Facile cuivis est dicere, Peccator sum, sed quam id vere sentias, ignominia probabit.

4. Humi-

^a Bern serm. 16. in Cant. non procul à fin.

^b Imi. Christi l. 1. c. 7. fine.

versat ore : Non ego, sed gratia Dei mecum. a

10. Humilis judicat neminem, neminem spernit, neminem condemnat, nisi seipsum, quem omnibus inferiorem judicat, & omni divina gratia indignum reputat. Comis est in amicos, mitis in domesticos, patiens in temerarios, humanus in universos.

11. Vera Humilitas eas actiones obviis ulnis amplectitur, quæ multum laboris, & minimum habent honoris. At Humilitatis virtutem nunquam pervenit, qui opera Humilitatis refugit. Humilitas honoratiores cathedras non ambit, applausus non quærit, Deo se probare contendit, sine cujus singulari ope nec minimam tentationem vincere, nec ullam cogitationem bonam suscipere se posse novit.

12. Humilis perpetuus suiipsum accusator est, & grandem semper catalogum imperfectionum suarum in oculis habet. Quicquid demum encomiorum in se congeratur, quicquid honoris deferatur, ille paupertatis suæ non ignarus, hæc identidem ipse sibi occentat : Stulte, quid ab iis intumescis, quæ alii de te foris prædicant; intus te aspice talis & talis es, vitiis scates, nec id negare potes : corvus es, tametsi plumas cygni præ te feras. Ergo inspice teipsum sine palpo, & nosce; causam non invenies, cur cristas erigas. Nilum es, imo quod pejus, vitiorum domicilium es, & tamen à prudentia & à

f f 3

sancti-

monias, ampullantia verba, laciniosa splendidaque vestimenta & odit & arcet Humilitas.

7. Afsiduum Humilitatis canticum est: Non nobis, Domine, non nobis, sed nomini tuo da gloriam. « Vanum ac fatuum est tribuere homini, quod proprium sit Numinis, ad quod bona omnia sunt referenda; omnes humane vitæ successus inde sunt: quicquid in Orbe nomen boni sortitur, inde velut è fonte uberrimo promanat. Nos quid sumus? pulvis, umbra, nihil.

8. Humilis laudes non tantum non ambit, sed ultro delatas fugit, velut Circes incantamenta, aut Sirenum insidiosissimam musicam. Humilis in seria suiipsum despicientia quotidie proficit, & vix unquam se excusat. Neque tantum ex animo seipsum despicit, sed ab omnibus despici ferenter appetit, gaudetque vehementer, cum sui voti fit compos. Humilis ad omnem Dei nutum paratissimus, & ut loquuntur, resignatissimus est.

9. Humilitatis maximus hostis inanis aura, seu vana gloria. Humilis gloriam contemnit exhibitam, nec appetit exhibendam. Nullam contumeliam timet, quia nullam gloriam amat. Vix unquam audies dicentem Humilem: Ego hoc feci, ego istud elaboravi; me authore, me suasore hoc negotium confectum est. Humilis, quicquid præclare ac laudabiliter facit, totum Deo adscribit. Ipse suas virtutes nescit, illudque Apostoli afsidue veritas

tis suæ immensitatem tam excellenter non vidisset. Addo : Speculum istud fuit concavum , quod oppositum soli concipit ignem , & inflammat sibi proxima. Animus submissus & humilis divinis amoribus facile ardet. Pars Humilitatis est Charitas, quam hic Hierichuntina rosa foliorum centum & quinquaginta divite designamus.

Petrus Damianus divinæ Matris amorem cum aliorum amore conferens : Quemadmodum , inquit , stellæ sunt minores faculæ, & velut scintillæ ad solem , imo penitus sese abdunt cum sol adest : ita Virginis divinæ charitas ad ceterorum omnium divorum charitatem collata , velut sol est inter minora sidera. Quantum vero gratiæ est in homine , tantum est & charitatis ; eadem utriusque mensura est. Virgo hæc , quia plena gratia, plena fuit & charitate. Amor divinus singulis vitæ momentis, à primo quo vivere cœpit momento , in ea crevit mirificis augmentis. Deus bone , quantum charitatis thesaurus ! Hinc non præcepta solum omnia, sed & consilia Christi exactissime servavit : hinc adversa omnia , & quicquid obvenit luctus , patientissime tulit.

Hoc habet rosa Hierichuntina , etiam aridissima , etiam centum annorum, cum aquæ vel leviter imponitur (quod ipse meis oculis spectari sæpius) tunc illa sese explicat , & diffundit ramulos, perinde ac si suæ stirpi hæreret recentissima,

sanctimonia vis censerī? Duplex nequitia;
quod virtute careas, & tamen ob virtu-
tem commendari appetas.

C A P U T XV.

Rosa Hierichuntina Palæstina,

seu,

Charitas D E I.

S. I.

PRINCIPIMUM *scriptionis* duximus à
Charitate proximi: jam finem addimus
à *Charitate Dei*. Quod & ipsa frons li-
bri per geminæ *Charitatis* imagines sub
adspēctum ponit. Nimirum in his duo-
bus mandatis, universa lex pendet & Pro-
pheta. *a* Majus horum aliud mandatum
non est. *b* Atqui *Charitatis* altitudo sine
Humilitatis basi non consistit. Ad confi-
ciendum speculum non satis est nitor vi-
tri, si desit additamentum plumbi.

Mater Domini, Virgo beatissima, vere
speculum fuit, idque tersissimum. Duo
erant in hoc speculo, vitrum & plum-
bum. Vitrum etsi politissimum, etsi cry-
stallinum, & summi pretii, si desit plum-
bum, nullius rei formam reddit. Ita vir-
tutes ceteræ, Obedientia, Charitas, Pa-
tientia in matre Domini mirabiliter efful-
serunt, si tamen defuisset *Humilitatis*
plumbum, Deus in hoc speculo bonita-
tis

a Matth. c. 22. v. 40.

b Marci c. 12. v. 31.

cum totis annis arca claudi soleat. Vix aliter Virgo, quo plus aquas moeroris fenſit, eo magis charitatis brachia expandit. Hinc Chriſtum inter dolores etiam & ægrimonias, non ſolum ut Deum, verum etiam ut hominem omni amore digniſſimum, unicumque filium, maximumque benefactorem ſumme dilexit, & patris & matris officio functa diligendo.

Deus olim imperans : Ignis, inquit, in altari ſemper ardebit. *a* Tale fuit hæc Virgo altare, in quo flamma per-vigil nutriebatur. Hoc altare cacodæmones, non tantum non inſultu temerare auſi, ſed nec accēſu. Vti muſcæ bullientes ollas & ardentes rogos ſugunt, ita dæmones hanc aram divini amoris pleniffimam ſibi tremendam declinarunt.

Hæc illa mulier eſt amiſta Sole. Calidum proſecto pallium habet, cui conſeſſum ſole veſtiri. Hæc illa una hominum eſt, quæ Dominum Deum ſuum ex toto corde ſuo, & ex tota anima ſua, & ex omnibus viribus ſuis, & ex omni mente ſua dilexit. *b* Hinc illæ voces amantiſ: Fulcite me floribus, ſtipate me malis, quia amore languēo. *c* Nihil languoris eſt ab amore non magno. Deleſtabilem nunc morbum inducit flammæ iſtius exundantiſ vehementia. Matres omneſe-

moræ

a *Levit. c. 6. v. 12.*

b *Luc. c. 10. v. 27.*

c *Cantic. c. 2. v. 5.*

morbo ultima experiri remedia. Itaque ad se jam agere simulans, pervicacem hominem comiter, per speciem animi relaxandi in saltum frequentibus palmis consutum ducit. Ut in locum ab arbitris remotum venit, subito veste posita, tergoque nudato, procumbit in genua, & flagra terreis aculeis sanè aspera promit, & in seipsum scire incipit, simulque testatur, quicquid hoc supplicii esset, illius se causam subire. Potuit dicere Xaverius: *Non amplius ad vos scribam, sed pro litteris vibices ostendam.* Alter qui hoc spectavit, attonito similis Francisci cruore aspergebatur. Hinc admiratione in misericordiam versa, mox ad pedes Xaverii advolutus rogavit, alienam culpam suo tergo luere desisteret, se paratum esse sua expiare peccata. Xaverius hanc victoria latus, extemplo vestem induit, & audita confessione, hominem perditum in viam ac spem salutis reduxit. *a*

In Logicorū Prædicamentis, ut vocant, Actio & Passio panè ultimum & minimum locum obtinent. At vero in Prædicamentis Amoris, *Agere & Pati* principe loco sunt, & primum omnino principium. Gregorii Magni scitum est: Probatio dilectionis, exhibitio est operis. Agere scit, & Pati Amox, si verus est; si agere non vult, aut pati recusat, neutiquam verus amor est. Audite amantem, qui ad agendum & patiendum paratissimus: Quis, inquit, nos separabit à Charitate Christi? tribulatio? an angustia? an fames? an nuditas? an pericu-

a Horat. Turcellin. l. 5. vita c. 10. medio ferè.

sti; ego sum de militia regis æterni, paratus vinciri, cædi, uri, mactari pro Domino I E S U. Hac illa sunt amoris stigmata, hac sinceræ amicitiaë tessera est. Nimis languide amat, qui pro amato pati recusat.

§. II.

Fit nonnunquam ut homini minus noto, & nescio quæ Principum mandata perferenti non satis fidei habeatur. Ille tunc litteras profert honorarias. a & dictis fidem adstruit. Haud aliter Paulus, cum fortè Galatarum quidam subdubitarent, num Paulus iis æstualet flammis in Deum quas dictis scriptisque jactaret, & num verus à Deo legatus esset: ille variis ad persuadendum argumentis usus: De cetero, inquit, mihi nemo molestus sit, ego stigmata Domini Iesu in corpore meo porto. Perinde si dixisset: Theodorato interprete, *Non amplius ad vos scribam, sed pro litteris vibices ostendam, & plagarum signa, ut ea veritati suffragentur.* Sic Paulus Christi fuit epistola, non atramento scripta, sed sanguine; scripsit amor.

Sanctus Franciscus Xaverius eo in Deum hominesque amore ferebatur, ut subinde difficile fuerit judicare, num fortior is amor, an solertior extiterit. Hoc igne æstuans Xoverius hominem sceleribus opertum in ipsa navi ad peccatorum confessionem perducere conabatur, sed frustra. Incepto igitur paulisper destitit, ut securum ex improvviso adoriretur. Vbi ergo in terram descensum est, statuit in exitiali morbo

a Credenzschreiben.

terra abscondita est cū Christo. a Fortis est mors dilectio: Amor, mors suavissima.

Beata Catharina Genuensis à Spiritu sancto præceptore iussa est in fundamentum optimæ vitæ sibi sumere hæc tria: ex Oratione Dominica illud unum: *Fiat voluntas tua*. Ex Angeli salutatione voculam illam unicam, J E S U S. E totis Bibliis unicū illud verbum, *Amor*.

a Coloss. c. 3. v. 3.

§. III.

Fingunt Poëtæ, circa Cupidinem, tanquam dominum suum, minores alios Cupidines volitare, velut iussa & imperium expectantes. Ad rem facit Poësis hæc & pictura. Quicquid amorum est, Amori divino subserviat oportet, atque ut famuli herum circumstant, & imperata faciant, aut ad Cypridis turpitudines ablegandi. Amor divinus velut sol inter minora sidera, amoribus & affectibus omnibus præsit.

Ecclesiastes Orbis liberè proclamat: Si Charitatem non habuero, nihil sum. Etsi habuerim Prophetiam, inquit, & noverim mysteria omnia, & omnem scientiam, etsi habuero omnem fidem, ita ut montes transferam, charitatem autem non habuero, nihil sum. Etsi distribuero in cibos pauperum omnes facultates meas, etsi tradidero corpus meum ita ut ardeam, charitatem autem non habuero, nihil mihi prodest. a Sola Charitas, inquit Augustinus, discernit inter filios Dei & filios diaboli. Signent se omnes signo Crucis, respondeant

3. 1. Corinth. c. 13. v. 2. & 3.

riculum? an persecutio? an gladius? Certus sum, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum; neque creatura alia poterit nos separare à Charitate Dei. *a* Hoc nimirum est Agere, hoc Pati. Adversa omnia velut ad duellum provocare; ad ardua quaque obfirmare animum.

Fortis est ut mors dilectio. *b* Mors nunquam otiosa est, nunquam feriatur, solennissimis etiam diebus Nascentis & Resurgentis Domini arcu & sagittis utitur, sternit, jugulat & mactat. Haud aliter amor actuosissimus est, & agendo & patiando, nescit otari, dum amor est. Mors omnes corporis sensus extinguit, & animum jubet separatim vivere velut Angelum, omni rerum fluxarum cupiditate, illecebris omnibus reiectis: sic & amor divinus si quem occuparit, dum à carnis contagione abstrahit, lasciviam omnem interfecundit, vitiis omnibus mori præcipit, Angelum efficit, Fortis est ut mors dilectio. Mors corpus, etsi ante formosissimum, vermibus objicit, in tabem & cineres dissolvit, ipsi animo abominabile reddit: ita divinus Amor, ubi animum sua suavitate imbuerit, carnem delicatius ante habitam facit exosam, luto ac vermibus cognatam. imo lutum & vermes esse ostendit. De iis omnibus quos Dei charitas sic afficit, dici potest: Mortui estis, & vita ve-

stra

a Rom. c. 8. v. 35. & 38. *b* Cantic. c. 8. v. 6.

mitus & lacrimæ tam uberes, ut regius thalamus iis non aspergi tantum, sed lauari potuerit. Hos oculorum fontes ejaculatus est Amor, qui tanto fervebat potentior, quanto magis dolebat. Numen à se offensum. Porro templum hic ipse rex longè augustissimum Deo destinavit, clare inter suos testatus, nefas esse & ab omni pietate alienum, se domum habitare cedrinis trabibus sultam, monumentum vero divini fœderis, in quo caput & summa religionis tunc sita esset, sub pellibus contineri. Eam ob causam argenti & auri vim prope infinitam, quod sacræ paginæ testantur, attribuit: argenti quidem mille millia, auri vero centum millia talentorum dedit. Summam quam nemo crederet, nisi sacris paginis fidem haberet. Joannes Baptista Villalpandus & Hieronymus Pradus calculum ponunt Hispanicæ monetae congruum, ajuntque maximam illam argenti & auri vim fuisse duo mille, octingentos duodecim milliones, super octo millia trecentos septuaginta quinque Hispanicorum ducatorum. ^a Infinito prope numero lignorum, lapidum, æris, ferri, gemmarum ab his impedimentis penitus secluso.

Atque hos incredibiles sumptus paupertatem suam rex David appellans: Ecce ego, inquit, in paupertate mea præparavi impensas domus Domini. ^b Nimirum

tanto

^a *Seu, Spanischer Ducaten 2812008375. bis millies octingentes duodecies centena millia insuper octo millia trecentos septuaginta quinque Hispanicos ducatos.* ^b *1. Par. c. 22. v. 14.*

deant omnes Amen, cantent omnes, Alleluia, baptizentur omnes, intrent Ecclesias, impleant parietes basilicarum, non discernuntur filii Dei à filiis diaboli, nisi charitate. Qui habent Charitatem, nati sunt ex Deo. Quicquid vis habe: hoc solum non habeas, nihil tibi prodest. Alia si non habeas, hoc habe, & implesti legem.^a Tolle Charitatem, & omnem susculisti virtutem. Reginam amove, & pedisequas illius omnes expulisti. Charitate salva, omnium virtutum salus in integro est. Vera Dei Charitas cor Deo, & quicquid charissimum est offert.

Vnicus erat Abrahamo filius, hunc ipsum tamen adinovit aræ immolandum. Dedissetque haud dubie in holocaustum, quod in Orbe charissimum habuerat, ni voce cælesti monitus recepisset denuo donatum sibi filium, quem voluntate ac animo jam sacrificaverat. Præclarum sane documentum, omnia quæ hominum sunt, Deo deberi, vel quia terrestrium sit bonorum auctor, vel quod æternorum pro meritis distributor.

Considerate mihi, obsecro, regem Hebræum David. Quantis, ô superi, affectibus, quàm largis, quàm incensis in Deum rapiebatur! A divinis nutibus velut infans ab ubere pendebat David, Velle suum & nolle jam penitus in divinam Voluntatem transfuderat. Hinc ignes & flammæ pervigiles in regio pectore ardebant; hinc ge-

mitus

^a August. tom. 9. in epist. 1. 1. ad Ian. tract. 5.
mihi pag. 250.

fiani, quibus argumentis nostrum in Deum amorem asserimus? Rex Hæbraus tot auritalenta divino cultui offert, & tanquam nihil dedisset, inopiam suam exculat; cor insuper addit amore plenum, & optimis quibusque affectibus, etiamnum tamen frigere se putat.

Deorum inanum sacerdos per medios ignes ruit, ut ligneum Deæ truncum subtrahat. Quis nostrum pro vero & immortali Deo id audet? Heu quàm friget noster ignis, quàm est debilis noster amor! Vix leviter digitulus nobis uritur, mox inreperescit amor, pro amore indignatio & furor se prodit. Ah quã non fortis est ut mors dilectio nostra! Ab ipsis etiã feminis castissimi amoris robore triumphamus.

Machabæorum mater non vulgare Charitatis exemplum edidit, in gentili pietate tuenda, siquidem suis septem filiis auctor fuit, ut inter cruciatus ac supplicia mori mallent, quàm veri Dei cultum abnegare. Illustre prorsus in femina facinus, sed illud multo illustrius, quod extremis cruciatibus talem sese obtulit, veritatis studio & amore incensa, quales eos voluit & optavit, qui ejus hortatu & impulsu tam pulchram mortem obierunt.

Tarsensis Paulus oraculo cælesti monitus futurum, ut si Hierosolyma proficisceretur, hostiliter acceptus in carceres & in vincula taperetur. At ille nihilominus institutum iter animosissime prosecutus est, nullas ærumnas, cruciatus nullos pertimescens, divini amoris doctor & assertor a-

tanto in Deum affectu astuabat, ut quicquid obtulisset Deo, nihil se dedisse crederet. Hinc illa tot ardentissime amantis suspiria: Quemadmodum desiderat cervus ad fontes aquarum, ita desiderat anima mea ad te Deus. *a* Quid enim mihi est in calo? & à te quid volui super terram? Quis mihi placeat in calo præter te? quem ego in terris amem, colam, suspiciam præter te? Cetera sanè omnia mihi sordent te uno excepto: te unum ego amplector, te unum opto, te unum suspiro atque ardeo, qui unus es amandus, & colendus, & toto animo desiderandus: Tu mihi, mi Deus, es omnia. Defecit caro mea, & cor meum: Deus cordis mei, & pars mea Deus in æternum. *b* His flammis noctes atque dies hæc fornax tumultuabatur, intimam cum Deo amicitiam sitiebat rex David, vel medios ingressurus ignes, modo esset cum Deo suo.

a *Psal.* 41. v. 1. *b* *Psal.* 72. v. 25.

S. IV.

Metellus veteris Romæ Pontifex Vestalium æde ab igne fortuito correpta, per medias flammæ irruens, Palladium incendio subtrahit. Cessit illi audax conatus prospere, nam simulachrum Deæ servavit. Sed res felicius cessisset, si visum non amisisset. Fuit tamen clades illa religiosæ mentis, & immodicæ charitatis in Deum testis locupletissima: fuit & ornamento, datum est enim Metello, ut curru veheretur in curiam, qui honor nulli ejus ordinis ad in. tempus contigerat. Quid nos Chri-

stiani,

Hic illud verissimum, *Amanti nihil difficile*. Hoc millies & usque millies inculcandum iis, qui Christi amatores videri volunt, difficilia tamen perferre aut aggredi nolunt. Cum enim adversa ingruunt frigidissimi amatores isti manus, pedesque & omnia membra subducunt, velut erinacei: agere volunt, pati renuunt, volunt tamen inter Christi amicos numerari. Erratis, ô boni toto calo, *Amanti nihil difficile*. Qui amat, non laborat. Solus amor est, qui nomen difficultatis erubescit.

En Sichemum juvenem Hemoris dynastæ filium, qui Dinam Jacobi Patriarchæ filiam deperibat. Difficillimum quid ab hoc juvene, ejusque parente, & omnibus urbis civibus petebatur. Id tamen tam facile visum est juveni, ut id etiam patri ceterisque omnibus persuaserit non difficile futurum. Et en vel indecoro vulnere affici non recusat, modo amore non frustretur. Nam, ut pagina sacra loquitur, amabat valde. *a*

En ipsum Patriarcham Jacob difficilem quæque facillime tolerantem. Pro Rachele toto servit septennio. Spe falsus, pro eadem & altero servit septennio. Denique aliud etiam sexennium impendit difficillimæ ac durissimæ servituti. Hanc ipsam tamen nec ut difficilem, ut nec duram accusavit: quin imo visi sunt ei pauci dies præ amoris magnitudine. *b* Servitus nemini non onerosa, nemini non difficilis, à Iacobo peragebatur viginti annis non sine

g g z

jucund-

cerimus. Modo ille ad Christum suum properaret, viam sibi per hostes, per tela, per ignes aperire nil formidabat. Dignus vel ob hoc divinæ Charitatis exemplum, qui plus in cælo viderit, quàm homini fas sit in terra loqui.

Sed quid attinet in uno alterove hanc purissimi amoris flammam velut digito monstrare, qui hos sane non fatuos, sed sapientissimos ignes ad cælum duces secuti sunt? Petrus, Andreas, & Philippus crucis patibulum non modo non recusarunt, sed velut ad genialem lectulum votis omnibus properarunt, amore duce. Post hos, tot millia Christianorum, qui iisdem ignibus calebant, crucem patulis brachiis amplexati sunt, nec ab ea prius quàm mortui potuerunt avelli. Telis quidam confossi, alii fustibus ad necem cæli, multi lapidibus obruti, non pauci à feris discerpti, aliqui ex alto præcipitati, plurimi flammis, ferro, fame, fluctibus perempti. Mortis genus his dispar, sed Charitatis studium idē omnibus fuit. En amor fabri ferrarii munus exercuit, & gladios, secures, malleos, pectines, radios, craticulas, ungulas, novaculas, rotas, laminas æneas, tunicas molestas fabricavit, ut animos satiaret amantiū, qui à Christo invitati mortem amoris suo libentissime impenderunt.

Noverant hi omnes sub larva mortis latere vim resurgendi, sub specie odii summam dilectionem regi; cum ad labores trahimur, ad requiem vocari; cum undequaque premimur, ad cælum attolli.

dum vestis. Ergo ventilatur vertex, pileus ponitur, solvitur sinus, rejicitur penula, segregatur toga; jamque umbraculum prospicit, aut flumen quo se mergat viator. Ita penes solem stetit victoria.

Quod sol in viatore, hoc amor in quovis homine potest. Videte hominem avarum Boreali frigore torpentem, ut sese reculis suis involvat, unde quaque attrahit, nec una domo contentus, insulam appetit, nec unum ei pradium satis est, latifundia emit; multiplicat famulos, vestes, suppellectilem. Quid mirum? Fiat Boreas, urgent Mammon & Plutus. At quos amoris sol usserit, ii longè aliter se tractant, arcas referant, stipem erogant, pauperibus vestes, cibos, pecuniam donant, viduas & pupillos juvant, templa muneribus ornant; & in medium secat pallium Martinus, indusium cum veste projicit Franciscus, amictum omnem pretiosum exuit & mendico tradit Ignatius. Innumeros alios amoris sol ita affecit, ut sua omnia darent, modo Christum retinerent. *Amanti nihil difficile.* Compendiaria ad cælum via est amor. Amor omnes in se transfert affectus: amor omnia contemnit in amati gratiam. Amantium corda locus sunt, quem amantium animæ habitant, ubi si non sunt, nusquam sunt. Emigrare illinc oportet omnia reliqua, quo amor ingreditur; ille occupat, ille impellit, nunquam cohibetur.

Eleganter & vere Chrysologus: Caritas nescit peccare, inquit, cum diligit; Caritas non est caritas si delinquit; Caritas.

jucunda facilitate. Non est amara servitus, non est dura necessitas, ubi diligitur quod iubetur. *Amanti revera nihil difficile.* Quod & beatus Hieronymus affirmans: Diligamus Deum, inquit, & facile videbitur omne difficile. Ejusdem omnino sententiæ Petrus Chrysologus: Ama Deum, ait, & ama totus, ut possis omnia sine labore vincere peccata. *a* Nil durum, nil grave, nil amarum computat verus amor. Amor est impenetrabilis lorica, quæ gladium excurrit, jacula repellit, periculis insultat, mortem irridet. Si amor est, vincit omnia.

a Chrysol. serm. 94. mihi pag. 249.

S. V.

Suidas apologum recitans: Sol, inquit, & Boreas certarunt inter se, uter expediri viatorē vestibis spoliaret. Boreas initium facere, frigus & hiemes efflare, horrendum furere, & omni conatu id agere, ut viatoris capiti pileum, aut lateri pallium diriperet. Sed frustra fuit: Nam ubi hoc agi viator sensit, rei suæ satagens pro viribus obniti coepit, pileum, ne avolaret, stritius sibi appressit; pallium, ne viventi abriperetur, brachiis subjecit, imo se illo involvit. Et jam ea contentione fractus animum despondit Boreas. Sol studio vincendi, radios & æstum intendere, viatorem suaviter ferire, ignes occultos coepit jacere. Ardebat jam & fumabat viatoris vertex, fauces arebant, humeri languebant, per omne corpus fluebat sudor. Ipse homo jam sibi grave pondus fuerat, ne-

clum

stre & arduum, sedes Angelorum instaurare, quos rapuit secum Lucifer. Bonum erat tibi, ô nobilissime Angelorum, si ignifer potius fuisses quàm lucifer, Charitas tibi defuit pars optima Humilitatis. Defuit tibi & Humilitas pars maxima Charitatis. Vult igitur Christus, ait Bernardus, Seraphim fabricare, ut ibi stent unde tu corruisti. *a* Ne mireris, Christiane, hominem sublimem & volantem, hominem sex alarum, hominem Seraphim factum, nam Dominus Seraphinorum factus est homo. En Magdalenam è sordibus & flagitiis erutam amore in Seraphini mutatam. Divinæ Charitatis alis sapius de die in altum subvehitur. Hinc inter cælum & terram lis est orta, cælone an terræ sit assignanda. Cum elevaretur, eam sibi asserbat cælum, velut Angelum, velut è Seraphinis unum. At reclamans terra: Mihi detur, ait, quia mulier est, quia peccatrix est. Hic Amor velut arbiter, sententiam dixit: Jam pridem desit esse peccatrix, mutata in Angelum, quia dilexit multum.

Pro superi! Inauditum est hydropicum aqua satiatum esse! non minus admirandum est amorem amore impletum dicere, Satis est; *dilexit multum*. Nil erat difficile amanti. Hanc amoris sententiam Apostolorum Collegium approbavit: nam cum omnes nocte illa mœstissima metus mortis occuparet, divinus ardor Magdalenam inflammavit; *dilexit multum*. Huic

88 4

sen-

a Bernard. serm. 3. de verbis Isa. c. 6. Vidi Dominum, &c.

ritas Dei est custos sanctitatis. *a* Adeoque verissimum est illud Augustini: *Amor est omnis virtus*. Amanti nihil difficile. Petrum in Olivarum clivo aspice; senem armavit amor contra exercitum, inermem contra armatos cuneos, Apostolum contra carnifices, piscatorem contra milites, tiro- nē contra veteranos, Galilaum contra tot Romanos, discipulum Christi contra tot voraces lupos. Vis hæc solius fuit amoris, qui unū tot centuriis armatorū opposuit.

Sed Petro pæne fortior Magdalena. Adest illa præveniens solem, pretiosis unguentis instructa, amore munita. Sed quo tendit obsecro? num ad sepulchrum, immani saxo clausum, tot militum manipulis vallatum? Quid meditaris mulier? num infans? tune una excubias armatas per- rumpere? tam grande saxum amovere? de- functi corpus ungere, imo vero & tollere? si vis tollere, quare vis ungere? Nescio, ait, neque enim aliud scio quàm amare. *Ego eum tollam*. Verissime *Amanti nihil est dif- ficile*. Maria autem stabat ad monumen- tum foris plorans. *b* Amor, inquit Orige- nes, faciebat eam stare, & dolor cogebat eam plorare. Ab eo die per annos trigin- ta duos plorare non desit, nec amando stare, imo etiam volare dedicit amando, & in die sæpius in altum extolli.

a Chrysolog. form. 94. *b* Ioan. c. 20. v. 11.

S. VI.

Elegantissimè Bernardus: Arcanum gran- de Christus detegens: Ignem, inquit, veni mittere in terram. Opus meditabatur illu- stre

§. VII.

Fuit olim qui se ante suam mortem quotidiana tabe pramori sentiebat. Itaq; ob viciniam mortis nonnihil anxius, quaesivit ex homine religioso: Quid oro faciã? magnis passibus ad sepulchrum propero: vocor palam ad plures. Neque hic moram licet trahere, eundum est. Tu ergo, vir optime, suade ac doce, qui multa brevi temporẽ queam perficere. Compendio hic opus est. Hoc enim jam totus agam, ut in via sim ad cælum, quo tamẽ non perveniunt, uti scis, nisi virtutis cultores. Huic religiosus senex: Non est, inquit, quod trepides: A M A, & numeros omnes explesti: Deum, inquam, ama, & tuum est cælum. Sed dices forsan: Jam amo Deum. Ergo magis ama. In dies, imo in horas, imo & in momenta hoc aurũ augeri potest; tanto auctiorẽ reddes divinam gratiã, tantoque cumulationem efficies cælestem gloriam, quanto magis auxeris tuum in Deum amorem. Deum nemo gratis amat: præsens redditur moneta, donum gratiæ, cui æquali gradu jungetur præmium futuræ gloriæ. Ergo si à promeritis censeris vis opulentus, *Deum ama*, tanto futurus opulentiore, quanto Dei amantior. Vires tuæ fortassis impares sunt jejuniis, ciliciis, flagellis, aliisque carnis castigationibus? exhaustum corpus graviores labores respuit? En laborẽ facillimum simul & suavissimum, *Deum ama*, & satis laboratum est. Plus omnibus laborat, qui Deum sincere amat.

Nec utilior sane, nec brevior esse po-

sententiæ applausērunt Angeli, testes oculati: Vidimus eam, ajunt, digressis aliis ad monumentum plorantem; *dilexit multum*. Eidem sententiæ beatissima Virgo Mater subscribens: Individua doloris & amoris comes, aiebat, in gravioribus mœroribus me nusquam deseruit; *dilexit multum*. In eandem sententiam ivit Joannes Evangelista, qui sine æmulatione fassus: Me teste, inquit, ad crucem amplexandam, ad osculandos Magistri pedes accurrit, penetravit, adstitit, perseveravit, *dilexit multum*. Et tu ereme ac solitudo, vos quercus & inviæ rupes quam fertis sententiam? Vtique non aliam, ajunt, quam illam amoris, *dilexit multum*. Nobis testibus modo ad cælum velut Seraphim efferebatur, modo ad terram ut pœnitentiæ magistra demittebatur, *Amanti nil erat difficile*. Magdalena re alia nulla summam amoris avaritiam exsaturare potuit, quàm amore. Ut enim rectissime Bernardus affirmat: Verus amor seipso contentus est. Amor amore satiatur. Amas? satis est. Jam legem implesti, jam amorì respondisti, jam cælum obtinuisti. Nescit amor mentiri, recusat tegi: prodit se ignis & amorem suum loquitur. Amor summa gratiarum est, & præmium gloriæ non requirit, sed meretur, seipso contentus, in seipso & gratia sibi & gloria est. Amor omnia potest, & Deum vincere, & cælum rapere; *Amanti nihil difficile*.

a Bernard. de diligendo Deo, c. 3.

virtutis definitio est : ORDO AMORIS. Amemus charitatis miracula, quod Gregorius monet, quæ tanto sunt securiora, quanto & occultiora, & de quibus apud DEUM eo major sit retributio, quo apud homines minor est gloria. *a* Dictorum omnium clausula sit divini Pauli monitum : Super omnia autem hæc charitatem habete. *b*

a Greg. l. 18. mor. c. 15. *b* Coloss. c. 3. v. 14.

ACTIONES

AMORIS IN DEVM.

1. Divinus Paulus plures simul recenset Amoris actiones. Charitas patiens est, benigna est. Charitas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum: non gaudet super iniquitate: congaudet autem veritati. Omnia suffert, omnia credit, omnia sperat, omnia sustinet. *a*

2. Plures alii amoris actus compendio hi numerantur. 1. Pronissimo affectu cupere Deum videre. 2. Sua Deo bona omnia velle, uti sunt sapientia, bonitas, potentia, &c. 3. Impense gaudere, Deo ab Angelis, Beatis, probis omnibus servire. 4. Vnice desiderare, ut res creatæ omnes honori divino sese impendant. 5. Animo dolere ob omnes in Deum injurias, & à se, & ab aliis commissas. 6. Aversari omnia
quæ

a 1. Cor. c. 13. v. 4. & seqq.

test præceptio, præ hac una, Deum ama, Plenitudo legis est dilectio. *a* Ad hanc Augustinus stimulos subdens, Frumentum, inquit, si haberes in inferioribus, ne putresceret, levares ad superiora. Frumento tuo quaris mutare locum, & cor permittis in terra putrescere: Frumentum levares in superiora, cor leva in cælum. Et unde, inquis, possum? qui funes, quæ machinæ, quæ scalæ opus sunt? Gradus, affectus sunt: iter tuum, voluntas tua est. Amando ascendis, negligendo descendis. Stans in terra, in cælo es, si diligas Deum. Si ergo amator Dei esse vis, sincerissimis medullis castisque suspiriis illum dilige, ipsum ama, illi flagra, illi inhia, quo jucundius nihil invenis, quo melius, quo latius, quo diuturnius. Quid enim tam diuturnum, quàm quod est sempiternum? Non times, ne aliquando à te pereat, qui facit ne tu pereas. *b*

Quid ergo tibi placet in saculo? Quid est quod vis amare? Quocunq; corporis sensus converteris, occurrit tibi cælum, occurrit tibi terra. Undique pulchritudo operis tibi commendat artificem. Miraris fabricam, ama fabricatorem. Non ita occuperis in eo quod factum est, ut recedas ab illo qui fecit. Hæc enim quibus occuparis, sub te fecit, quia sub seipso te fecit. Si hærebis superiori, calcabis inferiora: si autem recedas à superiore, ista tibi in supplicium convertentur. *c* Vera igitur & brevissima

virtu-

a Rom. c. 13. v. 11. b Aug. in Psal. 85. mihi pag. 384. & 385. c Idem in Psal. 145.

est. Quo sensu verissimum est Aristotelis scitum: Vnicuique concupiscenti delectabile est ea cogitare: quæ concupiscit.

5. Verus amor ipsas etiam pœnas amat, omne quod affligit, requiem putat, amarum omne dulce æstimat, idque in gratiam amati. Qui amat, aut non laborat, aut ipsum amat laborem. Quod Augustinus disertissimè affirmans: Nullo modo, inquit, sunt onerosi labores amantium, sed etiam ipsi delectant, sicut venantium, aucupantium, piscantium, vindemiantium, negotiantium, ludo aliquo sese oblectantium. Interest ergo, quid ametur. Nam in eo, quod amatur, aut non laboratur, aut ipse labor amatur. Et vide quàm pudendum & dolendum sit, si delectat labor ut fera capiatur, ut cupa & sacculus impleatur, & non delectat ut Deus acquiratur. ^a Omnia sæva & immania, prorsus facilia, & prorsus nulla efficit amor. ^b Nec enim mortem formidat amor, sed exire festinat, ut citius ad amatum perveniat. Dura omnia laborantibus, amantibus mitescunt.

6. Amor Dei inter opprobria securus, inter odia beneficus, inter iras placidus, inter invidias tutus, inter pericula generosus, in tentatione magnanimus, inter amicos lætus, inter inimicos intrepidus, in adversis tolerat, in prosperis temperat, in omnibus invictus est.

7. Verus Dei amor non est mercenarius.

^a Aug. tom. 4. de bono Viduitatis c. 21. mihi pag. 327. ^b Idem tom. 10. serm. 9. de verbis Domini c. 2. mihi pag. 14.

quæ quis Deo displicere cognorit. 7. Sua omnia & seipsum ad quævis patienda offerre Deo. 8. Divini regiminis providentiam ubique agnoscere & extollere. 9. Amoris augmentum & perseverantiam assiduis precibus efflagitare. 10. Vnicam in omnibus Dei Voluntatem sibi sequendam proponere. Amor cum fervet, singulis horis aliquot ex actibus hic nominatis elicit.

3. Princeps amoris actus est, serio constituere, omnem Dei legem exacte observare. A Christo hoc discimus: Qui habet mandata mea, & servat ea, ille est qui diligit me. Si diligitis me, mandata mea servate. *a* Hinc Augustinus: In tantum, inquit, Deum diligimus, in quantum ejus præcepta observamus. *b* Verissima beati Gregorii vox est: Probatio dilectionis, exhibitio est operis. *c*

4. Amor Dei verus in omnes curas & cogitationes hominis dominatur, quis suaviter ad Deum trahit. Eodem modo totam sibi voluntatem vindicat, quam cum Deo conglutinat. Voluntas vero sic divinæ Voluntati agglutinata ceteras post se animæ vires trahit. Hinc illud Augustini: Pondus meum, amor meus: quocunque feror, amore feror. Minus Domine te amat, qui aliquid tecum amat, quod non propter te amat. Veræ Charitatis evidens est indicium, amata rei crebra cogitatio: ubi enim thesaurus tuus, ibi & cor tuum est.

a Ioan. c. 14. v. 15. & 21. *b* Aug. tract. 82. in Ioan. c. *c* Greg. hom. 30. in Evang.


continuum Beatorum amorem modulo suo imitari nititur.

10. Divinus amor seipsum experitur in homine, in quo Deum agnoscit & veneratur. Quicquid enim benevolentiae & affectus exhibere vult Deo, id exhibet homini, perinde ut Deo, certè ut imagini Dei. Qua quidem ratione facit, quod in comœdijs fieri solet, quas prius in scenicis vestibulis, & choragio theatri velut privatim agere solent, dein honoratissimum quemque spectatorem publicè amittunt. Ita prorsus amor seipsum explorat in *Charitate proximi*. Res certa, qui proximum non diligit, nec Deum deligit. Et qui nondum amare vult inimicos, Deum adhuc odisse convincitur. Si hominem tibi similem, & quem vides, non diligis, quomodo diliges Deum quem non vides? Hic Augustinus epilogi vicem testis locupletissimus: Dilectio, inquit, sola discernit inter filios Dei & filios diaboli. Signent se omnes signo crucis Christi; respondeant omnes, Amen; cantent omnes, Alleluja; baptizentur omnes; intrent Ecclesias, faciant parietes basilicarum; non discernuntur filii Dei à filiis diaboli, nisi charitate. Qui habent charitatem, nati sunt ex Deo; qui non habent, non sunt nati ex Deo. Magnum iudicium, magna discretio. Quidquid vis, habe, hoc solum non habeas, nihil tibi prodest. Alia si non habeas, hoc habe, & implesti legem. Sed ubi debemus nos exercere? In amore fraterno. Potes mihi dicere: Non vidi Deum. Nunquid

rius. Amor perfectus est, cum se animas humanus num omnibus suis viribus ardenter infundit Deo, adeoque summo bono propter illius sanctitatem, bonitatem, beatitudinem, perfectionem afficitur. Qui amat Deum, ut sibi bonus sit, & beatitudinem communicet, hic nondum perfecte amat. Et quavis amor præmium non ambit, non tamen sine præmio diligit. Amori causa diligendi Deum, Deus est; modus, sine modo diligere. In ceteris rebus mediocritas suadetur, in amore quanto quis immoderatio, tanto erit Deo charior.

8. Divinus amor sedulo cavere solet minimos etiam conscientia navos, qui amorem si non extinguunt, certe minuunt, & viam sternunt ad graviora. Divinus amor omnes actiones suas exactissime ac perfectissime conatur peragere, cum sincero proposito soli Deo placendi, nec ulli alteri nisi propter Deum: tantumque studii cuivis operi impendit, ac si illud ultimum sit, & omnis ab eo salus pendeat.

9. Actuosius amoris divus Thomas tres præcipue gradus statuit. Primus atque infimus est, non admittere aliquid. Charitati contrarium, quale foret creatori rem creatam præferre. Alter est, solerter ad tollenda omnia amoris impedimenta conitti, sive peccata sint, sive alia quæcunque, uti est curarum ac negotiorum multitudo, & occasiones delinquendi. Tertius est, amor panè assiduus, qui ferè semper in actu est, quem *Vnitivum* vocant, qui con-



quid potes mihi dicere : Non vidi hominem ? Dilige fratrem : si enim fratrem, quem vides, dilexeris ; simul videbis & Deum, quia vides ipsam charitatem. ^a Sit ergo spes nostra, Deus noster. Qui fecit omnia, melior est omnibus : qui fortior, fortior est ; qui magna, major est : quicquid amaveris, ille tibi erit. Disce amare in creatura creatorem, & in factura factorem : ne teneat te quod ab illo factum est, & amittas eum à quo & ipse factus es. ^b Vae tali amori, qui suspicatur aliquid pulchrius, quàm sit ille à quo est omne pulchrum. Ergo qui verè amat, hominem etiam inimicum debito amore prosequitur, ut à se amari Deum testetur.

^a Aug. tom. 9. in 1. epist. Ioan. tract. 5. mihi pag. 250.

^b Idem tom. 8. in Psal. 39. circa med. mil. pag. 142.

F I N I S.





BC845246



